



Ա. Մ. ՄԵԼԻՔՅԱՆ - ԲԵԿ

ՀԱՅ ԳՐՈՂԵՐԵՐԸ
ԵՎ
ՎՐԱՍՏԱՆԸ





ԳՐԱԿԱՆՈՒԹՅՈՒՆ

6



ՀԱՅԿԱԿԱՆ ՍՍՈՒ ԳԻՏՈՒԹՅՈՒՆՆԵՐԻ ԱԿԱԴԵՄԻԱ

Մ. Ա.ԲԵՂՅԱՆԻ ԱՆՎԱՆ ԳՐԱԿԱՆՈՒԹՅԱՆ ԽԱՍՏԱՏՈՒՏ

Լ. Մ. ՄԵԼԻՔՍՅԵԹ -ԲԵԿ

ՀԱՅ ԳՐՈՂՆԵՐԸ ԵՎ ՎՐԱՍՏԱՆԸ

ՆՑՈՒԹԵՐ ԵՎ՝ ԱԿՆԱՐԿՆԵՐ

ԳԻՐՔ Ա.Ռ.ԶԻՒ

ՀԱՅԿԱԿԱՆ ՍՍՈՒ ԳԱ ՀՐԱՄԱՐԱԿՈՒԹՅՈՒՆ
ԵՐԵՎԱՆ 1964

АКАДЕМИЯ НАУК АРМЯНСКОЙ ССР
ИНСТИТУТ ЛИТЕРАТУРЫ ИМЕНИ М. АБЕГЯНА

891.99.09

Л. М. МЕЛИКСЕТ-БЕК

АРМЯНСКИЕ ПИСАТЕЛИ
И ГРУЗИЯ

(МАТЕРИАЛЫ И ОЧЕРКИ)

КНИГА ПЕРВАЯ

A 347205



ИЗДАТЕЛЬСТВО АН АРМЯНСКОЙ ССР
ЕРЕВАН

1964

«ԳՐԱԿԱՆ ԿԱՊԵՐ»

ՄԱՏԵՆԱՇԱՐՈՎ ԼՈՒՅՍ ԵՆ ՏԵՍԵԼ

1. Ա. Բաբայան, Շիլկերը և հայ գրականությունը, 1959:
2. Ա. Դանիելյան, Լերմոնտովը և հայ մշակույթը, 1960:
3. Գ. Հովհաննես, Ռուս-հայ գրական կապերը XIX—XX դարերում, գիրք առաջին, 1960:
4. Գ. Հովհաննես, Ռուս-հայ գրական կապերը XIX—XX դարերում, գիրք երկրորդ, 1961:
5. Հ. Գասպարյան, Վ. Հյուգոն հայ գրականության մեջ, 1962:

ԵՐԿՐԻ ԽՈՍՔ

Սովետական ժողովուրդների գրականությունն ամենաառաջավոր և գեմոկրատական գրականությունն է մարդկության հանձարի գանձարանում: Նրա ամենաակտուալ և ազնիվ նշանաբաններից մեկն է՝ ծառայել ժողովուրդների համերաշխության ու եղբայրակցության վսիմ գաղափարին:

Սովետահայ գրականությունը ևս արտացոլում է ժողովուրդների բարեկամությունը և բարի գրացիական փոխհարաբերությունները:

Սակայն այդ գիծը նոր չէ սովետահայ գրականության, ինչպես և սովետական մյուս ժողովուրդների գրականությունների համար: Դա զալիս է XIX—XX դարերի հայ գեմոկրատական և ուսուցչություն-դեմոկրատական գրականությունից, ինչպես և նախորդ դարերի առանձին գրողների ավանդներից, որտեղ որոշ շափով արծարծվել է, ի միջի այլոց, և հայ-վրացական (վրաց-հայկական) փոխհարաբերությունների թեման:

«XIX—XX դդ. հայ գրողները և Վրաստանը ժիման, որին նվիրված է ներկա մեր աշխատությունը, նպատակ ունի ներկայացնելու XIX դարի և XX դարի սկզբների հայ գրողների գործունեությունն ու ստեղծագործությունը կապված Վրաստանի հետ, սակայն այնքանով, որքանով Վրաստանը և նրա սքանչելի բնությունը, վրաց ժողովուրդը, նրա անցյալն ու ներկան, նրա նիստն ու կացը, վարքն ու բարքը այս կամ այն շափով ստացել են իրենց արտացոլումը հայ (արևելահայ) գրողների գերազանցապես գեղարվեստական (արծակ և շափածո) երկերում, մասամբ նաև այլ բնույթի գրվածքներում:

Աշխատությունը ծրագրված է երկու գրքով, որոնցից ներկա՝ առաջին գիրքն ընդգրկում է այն գրողներին, որոնց գործունեությունը գրեթե լիովին XIX դարով է սահմանափակվում: Իսկ երկրորդ գրքում տեղ կգտնեն XX դարի նախասո-

վետական սերնդի այն գրողները, որոնք գործել են նաև XIX դարում:

Ելնելով գրողների ստեղծագործության բնույթից, մենք մոտեցել ենք յուրաքանչյուրին՝ հաշվի առնելով նրանց սպեցիֆիկան. ուստի և մեր տեսության եղանակը տեղ-տեղ զուտ նկարագրական է, տեղ-տեղ համեմատական կամ պատմահամեմատական, երբեմն էլ պատմա-ժամանակագրական:

Շարադրության ամբողջ ընթացքում հանդիպող մեջբերումները՝ թե՛ գրաբարային և թե՛ բարբառային՝ մենք նպատակահարմար ենք գտել թողնել նույնությամբ, իր հարազատվիճակում, շվերածելով այն գրական աշխարհաբարի:

Առանձնապես մեր ուշադրության կենտրոնումն է եղել թիֆլիսի բարբառով առկա գրականությունը կամ, ավելի ճիշտն ասած, բարբառային գրանցումները, որոնք հասել են մեզ անբավարար վիճակում, մի կողմից, այն պատճառով, որ նրանց գրի առնողները լիովին չեն տիրապետել այդ բարբառին, ուստի և այդ գրանցումները կատարելությունից զուրկ են, և մյուս կողմից՝ այն պատճառով, որ ուղղագրության երկից (1921 և 1940 թթ.) կատարված ոեֆորմների հետևանքով այդպիսիները հետագա խմբագիրների կողմից աղավաղվել են: Երկու գեպքումն էլ, եթե մենք ամբողջությամբ կամ կրծատումով բերել ենք այս կամ այն բանաստեղծությունը կամ արձակ կտորները թիֆլիսի բարբառով, միշտ աշխատել ենք այդպիսիները ծայրե ի ծայր ուղղել ըստ այդ բարբառի ուղղագրական և ուղղախոսական նորմաների:

Իբրև առաջին փորձ այսօրինակ գործի, մեր աշխատությունը, իհրակե, զուրկ չի լինի թերություններից, որոնց առթիվ սպասում ենք անաշառ քննադատների դիտողություններին:

ՆԵՐԱԾՈՒԹՅԱՆ ՓՈԽԱԲԵՆ

Հայ գրողները, այդ թվում պատմագիրները, ժամանակագիրները, աշխարհագիրները, տաղերգուները, ողբասացները և այլն, հնագույն ժամանակներից սկսած իրենց երկերում պատկերել են հայ ժողովրդի կազմը և փոխհարաբերությունները եղբայրակից վրաց ժողովրդի հետ՝ ռազմական, քաղաքական-հասարակական և կուլտուրական գործունեության բնագավառում, հաճախ նույնիսկ հատուկ և ընդարձակ էջեր կամ զլուկաներ նվիրել Վրաստանի անցյալի այս կամ այն պարագային, երեմն և իրենց ժամանակակից անցքերին:

Ահա Կորյունի կամ, ավելի ճիշտն ասած, «Վարք Մաշտոց»-ի հետագա վերամշակողի կոնցեպցիան հայոց, վրաց և աղվանից այբբենների հորինման հանգամանքների մասին։ Ագաթանգեղոսի կամ «Հայոց դարձի պատմության»/հետագա վերամշակողի (Հունական-արաբական վերսիայի) կոնցեպցիան հայոց, վրաց, արխազաց և ալանաց «դարձի» մասին՝ Գրիգոր Պարթեի ձեռքով։ Ղազար Փարավեցու նկարագրությունը հայոց և վրաց համերաշխ համագործակցության մասին Սասանյանների տիրապետության դեմ՝ Վահան Մամիկոնյանի և վրաց թագավոր Վախտանգ Գորգասալի ղեկավարությամբ։ Մովսես Խորենացու պատմության Բ գրքի 86-րդ գլուխը «Յաղագս նունէի երանելոյ, եթէ ո՞րպէս եղև պատճառք փրկութեան Վրաց» թեմայով, որտեղ նուննի «առաքելությունը» Վրաց երկրում դիտված է Գրիգոր Պարթեի հետ համագործակցության լույսի տակ, նաև այլ տվյալներ Վրաստանի անցյալից (Հերակլի պաշտամունքը, սեփեծույկ և այլն)։ Անանիա Շիրակացու «Աշխարհացուց»-ի մեջ տված մանրամասն նկարագրությունները Եկերաց աշխարհի կամ Կողքիսի (Արևմտյան Վրաստանի) և Վիրքի կամ Իվրիայի, այսինքն Քարթլիի (Արևելյան Վրաստանի), աշխարհագրական դիրքի, բնական հարստությունների և վարչական կազմի մասին։ «Գիրք

թղթոց»-ի մեջ ժողոված վավերագրերը հայոց և վրաց եկեղեցական փոխարաբերությունների և բաժանման շուրջը: Ուստանես Ուռհայեցու (Եղեսացու) հատուկ երկասիրությունը, նույն վավերագրերի օգտագործումով. «Պատմութիւն բաժանման Վրաց ի Հայոց» թեմայով: Ահարոն Վանանդացու հատուկ երկասիրությունը, Մովսես Խորենացու շարադրության հետևողությամբ. «Պատմութիւն սրբոյն նշանին նունէի, վրաց տան առաջնորդի» թեմայով: Կեղծ-Շապուհ Բագրատունու և Մատթեոս Ուռհայեցու (Եղեսացու) պատմություններում տրված տեղեկությունները Քարթլիի կենտրոն ներկայացնող Գորիքագրի մասին: Անանիա Սանահնեցու և Հովհաննես Սովետոս Հաղբատացու վկայությունները հայ-վրացական փոխարաբերությունների մասին, այլև տվյալները (Մատթեոս Ուռհայեցու հաղորդածի հետ միասին) Դավիթ Շինող վրաց թագավորի և հայերի, մասնավորապես Հովհաննես Սովետոսի, փոխադարձ համակրանքի և սիրո մասին: Դավիթ Քոբայրեցու հիշատակարանը Օրբելների ապստամբության մասին Գիորգի Գ վրաց թագավորի դեմ 1177 թ.: Մխիթար Գոշի հատուկ գրվածքը «Գծագրութիւն յաղագս վրաց» թեմայով՝ գրված 1197—1204 թվականների անցքերի կապակցությամբ: Մտեֆանոս Օրբելյանի «Պատմութիւն Տանն Սիսական»-ի 86-րդ գլուխը, որը ներկայացնում է իրենից վրաց իշխան Օրբելների պատմությունը հնագույն ժամանակներից սկսած մինչև նրանց հաստատվելը և հայանալը Սյունիքում: Թովմա Մեծոփեցու «Լանդ-թեմուրի պատմությունը», որտեղ առկա է քրիստոնյա վրաստանի միջոցով Հայաստանի ազատագրման տեհնդենցը: Առաքել Դավրիճեցու «Պատմության» հատուկ գլուխները՝ նվիրված Վրաստանի կացության նկարագրությանը՝ կապված կուարսաբ թագավորի և մոռւրավի, այսինքն մեծ մոռւրավ Գիորգի Սաակածեի գործունեության հետ: Զաքարիա Հովհաննավանեցու «Պատմության» մեջ տրված նյութերը իր՝ Զաքարիայի վրացական ծագման և հայ-վրացական փոխարաբերությունների մի քանի խնդիրների շուրջը: Նաղաշ Հովհաննի «Տաղ ի վերայ Գուրչստանայ գողալներուն» սքանչելի բանաստեղծությունը՝ Վրաստանի մայրաքաղաք Թբիլիսիի գեղեցկուհիների ու նրանց վարք ու բարքի նկարագրությամբ:

Սայաթ-Նովան Թբիլիսիի կենցաղն ամփոփող իր անկրկնելի ստեղծագործությամբ՝ երեք, նույնիսկ չորս լեզվով, ինչպես նաև Սայաթ-Նովայի հետորդ Շամշի-Մելքոնի ստեղծագործությունը նույն նյութի շուրջը՝ երկու լեզվով։ Սիմեոն Երևանցու հատուկ գրությունը «Յաղագս շար սովորութեան ի մէրել աղգին վրաց» թեմայով, որտեղ շոշափված է գերիների տուր և առի սոսկալի սովորութի խնդիրը, նկատված արևմտյան Վրաստանում XVIII դարում։ Մի շարք անվանի (որոնց թվում Շամշի-Մելքոնի, Սերոբ գրչի և այլն) ու անանուն հայ պատմիչների և բանաստեղծների երկերը Թբիլիսիի 1795 թվականի սեպտեմբերի 11-ի ավերման նկարագրությամբ, և այլն և այլն և այլն¹:

XIX—XX դարի հայ գրականությունը, մանավանդ նրա արևելյան հատվածը, զարգանալով ոռւս մեծ ժողովրդի գրականության ազատագրական ու առաջադեմ, դեմոկրատական ու ռեռլյուցիոն-դեմոկրատական հոսանքներին համընթաց, թևակոխների է զարդացման գրեթե նույն աստիճանները, ինչ որ ոռւս (նաև վրաց և այլն) գրականությունը, սկսած դասական (կեղծ-դասական) ուղղությունից ու ոռմանտիզմից մինչև դիտողական և ապա քննադատական ռեալիզմը։

Ընդումին, հայ գրականությունը ունեցել է նաև որոշ շփում-ներ վրաց գրականության հետ, որքանով, իհարկե, երկու եղբայրակից ժողովուրդների ստեղծագործության ուղիներն եղել են իրար նման։

Այսպես, օրինակ, վրաց «թերգալեռվնի» (որ նշանակում է Թերեկ գետի ջուր ճաշակածներ կամ խմածներ) կոչված սերնդին հայ իրականության մեջ համապատասխանում են «դորպատյանները», այսինքն «դորպատցիք»։ «Խալխոսների» (սրանք նույն նարողնիկներն են)՝ հայ նարողնիկները, «Յիսկարի» հանդեսի խմբակին՝ հայոց «Հյուսիսափայլ»-ի խմբակը,

¹ Այս աղբյուրների մասնամասն տեսաթյունը տե՛ս մեր գրքում «Վրաստանի պատմության գրավոր աղբյուրների հրատարակությունները. կատալոգ Ա», Թբիլիսի, 1949, էջ 217—310 (վրացերեն) և 329—332 (ռուսերեն)։ Այս նյութը մասամբ զիտված է նաև Վ. Նալբանդյանի գրքում. «Թբիլիսիին հայ մատենագրության մեջ», Երևան, 1958, նույնը վրացերեն, Թբիլիսի, 1959։

որոնք ուստական «Современник»-ի գաղափարների և ուզդության արծարծողներն են և այլն:

Հատուկ ուշադրության արժանի են այսպես կոչված «Երկվորյակները» հայ և վրաց գրականություններում, որոնք, ըստ մեր տեսության, երեք կարգի են:

Առաջին կարգի «Երկվորյակներն» են այն գրողները, որոնք անձնապես կապված էին իրար հետ սերտ բարեկամության թելերով և գործով, օրինակ Գ. Սունդուկյանը (1825—1912) և Ալակի Շերեթելին (1840—1915):

Մյուս կարգը՝ այդ այն գրողներն են, որոնք իրար հետ անձամբ ծանոթ լինելով՝ իրեն հրապարակախոսներ թունդ վիճաբանում էին իրենց պարբերականների էջերում, օրինակ Գր. Արծրունին (1845—1892) և Իլիա Շավավաձեն (1837—1907):

Վերջապես, երրորդ կարգը՝ այդ համեմատաբար բազմաթիվ շարքն է այն գրողների, որոնք ոչ մի կերպ իրար հետ կապված չեն, նույնիսկ իրար անձանոթ էին, օրինակ Թաֆֆին (1835—1888) և Ա. Ղազրեղին (1848—1893), Դ. Աղայանը (1840—1911) և Յ. Գոգեբաշվիլին (1840—1912), Գ. Բարիսութարյանը (1835—1913) և իլ. Մաշարելին (1854—1898), Հովհ. Թումանյանը (1869—1923) և Վաժա Փշավելան (1861—1915), Հ. Հակոբյանը (1866—1937) և իրողիոն էվդոշվիլին (1873—1915) և այլն, ընդունին, սակայն, մի հանգամանքի նկատառումով, այն է՝ որ Հովհ. Թումանյանն անձամբ ծանոթացավ և առերես գեթ մի անգամ զրուցեց Վաժա Փշավելայի հետ միմիայն վերջինիս հոգեվարքից մի քանի օր առաջ, անկողնուն գամլած վիճակում:

Մենք այստեղ, իհարկե, չենք հիշատակում հայ այն գրողներին և գերասաններին, որոնք գործում էին վրաց գրականության ասպարեզում (Զուրաբ Անտոնով) կամ միաժամանակ սպասարկում էին երկու գրականություններին և թատրոններին (Սկանդարով—Սկանդար—Նովա, Հաղիր, Գ. Բաշինչաղյան, Գեղեռնով—Միրաղյան և այլն):

Սակայն Թիֆլիսը, լինելով արևելահայության մտավոր կենտրոններից մեկը, զուցե և ամենանշանավորը (Էջմիածին—Բաքու—Նոր Նախիջևան—Մոսկվա—Պետերբուրգի կող-

քին), չէր կարող իր կնիքը չգնել այստեղ ապրող ու գործող հայ գրողների և հասարակական-քաղաքական ու կուլտուրական գործիչների վրա, որը և գտել է իր արտահայտությունն ու արտացոլումը համապատասխան գրական ժառանգության մեջ:

Եվ ահա այդ ժառանգության տեսությունն է, որ քննության է առնված ստորև՝ ըստ առանձին հեղինակների կամ հեղինակների խմբերի:

Կարեոր ենք համարում նշել նաև այն, որ մեր տեսության մեջ մտել են և այնպիսի գրողներ, որոնք իրենց ստեղծագործությունների մեջ, թեև չեն արտացոլել վրաստանն ու վրացիներին, սակայն թարգմանվելով վրացերենի՝ մտել են վրաց թարգմանական գրականության գանձարանը:

Միաժամանակ, ինքնըստինքյան հասկանալի պիտի լինի, թե ինչու մեր տեսությունը սահմանափակվում է հայ գրողների միմիայն արկելահայ հատվածով, իսկ արևմտահայ գրողների մասին գրեթե ոչինչ չենք խոսում:

ԱՅՈՒՂՆԵՐ

Աշուղների կապը Վրաստանի և վրաց ժողովրդի հետ արտահայտվել է, մի կողմից, նրանով, որ նրանք ստեղծագործելով ու երգելով երկու, երեք, չորս և նույնիսկ հինգ լեզվով, օգտագործել են և վրացերենը։ Այսպիսիներն են Սայաթ-Նովացից հետո՝ Շամշի-Մելքոն, Գյուրգյար-օղլանը, Զավլանը, որոնք ստեղծագործել են երեք լեզվով՝ հայերեն, վրացերեն ու ադրբեջաներեն կամ պարսկերեն, և Միսկին-Բուրջին, որը մի խաղ ունի հորինած 5 լեզվով՝ հայերեն, վրացերեն, ադրբեջաներեն, պարսկերեն և ռուսերեն։ Մյուս կողմից, մի շարք աշուղների կապը Վրաստանի հետ արտահայտվել է նրանց կեղծանոնի մեջ, որտեղ հանդես է գալիս կամ Վրաստանը, օրինակ՝ Գյուրջի-օղլի, Գյուրջի-նավե, կամ Վրաստանի մայրաքաղաք Թիֆլիսը, օրինակ՝ Թիֆլիզ-նարգիզ, Թիֆլիզ-Յաղդուզ։

Աշուղների տեսության մեջ առանձնապես պետք է ընդգծել Շամշի-Մելքոնին (մոտ 1750—մոտ 1830 թթ.), որը հայերենի հետ զուգահեռաբար ստեղծագործել է և վրացերեն։ Վերջին-ներից մեզ հասել է 8 խաղ։

Ընդհանրապես բանաստեղծ Շամշի-Մելքոնի ստեղծագործության (թե՛ հայերենի և թե՛ վրացերենի) մեջ հանդես է գալիս հին Թիֆլիսը, նրա 1795 թվականի սեպտեմբերի 11-ի ավերման նկարագրությունը, քաղաքի արհեստավորական և առհասարակ ցածր խավի՝ կոշկակարի, մոռմագործի, այգեպանի և այլն բնութագիրը, Թիֆլիսի նիստն ու կացը, ժողովրդի հավատալիքները, սնոտիապաշտությունը և այլն։ Խաղերում հանդես են գալիս ոչ միայն Թիֆլիսը, այլև արվարձանները, օրինակ Զիթախենց ու Պենտելենց այգիները և Վերան, նրա շրջակայքը՝ Թելեթը, Մառնեուլը, Տալավերը, Մաշավերը (Շավի), Սղնախը և այլն¹։

¹ Մանրամասնությունները տե՛ս Լ. Մելիքսեր-Բեկ, Շամշի-Մելքոն և նրա հայերեն խաղերը, Երևան, 1958։

Տվյալ շրջանի աշուղները, որոնք գործում էին Թիֆլիսում կամ այսպես թե այնպես կապված էին նրա հետ, բազմից Հիշատակում են Թիֆլիսը, իսկ ոմանք նույնիսկ նրա արվարձանները:

Այսպես, օրինակ, Մելքոնյանը, նկատի ունենալով տեղական պերսոնաժներից «Նինո ջան»-ին և «Թեյլա Թամար»-ին, բացականչում է.

Յարաբ Նավթլուխը ի՞նչպես տեղ է,

Ոնց քաղաք է, ոնց թե գեղ է¹:

Ոմանք էլ տեղ-տեղ օգտագործում են վրացական բառեր, օրինակ «կոնա-թայդուլ» (Նարինջ-օղլանը) և այլն:

ՀԱՅ ԱՇՈՒՂԵՆԵՐԸ ՎՐԱՅ ԳՐԱԿԱՆՈՒԹՅԱՆ ՄԵջ

1. Լ. Մելիքսեր-Թեկ, Հայ Հին գրականության պատմություն, Թբիլիսի, 1941, էջ 208—215:

¹ «Հայ աշուղներ», Թիֆլիս, 1903, էջ 261:

ԳԵՐԲԻ ԽՈՒԹԵԿԱՅԱՆ

(1762—1829)

Գեորգ Մելքիսեդեկյան Խուբովը, Սիմեոն կաթողիկոսի եղբորորդին, ծնվել է Երևանում։ Արևելյան Վրաստանը Ռուսաստանին միանալուց հետո նա գաղթում է Թիֆլիս, նախօրոք այնտեղ ուղարկելով իր ընտանիքը և եղբորը։ Թիֆլիսում Գեորգը երկար շի մնում, ըստ Երևույթին իր գործունեության համար այստեղ հարմար ասպարեզ չգտնելու պատճառով։ Սակայն նա հաջողացրել է այստեղ Վրաստանի ազնվականի կոչում ձեռք բերել, որը և օգտագործել է հետագալում՝ Հյուսիսային Կովկաս (Ղղլար), Աստրախան և Պետերբուրգ անցնելու միջոցին։

Նրա գրական գործերից երկուսը պատմագրական են («Արժանահիշատակ անցքերի նկարագրությունը», 1778—1809 թվականներ, և «Գավազանագիրքը» 1814 թվականից հետո) և մեկը բանաստեղծական («Երգարան», 1825)։ Վերջինում տեղ են գտել մի շաբք ներբողներ, կապված XIX դարի առաջին քառյակի վրաստանի անցքերի հետ, օրինակ. «Վասն հանդիսավեհութեան քաջահաղթ մեծ զօրապետին Ալեքսեյ Պետրովիչ Երմոլովին¹ ներբողեալ», որը հորինված պիտի լինի 1816—1825 թվականներին, նույնպես և Երևանից Թիֆլիս գաղթած ու այնտեղ բնակություն հաստատած Մինաս Եղիազարյանին նվիրված ձոնը, գրված մինչ 1825 թվականը²։

¹ Գեն. Ա. Պ. Երմոլովը Վրաստանի կառավարիչ էր 1816—1827 թվականներին։

² Մանրամասնությունները՝ Լ. Մելքիսեդեկյան կուրով (Նյութեր և նոթեր): «Տեղեկագիր», ՀՍՍԾ ԳԱ, 1951, № 2, էջ 55—84։

Ա Ե Բ Ո Վ Լ Ի Ե Պ Ա Տ Կ Ե Ր Ե Յ Ե Ն (1760—1837)

1794 թվականին Սերովը Պատկանյանը՝ կ. Պոլսից փոխագրվելով Թիֆլիս և պաշտոնավարելով՝ մանկավարժական ասպարեզում՝ նախ Թիֆլիսում (1801—1806), ապա նոր Նախիջևանում (1806—1809, 1827—1836) և Աստրախանում (1809—1827, 1836—1837), վերջինում շիվել է (մինչև 1821 թվականը) տեղի ոռուսական թեմի առաջնորդ, ծագումով վրացի՝ Գայիոս արքեպիսկոպոս Բարաթաշվիլու հետ:

Գայիոս Բարաթաշվիլին մինչև եպիսկոպոսանալը XVIII դարի վերջում եղել է Թիֆլավի Հոգևոր սեմինարիայի ռեկտոր, և այդ պատճառով ստացել է «Գայիոս ռեկտոր» հորջորջումը (վախճանվել ու թաղվել է Աստրախանում 1821 թ.):

Ս. Պատկանյանի բանաստեղծություններից երկուսը կապված են վրաց իրականության հետ. ա. «Ոզբ ի հնգեկի հարուածսն Տփիսիոյ»¹ և բ. «Առ Հայրապետն Գայիոս»: Վերջինս ներբող է ակրոստիխի ձևով՝ բաղկացած 6 տնից, որոնք սկսվում են Գ-ա-յ-ի-ո-ս (տառերով):

Ա. ՊԱՏԿԱՆՅԱՆԸ ՎՐԱՅ ԳՐԱԿԱՆՈՒԹՅԱՆ ՄԵջ

1. Ա. Մելիքսեր-Թելի, Վրաստանի պատմության գրավոր աղբյուրների Հրատարակությունները, Կատալոգ Ա., Թրիլիսի, 1949, էջ 298 (մասն Բ, № 88):

2. Դույնի՝ Անձանոթ էջեր Գայիոս-Ռեկտորի մասին, «Թրիլիսիի պետական համալսարանի աշխատություններ», հ. 69, թր., 1958, էջ 385—391:

¹ Հրատարակված է «Կովկաս» ամսագրում, 1847, № 26:

² «ԵՐԱՔ Սերովի վարժապետի Պատկանեան», ի լոյս ընծայեալ աշխատասիրությամբ Աթափիայ Խազիկեանց, Մոսկվա, 1857, էջ 32—33, 64—65. Հմ. Հր. Անառեան, Պատմութիւն հայ նոր գրականութեան, Վաղարշապատ, 1906, էջ 109—115. Վ. Գրիգորյան, Ռուսական կայսրության պետական կուկիաների «գլխավոր ուղղամենտի» հայերեն թարգմանության մասին. «Տեղեկագիր», ՀՍՍՌ ԳԱ, 1956, № 4, էջ 111, ծան. 1: Ա. Մելիքսեր-Թելի, Սերովի Պատկանյանը և հայագետ վրացի Գայիոսը Աստրախանում, «Էջմիածին», 1959, № 8—9, էջ 43—45:

ՄԵՆՔՆԵԼ ԿՅՈՒԽԱՆԵՍԺԻՆ ՇԽԱՆԵՑԻ (1768—1843)

Մանվել Կյումուշխանեսժին նույն Մանվել Ալթունյան Շահինյանն է, որը դառնալով վարդապետ՝ պաշտոնավարել է նախ էջմիածնում իբրև մատենագարանապետ, ապա Սևանում իբրև Սևանա վանքի վանահայր: Մի քանի տարի ապրել է Թիֆլիսում իբրև Ս. Սարգիս ուխտատեղիի վանահայր (1831—1835), վերջապես Ղրիմում՝ իբրև Ս. Խաչ վանքի վանահայր (1835—1843): Թիֆլիսյան տարիներին Մանվելը գրել է իր ստվար հիշատակարանը, որը մեզ հասել է երկու տարրերակով, իսկ Ղրիմում եղած պահին ավարտել է դեռևս Սևանում սկսած Սևանա վանքի պատմությունը:

Հիշատակարանը պարունակում է բազմաթիվ նյութեր Թիֆլիսի, նաև այլեւայլ քաղաքական անցքերի մասին, ի միջի այլոց, և Ա. Գրիբուեզովի սպանության շուրջը¹: Թեև, ճիշտն ասած, հեղինակի ուշադրության կենտրոնումն է Ս. Սարգիս ուխտատեղին, որը եղել է և գրության տեղը, ինչպես ինքն է ասում, «յանց Սէյտապատու ի Սուրբ Սարգիս, որ ի Տփիսիս»:

Մասնավորապես, հիշյալ ուխտատեղիի շինության մասին Մանվել Կյումուշխանեսժին վկայում է այսպես. «Նուիրօք մեր ազնէի, ի ձեռն կառավարչի, Շահինեան Կիւմիւշխանցի Մանուէլ վարդապետի շինեցաւ Սէյտապատի սուրբ Սարգիս ուխտատեղի, 1832 և ի մայիսի մէկին: Սյունակ և վրացերեն տառիւք գրեալ կայ ի նոյն արձան» (հիւսիսային դռան ճակատին)²:

ՄԱՆՎԵԼ ԿՅՈՒՄՈՒՇԽԱՆԵՑԻՆ ՎՐԱՑ ԳՐԱՄԱՆՈՒԹՅԱՆ ՄԵՋ

1. Ա. Մելիքսեր-Թեկ, Հայ հին գրականության պատմություն, Թիֆլիսի, 1941, էջ 172:

2. Դույնի՝ Վրաստանի պատմության գրավոր աղբյուրների հրատարակությունները, Կատալոգ Ա. Թիֆլիսի, 1949, էջ 301 (մասն Բ, № 93):

¹ Թարգին Վ. Աղավելյան, Մանվել վարդապետը Ա. Ա. Գրիբուեզովի մասին, «Արարատ», 1914, էջ 161—163. Լ. Մելիքսետ-Բեկ Մանուլ Կյուշխանը օ սобытиях вокруг убийства А. С. Грибоедова. «Труды Тб. Гос. Унив.», т. X, 1939, стр. 161—166.

² Գյուտ ա. Ֆ. Աղանյան, Դիվան հայոց պատմության, գիրք ԺԲ, Թիֆլիս, 1917, էջ 175: Մյուս տարրերակը տպված է «Արարատ»-ում 1915—1917 թթ. և առանձին, սակայն երկուսն էլ թերի են:

ՀԱՐԱԽԹՅՈՒՆ ԱԼԵՄԴՅԵՑԲԵՆ

(1796—1834)

Գեորգ, հետագայում Հարություն քահանա և վարդապետ Ալամդարյանի ստեղծագործությունը ոչնչով չի առնշվում մեր թեմայի հետ:

Սակայն շպետք է մոռանալ, որ Հ. Ալամդարյանի գործունեաւթյան որոշ տարիները կապված են Թիֆլիսի հետ, նախ, իրու ներսիսյան նորաբաց դպրոցի տեսչի (1824—1828), ապա Թիֆլիսի Վանքի մայր եկեղեցու ավագերեցի և նույնիսկ՝ ներսես Ա. Ե. Աշտարակեցու բացակայության պահին՝ Վրաստանի Հայոց թեմի ժամանակավոր կառավարչի: Թիֆլիսում է տպված, ի միջի այլոց, և նրա կըոնի դասագիրքը 1825 թ. (վերահրատարակված Կալկաթայում 1846 թ.):

Հ. Ալամդարյանի բանաստեղծությունների՝ միհատորյակում¹, ինչպես ուղիղ դիտակը՝ Հր. Աճառյանը, տեղ են գտնել ոտանավորներ՝ գրված «Թիֆլիսեցոց լեզվով», օրինակ «Առյուծ և էջ», նաև տաղեր հորինված Թիֆլիսում ապրած տարիներին²:

¹ Հարութիմ վարդապետի Ալամդարեանց, Զափարերականք, Հրատ. պրուֆ. Քերոբ Պատկանեանի, Ս. Պ., Բ., 1844:

² Հր. Աճառյան, Պատմություն Հայոց նոր գրականութեան, Վաղարշապատ, 1906, էջ 150.

A $\frac{\pi}{34} \times 05$



ՄԵՍԻԱԳ ԹԱՂԻԿԻ ԴՐԱՆ
(1803—1858)

Մեսրոպ Թաղիմյան Թաղիադյանը իր երկարամյա դեգեռումների բնթացրում երկու անգամ այցելել է Թիֆլիս՝ նախ 1822 թվականի փետրվարին և երկրորդ անգամ՝ 1834 թվականին¹:

Իր «Ճանապարհորդութիւն ի Հայոց» հանրածանոթ գրքում Մ. Թաղիադյանը տալիս է ինչպես Թիֆլիսի մանրամասն նկարագրությունը, նույնպես և Հայ-վրացական փոխհարաբերությունների տեսությունը, տեղական ազգաբնակչության նիստուկացի, վարքուբարքի և այլի բնութագրումով, որոնք արժեքավոր փաստեր են թե՛ Հայոց և թե՛ վրաց ազգագրության համար:

Գիրախտաբար, Մ. Թաղիադյանի այս նյութերը չեն օգտագործվել Թիֆլիսի պատմությամբ զբաղվողների՝ Դուկաս Ինձիճյանի, Հարություն Արարատյանի և Մինաս Բժշկյանի և այլ հեղինակների կողմից:

Այս կապակցությամբ անհրաժեշտ է նշել, որ դեռևս 1913 թվականին Լևոն Մանվելյանը գրում էր. «Ով ցանկանում է իմանալ, թե ինչ էր ներկայացնում Թիֆլիսը 19-րդ դ. առաջին քառորդում, թող կարգա այս ճանապարհորդությունը, ուր հեղինակը խոսում է ոչ միայն այն ժամանակվա հայերի, այլ վրացիների մասին»²:

* * *

Ի նկատի ունենալով, որ Մ. Թաղիադյանի «Ճանապարհորդութիւն ի Հայոց» երկասիրությունը³ ներկայումս հազվագյուտ

1 Ռուգան Նանոմյան, Մեսրոպ Թաղիադյան, երեան, 1947, էջ 146—147:

2 Լևոն Մանվելյան, Ռուսահայ գրականության պատմություն, Ա պրակ, Բ տպ., Թիֆլիս, 1913, էջ 55.

3 «Ճանապարհորդութիւն Մեսրովրայ Դ. Թաղիադիանց», Վ. Ա. Սարկանագի սրբոյ Էջմիածնի ի Հայոց, հատոր Առաջին, Կալկաթա, 1847, էջ 310—318; Նաև Լևոն Մանվելյան, Ռուսահայ գրականության պատմություն, Գրական նմուշներ, Թիֆլիս, 1912, էջ 22—27:

դիրք է (քանի որ այն 1847 թվականից հետո չի վերահրատարակվել), մենք նպատակահարձար ենք գտնում մանրամասնորեն կանգ առնել նրա տված, նախ թիֆլիսի նկարագրության, ապա և Հայ-վրացական սերտ համակեցության բնութագրման վրա:

Այս 1834 թվականի թիֆլիսի վիճակը, ըստ Մ. Թաղիաղյանի.

«Տիղիս, քաղաք կառուցեալ ի ձորամիջի, ընդ որ Կուր գետ անցանէ ի հիւսիսոց ընդ հարաւ Յարեմտից է լեառն Ծմինդաց, իսկ յարեւելից՝ Հալուաբարու լերինք: Ունի բերթս երկու, մի ի Հալուաբար՝ վիմաշէն և զեղեցիկ, յորում է եկեղեցին Վարդանուշայ գտարեր մեծին Վարդանայ մերոյ, որ վասն զողարութեանն կոչեցաւ Շուշան, և բանտն: Իսկ միւսն է ի Տափիթաղ¹ մերձ ի չերմուկս նորա: Եկեղեցիք ազգիս մերոյ՝ 13, յորոց ի մին՝ Վանք անուանեալ՝ ի վերայ գետոյն, նստէր Ներսէս Առաջնորդ: Եկեղեցիք Վրաց և Ռուսաց ութն, և պապականացն մի: Տափիթաղ յարեմտից կայ Կուր գետոյ, ուր են ասպարանք կուսակալին, դատարանք Ռուսաց, վաճառանոցն և բազմութիւն տանց Հայոց, զի և անունն Հայերէն ցուցանէ զբնակչաց դինչութիւն: 1200 տունք Հայոց են աստ, իսկ Վրացն՝ 400: Մերձ առ Վանքն մեր կառույց Ներսէս Արքեպիսկոպոս զերսիսէանն անուանեալ Ուսումնարան քառակեղու դպրութեանց, և ծաղկեցոյց ի նմա զուսումնականութիւնն յոյժ-յոյժ: Յառաջ քան Ներսէս Հայք առհասարակ խօսէին վրացերէն, և շէր՝ որ գիտէր զլեզու Ազգին. իսկ յետ զնալոյ նորա անդր և ծաղկեցուցանելոյ զուսումն Ազգին՝ նաև Վիրք ուսան խօսել Հայերէն: Հալուաբար յարեւելից կայ Կուր գետոյ, ունի իւր բերթ և վաճառանոց ի բարձրավանդակին, տունք Հայոց են անդ 175, ըստ մեծի մասին դաղթականք յԱյրարատեան նահանգէ²: Արտաքոյ սորա է գերեզմանատուն Հայոց և ի նմա եկեղեցի քարաշէն»:

¹ Հալուաբար—արաբերէն «խավալա-բարի»-ից, որ նշանակում է ապարանքի կամ պալատի շրջակայք:

² Այս թաղամասը վրացերէն կոչվում էր «Կալոուրանի», այսինքն Կալիքաղ:

³ Վրաց մհծ զրող և հասարակական գործիչ իլիս Ճալճավաձն (1837—

«Ի ներքոյ Հալուաբարայ առ եղերը Կուրայ՝ է Կոսկիա, որոց
բնակիչը են Վիրք և գերմանացիք, որք և ունին զեկեղեցի գե-
ղեցիկ»:

Պատուականագործք են ջեմուկը քաղաքիս. երկոքին ևս
ստացուածք Հայոց, յորոց մին երեխի և հոյակապ բաղանիք,
խմբեալ յամենայն աւուր յամենայն բազմութենէ, մանաւանդ
ի գեղուհեաց քաղաքին, առ ի մեծագոյն օգուտ դիմացն գեղեց-
կութեան¹ անուանի Մէլիքէնց համամ, զի պատկանի Տան Մի-
նիշկարեանց, որ և զմէլիքութեան քաղաքիս զպատիւ ունին
ի հնուստ հետէ» (Էջ 310—313):

Մ. Թաղիարդյանը հատկապիս կանդ է առնում Թիֆլիսի
պարենավորման խնդրի վրա և գրում է.

«Տփղիս քաղաք չունի բերս բաւական բնակչաց իւրոց, այ-
դեստանք նորա բերեն խաղող ազնիւ և միրզս աղղի-ազգիս, այլ
ի Կախեթյ օր ըստ օրէ մտանեն այսր մերձ հարիւրաւոր սայլք
զինւոյ՝ բարձեալք ի տիկս զոմշոց: ի Սալիանայ՝ նոյնաշափ
թուով սայլք ձկանց, որոց ծախք մեծ են յոյժ ի քաղաքի այս-
միկ: Մատակարարէ և Կուր գեն զանազան տեսակս համեղ
ձկանց: Առակաւ ասի, թէ Գալիանոս բժիշկի մտեալ երբեմն ն
Տփղիս և տեսեալ զանբաւ առատութիւն ձկանցն՝ ասաց. «Այս
տեղի է շայեկան արուեստի իմում»: Բայց իբրև ետես և զմեծ
եկամուտ զինւոյ՝ ասաց. «Թէ՝ սոքա ինքնին զտին զդեղ իւ-

1907) իր հոգվածաշաբառում՝ տպված «Իվիրիա» թերթի 1887 թվականի հա-
մարներում, վկայում էր, որ Հավլաբարում հայերը բնակություն են հաս-
տատել զենքս երեկու թ թագավորի օրոք (1762—1798), փոխադրվելով
այդտեղ Շամխորից և 1837 թվականին բաղկացած են եղել 56 ծիսց կամ
տնից՝ 332 հոգի բնդամենը, որոնց հատկացվել է վարելանող և արտատեղ
Դարիա (Դարիշան) թագուհուն ննիակա: Այս հայերը իրենց միջոցներով
կառուցել են չըմուղ քարուկրից շինած ջրի ավազան, զոմեր և ախոռներ
(Ե. Ճավենավածե, երեկոի լիակատար ծողովածու, տաս հատորով, հ. 8:
1957, էջ 32, 46, 51—52): Հմմտ. Լ. Մելիքսեր-Բեկ, Հին Թիֆլիսի և հայ-
դրացական կուլտուրական կապերի պատմությունից, «Պատմաբանասիրական
հանդես», 1958, № 3, էջ 159): XIX դ. սկզբներին այս հատվածին ավելա-
ցավ էջմիածնեցոց և այլ գաղթականությունը, ըստ որում Հավլաբարում
ապրող հայերը կենտրոնացած էին այսպիս կոչված Շամխորիցոց և էջմիած-
նեցոց եկեղեցիների շուրջը, չհաշված Ս. Մինասը, Զորաբաշը, Խոչվանքը
և Լուսավորիչը:

1 Հմմտ. Նաղաշ Հովնաթանի «Տաղ ի վերայ Գուրջանայ զողալներուն»:

րեանց», և մեկնեցաւ¹: Զիք ժողովուրդի ի համօրէն Հայաստան այնքան ձկներ և զինախում, որքան սոքա են: Շիրակուան մատուցանէ զիւր ցորեան: Երեան՝ զաղ, բրինձ, բամբակ և շորապտուզ ամենատեսակս. իսկ Ծուսաստան՝ շաքար մաքուր և զամենայն ձեռակերտ վաճառս իւր: Արուեստն սկսանէր ծաղկել աստ. այլ գեռ տղայ գոլով ի խանձարքի կայր. և ես հաղիւ թէ կարացի տեսանել զերես նորա» (էջ 318):

Մ. Թաղիադյանը՝ լինելով Թիֆլիսում և տեսնելով այլանդակություններ, որոնք հետեանք էին ձորտատիրական կարգերի՝ զրել է.

«Այս աղգ (վրացիք) զերեաց գնելոց համարիմ զամենայն զիւղօրէս Վրաց. և որ առաւել ցաւելին է, նաև ոմանք ի Հայաբնակացն, որոց տեարքն՝ Պարնիք անուանին և Տիրուհիք՝ Աղջիկ Պարոնք²: Պարոնք կամ Աղջիկ Պարոնք իրաւունս համարին ունել զանձինս, զընտանիս, զորդիս և զստացուածս զիւղականաց իւրեանց՝ իբրև սեպհական ժառանգութիւնը անձանց: Հանեն զհարսն ի ծոցոյ փեսային և վաճառին ում և կամիցինն: Նոյնպէս զորդիս ի ծնողաց հատանեն: Գերին՝ զոր ինքնեանք ձորտ անուանեն, ոչ կարէ քահանայ կամ վանական լինել, եթէ ոչ նախ ազատեսցի դրամովք: Եթէ Պարոն որ սիրիցէ զկոյս ոք կամ Աղջիկ Պարոնն զպատանի որ ի ձուլտից անտի, չիք ինչ որ խափան արկանէ սիրոյն: Եթէ ոք զնոյն ցանկրւթիւն ցանկացեալ և կամիցի գնել կամ վարձել՝ կարէ, եթէ յղփացեալ իցեն կողմանքն, զի չիք ամօթ ազնուականաց աշխարհին՝ կաւատանալ դրամոց...» (էջ 313—314):

Համեմատաբար ավելի մանրամասն կերպով է նկարագրում Մ. Թաղիադյանի թիֆլիսեցիների նիստուկացն և վարքուբարքը, կարճ ասած՝ նրանց ազգագրական ուրույն դեմքը:

«Օդ տեղույն լիոնային է, ուստի մաքուր և առողջարար: Բնակիչը նորա Հայք և Վիրք առ այլաղգիս միահաղոյն Գուռչիս անուանեալ, հոշակաւոր են ի գեղեցկութիւնս մարմնոց իւրեանց. իրանք նոցա նոճօրէն աճեւլք, հերքն թուխ, աշկունքն

1 Հմմ. Խ. Արսելյան, Երկերի լիակատար ժողովածու, Հ. 7, Երեան, 1956, էջ 440—441:

2 Պարզմանություն է Վրաց «Բատոնո» և «Քալբատոնո»-ի:

արեգակունք, մորթք սպիտակ ու կարմիր, միջկունքն բարակ և լեռուք անուշախօսք՝ յօրինեն զնոսսա ցանկալիս ամենայն աղդաց ,մանաւանդ՝ Պարսից և Օսմանեան Մհեծամհծաց, ուստի և ի վտանգի կան միշտ կեանք նոցա, թէ յառաջ քան և թէ զինի Տէրութեան Ռուսաց: Վասն զի Էզկիր, որք առ ոչինչ կրեն զամենայն երկիրը՝ յափշտակեալ ամի-ամի աղջկունս և պատանիս ի նոցանէ՝ կայտառս, տանին վաճառեն մհծաղդի ի թէջրան, ի Կոստանդնուպօլիս և ի շրջակայս նոցա: Գողտրականք են յոյժ և նազարենոյթք կանայք նոցա, որք թէպէտե ճարտարիք յուսմունս գրոց և ի սպէսպէս արուեստս կանացի ձեռակերտաց, սակայն և այնպէս՝ անձնասէրք են յոյժ, գեղոյ իւրեանց անխնայ խնամատարք: Գրեա թէ յամենայն աւուր ի չերմական լուանին, որ ի սակս խառնուրդս ինչ ունելոյ հանքային բաղադրութեանց՝ մհծապէս օգտէ փափկութեան մարմնոյ և պայծառութեան դիմացս: Վարշամակ ի գլուխ զնեն և ճակատանց ասղարուր, զոր աստ կօտ կամ քամբարա կապեն բասպնդաւ. քող ի վերուստ ծաւալ ցծունկ արեկանելով՝ երեսանին բաց: Պատմուման՝ փորանկեալ և գուտի խնձորակապ զմիշովն՝ ծայրակախ» (էջ 315):

Ապա Մ. Թաղիադյանը շարունակում է.

«Սնապարծք են յոյժ, և զարարս դուզնաքեալս իւրեանց գովութեամբ յօդս ամբառնան, զորօրինակ պատահեցաւ ի 1795 յաւուրս արշաւանաց Քէրիմ խանին (Աղա-Մահմադ-խանին—Լ. Մ.-Բ.)՝ Գօգույ ուրումն Շաշեանց ասել ցմի ի զօրաց նորա. «Նա դուր, նա դուր», այսինքն՝ «Ի՞նչ է, ի՞նչ է», զոր ցայսվայր գովութեամբ հրատարակեն ի լուր ամենայն մարդկանց յասելն «Բարաքալլա Շաշունց Գօգի, քրդին ասից՝ «Նա դուր, նա դուր»:

«Բայց առաւել քան զառաւելն զարդասէրք են առհասարակ կանայք և մանկտի նոցա միանգամայն, և տուեալ զանձինս արբեցութեան և խրախճանաց: Իցէ ոք ի նոցանէ ի վերջին կէտ տնանկութեան կամ աղքատութեան, տակաւին շանայ որով և հնարին ինքեան ունիլ պատրաստի զսաթ մի աղնիւ զգեստոց, որով պճնին յաւուրս Կիւրակէից կամ արքունի

¹ Հմմ. Նազար Հովհաննի «Տաղ ի վերայ Գուրշաստանայ գողալներուն»:

Պրազնիկաց¹, որ այնինքն է՝ տօնից և տարեպլխոց յաղթութեանց նոցա. յերամակս-յերամակս բաժանին և առեալ իւրեանց գինի, գաւաթ, թմբուկս և զորս միանգամ գտանեն աղբա-աղզս նուագարանաց՝ ելանեն ի զրօսանս դաշտաց, ուտեն և ըմպեն, խաղան և խնդան, անզգայ յամենայն հոգոց: Ոչ տեսի ես քաղաք ուրախ քան զայս: Այնքան զուարձաբանք են բնակիչք սորա մինչ ի խնծիղ հեղձուցանել զունկնդիրս բանից իւրեանց: Փոխանակ ի կիր առնելոյ զերգս Շարականացն Աստուածայնոց ի մարմնաւոր խրախճանս՝ յօրինեալ են առայն պէսպէս նուազս ծաղրալիս, յորոց մին առ տիկ գինւոյն ալսովէս նկտանի.

Ու էիր և Տիկ դարձար,
Տկաչան շարշարովիցար,
Հալվաբրի դարի դուսին.

Տուփնք մշակի ուսին.
Ո'վ, ո'վ, սուրբ Տկձոր²,
Լուլէդ բա՛ց, մեղ³ ուղուրմիա»:

«Երդմունք նոցա հասարակօրէն անմեղագոյնք են քան զայլ ամենայն նահանգաց և գաւառացն Հայաստանի, զի են՝ «Քու դէդին ումբ», «Ապրի քոյ մայր»⁴, «յիս ապրիմ» և այլ այսպիսիք» (էջ 315—317):

Ի վերջո Մ. Թաղիազյանը մատնանշում է թիֆլիսում տեղի ունեցող ալիևալ տեսակի ըմբշամարտերը, որոնց մասին գրում է հետեւյալը.

«Սովորութիւն իմն կայր ի քաղաքի այսմիկ վնասակար յոյժ, զոր վերացոյց Տէր Ներսէս, զի յաւուրս Կիրակէից յինանց⁵ ժողովեալ պատանեաց թաղից թաղից քաղաքին՝ մարտարնչէին ընդ միմեանս փայտեայ սուսերօք, մահակօք, պարսատեօք և այլ սոցին նման գործեօք, ուստի թող թէ կէս քաղաքին միականի, պնջատ և զոնջատ լինէր, այլ և մահունք ես ի տեղուզն պատահէին: Այժմ փոխանակ այսր՝ արշաւարան

¹ Թուս. царские праздники:

² Ուղիղ՝ տկձուր:

³ Ուղիղ՝ միզ:

⁴ Ուղիղ՝ Ապրի քոյ մէրը:

⁵ Այսինքն զատկից մինչև հոգեգալուստ (պինտեկոստե) ընկած օրերին:

Հաստատեցաւ, և պատահիք մեր ոչ սակաւ հմտութիւնս ցուցանէին յայնմիկ» (էջ 319):

Այս վերջին դիտողությունը, իհարկե, կարեոր նյութ է Վրաստանի սպորտի պատմության համար, որը, որքան մեզ հայտնի է, գեռես չի օգտագործվել մասնագիտական դրականության մեջ:

Մ. ԹԱՂԻԱԴՅԱՆԻ ՎՐԱՅ ԳՐԱԿԱՆՈՒԹՅԱՆ ՄԵՋ

1. 1. Մելիքսեր-Բեկ, Հովհաննես, ամսագիր «Մծաթորի», 1933, № 5,
էջ 181:

2. Նույնի, Հայ հին գրականության պատմությունը, Թրիլիսի, 1941,
էջ 172:

3. Նույնի, Վրաստանի պատմության գրավոր ազրուրների հրատարակությունները, Կատալոգ թ., Թրիլիսի, 1949, էջ 303—304 (Մասն թ. № 96):

ԽԸՆԱԿԱՆԻ ԱԲՈՎՅԱՆ
(1805—1848)

Խ. Աբովյանի կապը Վրաստանի ճետ ընդգրկում է երկու շրջան, մեկը՝ 1820—1826 և 1830 թվականներին, երբ նա աշակերտել է նախ ղարաբաղցի Պողոս վարդապետին (Վանքի մայր եկեղեցու բակում), ապա Ներսես Աշտարակեցու հիմնած նորաբաց Ներսիսյան դպրոցում (և Դորպատ մեկնելու նախօրյակին). Երկրորդը՝ 1836—1843 թվականներին, երբ նա աշխատել է Թիֆլիսում մանկավարժական (և, ի՞նչարկե, գրական) ասպարեզում՝ թե՛ իբրև տեղիս գալվառական դպրոցի «անուշի սպաշտոնակատար» և թե՛ իբրև նույն դպրոցին կից իր իսկ միջոցներով պահվող մասնավոր պանսիոնի ղեկավար: Կարելի է հիշել նաև 1844 թվականը, երբ Խ. Աբովյանը կարձ ժամանակով կանչվել է Թիֆլիս երկրաբան Արիսի Մասիսի կատարը կազմակերպելիք վերելքի նախապատրաստական միջոցառումների կապակցությամբ:

* * *

Խ. Աբովյանի բազմաթիվ երկերը, անկախ նրա բազմաժանր և բազմակողմանի լինելուց, ժամանակագրական կարգով կարելի է բաժանել չորս շրջանների. առաջինը՝ Թիֆլիսյան տարիները (1820—1826), ապա Հաղբատում (1826—1828) և, վերջապես, Էջմիածնում (1828—1830) անցկացրած ժամանակամիջոցը. Երկրորդը՝ «Դորպատյան» տարիները (1830—1836). Երրորդը՝ դարձյալ Թիֆլիսյան տարիներ (1836—1843) և, վերջապես, չորրորդը՝ Երևանյան տարիները (1843—1848): Ամենայն կասկածից գուրս է, որ մեծ լուսավորչի ստեղծագործության ամենաբեղմնավոր շրջանը՝ ուս Թիֆլիսյան 1836—1843 թվականների միջև ընկած ժամանակամիջոցն է: Եվ հենց 1836 թվականին են պատկանում նրա իմաստալից խոսքերը

թիֆլիսի տեղագրության և անցյալի ուսումնասիրության անհրաժեշտության մասին, որ՝ «ցիրաւի քանի» նախատինք են մարդոյ ոչ ճանաչել քաջ զակլին, ուր ծնաւն և սնաւ, ու զառացինն երաց զաշս ի հայեցողութիւն արարածոց»¹:

Խ. Արովյանի երբեմնի աշակերտ Գեորգ Արիմյանն իր Հուշերում մեծ լուսավորչի մասին նշել է, որ «Վարժապետ 1838 թվից սկսած» իր աշակերտաների մոտ «կարդում էր Աղասու պատմությունը՝ Հատված-Հատված», որ նրանք «սիրով լսում, սրտանց ոգևորվում» էին, «որովհետև շատ լավ էր կարգում», այնքան լավ, որ «վաթսուն վեց տարի անցնելուց հետո, կասես նրա ձայնը ականջումս է»²: Արիմյանը, ինչպես հայտնի է, Խ. Արովյանի դասընկերն է եղել Ներսիսյան դպրոցից:

Նույն Գ. Արիմյանը նշել է նաև, «1841 թիվը զարմանալի բեղմնավոր էր վարժապետիս գրչի համար, գուցե և ամենաբախտավոր տարին նրա կարճատե կյանքում»³:

Մյուս կողմից, չի կարելի ուշադրություն շղարձնել իրեն՝ Խ. Արովյանի հայտարարությանը, որ «այն գրենը», որ նա կազմել է «ազգիս պատանեկության համար, որոնք արժանացել են ուշադրության և խրախուսանքի մինչև իսկ գիտությունների ակադեմիայի կողմից, հաջողություն շեն զտել միայն թիֆլիսում»⁴:

Մեր ձեռքի տակ ունենալով Խ. Արովյանի «Երկերի լիակատար ժողովածուն» իննը հատորով, մենք ի վիճակի ենք հաշվառման ենթարկել մեծ լուսավորչի գործից ելած բոլոր այն գրվածքները, որոնք նրա՝ Թիֆլիսում գործելու և ստեղծագործելու կնիքն են կրում: Խ. Արովյանից ստորև կատարված բոլոր մեջբերումներն ու վկայությունները մենք տալիս ենք ըստ իննհատորյակի:

¹ Խ. Արովյան, Երկերի լիակատար ժողովածու, Հ. 8, Երևան, 1958, էջ 96:

² «Ժամանակակիցները Խաչատուր Արովյանի մասին», կազմեց և ներածականները դրեց Հայոց Մուշադյան, Երևան, 1941, էջ 113:

³ Նույն տեղում, էջ 111—112:

⁴ «Դիվան Խաչատուր Արովյանի», կազմեց և ծանոթագրեց Երվանդ Շահպիզ, Երևան, 1940, էջ 145: Ցարական շինովնիկների կողմից Խ. Արովյանի կրած հալածանքի մասին տես և. Մելիքսեբ-Թեկ, նոր նյութեր Խ. Արովյանի մասին, «Տեղեկագիր», ՀՍՍՌ ԳԱ, 1948, Ա 9, էջ 19—33, հատկապես 32—33:

Առաջին հատոր.

— «Առ գալուստ նորին բարձր սրբազնութեան Տեառն Կարապետի արքեպիսկոպոսի Վրաստանի և Տայոց» (էջ 30—31):

— «Սուրբ Հարազատ և ծնողասէր որդույ ի վերայ Հանուուցեալ մօրն. 1837, փետր. 5. Թիֆլիս» (էջ 142—143):

— «Բաժանումն պատուելի պարոն Թովմայի Զօրդանեան ըլնտանեաց իւրոյ: Այն ինչ յետ ուղեռելոյն վերագառնամ ի տուն, Հանգիպի ինձ զուտար նորա ի սրահ Վանքին ի տօնի սուրբ Յակոբայ¹, յանկարծ և Հարցանէ լալագին զհօրէ իւրմէ: Ի 1837 ամի ի 21 սեպտեմբերի, Թիֆլիս» (էջ 159—161):

— «Ոլլը ի վերայ Միրզաջանի քաջ զնդապետի (ՊՈԼԿՈՎՆԻԿ) Հայկազնոյ, որ մեռաւ ի. 1837 ամի ի փետրուարի, այր լի շնորհօք, սիրելի Հասարակութեան յառոյզ Հասակի զրաւեալ ի կենաց» (էջ 162—163):

— «Ի 1836 յուլիսի 27 ելանեմ կանուխ ընդ առաւտոն լուզանալ ի գետն, աստ պատահի ինձ օրիորդ: Թիֆլիս» (էջ 164—165):

— «Հազար փեշեն (Երդիարանություն էն բարի անձանց վրա, որ մեր խալիսին փուզն են զնում. Խաչ. Աբովյան)» (էջ 166—175):

— «Համալիրմազի գովքը», վերջում՝ «1843 թ. 9-ն օգոստոսի Թիֆլիս», էջ 178:

— * [Զայն աղազակի որբոց և այրեաց փակէ զլսելիս] (էջ 183—184, Հմմ. Դ. Հատոր, էջ 229—230):

— «Իմ բարեկամ Աղազան Վարդանյանի պատկերի առաջ: 1841 թվին. Սեպտեմբերի 5-ին» (էջ 199—200):

— «Առ Հանդէս ուխտի ի սուրբ լեառն Մթայ-ծմինդայ: Ի 1842» (էջ 217—219):

— «Ի 1842-ին տեսանեմ զՍարքիս վարդապետ վանահայր Սանահնայ դիմեալ ի Հայաստան առ ի ժողովել զարձանագրութիւնս տաճարաց և դամբարանաց, զորս և ի տիպ արձանացոյց ի Տփխիս, առ որ զրեմ» (էջ 235—236):

¹ Հմմ. 1. Մելիքսեբ-Բեկ, Վրաց աղբյուրները Հայաստանի և Հայերի մասին, հ. III, Երևան, 1955, էջ 265:

ԵՐԿՐՈՐԴ ՀԱՄՈՒՐ.

— «Պարապ վախտի խաղալիք. Պարապ մարդու տանու միտք. Ով չուզենա, իր պարկի բերանը փակի, թող պարկի: Շինեց ու սաղացրեց Խաչատրյան Արովյան»: Հառաջարանի վերջում՝ «1841 թվին, Թիֆլիս» (էջ 189—279):

ԵՐՐԵՐԴ ՀԱՄՈՒՐ.

— «Վերք Հայաստանի. Ողբ Հայրենասիրի. Պատմական վեպ» (էջ 1—374): Տերսուի 16—17 էջերի միջև կցված վեպի ինքնագիր անվանաթերթը կարգացվում է այսպես. «Վերք Հայաստանի. Ողբ Հայրենասիրի. Պատմական վէպ, բաժանեալ յերիս մասունս. ի և. Ապովեանէ, վերատեսչէ Արքունական նահանգական ուսումնարանին, որ ի Տփիսիս, ի 1840, Թիֆլիս»:

ՉՈՐՐԵՐԴ ՀԱՄՈՒՐ.

— «Թուոքի աղջիկը (Զորություն կրոնի)» (էջ 19—33):
— «Թիֆլիսու հայոց հանգստարանը» (էջ 40—46):
— «Զվարճալի ու կարճ պատմութիւնք» (էջ 67):
— «Հունայնություն աշխարհի. Այզին Դորդանովի» (էջ 218—228), տարբերակով՝ «Յունայնութիւն աշխարհային բախտի» (էջ 312—315. [Առաջինը աշխարհաբար. երկրորդը՝ գրաբար]):

— «Վերջին Հրաժարական քաջազօր արքային Հերակլի» (էջ 229—230 [1838], հմմ. Ա. Հատոր, էջ 183—184):

— «Ֆեղորա կամ որդիական սեր» (էջ 241—259 [գրած է 1841 թ.]):

— «Օվանա. Պատմություն» (էջ 263—285):

ՀԻՆԳԵՐՈՐԴ ՀԱՄՈՒՐ.

— «Նախաշաւիդ կրթութեան ի պէտս նորավարժից, աշխատասիրեալ ի Խաչատուր Արովեանէ. Տփիսիս. ի Հայ տպարանի եղբարց Արդանեանց» (էջ 9—164 [վերջը թերի], հմմ. Հատոր 7, էջ 411—432):

— «Ընդհանուր դիտողություններ Անդրկովկասյան ուսումնարաններում՝ ինչպես դասավանդման կերպի, այնպես էլ դաստուների նշանակման, ուսման առարկաների բաշխման գործում ներկայումս գոյություն ունեցող մի քանի թերությունների վերաբերյալ և հետագայում դրանք վերացնելու և նրանց ուղ-

դելու միջոցների մասին» (ոռուերեն էջ 165—182, Հայերեն թարգմանությամբ Հանդերձ, էջ 183—201):

- Ճառ Թիֆլիսի ուսումնարանի մասին (էջ 459—461):
- Պայմանագիր Արովյանի և ծնողների միջև (էջ 462—463):

Վեցերորդ հատոր.

Ընդգույնմ է Գորպատյան օրագրերը շուրջ 1830—1835 թթ., հետեւապես Վրաստանի տեսանկյունից դուրս են մնում:

Յորերորդ հատորը՝ ուղեղություններ են թե՛ ինքնուրույն և թե՛ թարգմանական գերմաներենից և անգլերենից (վերջինները, ի միջի այլոց, պարունակում են տվյալներ Թիֆլիսի և Վրաստանի մասին, էջ 232—246, 303—313):

Ուրերորդ հատոր.

— Պատառիկ Թիֆլիսի տեղագրության վերաբերող անավարտ հոդվածից (էջ 96):

— «Ակնարկ. Թիֆլիսում ապրող Հայերի կյանքի և հատկապես նրանց Հարսանեկան սովորությունների մասին» (գերմաներեն, էջ 107—153, Հայերեն թարգմանությամբ Հանդերձ, էջ 154—190):

— «Նահատակութիւն սրբոց Վարդանանց» (էջ 321—328 [դրված է 1840 թ.]):

— «Բան ասացեալ ի վերայ գամբարանի սիրելի աշակերտին իմոյ զօրիսմազ Արզութեանի ի բերանոյ ընկերաց իւրոյ, որ վախճանեցաւ ի 29 մարտի 1840 ամի ի 15 ամի կենաց իւրոյ» (էջ 329—333):

* * *

*

Խ. Արովյանի վրացի ծանոթներից և աշակերտներից Հայտնի են¹.

ա. Զաքարիա քահանա Մժեղլով կամ, ավելի ուղիղ, Մճեղլով (Մճեղլիշվիլի թե՛ Մճեղլիձե), որն եղել է կրոնի և վրաց լեզվի գասատու, նրա մասնավոր պանսիոնում²:

¹ Ա. Սելիխեր-Բեկ, Խ. Արովյանը Թիֆլիսում և «Թուրքի աղջիկ» պատմվածքի տեղագրությունը, «Գրական հանդես» (Թիֆլիսի), 1941, № 1, էջ 31—32:

² Այս Մժեղլով, այսինքն Մճեղլով քահանան, որն ունեցել է մի խուլու-

բ. իսունք Գիորգիի Զուրալովը (Զուրալաշվիլի), որը հայտնի է իրքեա քաղաք Վերոնի մասին գրված ծանոթագրության հեղինակ, կցված Շեքսպիրի «Ռոմեո և Ջուլիետա»-ի վրացերեն թարգմանությանը (Հանդես «Յիսկարի», 1859, № 5, էջ 5—78, № 6, էջ 21—205):

գ. Իվանի Կերեսելիձե, որն ուսանել է 2 տարի և Արովյանի պանսիոնում, ապա եղել է Հանգես «Յիսկարի»-ի («Արշալուլ») խմբագիր¹:

դ. Ումն Բարաձե-թե՝ Բազրատ[ա]ձե (անունն անհայտ), որը նույնպես եղել է և. Արովյանի աշակերտը, հետազայում զինվորական աստիճանավոր՝ զնդապետ:

ե. Բարաթով աղջանուով մեկը՝ Գիորգի թե՝ Գրիգոր, մյուսը Իլիա, որոնք աշակերտել են և. Արովյանին գավառական դպրոցում 1840—1841 թվականներին, հետազայում աշխատակցել են «Յիսկարի»-ին իրքեա արձակագիր-թարգմանիչներ («Յիսկարի», 1860, № 12, 1870, № 4):

դ. Ստեփան Մելիքով (Մելիքիշվիլի)՝ տպարանի տեր Թիֆլիսում:

* * *

Հատկապես հետաքրքիր է և. Արովյանի և ն. Բարաթիշվիլու ստեղծագործությունների զուգագրումը՝ նրանց մեջ գոյություն ունեցող մի շարք ընդհանրությունները վեր հանելու համար²:

Դժվար է ասել, արդյոք այս երկու պայծառ դեմքերն անձամբ ծանոթ են եղել, թե ոչ, սակայն երկուսի ստեղծագոր-

Համբ աղջ Միխայիլ անունով, հիշատակված է, ի միջի ալոց, Թրիլիսի 1865 թ. համբարների ապստամբության արխիվային նյութերում (տես՝ լ. Մելիքսեր-Թեկ, սյութեր Թրիլիսի համբարների 1865 թվականի «Կլութի» պատմության համար, Թրիլիսի, 1947, էջ 111):

1 Իլ. Կերեսելիձե (1829—1892) մասին հատկապես՝ Ա. Կալանդան, իդանի Կերեսելիձե, Թրիլիսի, 1959, էջ 10 (վրացերեն):

2 Л. Меликесет-Бек, Х. Абовян и Н. Бараташвили. «Труды Тб. Гос. Пед. Института имени А. С. Пушкина», т. XIII, 1959, стр. 335—345:

ծությունն այնքան է առնշվում, որ հարց է ծագում՝ արդյոք այդ բնդշանրությունը չի բխում միևնույն՝ միջավայրից։ Այդ միջավայրը, իհարկե, թիֆլիսն է իր շրջապատով, ինչպես և ողջ Վրաստանը, որին, ինչպես և Աբովյանը, նույնպես և Ն. Բարաթաշվիլին լավ ծանոթ են եղել։

Բերենք օրինակներ։ —

1. Ն. Բարաթաշվիլու իդեֆիքսն է եղել, ինչպես հայտնի է, «Մտորումները Քոփ ափին» («Փիքրնի Մտկլրիս պիրաս»), որն իր արտահայտությունն է գտել համապատասխան բանաստեղծության մեջ (1837), որտեղ հեղինակը ասում է.

Գընացի գետափ, որ ցըրեմ մաշող իմ մըտքերն աննինջ,
Փընտրեցի իմ հին ծանոթ տեղը, որ հանգչեմ մի քիշ։
Ափին թիկնեցի, փուլ եկավ սիրուս ու լաց եղա ես,
իմ շուրջն էլ թախծոտ, իմ շուրջն էլ համակ տըխուր էր ինձ
պես։

Սանըր հուզվում է ու քըրթմընչում է Քուռ գետը անվերջ,
Գողում է, խաղում է երկընքի լաղուրն ալիքների մեջ։
Ու հեռվում մարող վառ վերջալուցսի շողերի տակին,
Գետափին, մենակ, ականջ եմ զընում նըրա աղմուկին։

— Քուռ, մայր, դարերի անբարբառ վըկա, հոսում ես՝
հուզվում,

Ո՞վ զիտի թե ո՞ւմ ինչ ես շըշընչում, ինչե՞ր ես ասում...

(Թարգմ. Հովհ. Թումանյանի)¹։

Ճիշտ այսպես և. Աբովյանը սիրել է շրջել ու թափառել Կուր (Քուռ) գետի շրջակացըռում կամ նրա ափին գտնվող մի շարք վայրերում, ինչպիսիք են «Մոնաստերի եկեղեցին», կամ հինավորց «Էլուրջի Մոնաստերի»-ն, որը գտնվում է նախկին Ղորղանյան, այժմ Վաճա-Փշավելայի անվան փողոցի վերջում, ապա նախկին «Մագպիովի կղզին», որտեղ Կուր գետն երկու հյուղի էր բաժանվում ու հետո նորից միախառնվում, կազմելով հիշյալ կղզին, նմանապես երբեմնի «Նեմեցի Կուլո-

¹ «Գրական թերթ», 1937, № 27, «Սովորական Վրաստան», 1945, № 81 (սխալ վերնագրավ՝ «Մտորմունք Քըրսի մասին», փոխանակ ափին)։

նիան», նախկին Միքայելյան, այժմ Պէհսանովի պողոտայի և առաջներում Կիրկացի, այժմ Կ. Մարշանիշվիլու փողոցների խաչավորման տեղում և այլն:

Խ. Արովյանի երկերում, իրբե մտարումների վայրեր նշված են վերոհիշյալ տեղերը, որոնք գտնվում են Կուր գետի ափերին:

Դեռ ավելին: Մեր մեծ լուսավորիչը գրել է նաև, որ երբեմն «Հոգիս եղ[էի] բերում»; թե չէ Քուոր վազուց կը լեռ իմ գերեզմանը¹: Այսուհետեւ, «շատ անդամ ուղում էի իմ զլուս մահու տամ», իսկ մի գեպօւմ էլ՝ «հենց իմացել էին, թե Քուոն եմ ընկել, չունքի ամեն առավուտ, բիգուն զնում էի, լողանում»²:

Կուր գետի ափին իր մի այցելության տպավորությունները և. Արովյանը արտահայտել է մի բանաստեղծության մեջ, որը հետելքալ ընդարձակ վերնադիրն է կրում՝ «Ի 1836 յուլիսի 27 ելանեմ կանուխ ընդ առաւտն լողանալ ի գետն. աստ պատահի ինձ օրիորդ մի. Թիֆլիզ», և ուր, ի միջի այլոց, կարդում ենք.

Ես էր բացվել առաւտեան արեին աչք ծիծաղագին.

Մարերը և ձորք նոր զարթնէին ի խոր քընոյ գիշերացին.

Հովն հանդարտ մեղմիկ թևովք փըշի երեսս լրախիկ դաշտին.

Ժըպտի, խաղայ, ընդ ալեաց գետոյն կենդանագործ շողք

երկնային³:

2. Ե. Բարաթաշվիլին 1836 թվականին գրել է իր սրանչելի «հրիկնամուտը Մթածմինդայի վրա» («Շեմողամերա Մթածմինդագեղ») բանաստեղծությունը, որտեղ՝ դիմելով Մթածմինդային՝ ասում է.

¹ Խ. Արովյան, երկերի լիակատար ժողովածու, հ. IV, Երևան, 1947, էջ 21:

² Խ. Արովյան, հ. III, էջ 3: Ի գեպց նշենք, որ Խ. Արովյանի այս արտահայտությունները բավկանին լուրջ մոտիվներ են, որպեսզի նրա եղերական հնէտացումը բացատրենք անձնասպանության փաստով կամ գուցե անակընկալ դժբախտությամբ Հրազդանի (Զանգու) սառցանման ջրում զարնան պահին վաղ առավոտյան լողանալու միջոցին:

³ Խ. Արովյան, հ. I, էջ 164—165:

«Օ՛, վայրե՞ր, վայրե՞ր, հիշում եմ ինձ՝ մըտորում էի,
Եվ ինչ որ այնտեղ՝ ևս ձեր միջև մըտմըտում էի,
Դուք ինձ լիցք տըվիթ, զգացի ինչ է հոգու հագուրդը»...:

«Երբ վիշտն է պատում, դեպ քեզ եմ ձըդտում,
որ դու փարատես ցավ ու տառապանք.
Երեկոն—սըրտիս, թախիծը—սըրտիս:
մըխթարանքը քեզնից պիտ ստանա»...»

(Թարգմ. Ս. Ավշանի):

1842 թվականին և. Աբովյանը նույնպես Մթածմինդային (Սուրբ Գևորգի լեռան) նվիրում է 17 տնից բաղկացած «Առ Հանդէս ուխտի ի սուրբ լեռան Մթածմինդայ» բանաստեղծությունը, որտեղ, ի միջի այլոց, գրում է.

Արձանացիր ինձ յանդիման՝
Պատկեր լուսոյ ինձ կենսատու,
Թող սա լիցի վերջին վայրկեան,
Միայն մեռայց ի զիրկս քո²:...

Ինչպես Ն. Բարաթաշվիլու, նույնպես և և. Աբովյանի ձգումը դեպի Մթածմինդան պայմանավորված էր, ի միջի այլոց, նաև նրանով, որ այնտեղ հանգչում էին նոր թաղված Ա. Ս. Գրիբոեդովի նշխարները, որի մահը հավասարապես ողբում էին թե՛ սուս, թե՛ հայ և թե՛ վրաց ժողովուրդները:

Ի դեպ, նշենք, որ և. Աբովյանին հավանաբար հայտնի է եղել Վենետիկի Մխիթարյան Մինաս Վ. Բժշկյանի Թիֆլիսի նկարագրությունը, որտեղ Մթածմինդայի մասին գրված է. «Ի վերայ այսոր լերին գոյ եկեղեցի վրաց Թածմինդայ կոչեցիալ. այս սուրբ լեռան, որը բոկոտն յաճախեն ուխտաւորք լիւրա-քանչիւր եօթնեկի յաւուրս հինգշաբաթուց»³:

Հիշենք նաև վրաց մեծ բանաստեղծ Ակալի Շերեթելու (1840—1915) ձոնը Մթածմինդային գրված 1892 թվականին

¹ Նիկոլով Թարաքվիթ, Հատընտիր, թարգմ. Սուրեն Ավշանի, պրոֆ. Լ. Մելիքսեր-Թիկի Խմբագրությամբ, Թրիկիսի, 1946, էջ 19:

² և. Աբովյան, հ. 1, էջ 217—219 (ընդգծումը մերն է.—Լ. Մ.-Բ.):

³ Մինաս Բժշկյան, Ճանապարհորդութիւն ի եճաստան և այլն, Վենե-տիկ. 1830, էջ 414:

«Հուսաբաց» (Գանթիադի) վերնագրով, որը լիովին ձայնակցում է Խ. Աբովյանի ավանդին.

Կենդանի լինեմ, թե մեռած—
Հիշի՛ր ինձ, պահի՛ր փեշիդ տակ.
Զէ՞ որ աշքս քեզ սեռած
Ես քեզ թողել եմ մի կըտակ.—
Ո՞, մայր իմ, լոկ այս եմ ուխտել՝
Քո գրեկում հանգել առհավետ...
Երկինքըդ փիրուզ, զըմբուխտէ,
Հայրենի հո՛ղ իմ սիրավետ¹:

(Թարգմ. Հ. Կարայանի):

3. 1839 թվականին Ն. Բարաթաշվիլին գրել է իր գլուխգործոց «Քարթլիի բախտը» կամ «Քարթլիի ճակատագիրը» («Քեդի Քարթլիսա») պոեմը, որտեղ գեղարվեստական դույներով պատկերել է իր հայրենիքի անելանելի վիճակն՝ արտաքին թշնամիների անընդհատ հարձակումների պատճառով, որից դուրս գալու և ժողովրդին բնաջնջումից փրկելու միակ ելքը եղել է Վրաստանի կողմից Ծովանավորության ընդունումը: Իր պոեմում հեղինակը նկատի է ունեցել 1783 թվականին Գիորգիկում կնքված պայմանագիրը, որով Ծովաստանն երաշխավորել է պաշտպանել Վրաստանին «շահական» Պարտկաստանից և «սուլթանական» Թուրքիայից:

«Քարթլիի բախտը» պոեմում հետաքրքիր է էրեկե (Հերակլ) Բ վրաց թագավորի և կանցլեր Սոլոմոնի բանավեճդիալոգը: Հիշյալ գեմքերը երկու տարբեր կողմնորոշման (օրինտացիայի) հետևողներ էին: Թագավորը արտահայտում էր այն հոսանքի տեսակետը, որը Վրաստանի միացումը Ծովաստանի հետ համարում էր պրովենիվ երեւյթ, մինչդեռ մյուս հոսանքը սրա հակառակն էր պնդում:

Էրեկե թագավորը կանցլեր Սոլոմոնին դիմում է հետևյալ խոսքերով.

Հապա, ի՞նչ կասես, իմ քաջ նախարար,
Մըտերիմ որդիս, մըտածի՛ր անսխալ:

1 «Արշավ», 1940, № 3, էջ 14 (ընդունումը մերն է.—Լ. Մ.-թ.):

Ըստաց անունն է Հըռչակված Հիմա,
Ունեն իմաստուն, բարեկործ արքա,
Վաղուց միություն ունենք Նըրանց հետ,
Ունենք կապ հաստատ, դավանանք հավետ,
Ժառանգությունըս թող նըրան անցնի,
Որ նա Քարթիին երջանիկ դարձնի¹:

(Թարգմ. Ա. Ավելիանի):

Արևելյան Հայաստանի միացումը Մուսաստանին թուրք-մենչայի 1828 թվականի փետրվարի 10-ի պայմանագրի համաձայն, Խ. Արովյանը նույնպես համարել է առաջադեմ երկուցչի իր «Վերը Հայաստանի» վեպում ընդգծել այդ միացման բարերար հետևանքները հայ ժողովրդի համար:

Վրաստանը Ծուսատանի հետ միանալու ասպեկտում է
և, Աբովյանը, մասնավորապես, դիտում վրաց արքայազն
Ալեքսանդրի (Էրեկլիի որդու) գործելակերպը և կերպարը, որը
համախորհ լինելով Քվաթախեվիի վանքի կիսասարկավագ
ինուա Խելաշվիլու հետ², Հակոռակ էր ոռւսական օրիենտա-
ցիային և, իրուեւ այդպիսին, «Վերք Հայաստանի»-ում հանդես
է գալիս նույն գերում, ինչպես Սոլոմոն կանցլերը «Քարթլիի
բախտ»-ում:

Խ. Արովյանը բառեր չի խնայում զովերգելու ոռւս ժողովրդին, որը Հայաստանին փշեց «շունչ կենդանի»:

Էն ինչ շունչ կըլի, որ էս նոր հոգին,
Փշի, վերկացնի քնից մեր աղգին,
Էն ի՞նչ ձեռք կըլի, որ մեր աշխարքին
Էլ եղ սիրտ տա ու կանգնացնի կրկին:

¹ Ա. Բարարաշվիլի, Հատընտիր, էջ 52—53:

Ա՞յս ես էն ձեռքին կյանքս զուրբան կանեմ,
էն կոխած հողին երեսս կըսեմ,
Ապրիմ իմ արինս նրան մատաղ կանեմ,
Մեսնիմ՝ հողիցն ել միշտ նրան կօրհնեմ¹:

Ըստ Խ. Աբովյանի, «Էջմիածին», Թավրեղ, Աբասաբաթ,
Սարգարաբաղ—սուսաց օրհնյալ ոսի հողին արժանացան»²:

Հետաքրքրական է, որ Ն. Բարաթաշվիլու «Քարթլիի բախ-
տը» պոեմի (1839) արտահայտություններին և Խ. Աբովյանի
«Վերք Հայաստանի» վեպի (1840) խոսքերին միանդամայն
համապատասխանում են նրանց հետ միաժամանակ (1840)
գրված Մ. Լերմոնտովի «Մծիրի» պոեմում տեղ գտած հիշա-
տակությունը.

Թե ինչպես ճընշված իր թագի տակին,
Այս ինչ թագավորն այս ժամանակին
իր ժողովուրդը հանձնեց ընուսին

(Թարդմ. Հովհ. Թումանյանի):

Եվ այն օրից

Վրաստանը ծաղկեց, ուսձացավ
իր այգիների շուրջերում հով-հով,
Բարեկամական զենքով պաշտպանված
Թըշնամիների ահից ապահով:

(Նույնը)

Ն. Բարաթաշվիլու և Խ. Աբովյանի նման, թերևս նրանցից
մի փոքր առաջ, վրաց ականավոր մտավորական Սոլոմոն
Դոդակ—Դոդաշվիլին (1805—1836) ևս նշել է, որ «Վրաստանը
առանց Ռուսաստանի անկարող է գոյություն ունենալ»:

«Վերք Հայաստանի»-ի, ինչպես նաև «Քարթլիի բախտ»-ի
մեջ ընդգծված է ո՞չ միայն Հայաստանի և Վրաստանի Ռուսաս-
տանին միանալու պրոգրեսիվ էությունը, այլև անդրկով-
կասյան ժողովուրդների կացությունը Ռուսաստանի հովանա-

¹ Խ. Աբովյան, Հ. III, էջ 165;

² Նույն տեղում:

վորության ներքո սիմվոլացած է երկու քույր գետերի՝ Կուրի և Արագի միախառնումով և հետագայում Կասպից ծովը թափ-վելով, որն ընդունում է իր ջրերում «մեծ» քրոջ՝ Վոլգայի ալիք-ները: Վերջինիս (Վոլգայի ալիքների) նպատակն է «Կասպից ծովի սիրտն ածեն, նրա աղի ջրումը կորչին, Պարսից նավերը չախըփուրթ անեն, Ռուսաց նավերը իրանց քամակի վրա տանին ու բերնեն»¹:

Իսկ Կասպից ծովի օժանդակությամբ Կուր գետի միությունը կրտսեր քրոջ՝ Արագսի և մեծ քույր Վոլգայի հետ և. Արով-յանը պատկերում է հետեւյալ տողերով.

Ոռուսիոյ Հզօր քաղուկ եղիցի ձեզ նիզն,
Նմա զո՞ լինիլ լիցի ձեր միշտ ճիզն,
Վոլգայ իմ մեծ քեռ, ևս, իմ քոյր երասխ,
Համբոյր մատուցուք ի Կասպեան կոհակ²:

4. 1842 թվականին Ն. Բարաթաշվիլին գրում է. «Իրակլի թագավորի գերեզմանը» («Սափիլավի մեփիս Իրակլիսա») բանաստեղծությունը, որտեղ մեծ ակնածությամբ է հիշում Իրակլի կամ, որ նույնն է, երեկոն Բ թագավորին (1762—1798):

Ն. Բարաթաշվիլուց մի քանի տարի առաջ, 1838 թվականին, և. Արովյանն էրեկլե Բ-ի մասին գրել է իր, կիսով արձակ և կիսով չափածո՞ 4 (վարիանտով 11) տուն պարունակող, սակայն թերի մնացած «Վերջին հրաժարական քաջազօր արքային Հերակլի» գործը, որտեղ Աղա-Մահմադ-խանի կողմից 1795 թվականի սեպտեմբերի 11-ի թիֆլիսի ավերման ժողովի վրա պատկերել է հիշյալ թագավորի հերոսական կերպարը քաղաքի պաշտպանության միջոցին, երբ արքան, հաշվի առնելով թշնամու քանակական գերակշռությունը, ստիպված է եղել հե-

¹ Խ. Արովյան, Հ. III, էջ 114: Քու և երասխ գետերի միախառնման փաստը, իրեն սիմվոլ, գրականության մեջ առաջին անգամ արձարձել է Սայաթ-Նովան իր վրացերեն խաղերից մեկում՝ «Քու, զոն կոսիս պիտուր-վիլս Արագով» (տե՛ս Սայաթ-Նովա, Երևան, 1959, էջ 121): Այս իսկ առումով Արագսի և Քու, երկու քույրերի, միախառնմամբ Կասպից ծովի մեջ, ուր ծովվամ ևս «մեծ Վոլգայի հնե», տես Նաիրի Զարյանի «Էսոսք եղբայրության» բանաստեղծության ա. տունը:

² Խ. Արովյան, Հ. III, էջ 199, 371, 374:

ևանալ թիֆլիսից կամ, ինչպես Խ. Արովյանն է ասում, «թողու գիր Արու՝ Կախեթեան յանտառս լինի ապաստան»¹:

5. 1842 թվականին Ն. Բարաթաշվիլին նվիրում է Միքայիլ Բարաթակին, որը հետագայում հայտնի դարձավ իրեւ գրամագետ և հեղինակ «Հնագիտական գաղտնաբառ և գաղտնաբառ գրքի (СПБ., 1844), նվիրում է Էպիգրամ ընդամենը Յ տողից բաղկացած «Հազարփեշի» վրա:

Հենց նույն ժամանակաշրջանում, համենայն դեպս, ոչ ուշ, քան 1843 թվականին, այս նույն «Հազարփեշայի» թևման օգտագործվում է Խ. Արովյանի կողմից իր ընդարձակ, կիսով դավիշտական և կիսով երգիծաբանական պոեմի համար, որ կրում է «Հազարփեշեն» վերնագիրը:

6. Մի անձնական նամակում, ուղղված Միքայել Բիբթվելի Թումանովին, 1838 թվականի օգոստոսի 6-ի թվահամարով, Ն. Բարաթաշվիլին հաղորդակից է դարձնում նրան այն տպավորություններին, որ ինքը ստացել է.

«В нашем скучном от жаров, душном от пыли, городе нет ничего любопытного. Я оживляюсь только по вечерам лунным, так прекрасным в Тифлисе! Вчера, в один из этих вечеров, пошел я бродить к Московской заставе; вдруг я очутился на кладбище. Признаться, немного смутился, когда взглянул на это окаменение. 11-ть часов ночи. Ни души. Кругом пустота вечная; луна тускло освещает могилы, как догорающая лампада

¹ Խաչատր Արովյան, նախաշափող կրթութեան եւն, Թուրքեն Զարյանի խմբ., Երևան, 1940, էջ 99—101, նույնը՝ Խ. Արովյան, հ. I, էջ 183—184, հ. IV, էջ 229—230:

Այսուղ, օգովելով առիթից, մենք պարագ ենք համարում նշել, որ ոչ այս և ոչ էլ այլ որևէ երկում Խ. Արովյանը բոլորավին չի հիշատակել այսպես կոչված «Կրծանիսի ճակատամարտը», ըստ երևացին այն պատճառով, որ նրա մասին իր տրամադրության տակ չի ունեցել անհրաժեշտ նյութեր Հետեապես, վրաց «Գրականություն և արվեստ» («Էլակերատարա զա խելովներա») թիբթի 1948 թ. № 37-ում տպված ստանավորը «Կրծանիսի ճակատամարտը» («Կրծանիսիս րքանա») վերնադրով, իրեւ Խ. Արովյանի բանաստեղծություն, այն էլ ականավոր բանաստեղծ Կոնստանտին Լորթիպանիձեի թարգմանությամբ (իրը թի Խ. Արովյանից), ինչպես մենք ստուգեցինք, լոկ թյուրիմացության արդյունք է:

усошедшего. Тихо и медленно протекает Кура, как будто боясь нарушить покой в этом унылом мире»¹.

Մոտավորապես նույն թվականներին և Արովյանը գրում է իր էսքիզը՝ «Հունայնություն աշխարհի. Այդին Դորդանովի» վերնագրով, որտեղ նմանապես հիշատակված է նույն «Մոտավորապես զատավայի» շրջապատը. «Մեկ Մայսի քաղցր րիգուն Վերիցը եղ գալիս,— գրում է և Արովյանը,— մտա Մոնաստիր եկեղեցու մոտի այգին», որը, ինչպես հետո պարզվեց, «կապիտան Դորդանովին» է եղել²: «Լուսնի դալուկ, լուրջ լիսը խառնվել է գոլորշու ու գետնի մառախուղի հետ, ամեն քար, ամեն ծառ էնպես էր առաջս բերում, որպես թե հոդիք են հետև խոսում....: Քուոք առաջիս էր օձի պես լարվել, ձգվել, ու շփշփալով, խշշալով՝ իր լեռ դրազների հետ կոփվ տալիս, անց կհնում, լուսնի շողքը ծալում, ծռմում: Քարափը մեկ կողմից էր իր սե, անմաղ գլուխը բարձրացրել..., Զորն իրան աշքերը բաց արել լուսնի հետ զրից տալիս, իր աղբյուր աշքերը, իր խոր բերանը բաց ու խոսի անում»³:

Մեջ բերված տողերից պարզ է դառնում, որ և Արովյանին վիճակվել էր իր սիրուհու կամ, ինչպես ինքն է ասում, «սիրելիի» հետ միասին Կուրի ժայռոտ ափին գտնվող «Լուսի Մոնաստերի» («Կապույտ վանք») կոշված հինավուրց (ԺԲ դարի) եկեղեցու բակըն հասնել, որին կից Թիֆլիսի պրավուլավ հնագույն գերեզմանատունն էր գտնվում:

Վերոհիշյալն այն վայրն է, որտեղ մեր օրոք տնկվեց Ա. Կիրսվի անվան կուլտուրայի և հանգստյան պարկը, որին գեղեցիկ բանաստեղծություն է նվիրել և. Գրիշաշվիլին: Վերջինս իրին էպիգրաֆ. ընտրել է թարգմանաբար Ն. Բարաթաշվիլու խոսքերը, հանված 1838 թ. օգոստոսի 6-ի նամակից, «... Երեկ երեկոյան քայլերս ուղղեցի դեպի «Մոսկովի դուռ»-ը և հանկարծ կանգ առա գերեզմանատան մոտ»:

Այդ ոտանագործ հայերեն թարգմանությամբ կարդացվում է այսպես.

1 Ն. Բարաթաշվիլի, Երկիր, Թբիլիսի, 1945, էջ 77 (վրացերեն):

2 Խ. Արովյան, 4. IV, էջ 219, 220:

3 Նույն տեղում, էջ 219—220:

Երեկ երեկո կանգնեցի մի պահ
 «Մոսկովի դռան» մեծ ճամփի միջին.—
 Այնտեղ էր մի օր անտառն հնամյա
 Ու մեռյալների օրբանը վերջին:
 Այնտեղ էր և այն տափարակն անվերք,
 Դաշտը լուսնիստ, ձորը կեղակուր,
 Այնտեղ ամեն ինչ զորչ լսության մեջ
 Ննջում էր հանգիստ և անհրապույր:
 Եվ ասաղերն էին ոսկե մեխերով
 Գամվել երկնքի փիրուղի լանջին,
 Ես նայում էի ագահ հայացքով,
 Ունկնդիր Կուրի խաղաղ մրմունջին:
 Բարաթաշվիլի՛, այն հողը, ուր գու
 Սիրում էիր մերթ մտքով սավառնել,
 Մաղկումք է ցանել արեգակն արթուն,
 Ու լուս քարերն էլ լեզու են առել...¹:

(Թարգմ. Աղավնու):

Թվում է, որ Ի. Գրիշաշվիլու այս տողերը կարելի է հաս-
ցեագրել և Խ. Աբովյանին:

7. Ի վերջո, մի գիտողություն ևս Խ. Աբովյանի և Ն. Բարա-
թաշվիլու գրական ժառանգության զուգահեռ ուսումնասիրու-
թյան ուղղությամբ:

Երկու կարծիք այն մասին, որ Խ. Աբովյանի և Ն. Բարա-
թաշվիլու ստեղծագործությունը տոգորված է զերմ հայրենա-
սիրության ոգով, իշարկե, չի կարող լինել: Սակայն հայրե-
նասիրությունը նրանց մոտ արտահայտվել է տարբեր ձևով.
Նրանց ապրումներն ու էմոցիաները գրեթե միատեսակ են,
թեև արտահայտության եղանակով և ոճով իրարից տարբեր-
վում են:

Այսպես, օրինակ, հայրենասիրական credo-ն Ն. Բարա-
թաշվիլու մոտ հնչում է «Որբ հոգին» («Սուլի Օրուի») բա-
նաստեղծության մեջ (1839) այսպես.

¹ Ի. Գրիշաշվիլի, Հատընտիր, Երևան, 1941, էջ 64—65, Բանաստեղ-
ծություններ, Երևան, 1951, էջ 82:

Զընկձի երբեք որբությունը ոչ ոքի,
Եվ շըհուղի պանդմտությունն ոչ մեկին.
Կոկ հոգով որբ մարդն է միայն խըզճալի,
Զույգը կորցրած՝ դըժվար ուրիշ թե ճարի¹:

(Թրագմ. Ա. Ավշյանի):

Իստ Խ. Աբովյանի «Վերքի» (1840).

Վաշ էն աղղին, որ աշխարհումս անտեր ա,
Վաշ էն երկրին, որ թշնամու գերի ա,
Վաշ էն խալսին, որ ինքն իր կյանքն, աշխարհը,
Զի՛ պահպանիլ ու հարամու ձեռ կըտա²:

* * *

Խ. Աբովյանի ժամանակակիցների և ժանավանդ աշա-
կերտների հուշերում կան բազմաթիվ վկայություններ այն ժա-
սին, թե ի՞նչպես էր մեծ լուսավորիչը անց կացնում ժամա-
նակը թիֆլիսում, թե ո՞րտեղ էր զբոսնում, ի՞նչն էր նրան
հետաքրքրում և այլն: Այսպիսի տվյալներ ցրված են նաև նրա
երկերում:

Հետաքրքրիր է Խ. Աբովյանի աշակերտ Գեորգ Հաքիմյանի
վկայությունը.

«Մեր վարժապետը, — գրում է Գ. Հաքիմյանը, — առանձ-
նապես սիրում էր ներկա լինել ժողովրդական տոներին³, —
զիտել, ուսումնասիրել երեւյները, բաներ քաղել գրանցից:
Թիֆլիսում այն ժամանակ ոչ թատրոն կար, ոչ օպերա և ոչ
անդամ կրկես: Դրանց փոխարեն կային ջիրիդ, մուշտակովի,
կոխ՝ ըմբշամարտ»⁴:

Ակամա հիշում ենք ի. Գրիշաշվիլու տվյած հին թիֆլիսի
բնութագիրը.

¹ Խ. Բարարաշվիլի, Հատընտիր, էջ 28:

² Խ. Աբովյան, հ. III, էջ 51, 232:

³ Այսինքն այսպես կոչված «օբա»-ներին, որոնց մնացուկները նկատ-
վում են և մեր օրով (Հմմ. Ա. Մանվելյան, Վերշին մեղեղին, «Սովետական
Վրաստան», 1958, № 193):

⁴ «Ժամանակակիցները Խ. Աբովյանի մասին», էջ 110:

Կըոիվ ու համբար: Գըլուսկոնձի: Պար:
ԱՀա աղաթներ հնուց մնացած...¹

(Թարգմ. Ա. Մուրզլալյանի):

Նույն Գ. Հաքիմյանի հուշերում նշված են նաև, որ Խ. Արովլյանն իր ընտանիքով այցելել է Թիֆլիսից դուրս գտնվող տեսարժան վայրերը, օրինակ Բոլնիսի ուխտատեղին, Շուլավեր ավանը և այլն:

«Երբ Թիֆլիսի հայոց և վրաց եկեղեցիների և մոտակա ուխտատեղերի բաները տեսել, դիտել էր [վարժապետս], — գրում է Գ. Հաքիմյանը, — կամեցավ Բոլնիսի ո. Գևորգի հոչակավոր տոնախմբությունն էլ տեսնել: Այդ ժամանակ Հավլաբար քաղաքամասի ժողովուրդը ձիռվ, սայլով, ֆուրզոնով զնում էր Բոլնիս ուխտ: Աշունքն էր, զինու և մրգեղենի առատ ժամանակը. վարժապետը ֆուրզոն վարձել ավեց, ուխտատեղին Թիֆլիսից 50—60 վերստ հեռու էր: 1841 թվի աշունքին պանսիոնի աշակերտներից 10 հոգի ճամփորդի պես հապնված զնացինք վարժապետի հետ՝ մեծ մասս սոսով, զրուց անելով՝ գեպի Սումիսեթ (ուղիղ՝ Սոմիսիթ, — և. Մ.-Բ.) երամի կողմը: Ֆուրզոնի մեջ նստած էին տիկին էմիլիան՝ Վարդանիկ տղեն գրկին և մեր բնկեր Յուզբաշյանցի մայրն ու քույրը: Աբովյանցը շարունակ հարցեր էր տալիս այս ու այն պատահող գեղացի ծերին, թե ի՞նչ անցքեր են պատահել այդ ձորերում, շենքում և ծոցատերի մեջ նշանակում էր նշանավոր տեղերի, անձերի անունները: Երբ տեղ հասանք, քիչ անելը թողած՝ խոսեցնում էր ուխտավորներին, աեղեկություններ ժողովում 15—16 տարի առաջ եղած քրդերի արշավանքի մասին, թե քուրդ Օքյուզ աղեն ինչպես է թալանել Նեմեցի կոլոնիեն, որի նկարագիրը վարժապետս գեղեցիկ կերպով դրել է «Վեհրք Հայաստանի»-ի մեջ: Տոնախմբության միջոցին գիշերն էլ բայերկնքի տակ անցկացրինք առանց քնելու. ամեն կողմ զուռնա, գաիրա, պար ու քեֆ էր, Թիֆլիսի զվարձասեր լոթիքը դիմ հավաքված էին այնտեղ՝ զառով ու կլապիտոնով զուգլած: Գիշերը ճրագի կարիք չկար: Բոլոր ուխտավորներն իրենց սայլերի մոտ խարուցիներ ունեին վառած: Կրակի շուրջը բոլորած

1 Ի. Գրիշաշվիլի, Բանաստեղծություններ, Երևան, 1951, էջ 91:

ոմանք աշուղների ածելուն ու խաղին էին ականջ դնում, ոմանք էլ ուտել-խմելոց կշտացած՝ ետ նստել, ճնից, նորից ասում, խոսում էին»¹:

Այս տողերը կարդալիս, չի կարելի չժիշել և. Աբովյանի ժամանակվա թիֆլիսի ու նրա շրջապատի երանգը, որի ճաշող նկարագիրը տալիս է նույն և. Գրիշաշվիլին.

Ահա թամաշան դեռ շըտեսնը ված,
էլ ո՞ւր է սերը և խինդը անգին.

Չըկան սայլերը վերից շարդախված՝
Ռվատավորներով Բոլնիսի ճամփին:²

(Թարգմ. Ա. Մուրվալյանի):

«Հետևյալ առավոտ,— շարունակում է Գ. Հաքիմյանը, — փուրզոնով գնացինք Շուլավեր, ուր ճրավիրեց մեզ մեր ընկեր Զարաֆյան Սոլոմոնը. նրա հայրն այնտեղ լավ այդի ուներ, մեջը սարքին մատան՝ դինու կարասներով: Տեղավորվեցինք նրանց տանը և լավ ժամանակ անցկացրինք՝ երգերով, ճառախոսություններով մեծերի համար դինին էր առատ, աշակերտներին համար խաղողի շագանները, որին տեղացիք բանդաղ էին ասում»³:

Միշանիլյալ Գ. Հաքիմյանը նշում է մի «մանրուք» և. Աբովյանի վերաբերյալ. «Վարժապետս լսել էր, որ Հասան խանի օրով երկու շուլավերցի մելիքներ են նահատակվել քրդերի ձեռքով. ուստի գուրս եկավ փողոց, ծերերին խոսեցրեց, ծոցատետրի մեջ նշումներ արեց: Այդ մասին երկար գրած կա «Վերը Հայաստանի» գրքի մեջ»⁴:

և. Աբովյանի երբեմնի աշակերտ (պանսիոնի գծով), հետագայում զինվորական բժիշկ, խսկական պետական խորհրդական (действительный статский советник) իվան Ափանասեիչ Կուկուչանովի (1829—1913) վկայությամբ, և. Աբովյանը «սովորություն ուներ իրիկնապահին» իր աշակերտներին տանել «զրոսնելու»: «Մեր զնալու մոտիկ տեղն

¹ «Ժամանակակիցները և. Աբովյանի մասին», էջ 110—111:

² և. Գրիշաշվիլի, Բանաստեղծություններ, 1951, էջ 90:

³ «Ժամանակակիցները և. Աբովյանի մասին», էջ 111:

⁴ Նույն տեղում:

էր,— զրում է ի. Կուկուչանովը,— Վանքի դիմացի կղղին, որ կանչալապատ էր ու ծածկված ուռի և այլ ծառերի անտառով։ Աշակերտներս զնում էինք կարգով, բայց ոչ կռնաբռնովի արած։ Քուն աշ կողմի բարակ ճյուղի վրա կար փայտի ժամանակավոր կամուրջ¹, զրա վրով անցնում, զնում էինք կղղին, վարժապետը նստում էր առանձին, մենք վազվզում էինք. նա մեր խաղին չէր մասնակցում, իրեն ծանր էր պահում։ Հետք միշտ բերում էր տան ծառալին։ Կղղին քաղցրոց համար ժամանակ անցկացնելու տեղ էր. ունեոր ընտանիքները սամավարով գալիս էին գետի կանաչ ափերին նստուառմ, թեզ խմում։ Աղքատ մասը կամ զարիք կնանիք էլ գուրս էին զալիս այդ կղղու վրա ոչ թեյի կամ քեֆի, այլ լվացք անելու, կարպետ, մթել մարդիլու²։

«Զբոսնելու համար, ճաշերից հետո աշակերտներին,— վկայում է Գ. Հարիմյանը,— [վարժապետը] տանում էր Սոլուլակի կողմերը, որտեղ այդիներ էին, վերևն էլ անտառով պատած էր։ Վարժապետս սիրում էր բնության մեջ բացօթյադասախոսել, զրույցով բնության երևույթները բացարկել»³։

Այս վկայությանը, սակայն, կարծես թե մի փոքր հակառակում է իվ. Կուկուչանովի պատմածը, որ «Սոլուլակի կողմերն արդի ու անտառ էր, զրույնելու չէինք զնում շատ անգամ, որովհետեւ երկյուղալի էր»⁴։

Խ. Սբովյանն իր աշակերտներին «երրեմն էլ տանում էր... Միքայելյան (այժմ Պլեխանովի) փողոցի ուղղությամբ, որն այն ժամանակ զուտ գերմանական գալութ էր՝ այդիներով շրջապատած, փողոցի կողմը փշեցապատ[ով]»։ Սակայն «Քուն ձախ ափին անցնելու համար,— զրում է Գ. Հարիմյա-

¹ Այս կամուրջը փուլ եկավ XIX դարի վերջերում հայոց «չքօրհնյաց» հանդեսի օրը, որի հետևանքով եկեղեցական թափորին՝ «Հորդանան»-ից վերադարձի միջոցնին հետեւղ հանդիսականների մի մասը չուրն ընկնելով խեղղմել էր։ Կամուրջի փուլ գալուց առաջացած ողբերգությունը որոշ արձագանք է զտել, ի միջի ալլոց, Զարզանդ Դարյանի «Պայքար» դրամայի առաջին գործողության առաջին պատկերում («Սովորական դրականություն», 1958, № 7)։

² «Ժամանակակիցները Խ. Սբովյանի մասին», էջ 123—124։

³ Նույն տեղում, էջ 110։

⁴ Նույն տեղում, էջ 124։

նը), — գնում էինք Մետեխի մոտի կամբջով», քանի որ «ուրիշ կամուրջ չկար, ոչ վերև, ոչ ներքեւ», իսկ «Գերմանական գաղութում ամենքը վարժապետիս ճանաչում էին. իր կնոջն էլ այնտեղից էր ընտրելով¹:

Էմիլիա Լոռզիի հետ Խ. Արովյանն ամուսնացել է 1839 թվականի սեպտեմբերին. պատի ծիսակատարությունը Վանքի մայր էկեղեցում կատարել է Թիֆլիսի Զգրաշեն եկեղեցու միաբան Մովսես քահանա Սայաթնյանը (1804—1883), Սայաթնովայի թոռը²:

* * *

Խ. Արովյանի ստեղծագործությունը, որն իր վրա կրում է XIX դարի 20—40-ական թվականների կնիքը, — թող չափազանցություն չհամարի բնիերցողը մեր ասածը, — պատմական աղբյուրի արժեք է ստանում Թիֆլիսի անցյալի վերականգնման համար, եթե չասենք ավելին, որ որոշ դեպքում (օրինակ Թիֆլիսի բուսաբանական այգու վերաբերմանը) այն նույնիսկ միակ և անփոխարինելի սկզբնաղբյուր է:

Եվ ի՞նչ չի նկատել ու նշմարել մեծ լուսավորչի սրատես Հայացքը:

Այս նարիղալան՝ հնում Կալա կամ Ղալա կոչված³ Հինավուրց բերդը (ամրոցը), որի հսկայական «բրչները» իշխում են այսպես կոչված Դարաղիսանի ձորը, հենց այն վայրում, որ Խ. Արովյանի օրոք գտնվում էր «թագավորական» բաղնիսների

¹ «Ճամանակակիցները» Խ. Արովյանի մասին», էջ 110:

² Խ. Մելիքսեբ-Բեկ, Սայաթնովա, Թիֆլիսի, 1930, էջ 159—160 (վրացերեն), նույնի Խ. Արովյանը Թիֆլիսիում և «Թուոքի աղջիկ» պատմվածքի տեղադրությունը, «Գրական հանդես» (Թիֆլիսի), 1941, № 1, էջ 32—33, Տեր-Մավսեսի նկարը նույնպես, էջ 32 (նկար 1):

³ Կոսպիտ սխալ է այս բերդը կոչել «Շուրիս-ցիխե», որը թյուրիմացության արվանք է. արա մասին տես մեր հոդվածները՝ «Տիֆլիս, его основание и краткий исторический очерк», «Тиблис и его окрестности», путеводитель, Тиф. 1925, стр. 8—10. Զալիսի—Թիֆլիսի—Փայտական, Հորելյանական ժողովածու, «Թիֆլիսի 1500», Հրատ. Թի. պիտ. Համալսարանի, 1958, էջ 32—53 (վրացերեն), զին Թիֆլիսիի և հայ-վրացական կուլտուրական կապերի պատմությունից, «Պատմա-բանասիրական հանդես», 1958, № 3, էջ 152:

եղեի բաղը», խաղողի տնկիներով և ընկուղենիներով, իսկ Աբովյանի Թիֆլիսից հեռանալուց մի երկու տարի հետո, ուղիղ 1845 թվականին, նրա տեղ հիմնվել էր Թիֆլիսի բուսաբանական այգին¹:

Այդ «բրչները», որ Խ. Աբովյանը դիտել և հիշատակել է «Թուոքի աղջիկ» պատմվածքում (գրված մինչ 1843 թ.), գրեթե նույնությամբ պահպանված է մինչ մեր օրերը²:

Ահա «Գյոռիսանա»-ն, «Թաղավորական այգու» դիմացը, Պարագիսանա կոչված գետակին հայնկույս, որից երկու փոքր դռներով էր բաժանված և ուր «խարաբաներ» էին նկատվում, իսկ Գյոռիսանայից հայնկույս, Սեղաբազի կամ Խարիսուխի տերիտորիայի վրա շունեոր ազրեցանցիների խրճիթները, սրանց թվում և «Թուոքի աղջկա» բնակարանը³: Այստեղ, Գյոռիսանայում, տեղի էր ունենում մահմեղականների «Հախսեյվախսեյ» կոչված կրօնական արարողությունը, որը տեսել է Խ. Աբովյանը և որի մի վարիանտը նկարագրել է վերոհիշյալ պատմվածքում:

Ահա ձին Թիֆլիսի պարծանք Սիրաշխանան, որի հոտն է գալիս Խ. Աբովյանի «Հաղարփիշեն» պոեմից և որի նկարագրությունն առկա է ի. Գրիշաշվիլու մոտ.

Անցել ես արդյոք մեր Սիրաշխանով,
Դիտել ուշադիր փողոցները ծուռ,
Քեզ չե՞ն առշեցրել սումբերն հաստափոր
Եկ ձիանուրի շարդա՞ը տըխուր⁴:

(Թարգմ. Գ. Ասատուրի):

Ահա Վերա կոչված բաղաքամասը՝ թամար թագուհու ժամանակվա «Մոնաստիրի»-ով կամ, ավելի ճիշտն ասած, «Լուրջի-Մոնաստերի»-ով, այսինքն Կապույտ վանքով:

¹ Խ. Աբովյան, Հ. IV, էջ 21:

² Լ. Մելիքսեբ-Բեկ, Խ. Աբովյանը Թիֆլիսում և «Թուոքի աղջիկ» պատմվածքի տեղագրությունը, «Գրական հանդես», 1941, № 1, էջ 35 (նկար 2), էջ 38 (նկար 5):

³ Նույն տեղում, էջ 39 (նկար 6):

⁴ Գ. Ասատուր, Մերձարեկելքի գրականության պատմություն, վրաց գրականություն, Հ. I, նմուշներ պոհպահյից, Երևան, 1931, էջ 112:

Ազա «Մողնին»-ը, որին Սայաթ-Նովան հատուկ տալ է նվիրել նրա 1751 թվականի վերանորոգման առթիվ:

ԱՀա «զաստավահա»-ն Սիրաշխանայի վերևից, որով Կախեթից և Աղբբեջանից Թիֆլիս մուտք գործող բնակիչները Հայլաբարով իջնում էին քաղաք:

Այս և հայոց հանգստարանը, այսինքն նախկին Խոջիվանքի գերեզմանատունը, որը հիմնվել էր Հինավոր Խոջա-Մելիքի վանքի և կից այգու տերիտորիայում, Հավլաբարի վերևում, որի, ինչպես և զաստավայի ու Մողնինի, Հիշատակությունը գտնում ենք և. Աբովյանի «Թիֆլիսի հայոց հանգստարանը» էսքիզում:

ԱՀա Մթածմինդան, իր տոնահանդեսով հանդերձ, որ լինում է գարնանը, համբարձման տոնի հաջորդ հինգշաբթի օրը կամ ալսպես կոչված «Ցինանց»-ի 47-րդ օրը¹, և որի նկարագրությունն, ինչպես ահսանք, արված է Մինաս Վ. Բժշկյանի ձանապարհորդական նոթերում և ուսւ բանաստեղծ Յակոբ Պոլոսկու համապատասխան բանաստեղծության մեջ:

* * *

Վրաստանը և նրա անցյալը, վրաց կամ վրացազգի գործիշներն ու նրանց գործելակերպը մասամբ իրենց արտացոլումն են գտնել են. Արովյանի երկերում, ինչպիսիք են՝ «Վերք Հայատանի»-ն, «Թուռքի աղջիկը», «Հազարդիկեցն», «Վերջին հրաժարական քաջազրությունը» և այլն, «Մանդա ու վիշտի հայոց»:

¹ Үүс орн էр հենց 1352 թ. 22 մայիսին, երբ ոմն հայ մեծատուն «Սարգիս Ասլանի որդին» և նրա զավակ «Ամիր-Սայիդը» այցելել էին [Քավիթ] Անհաղթ փիլիսոփայի գերեզմանը Գարեսչայի բազմալերանց անպատճմ և. Մելիքներ-թեկ, Գավիթ Անհաղթի Վրաստանում լինելու հարցի շուրջը, Երևան, 1946, էջ 262—263, Համկապիս՝ Լ. Մելիքսետ-Եկ, Ղարեջյան տերալինուա էպոխի մօնղոլու 1352ր. Էպիգրաֆիկա Վոստոկ», տ. VIII. Մ.-Լ., 1953, սր. 60. Խոյնի՛ Ճին Թրիլիսիի և Հայ-վրացական կուլտուրական կապերի պատմությունից, «Պատմա-բանասիրական հանդես», 1958, № 3, էջ 153, Խոյնի՛ Գավիթ Անհաղթը և Քավիթ Գարեսչելին, «Ակադ. Կ. Կեկիլիձեի ծննդյան 80-ամյակին Նվիրված հորելանական ժողովածու», Հրատ. Թրիլիսիի պետ. Համալսարանի և Վրացական ՍՍՌ ԳԱ, Թրիլիսի, 1959, էջ 197—232 (Վրացերեն):

րանը», «Հումայնություն աշխարհի, Այգին Դորդանովի» և
ուղին, առանձնապես զերմաններն լեզվով գրած ազգագրական
բնույթի հոդվածը «Ակնարի Թիֆլիսում ապրող հայերի կյանքի
և հատկապես նրանց հարսանեկան սովորությունների մասին»:

1. «Վերք Հույսատանի» (1840):

Վեպի մեջ ցրված են բազմաթիվ տեղեկություններ և ար-
տահայտություններ վրացական իրականությունից, օրինակ.

Աղասին փախչում է Փամբակ և ապա Թիֆլիս¹:

«Քաջա՞րադթ Յիշիանովը» պայքարում է Երևանը գրավելու
նպատակով²:

[Թիֆլիսի բաղաքացիք] «արադ» կոնծելով և «Կախեթու
դինին անոշ անոշ» խմելով՝ «կառեթով, գրոշկով փառավոր,
ուռած ուռած» ման են դալիս, «զառ, զումաշ» Հաքնում և այլն³:

[Խոջիվանքի] «գերեզմանատան [բարեկարգության] հա-
մար... ազգի պատվական իշխանքը՝ պարոն Զավրովն, Խերե-
գինովը, Դավիթ Թամամշովը, Մովսես Տեր-Գրիգորովը հազար
մանեթներով կիսարշեն, իրանք իրանց տեղ կրաշխեն, ժամ
կշինեն, խալսը ինքն իրան կերթա, իրան հացովը մշակություն
կանի անփող», և «էսպիս ընտիր իշխանքը, էսպիս բարեսիրտ
ազգը՝ վարժատուն շինելուց, մեկզմեկու օգնելուց կիսաշխին»⁴:

«... արինակեր Հասան-խանը [Երևանի] Սարգարի փոքր
ախպերը... ոտքը բարձրացրեց, որ զնա՝ Պետերբուրգն էլ առնի,
ավերի, Թիֆլիսու սիրուն օղուշաղը իրան դաշան զորացը մա-
տադ անի»⁵, բոլոր Ղազախ, Բոռչալու դոնմիշ էր էլելք⁶:

«... էրակլի [թագավորի] որդի Ալեքսանդրեն, որ Վրաս-
տան առնելուց եղը փախել, Պարսից զումն էր ընկել ու հարիր
սար չէր մնացել, որ անց չկենա, որ բալթի թե իր սրտի մուրա-
զը կատարի: Լազգի, Զաշան, Զերքեզ, Ղազախ, Բոռչալու,
Շամշադին, բոլոր Կասպից գավառները ձեռները հինա էին

1 Խ. Սրովյան, Հ. III, էջ 43:

2 Նույն տեղում, էջ 57:

3 Նույն տեղում, էջ 60:

4 Նույն տեղում, էջ 61—62:

5 Նույն տեղում, էջ 89—90:

6 Նույն տեղում, էջ 90:

դրել, թե առել, որ թոշին ու Ռոսի իշխանությունը ստանան»¹:

«... Հալբաթ որ մեկ օր մեկ արդար, անաշար մարդ Վրաստանու պատմությունը կգրի, էն ժամանակը կերելի, թե Հայքինչ արին, ի՞նչ հավատարմություն են ցուց ավել տերությանը, ի՞նչ արին են վեր ածել»²:

«... Ղղթաշը կարող էր սաղ Վրաստան ոտի տակ տալ, եթե Հայք չէին ամեն տեղ նրա ճամփեն կտրել:... [Գրիգոր Եպիսկոպոս Մանուշարյանը] Երմոլովի խնդրովը եպիսկոպոսության շորերը փոխած, չերքեղի շոր հազած, յարազ, ասպար կապած, որ Թիֆլիզու, Ղազախ-Բորչալիի միջովը չէր անց կենում, հենց իմանում էր խալիսը՝ թե իրանց փրկիչն է զալիս: Էն ժամանակը, որ Շամշադինի մովուվը հարիր մարդով հենց հասավ Մատուշի ասած կարմունչը³ ու սարսափելով էլ եղ-եղ դառավ, չկարաց առաջ զնալ, էս հոկա եպիսկոպոսը երկու մարդով, հազար արինակեր հարամու գլուխ շարդելով Ղազախ-Բորչալու անց կացավ, հասավ Շամշադին, իր հայրենիքը...

... Մինչև Թիֆլիզուցը օգնություն գար:... Էս միջումը Ալեքսանդր վալին ու Զոհրաբ խանը էկան, Շամշադինը կոխեցին ու քիչ էր մնացել, որ բոլորը տակ ու գլուխ անեն:... Անմահ եպիսկոպոսը էն խնդրեց, որ Շամշադինու ու Ղազախ-Բորչալիի հայ ազգը թուրքի ձեռիցն աղատվի»⁴:

¹ Վրաց արքայազն Ալեքսանդրի (1770—1844) մասին տե՛ս. Բաֆֆի, Ալեքսանդր արքայազնը Պարսկաստանում, «Մշակ», 1870, № 25. նույնը վրացերեն՝ «Թրոհրա», 1872, № 28. «Կվալի», 1893, № 41; Բաֆֆի, Երկրի ժողովածու, հ. IХ, Երևան, 1958, էջ 32—34: Աղ. Երիցյան, Վրաց թագավորական տան վերջին շառավիրը, «Արձագանք», 1882, № 12, էջ 177—180, նույնը վրացերեն՝ «Թրոհրա», 1882, № № 126 և 127: „Ակты Кавказской Археографической Комиссии“, Т. I, 1866, стр. 199—201: Լ. Մելիքսեբ-Բեկ, Վրաց ազրյուրները Հայաստանի և Հայերի մասին, հ. III, Եր., 1955, էջ 192: Հմմ. Նույնի Ս. Հոփփումենի և Ս. Գայանեի վանքերի երկեղության շափածու տապանագրերը, «Էջմիածին», 1959, № 4, էջ 34—38:

² Խ. Արովյան, հ. III, էջ 121:

³ Հավանաբար խոսքը այսպիս կոչված «Կոտրած կամուրշի» (վրաց. Գատեմիլի խիորի) կամ «Կարմիր կամուրշի» (ուսւ. „Красный мост“) մասին է: Լ. Մելիքսեբ-Բեկ, Վրաց ազրյուրները Հայաստանի և Հայերի մասին, հ. III, էջ 131, 139. Խ. Ի. Կվեզերա-Կոնաձե, Գատչիլի խնդի, Տბիլիսի, 1956.

⁴ Խ. Արովյան, հ. III, էջ 122, 306:

«Մադաթովի անունը հազար բերան կհիշվի, հազար լեզու կդրվի՝ թե նա Վրաստան ազատեց»¹:

«Միթե Ներսես եպիսկոպոսը չէր, որ գրաֆ Պասկելիչի հետ մտավ Հայաստան ու Հայոց մեծ մասը՝ քարոզելով, հորդորելով՝ Ռախ ձեռի տակը բերեց: Քանի՞ քանի քաղաքներ, գեղեց դարդակվեցան զզրաշի ու օսմանցի երկրումը, ու քանի՞ սն էր Հայաստան, Վրաստան նրանցով լցվել»²:

«Միթե էս բայազդցիք չէի՞ն, որ երբ մեր զորքը նրանց քաղաքն առավ, մեկ քանի օրից եղբ՝ հանկարծ վանա փաշեն մեծ զոշունով որ էկավ, Բայազդի շորս կողմը բռնեց, էս քաջ Հայերը հոգին ատամների տակն առած էն տղամարդությունը ցուց տվին, որ դեռ երեան չեկած, շատը աստիճան, խաչ ստացավ: Էս օր էլ որ ողորմելիքը Թիֆլիզումը մշակություն անելիս, կամ բաղնաներումը ծառայելիս խոսք ա ընկնում, էն կտրատված շորըներիցը էլի իրանց խաչերը հանում, զոռովությունով ցուց են տալիս իրանց արնի դինը»³:

«... Ախ՝ ո՞ւմ մըտքից կերթա էն հսկա կերպարանքը, էն գեղեցիկ պատկերը, էն անոշ լեզուն ու անօրինակ ուշշիդությունն ու սիրտը, որ շուշավերցի Սոսի աղեն ու մելիք Հոհան-շանն ունեին: Հրեղեն վիշապի պես ընկել էին Քաշվիթու ու Բոլնիսի սարերը, որ թշնամու առաջը կտրեն, տեղ չտան, ու ինչ ժամանակ խաբարը նրանց է հասնում, թե նեմեցի Կոլո-նիեն տվին, քառասուն կտրիչ տղերք քամակին, իրանց մով-րովն էլ մեշներումը՝ է՞ն վախտն են վրա հասնում, որ քուրդ Օքյուղ աղեն վաղուց Կոլոնիեն քանդել ու իրեք հազար մարդով եսրների կեսը կոտորել, կեսը առաջն արել՝ տանում ա»⁴: «Բայց հսկայն Սոսի» ու «էս կտրիչ հսկայքը»... «կատաղած հարամին ընշանք վրա կհասներ, մեկ տասնը հինգ մարդ էլ սպանում են»⁵:

¹ Խ. Արովյան, Հ. III, էջ 307:

² Նույն տեղում, էջ 123, 307:

³ Նույն տեղում:

⁴ Նույն տեղում, էջ 124, 308:

⁵ Նույն տեղում, էջ 124:

«... Բնկերներն... Աղասուն կապեցին ձիու վրա ու ընկան Արարանու սարը, որ կամ Փամբակ փախչին կամ Ղարս կամ Ախալցխա, որ իրանց զլուխը թափին»¹:

«Ղղլաշի զորքն Գյանչա, Ղարաբաղ էս կողմիցն էր առել, ոտնատակ տվել, Փամբակ, Շորազյալ էն, էս կողմիցը Արասմիրդեն, էն կողմիցը Հասան-խանը քանդելով, ավերելով էկել Հասել էին Թիֆլիզ, որ գնան Պետրովուրդ... Մատաթովը պետք էր Վրաստանու փրկիչը լիներ»², «որ գա Թիֆլիս»³:

«Փեռ վարժատան աշակերտ էի ու ինչպես էօր կհնդանի է մտքում» Աղասին ինչպես մտավ Թիֆլիս»⁴:

«...Պասկեվիչ, անօրինակ Հսկայն, մեկին Հանդիսով Թիֆլիս ուղարկեց, մյուսոցը շնորհը, ողորմություն ցուց տվեց»⁵:

«... Ներսես սրբազնը Սահակ աղի ձեռիցը բռնած՝ ընկել էր բրչերի, բազանների զլուխն ու հենց զիտեր, թե երկնքիցն ա Երևանու գաշտին մտիկ տալիս: ... Զէր իմանում՝ թե Երևան ա տիսածը, թե Թիֆլիզ»⁶:

2. «Թուրքի աղջիկը» (մինչ 1843)

Այս պատմվածքը, որի հնթավերնագիրն է «Զորությունն իլոնի», զրված է և. Արովյանի Թիֆլիսում եղած ժամանակ ու ուշ քան 1843 թվականը, և ամբողջապես հյուսված է հին Թիֆլիսի Սելյաբադ կամ Խարիսովս կոչված քաղաքամասի աղբքանական (թուրք) բնակչության կենցաղային կտավի վրա:

Պատմվածքը - միաժամանակ միակ զրավոր աղբյուրն է Թիֆլիսի բուսաբանական այգու այսպես կոչված «նախասպատմության» համար, երբ այդ այգու տեղում գտնվում էր «Թագավորական ամառնային այգին» («Կազենի լեռնի сад»):

1 և. Արովյան, Հ. III, էջ 126:

2 Նույն տեղում, էջ 174:

3 Նույն տեղում, էջ 175:

4 Նույն տեղում, էջ 176, 360:

5 Նույն տեղում, էջ 180:

6 Նույն տեղում, էջ 181:

7 А. Х. Роллов, Краткие исторические сведения о Тифлисском ботаническом саде. „Труды Тифл. ботанического сада., т. I, Тифлис, 1895, стр. 1.

«Թուոքի աղջիկը» որոշ գաղափար է տալիս ընթերցողին այլու որպիսով մասին մինչ 1843 թվականը:

Բերում ենք պատմվածքից բոլոր այն կտորները, որոնք այսպես թե այնպես վերաբերում են ինչպես բուսաբանական այլու «նախապատմությանը», նույնպես և առհասարակ հին թիֆլիսին¹:

«Մեկ օր էլ էս կրակը ջանս էր ընկել, սիրոս էրում, փոթոթում,որ տանից, տեղից դուս ընկա, ու դեպի թաղավորական՝ բաղնիսների ետևի բաղը երըմիշ էլա»...²:

«Իմ բախտիցը թագավորական բաղի գույզը բաց էր: Մտաներս, բաղմանշուն գլուխ տվի, սուս, որ ինչ ա, չբարկանառ ծառին, քոլին մտիկ տալով, ընկա գարբղուս, որ կարծիք շտանի, թե բան կողովանամ... Օգոստոս ամիսը, հավողի ճթերը հաղար տեղից կախ ընկած.

Ես էլ մրգի գերի, փորի գերի,
Ո՞վ ըլի, որ սրտի ծերը չերի:

Քարափի տակի ընկուզի ծառն ու հավողը աշքիս տակն էի տոել, ու դեմք գնում, դեմք աշքըս եղես, չորս կողմս քցում, որ տեսնեմ, թե բաղմանշին հո չի գալիս, ծառերի տակին հո մարդ չկա, որ ինձ տեսնի:

Հարամ ըլի էսպես աշն էլ,
Էսպես իշտահն էլ»³:

«... երեխությունս միտս ընկավ. բաղմանշին տուն մտավ, հավողի շաղ շաղ, ոև սկ ճմկուտած ճթերը ցրվեցին սրտիս հոքսն ու ցավերը, ու նստած տեղիցս, ընկուզու տակիցը հարիր անգամ շլինքս երկարացրի, էլ եղ քաշեցի, ծղլուրդ էլա, ծլունկ էլա ու, աստուծո փառք, մարդ շտեսավ...»⁴:

¹ Ա. Սելիխսիր-Թիկ, Խ. Արտյանը Թիվիսում և «Թուոքի աղջիկ» պատմվածքի տեղագրությունը, «Գրական հանդես» (Թիվիսի), 1941, № 1, էջ 31—40 (6 նկարով):

² Խ. Արտյան, հ. IV, էջ 21:

³ Նույն տեղում:

⁴ Նույն տեղում, էջ 22:

«... Դե, Հա կաց ու շախսե-վախսե կանչիր... Էլ աճ ու դող չունեի, ուզածու արել էի, մեղքս գործել, ծառը չեր ասիլ, ևս էլ Հո՛ Էլի ինչպես մեկ մարդ՝ բանից բեխարար, վազին էլ չեր մտիկ անում, որ իմ արդարությունը կարծիք չտա—ընկա էլ եդ սարնըվեր, սարնըգուս ու էկա մեկ կանալ տեղ նստեցի, աշքս Թուրքերի զյուխանին քցիցի...»¹:

«... Քարափի բրջները մեկ կողմիցս Էկն զլխները բարձրացրել, լուռ, մունչ մտիկ տալիս, զյուխանի գերեզմանաբարերը առաջիս լովել, պապանձվել, շոր, էրված, խորովված սարըն ու ծոր՝ մեկն իր մեռած զլուխը ցուց տալիս, մյուսն իր ճոթուած սիրտն ու դոշը: Լազգի, թուրք, Ղուբաշ, Օսմանցի մեկ կողմիցն էին թվանքի, թոփի զյուլին զոռ տալիս, զոռում, Հայ, Վրացի, Օս, Փշավ, Խմերել մյուս կողմից՝ իրանց կրակը բաց արել՝ էկողին շարդում, մոտանողին զյուլլախորով անում, հասնողին՝ յա գլուխը փորը խրում, յա իրան սաղ սաղ բիրդը քաշում: Ղցըրուն, Հարաց Հրոցը, ձենը ծորը ականչ էին խլացնում: Սար ու ծոր զըմբում, դընգում, մարդի ուշ ու միտքը զլխիցը թոցնում էր:

Որի մազիցն էին բռնել քաշ տալիս,
Որի թեկցը ձգում կախ տալիս,
Որը սրգու եղիցիցն էր լալիս,
Որը զլխին վեր հատում, սիրելուն տանելիս...»²:

«... Էսպես մոլորած, շվարած մնացել էի, որ աշքս ընկալ թագավորական բազի դիմացի խարարեցանց վրա, որ զյուխանիցը երկու ոտ հնառ շի ըլիլ: ... Գեցգանգեջ տեսա, որ մեկ ջան քարերի միջին նստած՝ դեմք զլուխն էր ծեծում, դեմք դոշը կտրատում: ... Ո՞վ ըլիլ, թող ըլիլ, սրա դարդը ընշանք չիմանամ, չեմ զնալ լստեղանց, ասացի ու թե առա: Բայց ի՞նչպես համփա գտնիլ. բազը մեկ դուռն ուներ, գենք զնացի, պտի կրկին քաղաքը մտնեի ու բազնիսների գլխավը գայի, էնտեղ հասնեի: ... Երկու պստիկ դուռն էլ կային³, ամա կոխ-

1 Խ. Արովյան, Հ. IV, էջ 23—24 (ընդգծումը մերն է—Լ. Մ.-Բ.):

2 Նույն տեղում, էջ 24:

3 Այժմ ոչ այս զռները կան և ոչ էլ որևէ պարիսպ, որը բաժանում էր Գյուխանան բուսաբանական այգուց, բանի որ Գյուխանան վերջինիս է հանձնված և նրա տերիտորիայի մասն է կազմում:

պած, ո՞ւմ ասեմ, ո՞ւմ խնդրեմ: Ելի Կրեխությունս միտքս բերի, թե զող էլ կանչեն՝ ասեցի մտքումս, զողությունը Հո արել ես, պատովն էլ թոփ' ր, ընշանք եղիցդ կհասնեն, ուռ էլ Հո ոտն ունիս, ձեռք էլ հետք, յա փախիր, յա կպիր. մեկ ձիթ հավողի խաթեր Հո մարդ չեն սպանիլ: Ասիլն, անիլը մեկ էլավ. ձորն առաջիս բաց էլավ. լավ էր, որ ոստ չկոտրվեցավ, շունքի պատը բավական բարձր ա: Ոտս էլ որ կոտրվեր, չեի իմանալ, շանս էնպես տաք էր: Մեկ քանի լոր էլ որ տվի, խարարեքն առաջիս կանգնեցին. իմ սքացողին աշքս տեսավ. բայց իրեք գոմփոռ շուն էնպես վրա էկան ինձ, որ ուղում էին երեսս վեր բերեն: Շան հետ վազուց էի բազումը հեսաբս զրսաել ու իմ օրումը շանից չեմ վախեցել, չեմ էլ վախենալ, բայց ում ուղում էի, ալբեր գյում էլավ»¹:

Եվ այս:

Բոլոր այս մեջբերումները, որ մենք քաղեցինք «Թուրքի աղջիկ» պատմվածքից, վերաբերում են Հին Թիֆլիսի այն թաղին, որտեղ կենարոնացած են Նարիղալայի Հինավուրց բերդը իր «բրջներով», բուսաբանական այգին ու նրան կից Գյոռխանան, ուր և. Արովյանի անհետացումից ուղիղ 30 տարի հետո հավիտենականության զիրկն անցավ նրա երրեմնի պաշտոնակից և գաղափարակից, աղբեշանական նոր գրականության հիմնադիր Միրզա-Ֆաթալի-Ախունդովը (1812—1878):

3. «Հազարփեշեն» (մինչ 1843)

Այս պոեմում ավելի, քան որևէ ուրիշ ստեղծագործության մեջ, և. Արովյանը պատկերել է Հին Թիֆլիսի էկզոտիկան, զավեշտական-երգիծաբանական ոճով:

Պոեմի կենարոնումն է մի «սկանդալ», որը պատում է գլխավոր «Հերոսի»—եկվորի շուրջը, անկախ նրանից, թե ո՞վ է այդ եկվորը՝ «իմաստուն մարդ», «եվրոպացի» թե՝ ցարական շինովնիկ²:

«Սկանդալը» առաջանում և ծավալվում է քեֆի ժամանակ, որի ատրիբուտներն են ոռոմք, կոաքիթ, կուլա, զինու պող

¹ Խ. Արովյան, Հ. IV, էջ 26:

² Հմմ. Ա. Ասատրյանի հոդվածները՝ «Առվ. Հայաստան», 1948, № 155 և «Տեղեկագիր», ՀՍՍՌ ԳԱ, 1948, № 9, էջ 84—91:

(զանծի), սե տկնոր, կպրած տիկ, կպրի կարաս, սուպի գգալ
(Հաղարփիշա) և այլն:

Գործող անձինք են, բացի եկվոր-Հյուրից, Թիֆլիսի տա-
րացեղ բնակիչները՝ վրացի, հայ, սուս, ադրբեջանցի: Խմում
են «Հային օրհնելով, վրացուն գովելով»: Տեղ-տեղ հիշատակ-
ված է «Կախեթու բաժակի ղագրը», «Քոի ջուրը» և այլն:

Պոեմի հերոսը պատահմամբ ընկել է Թիֆլիսի տարացեղ
և տարաստիճան (ռազնոշին) Հասարակության շրջանը, որտեղ
նա իր տեղը չի գտնում և ծաղրի առարկա է գտնում: Հերոսին
դուր չի գալիս Թիֆլիսի յուրօրինակ էկզոտիկան, ուստի և նա
բարձրից է նայում բոլորի վրա: Եվ Հենց այստեղ է բոլոր «շա-
րիքների» արմատը, սկսած նրա «Հյուրասիրության» առաջին
քայլից մինչև հանգույցը, այսինքն՝ ապաթեոզը, իր նա
ստիպված է լինում հաշտվել իրողության հետ և, հակառակ իր
կամքին, նույնիսկ մասնակցում է կերուխումին՝ գովարանելով
քեփ սիրողներին, որոնց համար միևնույնն են «Հայի մուշտին,
վրացու քացին»¹, ինչպես և «մեկ ա» գինին ու Քոի ջուրը²:

Պոեմի ամենապատկերավոր մասը՝ դա էպիլոգն է, որն և
բերում ենք այստեղ ամբողջությամբ.

Ասացե՛ք տղերք՝ դուք ալահվերդի,
Յաղշի՛ օլ, ուռա՛, կամ զգրավի.
Բոն ժուրն, գուտն տաղն բանի պետքը չի՛.
Աստված՝ օր, արև ոմբու շինողին,
Աստված մեր հաղարփիշա սարքողին
Մինը հաղար անի, գերեզմանն օրհնի՛:
Նրա մեռած հոգին միշտ լուսավորի.
Ու մեզ էլ պահի, որ մեր Կախեթու
Բաժակի ղագրը միշտ իմանանք ու
Միշտ հաղար բերնով ու հաղար ձեռով
Հաղարփիշեն բոնած՝ հաղար օր ասենք
Աստված Կախեթը շեն պահի, հաստատ.
Նա է մեզ տալիս ուրախ սիրտ, զվարթ:
Աստված Երա բոնյաթն միշտ հաղար տարի

¹ Խ. Արովյան, հ. I, էջ 173:

² Նույն տեղում, էջ 174:

Ղայիմ, զաղբմի անպակաս անի:
 Հազար ձեռով մեղ հազար փորձանքից,
 Հազար շափոց-շոփոց մեղ ազատ պահի:
 Տղերք՝ ձեր մինը միշտ հազար ըլի:
 Ուտենք, թիֆ անենք, Յո հազար տարի
 Մենք չենք ապրելու էս փուշ աշխարհումն:
 Սաղ ըլիք, ուրախ՝ հավասարական,
 Մեր մեռած ու սաղ ըմբով կշտանան¹:

4. «Վերջին հրաժարական ժաշագօր Արքային Հերակլի»
(1838)

1795 թվականի սեպտեմբերի 11-ի Թիֆլիսի սարսափելի ավերումը Աղա-Մահմադ-խանի հրոսակաբմբերի կողմից նյութ է ծառայել հայ բանաստեղծ-եղերերգունիքին ու արձակագիրներին գրեթե կես դար շարունակ, այսինքն նույն 1795 թվականից սկսած և մինչև XIX դարի 40-ական թվականները:

Վերոհիշյալի մասին են գրել Սերոբ Պատմիչը, անանուն սպատմիչը, Շամշի-Մելքոն, Հարություն Արարատյանը, Սերոբ Պատկանյանը, Օհան Ռոկերջյանը, Մելիքսեհթ քահանան, Խաչակ Սահրապյանը, աշուղ Քիչկի-Օղլանը, Գալուստ Շերմազան-Վարդանյանը և այլն², որոնց այժմ պիտի ավելացնել, մի կողմից, աշուղ Շիրինի «Ողբ Թիֆլիսի ավերման»՝ գրված աղբեջաններն³, և մյուս կողմից՝ և. Աբովյանի ստեղծագործությունը վերոհիշյալ խորագրով⁴:

և. Աբովյանի այս գրվածքը մեղ հասել է 2 տարբերակով. մեկը՝ կիսով արձակ և կիսով շափածո. շափածոն 15 վանկանի քառատող է 4 տունից⁵, մյուսը՝ միայն շափածո, բաղկացած

¹ Խ. Աբովյան, հ. I, էջ 175:

² Լ. Մելիքսեհթեկ, Անանուն հայ սպատմիչի նորազյուտ երկը Թրիլիսիի 1795 թ. ավերման մասին, «Արմֆանի տեղեկագիր», 1941, № 3—6, էջ 45—46:

³ Ս. Ս. Սեփդ-զադեի հոդվածը «Դարավոր բարեկամություն», «Սովորաստան», 1957, № 188:

⁴ Տե՛ս նաև՝ Վ. Նալբանդյան, Թրիլիսին հայ մատենապրության մեջ, Երևան, 1958, էջ 158—170:

⁵ Խաչատուր Աբովյան, Նախաշավիդ, Երևան, 1940, լդ. LXXXIX—XCI. Խ. Աբովյան, հ. IV, էջ 229—230:

2 մասից, որոնցից առաջինը 15 վանկանի քառատող է 5 տունից և երկրորդը 10—12 վանկանի քառատող է 6 տունից¹:

Ստեղծագործության հիմնական մասը, որի երկու տարբերակները համընկնում են և անմիշականորեն վերաբերում 1795 թվականի ողբերգությանը, երեկոյ շրջի կերպարի նկարագրությամբ հանդերձ, կարդացվում է այսպես:

Զայն աղաղակի որրոց և այրեաց փակէ զլսելիս.

Դղրդաց Տփղիս, ծփան բնակիչք ի հեղեղ արեան:

Արքայն Հերակլէս քաջ նիվակակցօք յողբածայն լալիս

Քողու զիւր Աթոռ՝ Կախէթեան յանտառու լինի ապաստան:

Ի դառն տագնապի հայր զրդի, զտուն մոռանայ, թագչի.

Եւ սուր սեագունդ գառնաշունչ Պարսկաց կատաղի անհնար:

Զորդի ի ծնողաց, զհարսն յառագաստէ վարէ յիւր գերի

Աղայ Մահմադ-խան անսիրտ բռնաւորն անողորմաբար:

Ի տանէ ի տուն մտանեն դահիճք՝ մերկեալ զսուսեր:

Կոծ հեծեծանաց՝ զբարինս գալարէ՝ մանկանց, տղայոց:

Լիրինք Տփղիսայ հեկեկեն ի ցաւ բնակչաց անտէր,

Այլ անօրինին սիրտ արենաբրու ոչ շարժի յողբոց:

Գանձք, հարստութիւնք, կալուածք թանկագինք աւար

Հարկանին.

Աղարանք շքեզք, դահոյք փարթամաց թաղին ի մոխիր:

Զոր ձեռք մահարերք կործանել կամ խլել անդ ոչ կարացին,

Անյագ հրդեհին եղև կերակուր և անդարձ ոճիր:

5. «Առ հանդէս ուխտի ի սուրբ լեառն Մբածմինդայ» (1842).

Մբածմինդայի կամ Մամա-Դավթի, այսինքն ս. Թավիթ Գարեսչելիի, հիշատակը սովորաբար նշվում է «Յինանց»-ի 47-րդ օրը, այսինքն՝ Համբարձման հաշորդ հինգշաբթի և ապա ամեն հինգշաբթի՝ զարնան և ամուան ամիսներին:

Խ. Աբովյանի այս տոնի նկարագրությունը կանխում է ուսւ բանաստեղծ Յա. Պոլոնսկու հորինվածքին, որտեղ կարդաւում ենք.

¹ Խ. Աբովյան, հ. I, էջ 183—184.

Куда весной по четвергам
Бредут на ранний звон
Тропинкой каменной в чадрах
Толпы грузинских жен.

Бредут нередко в страшный зной:
Одие— просить детей,
Другие— воротить мольбой
Простывших к ним мужей¹.

Այս նույն Մթածմինդայի-Մամադավիթի հետ կապված
տոնակատարությունն ու տոնախմբությունը և. Աբովյանը տա-
լիս է այսպես.

Մինչ Մթայ-Մմինդայ լիւր տիսուր ծոց
Հաներ, տաներ զաղօթարարս
Յուխտ, ի մաղթանս՝ կարօտ հոգւց՝
Սրբյն Դաւթի ի հեղ տաճար:

Գոեհք, փողոցք կենդանացեալ՝
Յուխտաւորաց սրտանուէր,
Որք գունդագունդ զերամ կազմեալ,
Դիմեն ի լեառն անդ զառ ի վեր:

Աստ օրիորդք, նորահարսունք
Պճնեալ ի զարդ հանդիսական.
Անդ պատանիք, ծերք և մանկունք
Թևս առեալ՝ շուեն խնդաձայն:

Ի ձիւնափայլ հանդերձս՝ կանայք
Մարգարտահիւս, ոսկեճամուկ.
Ի զարդս, ի զգեստս անդ երփներանդ՝
Մեղմաշարժ ձգին ի ձորին անձուկ:

Աստ ի նժոյդ օդասլաց՝
Պատանին քաջ զինազարդեալ՝

¹ Я. Полонский. Стихотворения, Л., 1954, стр. 361.

Անդ յամեհի խաղս կառաց
Զոկ ընտանեաց՝ գոռող բազմեալ:

Ամենեցուն աշք հետաքննին
Յայս տեսարան միսեալ անկուշտ,
Ոմն գողանայր զիւր փարելին,
Ոմն ընծայէր ի տես զիւր շուք:

Ի շող՝ պայծառ միջօրէին,
Ի նսեմ սառւեր երեկոյին.
Բիւրակերպեան այս պատկեր անդ
Փոփոխ առ փոխ շարժի մեղմին:

Աստ ի հովիտս հայր ընտանեաց,
Անդ յարտեանս խումբ խաղարկուաց,
Ոմն բազմեալ՝ խրախճանայ,
Ոմն արշաւէ, երգէ, ցնծայ:

Աստ պատանին սիրաբորբոք,
Յիւրըն յատշի կոյս սրբասուն,
Անդ օրիօրդն, կամ հարսն ամոք,
Ի փեսայն իւր գմացլի՝ սիրուն:

Չայն քնարաց, փողոյ, նուազի,
Ի դաշտս, ի ձորս գեղգեղելով,
Չանցաւորաց սիրտ, լսելի
Պարարէ քաղցր առ անոյշ հով:

Երջանիկ նա, որոյ աղերս
Էտո զկատար, լցաւ փափագ.
Բայց բանեա՞ց իղձ մնաց անտես,
Ի լոին սիրտն անքակ և փակ:

Երանեմ զձեր վիճակ անմեղ՝
Արդա՛ր որդիքդ բնութեան.
Պարզ այս ձեր ուխտ լիցի ձեղ գեղ,
Առիթ յուսոյ և փրկութեան: ...¹:

¹ Խ. Արովյան, Հ. I, էջ 217—218:

Ը. «Թիֆլիզու հայոց հանգստարանը» (1842—1843)

Սանտիմենտալ ոճով շարադրած այս հոդվածը, որի գրության թվականը անհայտ է, նվիրված է մի «ազիզ հանդուցյալ»՝ «պարոն Տատյանց աղջկա» և Հեղինակի «դասընկեր սիրելի աղջակից պարոն Դադո Տեր-Շմավոնովի նշանած»-ի հուզաքրիավորությանը գեղի Մողնու և կեղեցին:

Հոդվածում, ի միջի այլոց, Հիշված ևն Խ. Արովյանի ժամանակակից Թիֆլիսի հայ գործիչները՝ էջմիածնի միարան Մինաս արքեպիսկոպոսը, Գ. Խերովինովը, Ե. Խատիսովը, Միրզյանը, Շահբաթովը, Սուրբունովը, Մովսես Տեր-Գրիգորովը, Նունի Տեր-Շմավոնովը, Աքիմյանը և ուրիշները¹:

Հիշված է, ի միջի այլոց, Հավլարարի «զաստավա»-ն, որտեղից Հեղինակը անցել է «զրոշկայով». Կողքին գտնվել է «ձիավոր պարոն Մովսես Տեր-Գրիգորովը», որի հետ միասին հասել է գերեզմանատուն:

Ապա Խ. Արովյանը տալիս է վերջինիս նկարագրությունը.

«... Հանգստարանի գեղեցկության վրա դարմացած, էն սիրուն տնկած ընկուզի ծառերը որ չեի տեսնում ու մտքում ասում. «Եխս դառնա քո բունյաթ քցողը, կանաչի էն ձեռը, որ ձեզ տնկիլ ա տալիս, այ սուրբ գերեզմանատուն, այ ջիվան ծառեր...»²:

Ամենայն կասկածից դուրս է, որ Խ. Արովյանի այս հոդվածը վերաբերում է Խոչչիլանքին³ ու նրա բարեկարգության խնդրին, որն անցյալ դարում ցավոտ հարցերից մեկն էր:

7. «Հունայնուրյուն աշխարհի. Այգին Պորդանովի» (մինչ 1843)

Այս երկը, որը նույնպես սանտիմենտալ բնույթ է կրում, մեզ հասել է շատ բարեկարգով, մեկը՝ «Հունայնուրյուն աշխարհի. Այգին Պորդանովի» խորագրով, գրված աշխարհաբար լեզվով, մյուսը՝ «Յունայնուրյուն աշխարհային բախտի» վերնագրով, գրված գրաբար լեզվով: Ինչպես Հր. Մուրադյանը իրավացիորեն նշել է. «Երկուսի մեջ կա նաև այն տարբերությունը,

¹ Խ. Արովյան, Հ. IV, էջ 40:

² Նույն տեղում, էջ 321:

³ Գրականությունը սրա մասին տես Լ. Մելիքսեր-Բեկ, Վրաց ազգուրեները Հայաստանի և Հայերի մասին, III, էջ 273, ծան. 13, 16:

որ առաջինը կրկրորդի համեմատ ավելի ընդարձակ է և վերցանում է ստանավորով»¹:

Երկը սկսվում է թիֆլիսի և շրջակայքի բնության նկարագրությամբ.

«...Մայիս ամսին, թիֆլիզու չորս կողմք, որ հաղար ոտք տեսել, հաղար օտար ու իրեկան համփու քցել, ու էս օր էլ իր ծերացած սարերի միջումն, քանի քանդվում ա, էնքան շինվում, պայծառանում ա, ու իր որդոց զլիսի վրա, իր զավակաց չանը հանելով, իր կորած թոռների սիրոն ու զերեզմանը քանդելով, իրան զլուխը զարդարում խորթ մոր պես, իր աշքը դեղ անում, իր սպիտակ մազերը սանդրում, զլուխը շինում, ու իր մարդարիտ, շավաճիր տները իր զառ ու զումաշ բաղրադշա, իր արծաթապատ քամար Քուոր՝ ամեն անց կենողի ցուց տալիս, որ իմանան՝ թե իրանց նման շատն ա էկել, զնացել, բայց ինքը էս օր էլ կա ու մինչև կատարած աշխարհի էլ կմնա»²:

Ապա տրված է մի պատկեր Վերա կոշված քաղաքամասի կյանքից, որին, ինչպես հայտնի է, ոտանավոր է նվիրել Շամշի-Մելքոն՝ «Մե տարի զնացի Պենտելինց բազը, ոու ինձ բեղամազ արիր, Վերու Գողերձի»³ խորագրով:

Հատ Խ. Սրովյանի՝

«Նախիր ու ոշխար էն ա՝ տուն էին էկել, դինչացել, հոտաղ ու մշակ, հանդն ու վարը թողել, իրանց քյոլգի տակը մտել, հանգստացել: Հեր ու որդի, քիր ու ախազեր, հարսն ու փեսա, մեր ու աղջիկ՝ իրար տեսել, բարովել, իրար ճտով ընկել, իրար կարոտն առել, կշտացել, որ սիրելու հետ՝ տուն ու տեղ թողած՝ մեկ Մայիսի քաղցր թիգուն Վերիցը եղ զալիս՝ մտա Մոնաստիր եկեղեցու մոտի արգին: ... Հնձանի առաջին նստած՝ բերանս սիրելուս հետ էր խոսում...»:

Միաժամանակ հեղինակը նշում է, որ «մտածմունքներն էին», որ նրան «ստիխեցին՝ բաղմանչուն մոտ կանչել, հարցնել, թե ո՞ւմն ա էն դրախտանման այդին»... «Կապիտան Ղորդանովինը», պատասխանեց խեղճ բաղմանչին հոգոց քաշելով,

¹ Խ. Սրովյան, հ. IV, էջ 323:

² Նույն տեղում, էջ 218:

³ Լ. Մելիքսեր-Թեկ, Շամշի-Մելքոն և նրա հայերեն խազերը, Երևան, 1958, էջ 52:

երեսը շուռ տալով. «Ախ, վաղոց, վաղոց ա, որ մեր տերը
մեղանից ձեռք ա վերցրել, էլ ոչ էս տեղ մտնում ա, ո՛չ մեր
հալը հարցնում, մնացել ենք անտեր...»: ... Քոի ձորք դասել
էր ինձ համար դժոխիք: ... Կապիտան Ղորղանովին ա էս
բաղը... Ղորղանովինը. էն քաջ կապիտանինը, էն պատվա-
կան, ազգասեր Հայկազնո՞ւնը, էն առաքինի բարեպաշտ, բայց
տարարախտ հո՞րը...»¹:

Ամենայն կասկածից զուրս է, որ Խ. Արովյանի այս երկում
հիշված «Մոնաստիրի եկեղեցին» նույն վրաց «Լուրջի-Մոնաս-
տերի» կոչված հինավուրց տաճարն է, կառուցված XII դարի
վերջին, թամար թագուհու օրոք², ուր այժմ վերանորոգվա-
կան աշխատանքներ են տարվում, իսկ «այդին Ղորղանովի»
այժմ գոյություն չունեցող ացդին է, ուր հետագայում փողոց
շինվեց «Կօրցանովսկայ» անունով, այժմ Վաֆա-Փշավելացի
անվան, «Զեմմել» կոչված թաղամասի մոտ³:

¹ Այս Ղորղանովի մասին տե՛ս Խ. Արովյան, Հ. I, էջ 159—161:

² Խ. Արովյան, Հ. IV, էջ 220—221: Այս Ղորղանովի և նրա սերնդի մա-
սին տես Ս. Մ. Եղիազարյան, Հայ լիպար նարուդնիկ Ստեփան Ղորղանյան,
«Տեղեկագիր» ՀՍՍՌ ԳԱ, 1959, Ա 8, էջ 55—56:

³ Տես հատուկ գրականությունն այս պատմական հուշարձանի մասին.
II. Иоселиани. Описание древностей города Тифлиса. Тифлис, 1866,
стр. 34—39 Զ. Մրածմինանի (=Ճիմինան), Վերացի վանքը, «Իվերիա»,
1818, № 66: И. Иокровский, Краткая историческая записка о Тиф-
лисской Верийской св. Иоанно-Богословской церкви. „Духовный
Вестник Грузинского Экзархата“, 1896, №16—17; Е. Такайшвили
Археологические экскурсии, разыскания заметки, IV, Тифлис, 1913,
стр. 144—145; Л. Меликесет-Бек, Тифлис, его основание и краткий
исторический очерк. „Тифлис и его окрестности“. Путеводитель. Тиф-
лис, 1925, стр. 10; С. Еремян. Юрий Боголюбский в армянских и
грузинских источниках, „Научные труды Ереванского Гос. Универ-
ситета“, т. XXIII, 1946, стр. 404 и сл. ;

Վախտանգ Թերիկ, Թրիլիսի «Լուրջի Մոնաստերի»-ն, Arscéorgica,
II, Թր., 1948, էջ 91—110, 180—181 (վրացերեն ուսուերեն ամփոփում):
Լ. Սելիմեր-Ենեկ, Հին Թրիլիսի և Հայ-վրացական կուլտուրական կապերի
պատմությունից, «Պատմա-բանափրական հանդիս», 1958, Ա 3, էջ 155,
Նկարը տես Բ. Դոլидзе, Լուրջի Մонастыри, „Вечерний Тбилиси“,
1959, 14. Խ №37.

8. «Ի 1836 յուլիսի 27 ելանեմ կանուխ ընդ առաւտան լողանալ
ի գետն, աստ պատահի ինձ օրիորդ մի: Թիֆլիզ»

Այսպիսի երկար խորագիր ունեցող այս բանաստեղծությու-
նը, որ բաղկացած է 16 վանկանի քառատող 8 տունից, հիմ-
նականում սենտիմենտալ բնույթի հորինվածք է, որն առընչ-
վում է Թիֆլիսի միջավայրի, մասնավորապես և. Արովյանի
հղեթիքս կազմող Քոյ գետափին ծագած նրա էմոցիաների
ջետ:

Խոսքը չերկարացնելու համար մինք այստեղ բավականա-
նում ենք միմիայն առաջին երկու տուների մեջբերումնիւլ.

Նոր էր բացվել առաօտեան արեին աշք ծիծաղապին,
Սարերը և ձորք նոր զարթնէին ի խոր քնոյ գիշերացին,
Հովն հանդարտ մեղմիկ թեովք փշի երեսս լոիկ գաշտին,
Ժամանակ, ընդ ալեաց գետոյն կենդանագործ շողք
երկնացին:

Աղջիկն համեստ, դեռահասակ գայ գետի զրազն ամօթով,
Սուազ հայի յիւր յուրքելոյս ի տեսօղաց կասկածելով,
Ապա ուղղեալ դէս ի յերկինս, ուր անմեղիցն սրբոցն ժողով,
Պատկառանօք աղօթս առնէ դիւր սիրտ նոցա հաղորդելով:

9. Պատառիկ Թիֆլիսի տեղագրության վերաբերող
անավարտ նողվածից (1836)

Այս զրաբար լեզվով գրված հոդվածը, որից միմիայն
սկիզբն է հասել մեզ, հասցեագրված է ում «Թանկագին բա-
րեկամ»-ի: Իսկ թե ում պիտի նկատի ունենալ «Թանկագին
բարեկամ» անվան տակ, իրական թե մտացածին անձնավո-
րության, — ինչպես զրում է Պ. Հ. Հակոբյանը, — պարզ չէ»²:
Այսպես թե այնպես, «Թանկագին բարեկամին» ուղղված այս
նամակածե երկը, — ինչպես նույն Հակոբյանն է ասում, —
ծրագրված է եղել գրել մինչև հեղինակի հայրենիք վերագառ-
նալը, թերևս Գորպատում կամ Մոսկվայում», ավելի հավա-
նական է «1836 թվականին (ամենառուշը հունիս ամսին)»³:

Ահա այս պատառիկն ամբողջովիշամբ.

1 Խ. Արովյան, հ. I, էջ 164:

2 Նույն տեղում, էջ 21:

3 Խ. Արովյան, հ. I, էջ 21:

«1830 թվին, մինչ ելի ի Տփխսխոյ, ոչ ամաշհմ ասել՝ թէ տակաւին տղայ էի, վասն որոյ և կոյր, վասն զի այնպէս թողի զծննդաբան իմ, մինչև չունիլ ինչ սակաւ իմացուած զդրութենէ նորա և զբաղաքական վիճակէ։ Թանի՛ցս զամօթի հարայ ի Թետերուորդ և յայլ քաղաքս ի հարցանելն հստաբնին Եւրոպացոց բան ինչ զբաղաքէ և զերկրէ մերմէ, և յանգիտանալն իմ։ Եւ յիրաւի քանի՛ նախատինք են մարդոյ ոչ ճանաշել քաջ զտեղին, ուր ծնաւն և սնաւ, ու զառաջինն երաց զաշս ի հայեցողութիւն արարածոց։

«Յայս սակս սրբազան պարտաւորութիւն ինձ համարիմ յետ վերագարձի իմոյ ի հայրենիս, առաքել զսակաւ նկարագրութիւն քաղաքիս մերոյ իբրև զթանկագին պարզ ինչ աստի։

«Տփիս մայրաքաղաքն Վրաստանի, ի հնումն փայտակարան կոշեալ, անկանի առ աշակողմեան եղերը Կուր գետոյ համարեա թէ ի խուզ ձորամիջի իմիք և ունի զձի եռանկիւնի։ Յերից կողմանց, այն է յարեելից, ի հարաւոյ և յարեմտից շրջապատեալ կայ մերկ և անպառուղ լերամբք։ Ի հիւսխոյ տարածի ընդարձակ դաշտ մի, որ հուսկ ուրեմն վերջանայ ի փէշս թևոց Կաւկասեան լերանց։ Յարեմտեան կողմն քաղաքին՝ Սուլլակ ասացեալ՝ գտանին այդիք պատուականք, զոն և յայլ կողմունս, բայց հեռի» (Զեռագիրն այստեղ ընդհատվում է)¹։

10. «Ակնարկ Թիֆլիսում ապրող հայերի կյանքի և հատկապես նրանց հարսանեկան սովորույունների մասին»² (1840)

Գերմաներին լեզվով գրած այս մենագրությունը, որն առաջին անգամ միմիայն նորերս (1958) լույս ընծայվեց Հայերեն թարգմանությամբ հանդերձ³, կարծես թե բնական շարունակությունը լինի նախորդ զիսում դիտված հայերեն գրաբար պատառիկի, որն, անկասկած, պիտի որակավորել իբրև անավարտ առաջարան սույն մենագրության կամ ընդարձակ հոդվածի։

1 Խ. Արավյան, Հ. VIII, էջ 96.

2 Գերմաներեն բնագրի վերնադիրն է՝ „Ein Blick über das Leben der in Tiflis wohnenden Armenier und ihrer Nochzettsgesbräuche insbesondere.“

3 Նույն տեղում, էջ 107—153 (գերմաներեն), 154—190 (հայերեն)։

Աշխատության մեջ բավականաշափ մանրամասնորեն պատկերված է Թիֆլիսի հայերի գրությունը և նրանց ազգագրությունը, մասնավորապես հարսանելան սովորությունները, անցյալ դարի 30-ական թվականների վերջը և, իբրև այդպիսին, պիտի համարել առաջինը իր տեսակի մեջ, որը բավականին տարբերվում է Մ. Թաղիադյանի 1834 թվականի նկարագրությունից և բացարձակապես կանխում է Թիֆլիսի հայության՝ մասին XIX դարում հրապարակված բոլոր գործերին, ինչպիսիք են, օրինակ, Գեորգ Ախվերդյանի երկհատոր «Հայ աշուպներ» սերիան (ա. Մոսկվա, 1852, բ. Թիֆլիս, 1903), Աղ. Երիցյանի «Թիֆլիզի հայք և նոցա վիճակագրությունը»¹ («Փորձ», 1879, № 10, էջ 1—35), Գեորգ Տեր-Աղեքսանդրյանի «Թիֆլիսիցոց մտաւոր կեանքը» (Թիֆլիս, 1885) և այլն:

Ահա թե ինչպես է նկարագրում Թիֆլիսը մեղանից մոտ 120 տարի առաջ և. Աբովյանը (թարգմանաբար գերմաներեն բնագրից):

«Ով տաս տարի սրանից առաջ Թիֆլիսը տեսել է, հազիվ թե իր աշքերին հավատա, որ մի քաղաք, որը ոչ այլ ինչ էր, քան մի աղբակույտ, կարձ ժամանակի ընթացքում կարողանար այդպիս արագորեն փոխվել...

Թիֆլիսը, որ գրեթե ավաղակացին որչ է հանդիսացել լեզգիների և այլ հարևան, մինչև այսօր էլ անկուլտուրական ժողովուրդների համար, որոնք տնօրինում էին նրա բախտն ըստ իրենց քմահաճույքի, կարող է իր տեսքով շատ եվրոպական քաղաքների շարքը գասվել: Լեռնագագաթները և բարձունքները հարթվում են, այդինքն ու հովիտները վերացվում և նրանց տեղ հանդես են գալիս կանոնավոր փողոցներ, գեղեցիկ, եվրոպական շինարարական ճաշակով կառուցված փառահեղ շենքեր, որոնք իրենց արտաքին շքեղությամբ և ներքին հարմարություններով գրեթե ետ շին մնում եվրոպական տներից: ... Խուսափելու համար այն զարհուրելի ցեխից, որը հաճախ հաշճանման գոյանում է անձրևային օրերին կավահողի

¹ Օդավելով առիթից, պիտի է նշենք, որ Աղ. Երիցյանի այս աշխատության վերնագիրը Հավի. Պետրոսյանի կազմած «Հայ պարբերական մամուլի բիբլիոգրաֆիա (1794—1900)» գրքում (Երևան, 1956, էջ 372) դարձել է «Թիֆլիզի հայք և նոցա վանականությունը»:

պատճառով, այս տարի զլիսավոր փողոցների երկու կողմը
մայթեր են սարքել: Փողոցների մեծ մասը նույնպես բավա-
կան լավ սալարկված է: Կրպակները լի են բազմազան ապ-
րանքներով: Այստեղ եղած հինգ քարվանսարաները,— որոն-
ցից մեկը պատկանում է Հայ գնդապետ Արծրունուն¹ և որը
լավագույնն է,— բոլորն էլ լեփ լեցուն են ապրանքներով և
ամեն աղջի վաճառականներով: Մեծ հյուրանոցներ էլ կան,
որոնցից ամենից շատ հաճախորդ ունեցողը և ամենամեծը
պատկանում է Հրեա Սոլոմոնին և որտեղ մտնողի քսակը
պետք է լիբը լինի:

Տեղտեղ կարելի է տեսնել բիլիարդի և գարեջրի տներ,
որոնց տերերը բացառապես գերմանացիներ են, ոմանք տեղիս
կոլոնիստանիրից, ոմանք էլ՝ եկիվոր գերմանացիներից, որոնք,
ըստ երեսվթին, լինելով հասարակության անդետք անդամ
իրենց հայրենիքում, այստեղ են եկել բախտ փորձելու, որը,
սակայն, հաճախ դավաճանում է նրանց, որովհետեւ նրանք
դժբախտաբար շափազանց անզգույշ կերպով են նվիրվում
Կախեթի դիմու վայելքին:....

Տների մեջտեղից տարբեր ձևերով զուրս են ցցվում եկե-
ղեցիների բարձր գմբեթներ, եկեղեցիներ, որոնցից 6—7-ը
ուսւա-վրացական են, 8-ը հայկական, մեկը կաթոլիկական,
մեկը մահմեդական, և որոնք կարծես մրցության մեջ են մտել
առաջնություն ձեռք բերելու համար: Մի ուսւական էկզարին,
մի հայ հպիսկոպոս, մի կաթոլիկ առաջնորդ, մի մահմեդական
ախունդ կառավարում են իրենց համայնքները ըստ աստուծո
պատվիրանի:....

Այստեղ չի նկատվում նաև դպրոցների պակասություն:
Հիրավի, զիմնապիտայի շենքը... ուս թիֆլիսի ամենափառհեռ
շենքն է, գեղեցիկ թե՛ զրախց, թե՛ ներսից², որտեղ 14 ուսուցիչ
և դրեթե 300 աշակերտ զբաղված են բոլոր լուրջ զիտություն-
ներով, այսինքն՝ ուսւերենով, գերմաններենով, ֆրանսներենով,

1 Խոսքը Գր. Արծրունու հոր՝ հետագայում գեներալ Երեմիա Արծրունու
մասին է:

2 Ի նկատի ունի I զիմնապիտա («բարեձնունդ զավակների դպրոցը»)
նախկին Գոլովինի, այժմ Ռուսավելու պողոտայի վրա, կառավարական պա-
լատի շարքում:

Հայերենով, վրացերենով, թուրքերենով, պարսկերենով, կրոնով, պատմությամբ, աշխարհագրությամբ, մաթեմատիկայով, վիճակագրությամբ, ոռւսական և ընդհանուր օրենքներով։ Գիմնազիային կից կա նաև ազնվականների որդոց համար մի պանսիոն...։ Սրանց հետ միասին կա գավառական դպրոց, որտեղ 6 ուսուցիչ և 200-ից ավելի աշակերտ զբաղվում են վերոհիշյալ լեզուներով և այլ տարրական գիտություններով։ Գիմնազիան բաժանված է 7, իսկ գավառական դպրոցը 3 դաշտարանների։ Գոյություն ունի նաև ազնվական ազգիկների մի պանսիոն, որը այս տարիվ սկզբին պիտի մեծանա...։ Բացի սրանցից, այստեղ կան նաև ոռւսական և հայկական հոգեորսինարիաներ։ Առաջինում ավանդում են, բացի ոռւսներենից և վրացերենից, նաև թուրքերեն, լատիներեն, օսերեն ու հունարեն լեզուների...։ Երկրորդում, այսինքն՝ հայկականում¹, դժբախտաբար, ոչինչ չեն սովորում, բացի փոքր ինչ ոռւսերենից, հայերենից, և որոշ ազգատիկ գիտելիքներ ստանում՝ պատմությունից, աշխարհագրությունից և թվաբանությունից, որ սակայն հանձնված են այնպիսի ուսուցիչների, որոնք իրենք եւ կարիք ունեն սկզբնական կրթության։ Ավանդում են նաև սխոլաստիկ ուսմունքներ՝ տրամաբանություն և ճարտասանություն, որով անշափ հպարտ է հայ հոգեորականությունը, առանց այդ բառերի իմաստը հասկանալու, և ավանդում են այնպիսի աշակերտների, որոնք հաղիք են կարողանում կանոնավոր կարդալ։ Հոգեորականները, մանավանդ հայ հոգեորականները, պահում են նաև որոշ քանակիով փոքրիկ ծխական դպրոցներ...։

Թիֆլիսն ունի ընդհանուր առմամբ 3000 տուն և 40,000 բնակիչ, որոնց մեծ մասը հայեր են...։

Մի ելքոպացու, որն առաջին անգամ է տեսնում Թիֆլիսը, շատ զարմանալի և տարօրինակ պիտի թվա (որովհետեւ ես որպես տեղացի այդ շեմ զգում) միանգամից տեսնել այնքան տարբեր հագուստներ, դիմագծեր, լեզուներ այսպիսի մի փոքր կետում և այսպիսի հակագրություններով համախմբված։ Նա կպատկերացնի իրեն մի ոտքով Ասիայում, իսկ մյուսով՝ ելքոպայում։

¹ Խոսքը ներսիսայան դպրոցի մասին է։

Ու միայն եվրոպացիք, այլև շատ տեղացի պաշտոնյաներ, այս երկրում ծնված մարդիկ, վաճառականներ, փոխարիննել են իրենց ազգային հագուստը եվրոպականով: Գեղեցիկ սեռն էլ տարվում է օրեցօր այդ կրթով և փոխում իր նախկին կերպարանքը: Վնաս չունի՛, որովհետեւ մարդն իր բնավորությամբ սիրում է փոփոխություններ: Խսկ ի՞նչ կասեք, եթե տեսնեք մի մարդու, որը կիսով շափ և վրոպացու և կիսով շափ էլ ասիացու պես է զգեստավորված: Հիրավի, ծիծաղելի պիտի թվա մի օտարերկրացու, եթե ֆրանսիական թասակի տակ տեսնի խսկական վրացական հագուստ, կամ թե մյուսին տեսնի զբոսնելիս վրացական գլխարկով և եվրոպական վերարկուով, կամ թե մի տղամարդու պատահ՝ գլխարկը պարսկական, փողկապը եվրոպական, խսկ մյուս զգեստաները՝ տեղական տարագով, և այդ բոլորը իրենցից կներկայացնի խայտարղետ հակագործություն:

Ինչպես հագուստը, այնպես էլ բոլոր հասարակական զվարճություններն ու տնային կահույքը, նույն բնորոշ գծերն ունեն:...

Նմանապես կարելի է որևէ պարահանդեսի կամ հասարակական խրախճանքի ժամանակ լսել զինվորական երաժշտություն, կամ երգեհոնիկն՝ իր կանոնավոր հնչյուններով, աններդաշնակորեն խառնված տեղական երաժշտության աղմկոտ, ականչ ծակող ոռնոցի հետ, կամ թե լսել մագնուրկացի կամ ֆրանսիական կադրիլի և լեզգինկայի զարհուրելի մոլեզին աղմուկը»¹:

Ապա և. Աբովյանը անցնում է սեղանի, սննդի, կներակուրների առանձնահատկությունների նկարագրության վրա և, ի միջի ալլոց, կոնծաբանության մասին նշում է. «Առաջ, ինչպես այսօր, Կախեթում՝ Վրաստանի գինու շահմարանում, ընդունված է, որ խմեն 6—7 բաժակ պարունակող մեծ ամաններից, խսկ ով հակառակի՝ ամբողջ ամբանը գլխին են լցնում: Ո՞վ է մեղավոր այդ բանում, եթե ոչ երկիրը: Գինին արտահանել չեն կարող, չեն կարող նաև դեն շպրտել, ...ի՞նչ պիտի անեն»...²:

¹ Խ. Աբովյան, VIII, էջ 154—157:

² Նույն տեղում, 160:

«Եվրոպացիները թերեւ ծիծաղեն..., բայց ինչպիսի հաճուքքով շատ-շատերը հենց նրա համար կցանկանային Վրաստան փախչել, որ կարողանային լիովին հագեցնել իրենց գինու ծարավը։ Վրացին կամ հայը, եթե ոչինչ չունի, ապա շի խմում, կամ եթե խմի էլ, նա հարբած չէ, այլ զվարթ ու կայտառ։ Երբեք չեք տեսնի այստեղ, նույնիսկ հասարակ մարդկանց մեջ, որ փողոցում պառկած լինեն, բայց, ընդհակառակը, որքան հաճախակի կպատահեք քաղաքակիրթ երկրներում այնպիսի մարդկանց, որոնք չգիտեն նույնիսկ, թե որտեղ է իրենց գլուխը և որտեղ՝ իրենց կոշիկները։ Ես այս ասում եմ ի զգուշություն այն հիրավի անփորձ եվրոպացիների¹, որոնք անխղճորեն հարձակվում են իմ հայրենակիցների վրա, առանց նախապես մտածելու այն մասին, թե ինչ է կատարվում իրենց հայրենիքում...»²։

Ոչ պակաս հետաքրքիր է Խ. Աբովյանի նկարագրությունը Թիֆլիսի զվարճավայրերի, որպիսիք էին հանքային բաղանիքները, ուժատագնացությունները և ձիարշավը։

«Ամենից ավելի այցելվող զվարճավայրերն են տաք հանքային բաղանիքները, որտեղ երկու սեռերն առանձին բաժանմունքներում մի քանի ժամ շարունակ լավ քրտնում ու զվարճանում են, իսկ հաճախ, հատկապես գեղեցիկ սեռը վայելում է իր ճաշը։ Կան նաև մի քանի տոններ՝ նվիրված որոշ սրբերի, որոնք Թիֆլիսի շրջակաքում ունեն իրենց եկեղեցիները։ այդ դեպքում գեղեցիկ սեռը զրադվում է բարեկաշտ ապաշխառներով, իսկ երիտասարդները ուրախանում են ձիարշավով։ Դրանցից են սուրբ Գավթի և սուրբ Գեորգի տոնները»³։

Իր մենագրության առաջին մասը, որը պարունակում է ընդհանուր տեղեկություններ հին Թիֆլիսի վարք ու բարքի, նիստ ու կացի և այլ խնդիրների մասին, Խ. Աբովյանը վերջացնում է այսպիսի նշանակալից դիտողությամբ։

«Թիֆլիսի բնակչության աճը անհավատալի մեծ է։ Կովկասի համարյա բոլոր վայրերից ամեն օր մարդիկ են հոսում

¹ Այստեղ ակնարկ է «Հաղարփեշեն» պոեմում հանդես բերած «իմաստուն» մարդու մասին։

² Խ. Աբովյան, VIII, էջ 160—161։

³ Նույն տեղում, էջ 161։

այստեղ, իրենց բախտը փորձելու համար։ Բայց որոշ միջոցներ հայթայթելուց հետո այլևս չեն թողնում Թիֆլիսը, բնակություն են հաստատում այստեղ, տներ են կառուցում, և այսպիսով՝ պարսիկներն այստեղ խառնվում են հայերի, թուրքերի, հույների, հրեաների, թաթարների, լեզգիների ու եվրոպացիների հետ, որոնք նման թելերով կապվում են տեղացիներին և կազմում մի հոյակապ ամբողջություն, որը ժամանակի ընթացքում Թիֆլիսը կդարձնի լայնածավալ Ռուսաստանի ամենամեծ և կարենրագույն քաղաքներից մեկը, որտեղից գիտությունն ու լուսավորությունը կսփռվեն ամբողջ Արևելքում»¹:

11. Այլ գրվածքներ

Բացի վերոհիշյալ 10 երկերից, Վրաստանի և վրաց հիշատակությունն առկա է Խ. Աբովյանի, եթե կարելի է այսպես ասել, երկրորդական գործերում, ինչպիսիք են. ա. «Առ գալուստ նորին բարձր սրբազնութեան տեառն Կարապետի՝ արքեպիսկոպոսի Վրաստանի և Տայոց» (I, 30—31), բ. մի հատված «Զվարճակի ու կարճ պատմությունք շարքից» (IV, էջ 67) և գ. «Օվսանա. Պատմություն» (IV, էջ 263—285):

— «Առ Գալուստ նորին բարձր սրբազնության տեառն Կարապետի արքեպիսկոպոսի Վրաստանի և Տայոց» ընդարձակ վերնագիրը կրող բանաստեղծություն-ուղերձը (ձոնը), որը պարունակելով 10 վանկից բաղկացած քառատող 12 տուն և նվիրված լինելով «Վրաստանի և Իմերեթի առաջնորդ Կարապետ. արքեպիսկոպոս Բագրեևանդցուն», հորինված պիտի լինի ոչ թե «1828—1829 թթ. Կարինից կազմակերպված հայերի ներգաղթի առիթով», ինչպես Ռուսան նաևումյանն է կարծում², այլ նույն Կարապետ արքեպիսկոպոսի (Բագրատունու) Վրաստանի և Իմերեթի թեմական առաջնորդ նշանակվելու (1836) և այս կապակցությամբ նրա Թիֆլիս մուսաք գործելու առթիվ, որը տեղի է ունեցել Խ. Աբովյանի Դորպատից վերադառնալուց

1 Խ. Աբովյան, VIII, էջ 160—161:

2 Խ. Աբովյան, I, էջ 380.

անմիջապես հետո, 1837 թվականին¹: Իսկ Կարապետ ա. Ե.-ի թիֆլիսի առաջնորդության ժամանակամիջոցն էր 1836—1842 թթ.:

— «Զվարճալի ու կարճ պատմութիւնք» շարքից մի հատվածը վերաբերում է բուն Վրաստանցի Դավիթ Ղորղանյան էնագեթցովն²:

— «Օվսանա» երկը «կինդա»-ի փոխադրումն ու վերամշակումն է: Համապատասխանեցված է Անդրկովկասյան և, մասնավորապես, Թիֆլիսի իրականությանը գլխավորապես գործող անձանց անունների փոփոխումով³, օրինակ, Ֆեղերիկո-Վանո, պարոն Դիեգո Գենտելլաս—պարոն կնյազ Գյորգի, գրաֆ (կոմս) Պեղու—մելիք Պետրոս և այլն: Բացի դրանից, երկում ավելացրած է Թիֆլիսի հիշատակությունը և գործածված է վրացերեն «ցիցնաթելա». ուղիղ «ցիցինաթելա» բառը, լուսանինուի իմաստով:

12. Վրացերեն և վրացերենի միջոցով հայերենում մտած բառերը և Արովյանի երկերում

բղա—բղա (ուռի, ուռենի)

բիճ—բիճի (նոքար, ծառա, փոքրավոր, սպասավոր, մանչ, մոնթ)

գոգրա—գոգրա (գողում, փոխ. դատարկագլուխ)

գոշի—գոշի (խողի ճուտ, խոճկոր)

լաշակ—լշաքի (գլխի ծածկոց)

¹ Հատուկ գրականություն Կարապետ ա. Ե.-ի մասին տե՛ս. Հովակիմ Գեղամյանց, Կարապետ արքեպիսկոպոս, կինսագրություն. «Փորձ», 1876, № 1, էջ 163—206, 1877, № 1, էջ 81—112, լ. Մելիքսեր-Քելի, Կարնո հայ գաղթականների 1829 թ. գեներալ Պատկելիչին ուղղած գրության բնագիրը, «Տեղեկադիր Արմֆանի», 1940, № 3, էջ 37—40, Վահան վ. Գալամդարյան, Կարապետ արքեպիսկոպոս Բագրատունի, «Էջմիածին», 1956, № 11—12, էջ 92—96:

² Այս Դավիթի մասին տե՛ս, ի միջի այլոց, Գ. Աղանեան, Դիւան հայոց պատմութեան, III, Թիֆլիս, 1894, էջ 266, 469, IV, 1889, էջ 581—583, 588—591, V, 1902, էջ 149, 308, VI, 1904, էջ 387, 389, լ. Մելիքսեր-Քելի, Սայաթ-Նովա, թր., 1930, էջ 74 (վրացերմի):

³ և. Արովյան, IV, էջ 263—285 (Օվսաննա, Պատմություն), հմմ. նույն տեղ, 295—311 (կինդա, Պատմություն):

լէճի (՝)

լոթի—լոթի (քեֆ անող).

լուլա—լուլա (խողովակ)

խոխոր—խոխորի (կաքավ)

կվալի—կվալի (հետք)

դիժինա—դիժինա ((ժխոր, աղմուկ)

դորի—դորի (ցանկապատ)

դվաթ—դվաթի (ուժ)

ձաթ—մճագի (եզիպացորենից պատրաստած հաց, թխվածք)

ձարխալ—ձարխալի (ձակնդեղ)

ձերք—ձերքի (թոքախտավոր)

մեխրէ—մեխրէ (եղապան)

մովրով—մովրովի (գյուղապետ)

մուշա—մուշա (մշակ, աշխատավոր, համմալ)

չիքիլա—չիքիլա (գլխի ծածկոց)

ջեր—ջեր (դեռ)

ջոխի—ջոխի (փայտ)

ոռոմբ—ոռոմբի (տակառ)

ցիցնաթելա—ցիցնաթելա (լուսատիտիկ)

ցոցիալ—ցոցիալի (ձկան տեսակը)

փշավ—փշավի (փշավ, փշավեցի)

քաթիբա—քաթիբա (քաթիպա)

քյոլգա—քյոլգա (հովանոց):

Խ. Ա.ԲՈՎՅԱՆՆԻ ՎՐԱՅ ԳՐԱԿԱՆՈՒԹՅԱՆ ՄԵջ

ա. Թարգմանուրյուններ Խ. Աբովյանից

1. Խաշառուր Աբովյան. «Վերը Հայաստանի», թարգմանություն Արտ. Դավթյանի՝ ըստ Ստ. Զորյանի և Հր. Քոչարի կատարած համառոտթյան. Թրիլիսի, 1960, 116 էջ (Արշիլ Դավթյանի ներածականով, էջ 5—11):

2. «Վերը Հայաստանի»-ից մի հատված (դրվագ Ա, գլ. 5—6. Խ. Աբովյան, Երկերի լիակատար ժողովածու, III, 36—43). թարգմ. Արտ. Դավթյան. «Լիտերատուրա դա խելովներա» [=Դրականություն և արվեստ], 1948, 19 սեպտ., № 37:

3. «Վերը Հայաստանի»-ից 2 հատված. Աղասի. Աղասին և Սարգարի ֆառաշները (Դրվագ ա, գլ. 1—2, 5—6, III, էջ 15—17, 36—43), թարգմ. Արտ. Դավթյան, «Մնաթորի», 1948, № 10, էջ 100—106:

4. Աղասի (III, էջ 157—158), թարգմ. Էլիա Խոշտարիա, «Մնաթորի», 1955, № 10, էջ 151:

բ. Գրականություն և. Արովլյանի մասին

1. Ա. Մելիքսեր-Բեկ, հաշատուր Արովլյան. «Լիտերատուրութիւն Սաքարթ-վելո» [=Գրական Վրաստան], 1941, № 18:

2. Խոյնը. Ն. Բարաթաշվիլին և Հայ գրականությունը, «Լիտերատուրութիւն ձիերանի» [=Գրական պրատումներ], III, Թբ. 1947, էջ 106—108:

3. Խոյքին Զարյան, հաշատուր Արովլյանի «Վերը Հայաստանի» վեպը, «Լիտերատուրա դա խելովներա» [=Գրականություն և արվեստ], 1948, 12. IX № 36:

4. հաշատուր Արովլյանի մահվան 100-ամյակը. «Լիտերատուրա դա խելովներա» [=Գրականություն և արվեստ] թերթի հատուկ համար, 1948, 19.IX № 37, նվիրված և. Արովլյանի հիշատակին, հետեւյալ բովանդակությամբ.

— «Հայաստանի ականավոր զավակը» (խմբագրական).

— «Ես. Արովլյանի նկարը, որի տակ՝ «հաշատուր Արովլյան, Կրծանիսի պատրարք», թարգմ. Կոնստանտինին Լորթքիփանիձե (այսինքն՝ մեծ լուսավորչէ Անգո բանաստեղծության թարգմանությունը, իրականում՝ անթուլատրելի և անամոթ կեղծիք):

— «Սուրեն Ավշյան, Կենսագրական տեղեկություններ:

— Շալվա Գաղիանի, Մեծ զրոյ-Հայրենասիրը:

Մյուս էջում՝

— «Վերը Հայաստանի (հատված), թարգմ. Արա. Գալրյանի:

5. Ա. Մելիքսեր-Բեկ, Վրաստանի պատմության զրավոր աղբյուրների հրատարակությունները, Կատալոգ I, Թբիլիսի, 1949, էջ 304—305 (ժաման. Բ, զւ. 98, հաշատուր Արովլյան):

6. Թ. Սիյրանյան, Հայ մեծ դիմոկրատ-լուսավորիչը (հաշատուր Արովլյանի ծննդյան 150-ամյակի առթիվ), «Մնաթորի», 1955, № 10, էջ 152—156:

7. Ի. Գրիշաշվիլի, Սովետական Հայաստանում, և. Արովլյանի մահվան 100-ամյակի առթիվ (1948), տես վրաց բանաստեղծի «Յանաստեղծությունների» միհատորյակում, 1949, 1955 և այլն¹:

¹ Այս բանաստեղծությունը առկա է Հայերեն թարգմանությամբ Ա. Մուրավլյանի (1948), Ա. Լուսենցի (1952) և Վ. Ալազանի (1956) տես և. Մելիքսեր-Բեկ, Ի. Գրիշաշվիլին և Հայ գրականությունը, «Труды тбилисского Гос. Пед. института имени Пушкина», т. IX, 1957, էջ 252, 275 (վրացերեն, ոռուերեն ամփոփումով). Նույնը նախնական խմբագրությամբ հայերեն՝ «Տեղեկագիր» ՀՍՍՌ ԳԱ, 1956, № 2, էջ 30, 48:

ԳՐԱԴԱՅԱՆ
ՇԵՐՄԱԳՐՆԵՐՆԵՐՆ
(Մոտ 1810—1891)

Գալուստ Շերմաղանյանը նորաբաց ներսիսյան դպրոցի (1824 թվականից) և Արովյանի այն գասընկերներից է, որոնք Հետազայում ի թիվս Ստ. Նազարյանի, Առաքել Արարատյանի, Թետրոս Մադաթյանի (Սեյհագի) և ուրիշների հայտնի դարձան հայ կուլտուրայի և, մասնավորապես, գրականության ասպարեզում:

Գ. Շերմաղանյանը մեկական հոդվածներով հանդես է եկել հայ մամուկի էջերում («Արարատ», 1872, 1873, 1874, «Փորձ», 1879, «Արևելյան մամուլ», 1883, «Մասիս», 1885, «Արձագանը», 1891): Ապրել է Բաթումում, Թոստովում և այլուր:

Թիֆլիսում, մինչ 1865 թվականի միջադեպը, ունեցել է «Դարբագի», այսինքն՝ գրական սալըն, միաժամանակ աշխատակցել է «Կոռնել Հայոց աշխարհի»-ին (1861, 1863):

Գ. Շերմաղանյանի երկերից մեզ հասել է 2 գործ. ա. «Նկարագրութիւնը ինչ-ինչ գործոց Կարապետ հայիսկոպոսի վիճակավոր առաջնորդի Հայոց՝ զաղթելոց ի Տայս, շարադրեալ յԱղգասիրէ յումեմնէ ի Տփխիս 1841» (Ա. Մնացականյան, «Նկարագրութիւնը ինչ-ինչ գործոց...» պիեսի մասին, «Բանրեր մատենագրարանի», № 2, 1949, էջ 99—182, հատկապես երկը՝ 105—177), և բ. «Նիւթեր աղգային պատմութեան համար, երկելի Հայկաղոնը ի Պարսկաստան» (Թոստով-Դոնի վրա, 1890):

* * *

Առաջին երկը ներկայացնում է իրենից պիես-պամֆլետ, 5 գործողությամբ, որոնցից առաջին երկուսը կատարվում են Ախալցիինում, իսկ մնացածը «ի Թիֆլիզ»: Ինչպես պիեսի Հրատարակիչը՝ Ա. Մնացականյանը նշում է, այն «ամփոփում

է Կարապետ և պիտիսկոպոսի թիֆլիսյան առաջնորդության պատմությունը (1836—1842)» և «Հորինված է Հենց 1841—1842 թվերի ընթացքում»¹:

Հետևապես, այս պիեսը գրված է Խ. Սբովյանի «Վերք Հայաստանի»-ից մի-երկու տարրով ուշ:

Պիեսում ծաղրված են Կարապետ արքեպիսկոպոսը, Հովհաննես Կարբեցի կաթողիկոսը ու նրանց շրջապատը, իրենց բարքերով, մասնավորապես կաշառակերությամբ, երկերեսանիությամբ և այլն: Դրանում համոզվելու համար բավական է աշքի անցկացնել Կարապետ արքեպիսկոպոսի արտահայտությունները. նա թիֆլիսը համարում է փող դատելու մի վայր: Նախ՝ մինչև թիֆլիս հասնելը, ճանապարհին, Կարապետ ա. ե.-ը կաշառք ստանալու համար խարդախել է տեր-Ավետիքին. նա ասում է. «Գորիից անցկենալիս քանի մը տիրացու ձեռնադրեցի. հիսնական ոսկի զինը վերջացրի. աս պատիվն միայն թիֆլիզու հոգեւորականաց կընեմ, որ անոնց զծովն օրհնեմ և ավելի բան մը ալ շպահանչեմ» (Նկարագրություն 3)²:

Գեորգ վարդապետի հարցին, թէ «Սրբազն, շնորհակա՞լ եք թիֆլիզու վիճակեն», Կարապետը պատասխանում է. «Օղով, սա Վրաստանու վիճակն մեծ բան մը է եղեր, գանձարան մը, աղբյուր մը է հարստության: Ասքան արդյո՞ւք կը լրլա: Նայի՛, ան սանդուղն լիքն մանեթ է. սա ալ ոսկի է, որ քովս եմ դրած: Բոլորն ասքան ամսվան միջին եմ վաստակած: Շատ անդամ ալ փող մը բերեն կոր, որ Աղինացի, Ասիղանացի կուն: թղթի կտոր մը է, իմ խելքս անորից ոչինչ չի կտրեր, անոր համար հետ դարձնեմ կոր, վախնամ կրակիցն կամ թէ թեթև բան մը է, տղաքն հեշտությամբ կարող են գողնալ» (Նկարագրություն 3)³:

Մինչև թիֆլիս գալը Կարապետ ա. ե.-ը լավ կարծիք չի ունեցել թիֆլիսեցիների (իմա՝ թիֆլիսի հայերի—Լ. Մ. թ.) մասին: Ախալցիիսեցում Հակոբ Կարենյանցի հետ զսուցելիս նա

¹ «Գիւռական նյութերի ժողովածություն» = Բանքեր Մատենադարանի], № 2, էջ 101:

² Նույն տեղում, էջ 145:

³ Նույն տեղում, էջ 136:

ասում է. «Համբերե, լսե, անս՝ ի՞նչ կըսեմ թիֆլիզեցվոց
(իմա՝ թիֆլիսի հայերի—Լ. Մ.-Բ.) վրա. աղեկ հասկըցար ան-
քան ժամանակի մեջն, թե որքան թշնամություն ունեն նորա
(թիֆլիսի հայերը—Լ. Մ.-Բ.) օտար երկրի յուրյանց համազգի
հայոց հետ, որ ամենեին չեն ուզեր օտար մարդ մը յուրյանց
քաղաքումն աշքումն լուս ունենա: Եվ որքան օտար մարդ մը
նոցա այլ երկրումն պատված ըլլա, թիֆլիզումն տեսնալիս՝
երեսներնին շուռ կը տան և բարե ևս չենի տար՝ ինչպես անձա-
նոթի: Բաց ի ամանե, միմյանց չեն հավատար, միմյանց վրա
հավատարմություն չունեն, միմյանց միշտ կը ամբասեն: ... Նա-
յե, ես ինքս, որ արքեպիսկոպոս և վիճակավոր առաջնորդ եմ
նոցա և այժմ կերթամ հոն, գիտեմ աղեկ՝ եթե նոցա պատվեմ,
սիրեմ և կամքերնին ալ կատարեմ, դարձալ անմեղ բանի մը
վրա բամբասելու են ինձ...» (Նկարագրություն 1)¹:

Ինչպես հայտնի է, կաշառքի շնորհիվ է Կարապետ ա. ե.
դարձել թիֆլիսի առաջնորդ: «Գիմացա՞ր, թիֆլիզ որքան
ստակ մսխեցի ես սա վիճակի համար. կարո՞ղ եմ մյուս ան-
գամ ան փողերն վաստակել, եթե անփորձ փոքրավորներ հետո
տանհմ...» (Նույնը)²:

Նշենք նաև, որ Կարապետ ա. ե. թեմական առաջնորդի
պաշտոնին նայում է ոչ միայն փող վաստակելու և դիզելու
միշոց, այլև ունի կարիերիստական նպատակներ: Գեորգ վար-
դապետին դիմելով, նա ասում է. «...այժմ, որ թիֆլիզ կեր-
թանք և եթե ան գեղ ալ իշխանների սիրտն շահենք, միամիտ
կացիր, որ պետք է կաթուղիկոս ըլլամ. ևս առավել, գիտե՞ս.
այսօր կաթուղիկոսությունն թիֆլիզու իշխանաց ձեռքին է»
(Նկարագրություն 1)³:

Պիեսում տեղ-տեղ հիշվում են թիֆլիսի «Մեծ բերդի» և
«Փոքր բերդի». եկեղեցիները⁴, ոյք, իհարկե, պետք է հասկանալ
ոչ թե երկու՝ մեծ և փոքր բերդերի եկեղեցիների իմաստով,
այլ իրու միենուցն բերդի մեծ և փոքր եկեղեցիներ. մեծը՝ այս-
պես կոչված «պարոն Ռամեկի» (1251), հետագայում Կաթողիկե

¹ «Գիտական նյութերի ժողովածու» [=Բանբեր Մատենադարանի], № 2,
էջ 117:

² Նույն տեղում:

³ Նույն տեղում, էջ 110:

⁴ Նույն տեղում, էջ 140, 143 և այլն:

Ա. Աստվածածնի, նաև Մեյդանի ո. Գեորգը, որը XIII—XIX դդ. ընթացքում Հաղբատի վանատունն (առաջնորդարանն) էր Վրաստանի մայրաքաղաքում. փոքրը՝ այսպես կոչված «բառասնիցը» (որը հիշված է դեռև VIII դարում իբրև վրացական, իսկ XII դարում իբրև հունական), հետազոտում Հրեշտակապետացը, որը նույն XIII—XIX դդ. ընթացքում Սահածնի վանատունն էր Թիֆլիսում:

Պիեսի գործող անձերից մի քանիսը, սկսած Յ գործողությունից՝ օրինակ տեր-Ավետիքը, Մելքոնը և գերձիկը, խոսում են Թիֆլիսի բարբառով, որը բավականին հաջող է ներկայացված: Աս, Մնացականյանը միանգամայն իրավացի է, երբ այս առթիվ նկատում է. «Թիֆլիսահայոց բարբառը եթե չափածույով մտել էր գրականության մեջ Սայաթ-Նովացի, Շամշի-Մելքոնի և այլոց կողմից, ապա արձակով դեռ չէր մտել: Այս կոմմեդիայով էր, որ այն մուտք գործեց արձակի և դրամատուրգիայի բնագավառը»¹: Եվ այս այն ժամանակ, երբ Գեորգ Ախվերդյանի «Սայաթ-Նովան» դեռ հրատարակված չէր:

Թիֆլիսի բարբառի գործածության հետևանքով բնական է վրացերեն բառերի առկայությունը պիեսում, օրինակ՝

գանա—գանա (միթե)

դյախ—դյախ (այս, հրամանքո)

էգերայ—էգերա (իբր թե, գուցե, թերեւ)

ուփրո—ուփրո (ավելի, առավել)

չեր—չեր (դեռ, նախ):

* * *

Գ. Շերմագանյանի «Եյութեր աղքային պատմության համար» աշխատությունը, բաղկացած Յ գլխից, «Հուշիկների» կամ մեմուարների բնույթ է կրում և, իբրև այդպիսին, ժամանակին գրեթե միակն է եղել իր տեսակի մեջ (Հաշված, իհարկե, Մանվել վ. Կյումուշխանեցու գործերը):

Աշխատության հիմնական նյութներից «Երեկոի հայկազունքի Պարսկաստան», թեև այնտեղ խոսվում է, ի միջի այլոց, և

¹ «Գիտական նյութերի ժողովածու» [=Բանբեր Մատենադարանի], № 2, էջ 102:

² Հմմ. նույն տեղում, էջ 181—182:

Վրաստանի մի քանի գործիչների, Հայազգի ներկայացուցիչների և Թիֆլիսի հայ համայնքի մասին, միջանկյալ նաև Ա. Ս. Գրիբոեդովի սպանության հանգամանքների մասին:

Երկի գրության ժամանակի մասին որոշ գաղափար է տալիս գրքի առաջարանը (էջ 7—12) «Գալուստ Շերմազանեան» ստորագրությամբ և կից նշումով՝ «Դեկտեմբեր, 1882 ամին, ի Բաթում», ուր հեղինակն ասում է, որ «1863 թուին» Պարսկաստանից Թիֆլիս վերադառնալով՝ «Ճեռնամուխ եղայ կարգի բերել ժողոված նիւթերն...»¹:

Գարեգին եպիսկոպոս Սրվանձոյանը նշել է, որ «Իւ այս գործոյն հիմն դրած է 1832 ամին, և ի զլուխ հանած 1863-րդ ամին, իսկ 1865 յունիսի 28 և 29-ին, երբ Թիֆլիսի մէջ տեղական-քաղաքական փոթորիկ մը ծագեցաւ, այդ արկածին զո՞ղ զնաց Գ. Շերմազանեանի ամրող գրատունն;— Աւազ այնքան անզին կորստեան»²:

Գ. Շերմազանյանի գրքի մէջ Վրաստանին վերաբերող նյութերը ցրված են այլեւալ գլուխներում: Տեղ-տեղ օգտագործվում է Թիֆլիսի հայ բարբառը:

Այսպես, օրինակ, Զ զլխի մէջ, որ «Մելիք-Մաջնուն (Մէջնուն), Մելիք-Կուլի և Մելիք-Խամայիլ» վերնագիրն է կրում, խոսվում է XVIII դարի վերջերի իրադարձությունների մասին, որոնց կենտրոնումն է 200 տուն Բորչալուեցիների Վրաստանից Ղարաբաղ գաղթելու և նրանց վերադարձնելու միջոցառումները, ոռւսաց զորքի Թիֆլիս գալը Հերակլ Բ թագավորի օրոք և այլն: Վրացիներից այստեղ, բացի Հերակլ Բ-ից, Հիշված են Յուլին արքայազնը, Սարգար Օրբելյանը, «Վրացի ազնուական Գօրջասապէն» և այլն: Միջանկյալ խոսվում է 1795 թվականի սեպտեմբերի 11-ի Թիֆլիսի ավերման մասին, օգտագործելով Շամշի-Մելքոյի հանրածանոթ «Ողբ»-ից 10 տող: սկսած «Մելիք-Մեշլումն շուն դառնայ» և մինչև «Քրօնիկում նստած էր և այլն» բառերը ներառյալ³:

1 «Նիւթեր ազգային պատմութեան համար», էջ 9:

2 նույն տեղում, էջ 3:

3 Տե՛ս և. Մելիքսեր-Թեկ, Շամշի-Մելքոն և նրա հայերեն խաղերը, Երևան, 1958, էջ 17, 21, 64:

Հաջորդ՝ է գլխում «Աղա Եազուր ներքինապետ՝ մականուանեալ Թութուլի» խորագրի տակ գարձալ խոսվում է 1795 թվականի ավերածության մասին։ Թե ո՞ր աղբյուրից էր հեղինակը նյութեր քաղել իր պատումի համար, այս առթիվ ունկնդիր լինենք իր ասածին։ «Թիֆլիսի Մօղնի եկեղեցոյ միաբան և յետոյ աւագ քահանայ Տէր-Աւետիք Պոպովն և Բեթղեհէմ եկեղեցոյ աւագ քահանայ Տէր-Յովհաննէս Գաւթեանը, որ լսած էր իր հայր Մէլիքսէթից, պատմեցին ինձ այսպէս...»¹։

Հիշելով «Սողանլուղի քարկապները», ուր հասել էր Ախտախանը (Աղա-Մահմադ-խանը), տէր-Ավետիքը պատմում է, թե ինչպես Թիֆլիսին սպասվող վտանգի ժամին «միաբաններս բոլորուցանք եկեղեցիի գաւթում, ասեցինք, խօսեցինք, լսեցինք, խորհուրդ տեսանք, ի վերջոյ ընդունեցինք ծերունի և փորձուած աւագ քահանայ Տէր-Գէորգի կարծիքը. այսինքն՝ գնանք, ժողովինք մեր ընտանիքը, բերենք, ածենք նույն եկեղեցիի հրապարակի հիւսիսային արևմտեան կողմը՝ այժմ Կորիգենց տան մէջ, որ ամրագոյն էր և պատսպարուելու համար աւելի յարմար, քանզի համոզուած էինք, որ թուրքերը (պարսիկները. — Լ. Մ.-Բ.) անպատճառ կը մտնեն քաղաք, որովհետեւ Հերակլ Պարոնը ինքն իւր ընտանիքը փալսցրել էր, և տնային երկպառակության համար մէկ երեկի զօրք չէր պատրաստել, ինչպես ծերերը պատմում էին։ Զիարդ և իցե բոլոր միաբանները գնացին, իւրաքանչիւրն իւր ընտանիքը բերեց, ածեց այն տան մէջ և մենք երիտասարդներս էլ կուտ զինաւորուած՝ բարձրացանք շարուցանք կտուրի վերայ կամ դրան գլխին, որն որ բաւական լայն էր»²։

«Տիրացու Մէլիքիսէն, ասում էր Տէր-Ավետիքը, վաղեվազ գնաց, ու շուստ (շուտ) լեղապատառ յետ եկաւ, խարար էրի, թէ Սուրբ Սարգսի տակի բաղերօքը անց կացայ, դուս եկայ Կրծանիսի տակը, ի՞նչ, ի՞նչ տեհնիմ լաւ գլուխը համած տղերանց լէշիրը՝ կարմիր, կանանչ, դեղին շապկով, լէզու շալէմէն շուխով, բուխարու մորթեմէն գգակով, եարազով էստի էնտի սպանուած, եաբալու ածածին։ Շահնաբաթ ու Թէլէթի քարափեմէն թուրքերը (պարսիկները. — Լ. Մ.-Բ.) ի՞նչպէս

¹ «Նիւթեր ազգային պատմութեան համար», էջ 67։

² Նույն տեղում, էջ 67—68։

չիանչվիլա (մրջիւն) դեվեր էին գալիս. զարբազնի ու թօփի ձէնէմն մարդ է խլանում. Յիս էլ մէ էսթէնը-էնթէնը մտիկ տուի, շկանացի Սւետիրին տէհիլ էի, յիդ գառայ փախայ էկայ ձիղ իմաց անիմ»: Տէր-Գէորգը զայրացած՝ հայհոյանքներ է ասում իւր որդոյ քամակից, և ապա ստիպում է զՄելքիսէթը, որ կրկին գնայ ու գտնէ թերես և քերէ, աւելացնելով, թէ՝ «տիրացու Մելքիսէթ, եթէ Սւետիրը չգայ, գլխէմէն դդակը խլէ՛, թի՛»: Տէր-Սւետիքն աւելացնում էր թէ «երբ Մելքիսէթը գնաց, էս անգամ երկար միջոց տեսց, չվերագրածաւ, մէկ էլ տեսանք որ թուրքերի զորքի ծէրը մեզ հասաւ, գնալով գնալով շատանում էին նորա, իսկ մենք գոները կողակցինք, որ պատերի գլխից և կտուրից մեզ պաշտպաննենք: Պաշտպանեցինք մերծ մէկ ժամ, մինչեւ որ մեր վառութ վերջացաւ, էն ժամանակը պարտաւորեցանք անձնատուր լինիլ, հաւատալով նոցախոսումին և երգումին, որ մեզ չեն վնասիլ»¹:

1795 թ. սեպտեմբերի 11-ի Թիֆլիսի զարհուրելի ողբերգությունը Տէր-Ավետիքը այսպիս է նկարագրում.

«... Պարսիկները սկսան նախ հրացանի կոթով, մտրակով և աքացիով ծեծել զծերերն ու շափահասները, որպէս զի նոքա դարանի տեղեր ցոյց տան, բայց երբ տեսնում են, որ էս միշոցով շեն կարողանում ասել տալ, այնուհետեւ սկսում են դաշոյնով և թրով ծակծեկը, ուստի և շատերն արինաքամ են լինում ու գետնի վերայ թաւալելով՝ անշնչանում: Երբ էս հնարքով ևս շեն արդիւնաւորվում, կրակ են վառում հրապարակի մէշտեղը, ոտկի տակ տալով տանում են կրակի մօտ զՏէր-Գէորգը ու ծերունի Տէր-Ստեփանը², կէծ կէծ կաթսաներ են

¹ Նույն տեղում, էջ 68:

² Այս Տէր-Ստեփանին, Մողնու ևկեղեցու միաբան-քահանային, իհարկե, չպետք է շփոթել ո՛չ Բեթղեհեմի քահանա Տէր-Ստեփանի հետ, որը կենդանի է դեռևս XIX դարի սկիզբներին, ոչ էլ Տէր-Ստեփանոս Հաղբատի վանքի լուսարար-վարդապետ Սայաթ-Նովայի հետ, որը 1795 թվականի սեպտեմբերին բացակա էր թի՛ Թիֆլիսից և թի՛ Հաղբատից և իր զավակների հետ միասին գտնվում էր Հյուսիսային Կովկասում: Բացի հիշյալ քահանաներից նահատակված Հովհանոսականներից հայտնի են Տէր-Գրիգոր Տէր-Շմավոնյանը, Մողնու ևկեղեցու ավագերեցը և Հաղբատի գործակալ ու Բեթղեհեմի միաբան Մխիթար քահանան, որոնցից առաջինին հիշատակում է Թիֆլիսի ավերման պատմիչ Մերոր գրիշը, իսկ երկրորդի հիշատակին

գնում նրանց գլխին, որից նոքա շուտով մեռնում են: Էս խոշտագանքը նրա համար էր, որ միւսները տեսնելով՝ երկիւղից դարձներ ցույց տարին...»¹:

Թ. զլուկը, «Միրզա Եաղար Մարգարեան ներքինի» խորագրով, գրեթե ամբողջապես նվիրված է 1829 թվականի հունվարի 30-ին Թէհրանում տեղի ունեցած սոսկալի ողբերգությանը, որին զոհ է գնացել ո՛չ միայն ուսւապան Ա. Ս. Գրիգորեգովը, այլև մի շարք այլ անձինք, սրանց թվում Սոլոմոն Մելիքյանը, որը «1828 թուին... գնում է դեսպան Գրիգորեգովի հետ», և «որովհետեւ դեսպանը ուշանում է Թավրիզ, վասնորոյ Սօլոմոնը առաջ է գնում Թէհրան և իշխանում իւր քեռի Մանուշար-իսանի պալատում, որ է միջնաբերդում, արքունիքի քամակում»²: Իսկ «Մանուշար-իսանի մայր Ռոկում-իսանումը Թիֆլիսից Թէհրան գնալիս, նրա հետ գնում է և իշխանազն (կնեազ) Դաւիթ Մելիքեանցը, որ նրա աղջկայ որդին, այսինքն թոռն էր»³:

Այս գիտում հեղինակն արձանագրում է նաև այն փաստը, թե ինչպես «1804 թուականին... Երևանի բերդը պաշարելոյ ժամանակ վրաստանցի կամաւոր ձիաւորների խումբը, խոռվելով կնիազ Յիշիանովից, վերադառնում է... իւրեանց հայրենիքը, ուր շատ հայ վաճառականներ և տեղացի բնակիչներ ևս իւրեանց ընտանիքով միաւորվում են էն խմբի հետ»⁴: Սրանց միանում է նաև Յաղուր Մարգարյանը, «որպէսզի զնայ Թիֆլիս, նոր եկած Կ. Պոլսից երևելի ոմն վարժապետի մօտ (կարծես Սերովից Պատկանեանը լինէր սա)»⁵ և առաւել ևս կատարելագործէ իւր ուսումը»⁶:

Նվիրում է Սերովի պատմությունն պարունակող ձեռագիրը վերշինից «ստացողը» կամ սեփականատերը: Իսկ քանի որ Սայաթ-Նովայի հետ հանդիպում է անեցել Հաղպատի վանքում 1798—1800 թթ. միջոցին վրացի Իռնա կիսասրկավագ Խելաշվիլին, պարզ է, որ 1795 թվականին Սայաթ-Նովան չէր սպանվել (տես մեր «Վրաց աղբաւորները Հայաստանի և Հայերի մասին», III, եր. 1955, էջ 245—249, 260, ծան. 12, էջ 182—186):

¹ «Եխիթեր ազգային պատմության համար», էջ 68—69: Մեր կուհմանը համամիտ է Մորաս Հաւարյանը՝ «Սայաթ-Նովա», եր., 1958, էջ 307:

² «Նյութեր ազգային պատմության համար», էջ 83:

³ Նույն տեղում, էջ 82—83:

⁴ Նույն տեղում, էջ 77:

⁵ Մանոթագրություն Գ. Շերմազանյանի:

⁶ Նույն տեղում:

Ժ. Գլուխը, «Աղա Իբրահիմ Սանի, այսինքն երկրորդ կամ կրտսեր» վերնագրով՝ պարունակում է, ի միջի այլոց, Ղուկաս կաթողիկոսի կոնդակը Հերակլ Բ վրաց թագավորի անունով, գրված «յանի 1791 և ի գեկտեմբերի ԱԱ ի յԱնապատն մեր յԵրևան»¹, իբրև պատասխան թագավորի թղթի, լի բարեմաղղ-թություններով:

ԺԱ. Գլուխը, «Խուղաղատ-խան Սալմաստեցի» խորագրով, պարունակում է, ի միջի այլոց, տեղեկություններ Աղեքսանդր վրաց արքայազնի մասին, որը գեմ էր Վրաստանի Ռուսաստանին միանալուն և որի մասին Գ. Շերմաղանյանից առաջ գրել էին Խ. Արովյանը, իսկ Հետագայում Բաֆֆին և Աղ. Ե-րիցյանը:

ԱՀԱ Գ. Շերմաղանյանի վկայությունն Աղեքսանդրի մասին.

«... Վրաց արքայորդի Աղեքսանդրն այս դարի սկզբներում Վրաստանից փախչում գնում է Պարսկաստան, Արքաս-Միրզան տալիս է նրան մեկ քանի հարիւր ձիաւոր, որ միասին գնան յարձակուին Ռուսների տիրապետած կողմերի և կամ նրանց զորքերի վերայ, և կամ ապստամբեցնեն նրանց նոր Հպատակները: Խուղաղատ-Բէզն էլ լինում է էս հեծելազօրքի գլխաւորը: Այդ ապարախտ Ալեքսանդրը տարագրուած իր հայրենիքից, որպէսզի կարողանայ հալածել ռուսները Վրաստանից, ոչ միայն երբեմն-երբեմն արշաւեց իւր հայրենիքին կից՝ զանազան գիւղերի վերայ և ոչինչ շահեցաւ, այլև շատ հնարքներ գործ ածեց, որ գոնէ ապստամբեցնէ կովկասեան ցեղերն ընդդէմ Ռուսաց: Այս գործին մեջ նրա գլխաւոր գործակատարն էր Խուղաղատ-Բէզը, որ մինչև ռուսաց և պարսից վերջին պատերազմի աւարտվիլը, այսինքն 1827—1828 թիւը, երբեմն Ալեքսանդրի հետ և երբեմն առանձին՝ տեսնում ենք նրան Զարաբաղի, Գանձակի, Շամախիի, Բաքուի, Սալիխանի, Դերբենտի և Կովկասի սարերի մեջ զանազան ցեղերի հետ յարձակուլն ու յարակցութիւն ունենալը, և կամ նրանց յուղելն ու ոտքի վերայ կանգնեցնելը...»²:

1 «Նյութեր ազգային պատմության համար», էջ 104—105:

2 Նույն տեղում, էջ 112:

Համեմատաբար ավելի հետաքրքիր են Աղեքսանդր արքայազնի՝ Վրաստանի սահմանները, նույնիսկ մինչև Թիֆլիս գողունի կերպով մուտք գործելու մասին հայտնած տեղեկությունները:

«Խուզագատն ասում էր,— գրում է Գ. Շեղմազանյանը,— թէ շատ անգամ ես միայնակ, և երկու անգամ էլ Աղեքսանդրի հետ գնացել ենք Քիսէղ (Քիզիղ—Լ. Մ.-Բ.) և անտի Սղնախ, և այստեղից էլ զիշերը գուրս գալով մօտեցած ենք Թիֆլիսին, կէս զիշերին հետևակ քայլերով հասել ենք Մախաթի սարի վերայ կանգնել, կամ Հաւզաբարի այն ժայռերի վերայ, որ նայում է Թիֆլիս քաղաքին, երկար միջոց կանգնած նայել ենք—նայել ու վերադարձել... հեծել մեր երիվարները, առաստեան լուսածագին Սօղանլուզ գիւղի մօտից անց կացել կուր գետը. Բօրշալուի, Կազախի մօտերքով զարտուղի ճանապարհներով գերել ենք գուրս եկել Սևանայ ծովակի մօտ»¹:

ԺԳ գլուխը, «Դաւիթ-խան Մկրտչեան, բժիշկ շահի պալատին» խորագրով, գաղափար է տալիս ընթերցողին ծանոթալու հայազն բժշկի գործունեության հետ, որը մի ժամանակ կապված է եղել Թիֆլիսի հետ, մինչ նրան կհրավիրեին Թէհրան՝ շահի արքունիքը²:

ԺԵ. Գլուխը, «Խսութ-խան Ամիր-Թօփիսանէ, բաղկալ Գէլօյնց» նյութի շուրջը, գաղափար է տալիս հիշյալ Յուսութիսիանի և նրա զավակների մասին, որոնք բուն թիֆլիսեցիներ էին և գերի էին ընկել պարսից ձեռք:

XIX դարի առաջին կիսում «Իրանի մէջ գտնուած եղական տղամարդներից մէկն էր այս Խսութ-խանը»,— գրում է Գ. Շեղմազանյանը, և ապա շարունակում. «Նա այն րոպեից, որ գերի էր ընկած, մինչև իւր վերջին շուրջը փշելը—քաջութեամբ ապրեց ու քաջութեամբ մեռաւ»³:

«Նա թիֆլիսցի էր, և նրա աւագանի անունը—Յովսէփի, զոր փաղաքաբար, Թիֆլիսու սովորութեամբ՝ Սօսի կանուանէին: Նրա հայրն էր քաղկալ (նպարավաճառ) Գէլոյնց Թօմա կամ Թովմա, նրա մօր անունը Քալի և քրոջը նինօ: Թովմասի պա-

¹ «Նյութի աղքային-պատմության համար», էջ 113:

² Նույն տեղում, էջ 130—132:

³ Նույն տեղում, էջ 136:

պական տունը Շիա-պարսիկների մէսչիթի մօտ էր, որին կից
էր և նրա խանութը, ուր նրա նախնիքը նպարավաճառութեամբ
կը պարապէին, ուստի և Թիֆլիս յայտնի էին բաղկալ Գէլօ-
յինք անունով»¹:

Այս թուման կամ թովմասը «իւր բարձր ու պարթե հասա-
կովը, լաւ հրացան ձգելովը, փայտեայ թրով կոռուլովը, մանա-
ւանդ մուշտեկոիւ ասած բռնցի մարտնչելովը՝ յայտնի քաջ
տղամարդ էր Համարվում Թիֆլիսի մէջ»²: Միաժամանակ «նա
իւր Համոզմամբ գոլով Շիա-մահմէզականների մէսչիթին
գրացի, գոլով թուրքերին մօտիկ ծանօթ, ոչ միայն ինքը, այլև
նորա գերգասատանի բոլոր անգամները ևս տեղեակ լինելով
թուրքերէն լեզուին, անշարժ մնացել էին Թիֆլիս»³, Աղա-Մահ-
մադ-խանի արշավանքի օրերին և, Հակառակ սպասածին, գերի
ընկել պարսիկների ձեռքը, որոնք տարել էին նրանց Պարս-
կաստան:

Եվ ահա Հեղինակը պատկերացնում է Թիֆլիսեցի Նինոյի
ողբերգական վիճակն ու մահը օտարության մէջ:

«... Գերեվար Մահամմէդ-Բէզր տարաւ Նինօն, զոր վերա-
կոչեց Նենէ, ամուսնացրեց իր որդու հետ: Նենէն՝ ինչպէս մինչև
ամուսնանալը յամառուած՝ չէր կամենում կատարել մուսուլ-
մանների կրօնական ծէսերը, նույնպէս ամուսնանալէն մէկ
տարի անցած՝ չէր մտնում նորափեսի առաջասար, ուստի նրա
պատանի ամուսինը մէկ գիշեր զայրանալով Նենէի յամառու-
թեան վերայ, գաշնակով սաստիկ վիրավորում է Նենէն կուրծքի
մօտից և Նենէն էլ ձեռք հասցնում է պատուհանում դրան
գէնքերին, մէկ բէհրոտ ասած դաշոյն է վեր առնում կոխում
ամուսնի փորք, որ իսկոյն փշում է հոգին, թէկ ինքը՝ Նինէն էլ
երեք օրից յետոյ աւանդում է Հոգին»⁴:

ԺԷ զլովսը, «Բէժան-խան կամ Հաջի-Բէժան-խան և նրա
որդին» վերնագրով, պարունակում է այստեղ Հիշված անձնա-
վորության կենսագրությունը, որը սկսվում է այսպես.

¹ «Նյութեր աղգային պատմության Համար», էջ 136:

² Նույն տեղում, էջ 136—137:

³ Նույն տեղում, էջ 136:

⁴ Նույն տեղում, էջ 158:

«Բէժանը. ծնած էր Քըմանիս, որ Վրաստանի Սօմխէթ (ուղիղ՝ Սոմխիթ—Լ. Մ.-Բ.) ասցեալ գաւառի, երբեմն երևելի քաղաք և այժմ աւերակ դիւլ է»:

ԻԱ. զլուխը, «Նոր-Զուղայեցի պարոն Ռոկան Սամուրի և Համադանցի վերաբնակեալ Թավրիզ՝ մահաեսի Յովհաննէս Ղազարեան, որ էր Քիւրշի-բաշի թափաժառանզի պարսից Ատրպատականի մէջ» վերնագրի տակ խոսվում է այլևալ անցքերի մասին և, ի միջի այլոց, «Հերակլ արքայորդի Աղեքսանդրի» 1804 թվականի գործելակերպի շուրջը, երբ նա, ինչպես Գանիկը կաթողիկոսը 1804 թվականի սեպտեմբերի 27-ին գրած իր նամակում նշում է, պայքարում էր ոռուաց դեմ «Ի վերայ Բամբակաձորու Ղարաքիլիսայի»՝ Փիղուլիսանի 8000 գորքի հետ միացած, որին միացել էին «այլ պատերազմող եկեղոցն 3000 զօրք և Աղեքսանդրի ի Ղազախաց և ի Կողմանց Թիֆլիզու և կամ լեզգեաց»¹: Նույն նամակում ասված է նաև այն, որ «Աղեքսանդրն և Զավատ-Խանի որդին... գնացեալ էին ի խառնակել զկողմանս»²:

1804 թվականի Հոկտեմբերի 1-ի նամակում, Հասցեագրված Դավիթ Ղորղանյան Հակաթոռ կաթողիկոսին, Մահաեսի Հովհաննէսը զեկուցում է, որ «[Թիֆլիս] քաղաքի թավազներն ունչիրիմն է, ծանդու ունչիրով է, մի ունչիրն վիզերնումն»³:

ԻԲ. զլուխը, «Միրզայ Ռոստոմ էնիկօլօփեանց» խորագրով, ծանոթացնում է ընթերցողին էնիկոլոփյան աղջատոհմի պատմության հետ:

«Միւնեաց տէր էլիկումն ամուսնացած է եղած Մամիկոնէից նախարարութենէ սերուած մէկ օրիորդի հետ», որոնց «սերունդէն ծագած մէկը 1600 կամ 1650 թուերին Միրզայ-Զօհրաբ կամ Զուրաբ Մամիկոնեան անուն երիտասարդ՝ քաջ տեղեակ լինելով պարսիկ, արաբ-զղաթայի և իւր մայրական հայ լեզուներին, գնում է Վրաստան, ուր և կրթվում է և վրացերեն լեզուվ, մտնում է վրաց իշխանապետի մօտ թարգմանի պաշտօնով; Միրզայ-Զուրաբը ճարտար և ճոռոմ լեզու ունենալու համար՝ այն ժամանակուաց վրաց իշխանապետն, այսինքն

¹ «Նյութեր աղջալին պատմության համար», էջ 197:

² Նույն տեղում, էջ 198: —

³ Նույն տեղում, էջ 199—200:

Նէփէն, շնորհում է նրան վերակոչումս էնիկօլօփ, այսինքն
տուփ լեղուփ: Այնուհետև Զուրաբն իւր սերունդի շքեղ մակա-
նունն Մամիկոնեան թողնելով, սեփականացնում է ինքեան
էնիկօլօփ վերակոչում, ուստի և նրանից շառափղեալները
նոյն մականուամբ են յայտնի Վրաստանի մէջ»¹:

Բայտ Գ. Շերմազանյանի, «Էնիկօլօփիեանց գերդաստանի
արու անհատները բոլորեքեան էլ հայերէն, վրացերէն, պարս-
կերէն, զղաթայի, այսինքն թուրքերէն և արաբերէն լեզուները
երեխայութեան ժամանակից կակսեին սովորել, որպէսզի ոչ
միայն Վրաց իշխանապետների և իշխանազունների դրան
թարգմանության պաշտօնը կատարէին, այլև այդ գերդաս-
տանների անդամներից ոմանք երբեմն Պօլիս՝ սովլթանների
մօտ, և Ասպահան՝ շահերի մօտ վրաց իշխանապետների կող-
մից՝ գնացել են գեսապանության պաշտօնով, նոյնպէս չորս
կողմի սահմանակից փաշաների և խաների մօտ ևս, ինչպես և
1833—1834 թուերին, որպէս յիշում եմ, Միրզայ-Աբրահամը
Վրաստանի կուսակալի կողմից գնաց Թէհրան շահի մօտ և
ստացաւ խանութեան տիտղոս»²:

Գ. Շերմազանյանին հայտնի է եղել նաև այն, թե ինչպես
XVIII դարի վերջերում «Վրաց իշխանապետ Հերակլ խանը ան-
բաւական լինելով էնիկօլօփիեանց գերդաստանից, խլում է նո-
ցանից իւր պապերից պարգևած զիւզը: Միրզայ-Ռոստոմը սրա
համար խոռվելով՝ թողում է իւր երկու անշափահաս զաւակ-
ները և տարաշխարհիկ լինելով՝ գնում է, ինչպես պատմում
էին, Աւստրիոյ երկիրը, ուր սկսում է եւրոպացիների, նորա-
հնար զինուրական կրթութեամբ մարզուիլ: Յետոյ երբ լսում
է թէ պարսիկները աւերել են Թիֆլիսը, Հերակլ մեռել է, ուստ-
ները տիրապետել են Վրաստանին, 1805—1806 թ. վերադար-
նում է, հասնում Թիֆլիս, ուր իմանում է, որ... իւր եղբայր
Միրզայ-Աբրահամը՝ Հերակլի մահուան օրերումն վերաստա-
նում է իւր հայրական խլած զիւզը...»³:

ԻՓ զլուխը, «Մօլլայ-Բաշի հաշի Մօլլայ Քեարիմ Տէր-Գրի-
գորեանց»-ի մասին խօսելիս՝ ընդգծվում է, թե ինչպես հիշալ

¹ «Նյութեր պագացին պատմության համար», էջ 201—202:

² Նույն տեղում, էջ 202:

³ Նույն տեղում, էջ 202—203:

անձնավորությունը հայտնեց իր «Թիֆլիսեցի լինելը, և թե շատ էր սիրում իւր այնտեղի ազգականների մասին մէկ համբաւ կամ որեկցէ տեղեկութիւն ստանալու թէ՝ արդեօք նրանք Թիֆլիս ի՞նչ կանեն, ո՞վ է նոցանից այժմ կենդանի և ի՞նչ վիճակի մէջ են»¹:

Ե՞ր գլուխը, «Խոսրով-խան վալի Ղայթմազեանց, մականուանեալն Շիր, այսինքն՝ Առիւծ», խոսելով այլևայլ փաստերի մասին, ի միջի այլոց, տեղեկություններ է հայտնում նաև Ղայթմազյանց ազգատոհմի (գերդաստանի) այն ներկայացուցիչների մասին, որոնք հայտնի էին եկեղեցական-դպրոցական ասպարեզում²:

Բատ Գ. Շերմազանյանի տեսության, «Թիֆլիսի սուրբ Գէորգ (բերդի) եկեղեցոյ աւագ քահանայ Տէր-Ֆիլիպէ Ղայթմազեանցն ունեցել է երկու որդի՝ Տէր-Սամուէլ և Տէր-Դաւիթ անուններով: Տէր-Սամուէլն եղել է սուրբ Բեթղեհէմ եկեղեցոյ աւագերէց: Իսկ Տէր-Դաւիթը Քարավիի եկեղեցում քահանայ»³:

Գ. Շերմազանյանը հաղորդում է նաև այն, որ «այս գերդաստանի ծագումը՝ լինելով Վրաստանի հին աղնուական հայ սերնդից՝ Դաւիթն էլ իւր երիտասարդութեան ժամանակէն միշտ յարակցություններ» է ունեցել հայ և վրաց իշխանների և աղնվականների հետ⁴: Իսկ «տէր-Սամուէլը... դնում է Էջմիածին, ուր քիչ մի կենալէն յիտոց, անցնում է Պարսկաստան և այնտեղէն Հնդկաստան»⁵: Այս Տէր-Սամվելը 1794 թվականին ևս Հնդկաստանումն է, քանի որ նրա, իրրև Տէր-Սամվել Տէր-Փիլիպոսյան Ղայթմազյանց քահանա-ուսուցի մասին, խոս-

¹ «Նյութեր ազգային պատմության համար», էջ 210—211:

² Սրանց մասին և հատկապես տեր-Ֆիլիպի մասին տե՛ս Լ. Մելիքսեր-Բեկ, Հայերը վրաց հին գրականության մեջ, «Գեղարուեստ», № 7, Թիֆլիս, 1921, էջ 46—47, նոյնի հատված 18-րդ դարի վրաց գրականության պատմությունից. Ֆիլիպի Ղայթմազաշվիլի, «Լոմիսի», 1922, № 16 (վրացերեն). նոյնի Կ ծնուցանուն և ազգանունը պահպանվել է Հայաստանու պատմությունում, Թիֆլիսի, 1941, էջ 230 (վրացերեն), նոյնի Վրաց ազգությունները Հայաստանի և Հայերի մասին, III, Երևան, 1955, էջ 99—101, 257, 261:

³ «Նյութեր ազգային պատմութիան համար», էջ 213:

⁴ Նույն տեղում, էջ 215:

⁵ Նույն տեղում, էջ 214:

վում է «Աղդարար»-ի 1794 թվականի № 4-ում տպված մի անստորագիր հոդվածում (էջ 164—172)¹:

Ին զլուխը, «Եաղուբ-խան Սուլթան (կապիտան)» վերնագրով, գրեթե ամբողջովին նվիրված է վրաց արքայազն Աղերսանդրի ու նրա մտերիմի՝ Յաղուբի կենաց հանգուցին:

«Երևանի Կոնդ թաղի բնակիչ Ստեփան անունով մեկը» XIX դ. սկզբներում «վերագաղթում է Թիֆլիս և բնակվում Հավաքար ասուած թաղում, ուր էր և իւր երկրացիների գաղթականութիւնը տեղաւորված: Մէկ քանի ժամանակից յետոց իւր որդոյց հետ վերադառնում է Երևան՝ իրքն ոռւսի հապատակ, որպէսզի իւր հայրական տունը վաճառէ ու նրա դրամով բամբակ զնէ տանէ Թիֆլիս, և այն փոքրիկ գումարով առուստուր սկսէ: Երևան շհասած՝ ճանապարհին աւագակները սպանում են Ստեփանը, իսկ զՅակոբը գերի վարելով՝ տանում են Երևան վաճառելու: Երևանի հայերը՝ լսելով այս իրողութիւնը, աշխատում են աղատել Յակոբը, բայց չեն կարողանում, ուստի դիմում են վրաց իշխանազն Ալեքսանդրին, որ աղատում է նրան ու պահում իր դրանը, ինչպէս վրաստանցի իւր հապատակ², նույնիսկ «մնում է նրա (Ալեքսանդրի) դրանը առանց ոռճիկի և առանց որկիցէ զբաղմանց»³:

Հետագայում Հակոբը, վերակոչվելով Յաղուբի, առաջ է քաշվում Երևանի սարդարի միջոցով, և փոխադրվելով Թէհրան՝ Հասնում է բեգության, սուլթանության և խանության:

«Երբ Եաղուբ-խանն ամուսնանում է և իւր համար տուն ու տեղ է սարքում, այնուհետև նրա տունը լինում է վրաց իշխան Ալեքսանդրի կողմից զրկուած ուուրհանդակների համար հիւրանոց: Վասն ոք երբ վերջիններս իրանց մեծաւորից շահի անուամբ խնդրագիրներ և կամ նախարարի ու երկելի պաշտոնատարների վերայ նամակներ բերէին Թէհրան, այնքան ժամանակ կը բնակէին Եաղուբի տանը, մինչև որ խնդրագրի կամ նամակների պատասխանները ստանային ու վերադառնային: Երբ ինքը՝ Ալեքսանդրը գար Թէհրան, մինչև նրա համար յար-

¹ Հավի. Պետրոսյան, Հայ պարբերական մամուլի բիբլիոգրաֆիա (1794—1900), Երևան, 1956, էջ 6:

² «Նիւթեր ազգային պատմության համար», էջ 221:

³ Նույն տեղում, էջ 221—222:

մար բնակարան գտնելն ու վարձելը, նա կը բնակէր Եազուրի տանը: Խօսք չկայ որ այս ամենը լինում էր առանց որևէ նիւթական վարձարութեան: Եազուր-խանը երդվում էր թէ «որքան ես իմ կեանքումը դրամ եմ վաստակած, թէ չասեմ երեք մասը, անշուշտ կէսն իմ բարերար Արէքսանդրի ճանապարհին եմ մսխած, և թէ՝ չկարծէք որ ես փոշման եմ, այլ ընդհակառակն ուրախ եմ, որ իմ պարտաւորութիւնս կատարած եմ»¹:

«Այսպէս ահա, ասում էր Եազուր-խանը, պարոնի որդի Արէքսանդրը, չկարողանալով կրել այն անտանելի վշտերը, քանի որ «Հիւանդութիւնը հետզհետե սաստկացաւ, կանչեց ինձ ու ասաց թէ... ինձ թաղել տուր Հայոց եկեղեցւոյ գաւթումը» (այս արտասանելիս Եազուրն սկսեց արտասովիլ)... Երկրորդ օրը պարնի որդին (արքայազնը—Լ. Մ.-Բ.) աւանդեց հոգին»²:

Աղեքսանդր արքայազնի թաղման պարագաների մասին Յազուրը հասցրել է Գ. Շերմազանյանին հետևյալ տեղեկությունները.

«Պարտատերեն, իմանալով նրա մահը, ժողովեցան, եկին և չէին թողնում, որ նրան թաղենք: Աշխատեցի, բանը հասցրի շահին, որ հազիւ հինգերորդ օրը Հրաման դուրս եկաւ թէ շահը 40 թուման դրամ է պարգևել նրա յուղարկաւորութեան ծախսի համար, և թէ՝ պարտատէրները պիտի բաւականան հանգուցելոյ մնացած կայքովը: Բայց ի՞նչ էր մնացել, հազիւ թէ 50—60 թումանի հին ու անպէտք բաներ: Այն 40 թումանով, աւելացրեց Եազուրը, հազիւ կարողացայ կատարել նորա թաղումը, որ եղաւ Շահ-Արդուլ-Ազիմ ասած բերդի գունը եղած Հայոց եկեղեցիի գաւթում, արևմտյան եկեղեցւոյ դռան առաջելը, և երբ բառասունքի օրը պատարագ էին մատուցանում, մէկ փոքրիկ քար էլ ձգել տուի վրէն, որովհետև հայերէն կամ վրացերէն քանդակող չկար, շուղեցի էլ պարսկերէն գրել տամ, և մինչև ցայսօր էլ ամեն մեռելոցի օր օրհնել կտամ նրա գերեզմանը»³:

¹ «Նյութեր ազգային պատմության համար», էջ 223—224:

² Նույն տեղում, էջ 224—225:

³ Նույն տեղում, էջ 225:

Ալեքսանդր արքայազնի կյանքի վերջին օրերի ու թաղման ժամանին խոսելուց հետո Գ. Շերմազանյանն ավելացնում է.

«Իմ խնդրանոր՝ Եաղուբ-խանը մէկ օր առաջնորդեց ինձ վերոյիշեալ եկեղեցիի գաւիթը և ցոյց տուեց այդ անշուր գերեզմանը, որ արդարեւ արևմտեան գոնից 17 քայլ ուղիղ գծով հետի է: Ես մտքում գրի այն գերեզմանի քարի վերայ գոնէ պարսկերէն հանգուցելոյ անունն ու վախճանելը քանդակել տամ, բայց գեսպանատան պաշտօնատարներից մէկն ասաց ինձ թէ՝ ի՞նչ գործ ունիս, թերևս մէկ քաղաքական հարց ծագի, և դու պատասխանատու լինիս, ուստի և ես թէն կասեցայ նպատակիցս, բայց Զատկի և Զրօրհնեաց մեռելոցի օրերը օրհնել տուի հանգուցելոյ գերեզմանը, վասն զի ես նրա հետ Խոյ և Թավրիդ ծանօթացած էի, և շատ անգամ էլ յաճախած էի նրա մօտ:

Ասում են, Եաղուբ-խանը վախճանուեցաւ Թէհրան 1859 թուին¹:

Ի՞՞ զլուխը, «Խաչատուր Բէրուուեան զառնշանչի» խորագրով, կարևոր տեղեկություններ է հաղորդում Հովհաննես և նրա որդի Խաչատուր Բէրուոյանների² մասին, որոնք զինագործներ են եղել վրաց արքունիքում Թէյմուրազ թագավորի օրուք (1733—1744, 1744—1762):

«Իւր արհեստի մէջ քան վարպետ Զառնշանչի Յովհաննէս Բէրուուեանը Թէյմուրազի խոստումներից խրախուսվելով՝ սկսում է ծանօթանալ և հաղորդակցութիւնն անել լէզգիների հետ և ընծաններ է տալիս նրանց, հիւրընկալում է և պատվում, որպէսզի սովորցնեն նրան թէ ի՞նչպես են ջուր տալիս երկաթին, որ ամուր լինի և ջուտով շխորտակուի. բայց նոքա զլանում էին սովորցնել, վասն զի նոցա բոլոր վարպետութիւնը կայանում էր ջուր տալումն, զոր կարի խստութեամբ գաղտնի էին պահում: Յովհաննէսն էլ չնայելով ցուրտին, անձրսին, ձիւնին, գիշերները գնում է նստում նրանց արհեստանոցի կտրում և երթիկից նայում՝ տեսնում թէ նոքա ի՞նչպես են կատարում ջուր տալու գաղտնիքը: Այնուհետև սկսում է իւր գոր-

1 Նույն տեղում, էջ 225:

2 Բէրուոյան-Բէրուովների սերնդից էր, ի միջի այլոց, իւ Ճավհավաձեի մայրը:

ծարանում փորձել շատ անգամ, մինչև հասնում է իւր նպատակին, և մէկ հատ գեօրդայ է շինում, տանում ներկայացնում թէմուրաղին ու յայտնում իւր գտանելն այն գաղտնիքը: Թէմուրաղը երբ հաւասարի է լինում, այնուհետև ի հարկէ չէ բերել տալիս լէզգիներ, այլ աշակերտներ է յանձնում Յովհաննէսին, որ սովորցնէ նրանց այդ արհեստը, և որպէսզի խրախուսէ նորա ձեռնարկութիւնը՝ թէմուրաղն անմիջապես խիլայում է և աղնուականութեան արտօնութիւն է շնորհում նրան»¹:

Անցնելով ապա Հովհաննէսի որդի Խաչատուրի բնութագրմանը, Գ. Շերմազանյանը հայտնում է, որ նա «իր զառնը շանշութեան արհեստի մէջ գերազանցում է իւր հօրը, մանաւանդ որ աշխատում է, գտնում թե ի՞նչպես պետք է թուրերի վերայ ջովհար խփել, որ մինչև այն ժամանակը միայն խորասանի ձեռագործները կունենային...»², այնպես որ «Խաչատուրի համբաւը տարածվում է շատ տեղ, մինչև որ... շատերը իրանց զրացները ուղարկում են... Թիֆլիս Խաչատուրի մօտ, որ ոսկի ջրով կամ ոսկի գրեռով զրուագէ, քանդակէ, նոր կամ թէ իրանց հաշակովը վերանորոգէ և կամ ջովհար տայ (ջուր տայ)»³:

Ա. զլուխը, «Միրզայ-Գուրգին-խան էնիկօլօփիանց, Կուլա՛ Փիշ-իւղմէթ խասէ» խորագրով, վերաբերում է Պարսից արքունիքում XIX դարի առաջին կիսին գործող էնիկոլոգիան (էնակուփաշշվիլի) ազգատոհմի ներկալացուցիչներից մեկին, որն, ինչպես և նրա պապը (Հերակլ Բ. թագավորի օրոք)⁴, կրում էին Միրզա-Գուրգինա անունը⁵:

Լ. զլուխը, «Աղալօ-աղայ, որ և Աղալար-խան էնիկօլօփիանց» վերնագրով, նվիրված է Միրզա-Գուրգինա էնիկուլոփիանից և Ոսկի-խանումից ծնված Աղալո-բեկ կամ Աղալար-խանի կենսագրությանը:

Հստ Գ. Շերմազանյանի տեսության, Աղալոն մանկությու-

¹ «Նիւթեր ազգային պատմութեան համար», էջ 226—227:

² Նույն տեղում, էջ 227:

³ Նույն տեղում:

⁴ Լ. Սելիխեր-Թեկ, Վրաց աղբյուրները Հայաստանի և հայերի մասին, Հ. III, էջ 177, 189, 200:

⁵ «Նիւթեր ազգային պատմութեան համար», էջ 284—294:

նից սովորել և տիրապետել է Հայերենին, վրացերենին, արաբերենին, պարսկերենին, թաթարերենին և «չափահաս լինելուց յետոյ նշանակվում է Գէօրգի վրաց թագաժառանգի զուան թարգման»¹, մի ժամանակ նա լինում է Ախալցիինի «փաշալի մոտ թարգման Հայոց, վրաց և Պարսից լեզուների»², ապա նաև ուսւերենի: Գեներալ Նեսվետակի «Հանճնարարությամբ 1806 թվականին նա բանակցում է Ախալցիինի Սելիմ-փաշալի հետ: 1808 թվականին նա փախչում է Էջմիածին և այնտեղից Թալրիդ, որտեղ ծառայում է Պարսից թագաժառանգ Աբբաս-Միրզալի մոտ, և ազգպես էլ վերակոչվում է Աղալար-խան»³:

Օգտվելով առիթից, ավելորդ շենք համարում նկատել, որ Գ. Շերմազանյանի «Նիւթեր հայոց պատմութեան համար» գրքի սույն՝ կի գլխում ներկայացված գեմքերի հիշատակությունն առկա է նաև Գայանեի վանքի Հյուսիս-արևելյան անկյունում պահպանված 1822 թ. 6 օգոստոսի երկրեղվան՝ հայվրացական, չափածո տապանագրության մեջ, որի ընդօրինակումը (հայերենի) տալիս ենք ստորև.

«Ի սմին տապանի հանգուցեալ դը լիի
Մարմին մահտեսի այն թինաթինի,
Որ էր կողակից պարոն Գրիգորի,
ի Յալթիբէշեան աղդէ անուանի.

Նա եւ էր զոքանը Աղալօ-բէկի
Եւ մայր սը լրասէր Գհողալ խանումի:
Ընթերցօղ, յիշման արա արժանի,
Զի լիցի բնակօղ յերկնից կայանի,
ի 1822 օգոստոսի 6»:

Լեզուիսը. «Մանուշար-խան էնիկօլօփեանց հւ-Աղասի-րաշի և Մօհթէմիդ-տւդ-դօվլէ» վերնագրով, որով մենք ավարտում ենք Գ. Շերմազանյանի գրքի տեսությունը, մեր նպա-

1 «Նիւթեր ազգային պատմութեան համար», էջ 311:

2 Նույն տեղում, էջ 312:

3 Նույն տեղում, էջ 313: Ա. Մելիքսէր-Բեկ, Հայ-վրացական ֆոլկորալին նյութերից, ՀՍՍՌ ԳԱ «Տեղեկագիր», 1958, № 7, էջ 59—67. Եռյենի՝ Սուրբ Հռիփսիմեի և սուրբ Գայանեի վանքերի երկրեղվան չափածո տապանագրերը, «Էջմիածին», 1959, № 4, էջ 34—38:

տակի համար հետաքրքիր է միմիայն նրանով, որ այստեղ, ի միջի այլոց, խոսվում է նաև 1804 թվականի Երևանի ազատագրման գործում գեն. Յիշիանովի և վրաց աղնվականության կատարած դերի մասին:

Մի ամբողջ ծանոթագրություն հեղինակը նվիրել է գեն. Յիշիանովի ծագման խնդրին. «Յիշիանովը վրացի էր, բայց նա ծնած էր Ռուսաստան, Կաչարների պատմութիւնն ասում է թէ՝ Ռուսաց կայսրն Թիֆլիս առաքեց Սիսիանլու (Սիսիանցի, Սիսականցի) ոմն, պաշտօնիւ Շըփեխառուր (ինսպէկտոր): Պարսիկները Սիսական գաւառը անուանում են Սիսիան, ուստի և համարում են զՅիշիանովն Սիսիանցի և Սիւնեաց նախարարութեան ցեղից շառափղուած: Վրաստանումն էլ մինչև ցայսօր աւանդութեամբ մնացած է, որ Յիշիանով իշխանազունների նախահայրը գաղթուած է Սիսիանից, Սիսական ոերընդից»¹:

Դէն. Յիշիանովի և վրաց աղնվականության փոխհարաբերությունների մասին, որոնք պառակտումով են վերջացել, Գ. Շերմազանյանը գրում է.

«Կնեազ Յիշիանով զօրավարը Ռուսաց զօրքով չուում գնում է Երևանի բերդը պաշարելու: Վրաստանի աղնուականութիւնը իրեանց անձնընծայութիւնը դէպի Ռուսաց գահը ցուցանելու համար ուղարկում է բանակի հետ մօտ 300 հոգի քաջ զինաւորված հեծելախումբ առանց ոռձկի. բայց երիվարների կերն ու զինաւոր մարդկանց ուտելիքը պետք էր լիներ տէրութեան ամբարից: Երևանի բերդը պաշարած ժամանակ Ռուսաց զօրքը հացի մեծ պակասութիւն է կրում. ուստի և Յիշիանովը մտադիր է լինում մէկ քանի օրից յետոյ բառնալով բերդի պաշարումը՝ վերադառնալ Թիֆլիս: Միննույն ժամանակ Վրաստանի հեծելախումբն անտեղիակ լինելով Յիշիանովի դիտաւորութեանը, պատգամաւոր է ուղարկում նրան ասել թէ՝ «մենք մեր հացը որպէս և իցէ ճարում ենք, բայց շենք կարողանում մեր

¹ «Նյութեր պղպաշին պատմության համար», էջ 324, ծան. 1: Յիշիանով (վրաց. Յիշիշվիլի) ազգանունը Սիսիան-Սիսական երկրի հետ մի փոքր հիշեցնում է Ղափլանյան-Ղափլանիշվիլիի առաջացնելը Ղափան-Կապանից: Մինչդեռ Վրաստանում կար «Սացիշիանո» անունով տեղավայր՝ Յիշիշվիլ-Յիշիանովների կալվածքներով:

Երիվարների համար գարի ձեռք բերել. ուստի և խնդրում ենք, որ Հրամայէք թագաւորական ամբարից զոնէ գարի մատակարարեն մեղ, որ մեր ձիերը չսատկեն»: Ցիցիանովը զայրացած պատասխանում է պատգամավորին թէ «Եթէ ամբարում գարի լինէր, ես զօրքին կտայի և ոչ թէ նոցա ձիերին, որոնք եթէ սատկին էլ, ինձ փոյթ չէ, և եթէ չեն կարողանում այդ վիճակով համբերել՝ մնալ այստեղ, կարող են գնալ ուր որ կամենան, նրանց արգելող շկայ» և այլն:

«Վրաստանի հեծելախումբը Ցիցիանովի այդ անակնանելի և խիստ պատասխանից շատ յուղուելով՝ պատրաստվում է վերադառնալ իրանց հայրենիքը: Այդ լուրը տարածվում է բանակի մէջ. ուստի և միաւորվում են նրանց հետ որպէս շատ թիֆլիսեցի հայեր, որոնք եկած էին բանակի հետ՝ առուտուրի համար, նոյնակէս մօտ հարիւր երկրացի հայ գերդաստաններ, որոնք նեղացած լինելով պարսիկների ծանր լուծից, ուղում էին գաղթել Ռուսաց կողմը»¹:

«Կնեազ Ցիցիանովն իւր պաշտօնական թղթակցութեանց մէջ այս անցքն այլ իմն դիմակով է ներկայացնում կայսեր, այսինքն՝ թէև յանցաւոր է ցոյց տալիս Վրաստանի հեծելախումբը, բայց որպէս գերիները, նոյնակէս և թղթակիցների մասնաւոր նամակները վկայում են այնպէս, ինչպէս որ ես գրեցի»², — ասում է Գ. Շերմազանյանը և ապա շարունակում. «Ցիցիանովի պաշտօնական թղթերի մէջ չէ յիշուած քանի՝ մարդիկ էին Վրաստանի հեծելախումբից, քանի՝ հոգի էին Թիֆլիսի հայ վաճառականներից, և ո՞րքան գերդաստան կամ հոգի էին երեանցի գաղթողներից, և կամ նոցանից ո՞րքանը կոտրուեցան և ո՞րքանը գերի վարուեցան, այլ միայն գերիվայր և համառատարար յիշելով ներկայացնում է գերի ընկածների մէկ ցուցակը, որի մէջ յիշուած են այս երեւլիները: Իշխանազուններ. — գեներալ-մայեր և սարդար իվանէ Օբբէլեանի. Ասլան, Զուրաբ և Սոլոմոն Օբբէլեանք. Լուարսաբ Մմբատայշվիլի (որդի), Յօմէփ Շալիկայշշվիլի, Ռէվազ Բարաթաշշվիլի, Երեմիա Մուկսրան բատօնի շվիլի, Բէժան Բէհբութեանց, Դաւիթ Բարաթաշշվիլի, Ռէվազ Թարխանա շվիլի, միւս Դավիթ Բարա-

1 Նույն տեղում, էջ 324—325:

2 Նույն տեղում, էջ 326:

թաշվիլի: Ազնուականներ—Զօնգուր, էնիկոլոգիեանց, Ռոստու Մելիքեանց, Անդրէ Ղայթմաղեանց, Գիօրգի Ղօրղանեանց, Ռէվազ Թաղի որդի (Երկայնաբազուկ-Արզութեանց), Դաւիթ Թաղաջշվիլի, Զառնչանչի Խաչատուր (Բէրուսեանց)»¹:

Այս ցանկը լրիվ Համարելով, Գ. Շերմազանյանը կարելոր է գտնում ավելացնել հետևյալը. «Մասնավոր թղթակցություններից երեսում է, որ բացի վերոգրեալ մարդկանցից, այլ ևս շատ իշխանազուններ և ազնուականներ են գերի վարուած, զորօրինակ Թամազ Օբրելեանի, Թաղայ Երկայնաբազուկ-Արզութեանց, Սօլօմօն Թարխանայշվիլի, Թէյմուրազ Բագրատիոն, Իվան Մելիքեանց և ազնուականներ Նինիայ (որ յետոյ նունի-իւան) Բագրատայշվիլի, Սօլօմօն Ղօրղանեանց և այլք»²:

Վրացերեն և վրացերենի միջոցով հայերենում մտած բառերը Գ. Շերմազան-Կարդանյանի «Նիւրեր ազգային պատմութեան» մեջ.

Էգերա—Էգերա (գուցե, թերես)

Էնիկոլոփի—էնակոլոփի (լեզվի տուփ)

Նեփե—մեփե (արքա, թագավոր, նոր փեսա)

Չիանչվիլա—Ճիանճվելա (մրջյուն):

Գ. Շերմազան-Կարդանյանը ՎՐԱՅ ԳՐԱԿԱՆՈՒԹՅԱՆ ՄԵջ

Գրականություն նրա մասին

1. Լ. Մելիքսեր-Թեկ, Նյութեր Թրիլիսիի Համբարների 1865 թ. «Ելաւթի» պատմության համար, «Սահմանորիո մոամբե» [=Պատմական Տեղեկագիր], Հ. III, Թրիլիսի, 1947, էջ 1—144, և առանձին:

2 Նույնի՝ Վրաստանի պատմության գրավոր ազրյուրների հրատարակությունները. Կատալոգ, I, թիվ. 1949, էջ 307—308 (մասն Բ, № 102):

¹ Նույն տեղում:

² Նույն տեղում:

ՍՅԵՓԱՆՈՒԹՅԱՆ ՀԱՅԱՐԵԱՆԵ

(1814—1879)

Ստեփանոս Եսայիի նազարյանը ծնվել է Թիֆլիսում 1814 թվականին քահանայի ընտանիքում, որի բնակատեղն էր Հավաբար քաղաքամասը։ Սկզբնական կրթությունը ստանում է Թիֆլիսում նախ իր հոր՝ Եսայի քահանայի մոտ, ապա Պողոս Վարդապետի մոտ (Վանքի մայր եկեղեցուն կից), իսկ միշնակարգը՝ նորաբաց Ներսիսյան գպրոցում, գասրնկեր լինելով և. Արովյանին, Գ. Շերմաղան-Վարդանյանին, Առաքել Արարատյանին, Պետրոս Մազաթյանին և ուրիշների։

1835 թվականին Ստ. Նազարյանը ընդունվում է Գորսպատի Համալսարանը, որն ավարտելուց հետո նա, ինչպես Հայտնի է, աշխատել է արևելագիտության գծով Կաղանի Համալսարանում, ապա Մոսկվայի Լազարյան ճեմարանում և այլն, այսինքն Թիֆլիսից և առհասարակ Վրաստանից գուրս։

Ինչպես Հայտնի է, Ստ. Նազարյանը 1869 թվականի սեպտեմբերից ստանձնել է Ներսիսյան գպրոցի վերատեսչի պաշտոնը, որի մեջ Հաստատվել է նույն տարվա նոյեմբերի 11-ին № 367 [կաթողիկոսական] կոնդակով¹ և մնացել է այդ պաշտոնում լրիվ երկու ուսումնական տարի (1869—1870 և 1870—1871), բայց «Համերաշխություն չգտնելով» գպրոցի հոգաբարձության հետ, 1871 թվականի հուլիսի 1-ից Հրաժարվել է Հիշյալ պաշտոնից² և ընդմիշտ հեռացել Թիֆլիսից և առհասարակ Վրաստանից։

Չնայած Ստ. Նազարյանը այսօրան կարճ ժամանակով է եղել Թիֆլիսում, այնուհանդերձ նա «ցարական կառավարության աշքում» ճանաչվել է իբրև «անբարեհույս» տարր, որի շուրջը գաղտնի հետախուզում-հսկողություն է նշանակվել ու

¹ Ստ. Մալխասյանց, Համառոտ պատմություն Ներսիսյան Հոգևոր գպրոցի յոթանասունհինգամյա գոյության (1824—1899), Թիֆլիս, 1900, էջ 129.

² Նույն տեղում, էջ 138—139։

կատարվել, որ և դաել է իր արտահայտությունը Կովկասի փոխարքայի գլխավոր վարչության պետի գիվանատան գործերում, որոնք իրեւ հատուկ արխիվային ֆոնդ № 5/12-ի ներքո պահպան են Վրացական ՍՍՌ ՆԳՄ-ի կենտրոնական պատմական արխիվում:

* * *

Այս գործերից մեկը՝ № 787—«Օ духовных армянских семинариях» վերնագրով, որ սկսված է 1869 և ավարտված 1871 թ., վերաբերում է Ստ. Նազարյանի գործունեության այն շրջանին, երբ նա ներսիսյան դպրոցի վերատեսուշ էր կարգվել:

Այն պարունակում է Յ գրություն «Հույժ գաղտնի» (весьма секретно) մակագրությամբ.

1. Թբիլիսիի նահանգապետ Կոնստանտին Իվանովիչ Օրլովսկու զեկուցագիրը Կովկասի փոխարքայի գլխավոր վարչության պետ՝ բարոն Ալեքսանդր Պավլովիչ Նիկոլայի (Николаи) անունով 1869 թ. 27 հոկտեմբերի—№ 200:

2. Հիշյալ վարչության պետ բարոն Նիկոլայի գրությունը նահանգապետ Օրլովսկուն 1871 թ. հունվարի 7—№ 2:

3. Հիշյալ նահանգապետ Օրլովսկու զեկուցագիրը բարոն Նիկոլայիին 1871 թ. փետրվարի 3—№ 17:

Ահա այդ գրությունները.—

Ա.

«Милостивый Государь Барон Александр Павлович!
Получив негласным путем сведения, что из Москвы
прибыл недавно в Тифлис профессор Лазаревского ли-
цея Степан Назарьянц, приезд которого состоялся будто
бы вследствие патриотического общества армян для ру-
ководства в национальных их стремлениях, враждебных
нашему Правительству, я распорядился о собрании
более подробных по этому предмету данных. Из достав-
ленного мне ныне донесения обнаруживается, что озна-
ченный Назарьянц по окончании курса наук в дерпт-

ском университете был преподавателем восточных языков в университете казанском, откуда его перевели в Лазаревский институт, в настоящее же время он действительно назначен инспектором Тифлисской армянской семинарии с подчинением ему всех остальных армянских школ. Выбор этот, основанный на репутации, коею Назарьянц пользуется в среде армян в качестве патриота, сделан попечительным комитетом армянских учебных заведений и утвержден патриархом Кеворком.

Насколько вредно может отразиться влияние названного Назарьянца на здешнее армянское юношество—определить теперь трудно и заключение сие можно вывести лишь из ряда наблюдений по истечении некоторого времени, но я счел не излишним ныне же довести о вышеизложенном до сведения Вашего Превосходительства в тех собственно соображениях, что в связи с настоящим случаем находится общий вопрос о Тифлисских армянских учебных заведениях, как в самом г. Тифлисе, так и в уездах Горийском, Телавском и Сигнахском, содержащих сколько на суммы частных благотворителей, столько же на уделяемые по распоряжению патриарха деньги из свечного сбора, каковые заведения, сколько мне известно, находятся вне всякого контроля. Не подчиняясь инспекции учебного ведомства и в то же время не давая никакого отчета в действиях своих губернскому начальству, училища эти составляют нечто отдельное, управляемое особым комитетом из лиц выборных и действующее по указаниям, исходящим только от патриарха. Мне казалось бы, для устранения всяких недоразумений на будущее время, изъять все армянские училища из той, ничем не оправдываемой исключительности, в коей они находятся, распространив как на личный состав преподавателей в оных, так равно и на программу преподаваемых в них наук, если не надзор, то, по крайней мере, некоторое участие Кавказского Учебного Округа.

Представляя таковоё мое мнение на благоусмотрение Вашего Превосходительства, имею честь покорнейше просить о последующем почтить меня уведомлением».

[*Ստորագրություն*] Орловский

Բ

«Милостивый государь Константин Иванович!

В докладе 27 октября 1869 г. за № 200 Ваше Превосходительство, сообщая об опасениях того влияния, какое может выразиться от подчинения всех армянских училищ бывшему профессору Лазаревского института Назарьянцу, присовокупили, что положительное по сему предмету заключение можно вывести из ряда наблюдений по истечении некоторого времени.

Предполагая, что с того времени могли быть собраны достаточные данные для составления безошибочного по означенному предмету мнению—я покорнейше Вас прошу о сообщении мне таковых в дополнение вышеозначенного Вашего доклада».

[*Ստորագրություն*] Барон Николай

Գ

«Милостивый Государь Барон Александр Павлович!

На предположение Вашего Превосходительства от 7-го января за № 2 имею честь донести, что проживающий в Тифлисе бывший профессор Лазаревского института Назарьянц, как оказалось по собранным справкам, не успев приобрести желаемого влияния в среде здешнего армянского населения, намерен в скором времени оставить Тифлис и отправиться, как нужно полагать, в Москву».

[*Ստորագրություն*] Орловский

Առ. Նազարյանցի շուրջը ստեղծված «անբարեհուսության» համբավը, անկասկած, պիտի առաջանար այն տպավորու-

թյունից, որ ցարական կառավարությունը Կովկասում ստացել էր 1865 թ. Թբիլիսիի համբարների ապստամբության կապակցությամբ¹, երբ Ստ. Նազարյանցին «Հավատափոխության» ջատագով լինելու և Բաղելի հայ բողոքականների հետ կապունենալու մեջ էին մեղադրում²:

Համենայն դեպս, Կովկասի փոխարքայի օդնական գեն. իշխան Գր. Օրբելիանու (Վրաց հայտնի բանաստեղծի) թղթերում, որ Վրացական ՍՍԾ գիտ. ակադեմիային ենթակա Վրաստանի պետական թանգարանի գրական բաժնի արխիվային ֆոնդումն է գտնվում, մի կտոր թղթի վրա, որի մի երեսին իշխանուհի Դադիանու արտասահմանյան հասցեն է նշած (France—Paris. A son Altesse sérénissime Madame la Princesse Catherine Dadian de Mingrelie. L'Hôtel du Louvre), մյուսի վրա մատիտով նշված է հետեւյալը (վրացերեն).

«Մոսկվայում գտնվում է Ստեփան Նազարյանցը, պրոֆեսոր Մոսկվայի համալսարանում (sic): Սա նախանախագահն (բնագրում՝ «պրեգագրեգսեգատիկի») է «Սիրո եղբայրներ» (բնագրում ոռուսերեն՝ «Братя лиобви») ընկերության: Սա դաստիարակեց (սնեց) Գոգորերիձեխն (ուղիղ՝ Ղողորերիձեխն—Լ. Մ.-Բ.), Շանշինի որդոց և ուրիշներին քարոզում է աղատություն, հայերի ազգայնականությունը (բնագրում՝ «նացիոնալոբա»), հավատափոխություն, սրա հետ են միասին Փետրոս (բնագրում «Պետրե») Շանշինը, Խատիսովը, Սիմոն-

¹ Հմմտ. Լ. Մելիքսեր-Թեկ, Համբարների ելույթը Թբիլիսիում 1865 թվականին, Գ. Սունդուկյանը և հայ մտավորականները, — «Խորհրդային Վրաստան», 1938, № 20:

² Հմմտ. թժ. Լ. Տիգրանյան, Գերմանական Գորպատ համալսարանը և նրա հայ ուսանողները 1830—1892. — «Հումա», 1903, № 5, էջ 21—22, № 6, էջ 82—83: Հայերի մեջ բողոքականության (լութերականության) տարածման հաղաքական աստանի մասին, ի միջի այլոց, մանրամասն խոսկում է Վրաստանի պատմական արխիվի № 5/12 ֆոնդի № 6934 գործում (1871 թ.)— О желании Вагаршапатских жителей принять лютеранское исповедание, а также введение лютеранской церкви в Грузии. — «Христианство в Грузии», 1871, № 24, էջ 38 գրության մեջ:

յանցը և ուրիշներ, իբրև օժանդակողներ և տարածողներ այս
ուսմունքի: Սրանք քարոզում են մատերիալիզմ (բնագրում
ուսւերեն՝ մատերիալիզմ)»¹

ՍՏ. ՆԱԶԱՐՅԱՆԻ ՎՐԱՅ ԳՐԱԿԱՆՈՒԹՅԱՆ ՄԵջ

Դրականություն նրա մասին

1. Լ. Մելիքսեր-Թեկ, Նյութեր Թրիլիսիի համբարների 1865 թ. «Ալույթի»
պատմության համար, «Սահմանորիս մոամբե» [=Պատմության Տեղեկագիր],
Հ. III, Թրիլիսի, 1947, և առանձին, էջ 143—144:

2. Գրիգոր Օբրելիանի, Երկերի լրիվ ժողովածու, Թրիլիսի, 1959, էջ 311:

¹ Այսուղ գուցե ակնարկ է Մ. Նալբանդյանի մասին:

ՄԻՔԱՅԵԼ ՆԱԼԻԱՆԴՅԱՆ (1829—1866)

Միքայել Նալբանդյանն անմիջապես կապված չի եղել Վրաստանի, վրաց իրականության ու կուլտուրայի հետ: Այնուամենայնիվ, կան մի շարք մոմենտներ, որոնք Մ. Նալբանդյանին կապում են Վրաստանի հետ:

Այսպես, օրինակ, Մ. Նալբանդյանը իրու էքստերն 1859 թվականի գարնանը Պետերբուրգի համալսարանում քննություններ է հանձնում հայ-վրաց-թուրքական բանասիրությունից և, ի միջի այլոց, մայիսի 3-ին վրաց լեզվից¹, որի դասախոսն էր նույն համալսարանում հայտնի գրականագետ և բառարանագետ Դավիթ Չուրինովը (Չուրինաշվիլին), և որի գործերին նա, անտարակույս, ծանոթ պիտի լիներ: Ի նկատի ունենք վերջինիս «Վրացերեն-ռուսերեն-ֆրանսերեն բառարանը» (Ս.-Պետերբուրգ, 1840), «Ռուսերեն-վրացերեն բառարանը» (նույն տեղում, 1846), «Վրացերեն ծաղկաբաղը», մասն Ա. և Բ. (նույն տեղում, 1846), «Վրաց տարեգրության» Բ. մասը (նույն տեղում, 1854) և այլն:

Իսկ ուղիղ մի տարի հետո, այն է 1860 թվականի գարնանը, Մ. Նալբանդյանը նույն համալսարանին ներկայացնում է ռուսերեն լեզվով իր դիվլումային շարադրությունը՝ «Об изучении армянского языка в Европе и научном значении армянской литературы» թիմայով, որը գնահատվում է «բավականին բավարար» (довольно удовлетворительно), համաձայն ադյունկտ-պրոֆեսոր Ն. Լ. Բերոնի գրախոսականի և արևելյան լեզվուների ֆակուլտետի դեկանի պաշտոնակատար էքստրաօրդինար պրոֆեսոր Դ. Չուրինովի բանավճիռի, նույն 1860 թվականի հունիսի 7-ի թվահամարով:

¹ Ա. Խճիկյան, Միքայել Նալբանդյանի կյանքի և գործունեության տարեգրությունը, Երևան, 1954, Մ. Նալբանդյան, Երկերի լիակատար ժողովածու, IV, Երևան, 1949, էջ 276:

Վրաստանում և, մասնավորապես, Թիֆլիսում Մ. Նալբանդյանին վիճակվել է լինել միմիայն մեկ անգամ, այն էլ շատ կարծ ժամանակով, 1860 թվականի աշնանը, նախ՝ օգոստոսի 26-ից մինչև սեպտեմբերի 3-ը (հին տոմարով), Մոսկվայից էջմիածին ուղևորվելիս, և ապա՝ հոկտեմբերի 19-ից մինչև նոյեմբերի 1-ը, էջմիածնից վերադառնալիս:

Թիֆլիսում եղած պահին Մ. Նալբանդյանը ծանոթացել և հանդիպումներ է ունեցել Ղազարոս Աղայանի, Միքայել Միանսարյանի և Պետրոս Սիմոնյանի հետ, որոնց հասցեները գրել է գրապանի գրքուցի մեջ, այլև տեղական օրսերվատորիայի վարիչ Գաբրիել Խատիսովի հետ, որին առաջներում հանաշելիս է եղել և Խ. Աբովյանը:

Հենց այս միջոցին Մ. Նալբանդյանը գրաղվել է մի խնդրով (ոմն Արամի հանձնարարությամբ), թե «Տփխիսի բնակիչք որչափ են և մասնաւրապէս հայք, եկեղեցյաց թիվը, Ծուսաստանի բոլոր հայոց թիվը»¹: Այստեղ ևս նա ստացել է մի ինչ որ բանաստեղծության պատճենը:

Նույն 1860 թ. սեպտեմբերին Մ. Նալբանդյանը ստանում է արտասահմանյան անցագիր Կովկասի փոխարքայի դիվանատնից և, հավանական է, անձմաք ներկայացած լիներ փոխարքայի պաշտոնակատար գեներալ-ադյուտանտ իշխան Գրիգոր Օրբելիանուն, որն սովորաբար մեծ հարգանքով էր վերաբերում գրական գործիչներին և այդ ծանոթության միջոցին կարող էր տալ հայազգի երիտասարդ գործին որևէ հանձնարարություն կատարելու արտասահմանում:

Թիֆլիսից նոյեմբերի 1-ին Մ. Նալբանդյանը մեկնում է Փոթի, հետեւապես կարում է ամբողջ Արևելյան և Արևմտյան Վրաստանը, անցնելով Մցխեթա—Գորի—Սուրամի, ապա Լիխիի (Սուրամի) լեռնանցքով՝ Վերին և Ներքին հմերեթ՝ Զիրուլա—Ղվիրիլա—Ռիոն գետերի ձորերով ու Հովհաններով, վերջապես Կողքիս (Կոլիսիդա)՝ Եգերք (Եգրիս)՝ Սայմեգրելոյով մինչև Փոթի, իսկ Փոթիից ծովով գետի Բաթում, մնալով Վրաստանի ծովեղբյա քաղաքներում նոյեմբերի 7—14-ը, որից հետո մեկնում է Տրավելիոն և այնտեղից Կ. Պոլիս:

¹ Մ. Նալբանդյան, Երկերի լիակատար. ժողովածու, IV, 1949, էջ 276:

Հնդկաստանից վերադարձին, Կ. Պոլսում և զած պահին, Մ. Նալբանդյանը գրում է Հանրածանոթ զեկուցագիրը ոռուելին լեզվով՝ «Армяно-григорианская община в Константино-поле» թեմայով, 1861 թ. գեկտեմբերի 22-ի (1862 թ. հուն-վարի 3-ի) թվահամարով, որը ոռուաց դեսպանի միջոցով ուղարկվում է Թիֆլիս՝ Կովկասյան փոխարքայի պաշտոնակատար գեն. իշխան Գր. Օքրենիանուն ներկայացնելու:

Մ. Նալբանդյանի մահվան և թաղման կապակցությամբ
տեղի է ունենում մի շարք հայ գործիչների հալածանք թիֆլի-
սում:

Այսպես, օրինակ, 1866 թ. ապրիլի 14-ին Թիֆլիսում տեղի ունեցած ցույցին մասնակցել էր Նալբանդյանի լուսանկարները տարածող հայ երիտասարդ, հետագայում անվանի ազգագրագետ-բանահավաք Տիգրան Նավասարդյանը, իսկ նույն թվականի սեպտեմբերին Թիֆլիսից անհետանում է Ներսիսյան դպրոցի հայոց պատմության դասաւոր Գեորգ Աբովյանը:

* * *

Վրաստանի կենտրոնական պատմական արխիվի № 5/12
փոնդի № 7094 գործը, 1874 թ., վերնագրված «Օ карточках
армянского писателя Налбандяна»¹, պարունակում է մի
շարք գրություններ՝ «գաղտնի» (секретно) մակագրությամբ,
որոնք բնութագրում են Մ. Նալբանդյանի հալածանքի արձա-
գանքները նրա մահվանից 8 տարի անց, 1874 թվականին
թիֆլիսում:

Այս գրությունները (վավերագրելով) են.

1. Երևանի նահանգական ժանդարմերիայի վարչության
պետի զեկուցագիրը (պատճենը) Ն. Կ. Մ. սեփական դիվանա-
տան Յ-րդ բաժանմունքի անունով, 1847 թ. 9 ապրիլի, № 35:

2. Նույն վարչության պետի զեկուցագիրը Կովկասի փոխարքա մեծ իշխան Միհնայիլ Նիկոլաևիշ Ռոմանովի անու-

¹ Ζ. Μ. Νομιμαψήση τηρούσε ν. Αριψηγάνη ωστε κέρηται μωσήν Κοιλικαστανίαν σε διαφορά καν Κυριτσώνης № 114 φούνητη μή τηρούσε, ίψη. Θεόφλαροντης ζητώντας, «Βεργαψή», 1940, № 3, έξι 68.

նով 1874 թ., 9 ապրիլի, № 9, որին կցված է վերոհիշյալ № 35-ի գրության պատճենը:

3. Կովկասյան փոխարքայի գլխավոր վարչության պետ՝
բարոն Ալեքսանդր Պավլովիչ Նիկոլայի (Николай) շրջաբեր-
ության գրությունները Անդրկովկասի նահանգապետների ա-
նունով 1874 թ., 1 մայիսի, № № 125—127:

4. Թիֆլիսի նահանգապետ Կոնստանտին Իվանովիչ Օր-
լովսկու զեկուցագիրը բարոն Նիկոլայի անունով 1874 թ., 7
սեպտեմբերի, № 75:

Ա.

(Копия с донесения начальника эриванского губернского жандармского управления в 3-е отделение собственной Е. И. В. Канцелярии от 9-го апреля за № 35).

«В последнее время здесь, как мне передали, стали получаться из Тифлиса молодыми армянами карточки армянского писателя Налбандяна, который как говорят, в пятидесятых годах, за свободные свои антиправительственные сочинения, был сослан в г. Камышин Саратовской губернии, где недавно умер. Карточка кругом исписана похвальными словами Налбандяну, вроде следующих: «Спаситель отечества» или «Один Бог не ответен». Карточка эта появилась в кельях монашеских в Эчмиадзинском монастыре. Карточки эти раздаются в Тифлисе молодым людям бесплатно, раздаются они в учебных заведениях армянам, оканчивающим курс, но ком раздаются, того мне не сообщили.

Одновременно с появлением упомянутых карточек, появились у молодых армян здесь платки с изображением благодетелей Армении: Зайрмайра, Тиграна, Ервачта, Ваче (*բնագրություն «Վաղե»*), Ваакана, Гайка II и Ардашеса. Один платок при сем честь имею представить в 3-е отделение собственной Е. И. В. канцелярии, карточка же с изображением Налбандяна по приобретении мною будет представлена.

Верно: майор Золотовский

«Его Императорскому Высочеству Великому Князю Наместнику Кавказскому.

Имею честь при сем представить В. И. Высочеству копии с донесений моих в З-е отделение собственной Е. И. В. канцелярии от 9-го апреля за № 35» и Управляющему оным отделением, того же числа за № 37».

[*Ստորագրություն*] Майор Золотовский

Կրկնելով ա. գրության ամրով բովանդակությունը՝ Կովկասի փոխարքայի գլխավոր վարչության պետ քարոն Նիկոլային դիմում է անդրկովկասյան նահանգապետներին շրջաբերականով, որ վերջանում է հետեւյալ պարբերությունով.

Имею честь покорнейше просить Ваше превосходительство, в случае действительности появления в Тифлисе вышеозначенных, имеющих тенденциозную цель, предметов, поступить с ними на основании законов и о последующем меня уведомить.

Ваше Высокопревосходительство барон Александр Павлович!

Вследствие секретного сообщения Вашего Высокопревосходительства от 1 мая сего года № 124, о распространении между молодыми армянами фотографических карточек ссыльного политического преступника Налбандяна и платков с изображением разного рода благодетелей Армении, по моему распоряжению было произведено негласное дознание, коим обнаружено, что означенных платков в продаже по г. Тифлису не имеется, а оттиском карточек занимаются фотографии Мамиконяца и Артиора Шахбазова.

Руководясь этими сведениями, я, на основании Высочайшего повеления 12-го декабря 1866 года и циркуляра министра внутренних дел 12 июля 1867 года, поручил одному из состоящих в моем распоряжении чиновников произвести обзор означенных двух фотографий, результатом которого было открытие и задержание в фотографическом заведении Артура Шахбазова негатива с двумя изображениями Налбандьяна.

Возбудив установленным порядком противу Шахбазова законное преследование и предписав старшему полицеймейстеру о производстве дознания относительно приобретения Шахбазовым указанного негатива, переданного ему, по его заявлению, будто бы посторонним лицом, я в видах преграждения дальнейших способов к распространению фотографических снимков Налбандьянца и отобрания, в случае обнаружения, законным путем тех, которые доселе были розданы в разные руки, распорядился отпечатанием 12 экземпляров означенных карточек, которые, по изготовлении, будут препровождены эриванскому губернатору и тифлисскому старшему полицеймейстеру».

[*Ստորագրություն*] Орловский

Մ. ՆԱԼԲԱՆԴՅԱՆԻ ՎՐԱՅ ԳՐԱԿԱՆՈՒԹՅԱՆ ՄԵջ

1. Խ. Էնիկոլոպով, *Միքայել Նալբանդյան (1829—1929)*. «Դրոշ», 1929, № 9, էջ 13:
2. Արտ. Գևորյան, *Միքայել Նալբանդյան (ծննդյան 120-ամյակի առթիվ)*. «Արտերատուրա դա խելովներա» [=Գրականություն և արվեստ], 1949, № 46:
3. Նույնը, Անվանի մտածող և ուսուցչուներ-դեմոկրատ *Միքայել Նալբանդյան*, ծննդյան 125-ամյակի առթիվ, «Կոմունիստի», 1954, № 279:
4. Հ. Մկրտչյան, Հայ գրականության պարծանքը, *Միքայել Նալբանդյանի ծննդյան 125-ամյակի առթիվ*, «Արտերատուրա դա խելովներա», 1954, № 48:
5. Ի. Գրիշաշվիլի, *Միքայել Նալբանդյանին (1954)*, տես բանաստեղծի «Բանաստեղծությունների» միհատրյակը, Թբիլիսի, 1949, 1955 և այլն¹:

¹ Այս բանաստեղծությունը առկա է հայերեն Հ. Կարայանի (1954) և Վ. Ալազանի (1954) թարգմանությամբ, տես՝ 1. Մելիքսեր-Բեկի, Ի. Գրիշաշվիլին և հայ գրականությունը, 1957 (վրացերեն), էջ 252, 276, նույնը հայերեն «Տեղեկագիր», ՀՍՍՌ ԳԱ, 1956, № 2, էջ 30, 49:

ԳԵՐԲԻ Ը ԱՎԱԾՆԵ
(1837—1866)

Ավգային-աղատագրական շարժման հետ են կապված, անկասկած, այն բոլոր գեղքերը, որ ծավալվեցին ոռւսահայերի մեջ Մ. Նալբանդյանի կալանավորման, աքսորի, մահվան ու թաղման կապակցությամբ:

Արխիվային նյութերի ուսումնասիրությունից պարզվում է, որ Մ. Նալբանդյանը հալածվել է ո՛չ միայն կենդանության վերջին տարիներին՝ 1862—1866 թվականներին, այլև մահից հետո, մինչև 1888 թվականը¹:

Օրինակ, հայտնի է Ներսիսյան դպրոցի նախկին սան Տիգրան Ավետիսի Նավասարդյանի գործունեությունը, այն Նավասարդյանի, որը 1879 թվականի նոյեմբերին թբիլիսիի լիթոգրաֆիաներից (վիմագրատներից) մեկում պատվիրել էր պատրաստել 500 օրինակ Նալբանդյանի լուսանկարից, որը նա կեղծել էր ուսուցիչ Մարկովովի անվան տակ՝ աշակերտների շրջանում Նալբանդյանի պատկերը գաղտնաբար տարածելու նպատակով:

Արդարադատության մինիստրության գեղարտամենտի Յ-րդ քրեական բաժնի համապատասխան գրության մեջ՝ № 416—1880 թ. 15/II թվահամարով, ի միջի այլոց, նշված է նաև, որ «Նավասարդյանցը, տարածելով հանցագործ նալբանդյանցի պատկերը, նպատակ է ունեցել հայ բնակչության մեջ գեղի սահմանված կառավարական կարգը վարկաբեկող մտքեր ու հիշողություններ բորբոքել»:

Ընդումին, նշված է նաև, որ «մեղադրյալը (Նավասարդյանը), 18 տարեկան, արձակված է Թբիլիսիի հայոց հոգևոր գպրոցի աշակերտների շարքերից իր ընկերոջ գերեզմանի վրա

¹ Հմմ. «Գրական ժառանգություն», Եր., 1940, էջ 20—87, և Մելիքսեր Քեկ, «Հյուսիսափայլի» գաղափարախոսները և ցարական վարչապետները Կովկասում, «Տեղեկագիր», ՀՍՍՌ ԳԱ, 1946, № 5, էջ 65—70:

դամբանական հառ ասելու համար, որի մեջ պարսավել է դպրոցի վարչությունը»:

Ինչպես նույն վավերագրից երևում է, «Կովկասի փոխարքան (մեծ իշխան Միքայիլ Նիկոլայևիչ Ռոմանովը), նկատի առնելով Նավասարդյանցի անշափահասությունը, այլև այն, որ նրա վերոհիշյալ արարքից վնասակար հետևանքներ չեն առաջացել, հաճում է որոշել՝ այդ գործին դատական կարգով ընթացք շտալով, բանտարկել Նավասարդյանցին բանտում վեց ամսով, որից հետո տալ ոստիկանության հսկողության տակ երեք տարի ժամանակով»:

Տիգրան Նավասարդյանը 1882 թվականից սկսած հայտնի է գառնում իբրև բանահավաք և բարբառագետ, նաև թարգմանիչ գրող, որի գրչին են պատկանում 1882—1903 թվականների ընթացքում Շուշիում, Երևանում և Թբիլիսիում հրատարակված հետևյալ գործերը. «Հայ ժողովրդական ավանդությունները», «Հայ ժողովրդական հեքիաթներ»-ի 1—10 գրքերը, «Բառգիրք արարատյան բարբառի» (մոտ 5000 բառ ու ոճ), թարգմանություններից՝ «Աշխատություն և հանգիստ», «Ֆրիդոլին» և այլն:

Հայ ազգային-ազատագրական շարժման պատմության գաղափարախոսության տեսակետից առանձնապես նշանակալից են 1865—1866 թվականները, երբ, մի կողմից, պրոգրեսիվ տարրերը, օրինակ Գ. Սունդուկյանը, մասնակցում էին Թբիլիսիի համբարության «Ելույթներում» (1865 թ. հունիսի 27 և 28-ին)¹, իսկ մյուս կողմից՝ նոր Նախիջևանի հասարակությունը ցուց էր կազմակերպում Մ. Նալբանդյանի թաղման (1866 թ. ապրիլի 13-ին) կապակցությամբ:

Սակայն ցարդ մնում է անլուծելի մի գաղտնիք: Դա Թբիլիսիի Ներսիսյան դպրոցի ուսուցիչ Գեորգ Աբովյանի «անհայտացումն» է, նման Խաչատրու Աբովյանի (հետագայում և վրացի իվանե Մաշտակելիի) անհայտացման, որը տեղի ունե-

¹ Լ. Մելիքսեբ-Թեկ, Համբարների ելույթը Թբիլիսիում 1865 թվականին, Գ. Սունդուկյանը և հայ ժողովրականները, «Խ. Վրաստան», 1938, № 19 և 20, նույնի նյութեր Թբիլիսիի համբարների 1865 թ. «Ելույթի» պատմության համար: «Սահմանադրություն մոամբե», Հ. III, Թբիլիսի, 1947, էջ 1—144 (վավերագրեր ուստերեն, վրացերեն, հայերեն և գերմաներեն):

ցավ 1866 թվականի սեպտեմբերին և որը գուցե հնարավոր մինի որևէ կերպ կապել Մ. Նալբանդյանի մահվան և թաղման շուրջը տեղի ունեցած իրադարձությունների հետ:

* * *

Գեորգ Արովյանը բնիկ Օձնեցի—Ռւզունլարցի էր, որդի Կարապետ Արովյանի և նրա ամուսին Եղիսարեթի (Օհան-չանյանի դստեր): Սնվել է 1837 թվականի ապրիլի 7-ին (Հին տոմարով): Սկզբնական կրթությունը ստացել է 1845—1848 թվականներին Սանահնի վանական դպրոցում, որի ղեկավարը 1845—1855 թվականների ընթացքում հայտնի Սարգիս Վարդապետ (հետագայում եպիսկոպոս և արքեպիսկոպոս) Զաւալյանն էր², ապա 1848 թվականից սովորել է Թբիլիսիի Ներսիսյան դպրոցում, որտեղից 1851 թվականին տեղափոխվել է Մոսկվայի Լազարյան ճեմարանի գիմնազիական դասարանները, որն և ավարտել է 1857 թվականին:

1858 թվականից սկսած Գ. Արովյանը հանձն է առել ընդհանուր և հայոց պատմության ու աշխարհագրության, նաև՝ ֆակուլտատիվ կերպով՝ երգեցողության դասավանդումը Ներսիսյան դպրոցի 3-րդ և 4-րդ դասարաններում:

Մանկավարժական աշխատանքը Թբիլիսիի Ներսիսյան դպրոցում հնարավորություն է տվել Գ. Արովյանին մշակելու հայոց պատմության մի դասընթաց, որը, գիրախտարար, կիսատ է մնացել և որը ընդգրկում է միմիայն հնագույն, հին և մասամբ միշտն շրջանները՝ մինչև Կիլիկիայի թագավորության անկումը 1375 թվականին:

Թեև հեղինակը իր աշխատության լույս տեսնելուն շարժանացավ, սակայն վերջինս «Համառոտություն հայոց ազգի պատմության» վերնագրով ունեցավ «Հետմահու» առնվազն

¹ «Կենսագրություն Գեորգայ Արովյանց», Զմյուռնիա, 1882, (հավելված «Արևելյան Մամուլք-ի»): Ա. Մելիքսեր-Թեկ, Արսորված Արովյան հաշատուրն էր, թէ՝ Գեորգը, «Խ. Վրաստան», 1938, № 7: Գ. Արովյանի լուսանկարը տե՛ս Գր. Ա. Գ. Մանդակունի, Ուկե բարեկամ հայ ընտանյաց, Թիֆլիս, 1913, էջ 725, նաև վերոհիշյալ մեր հողմածում:

² «Կենսագրություն, կտակ Սարգիս արքեպիսկոպոսի Հասան Զաւալյանց», Թիֆլիս, 1884, էջ 9, 14:

Հրատարակություն Թիֆլիսում, այն է 1869, 1877, 1884 և 1894 թվականներին (վերջին հրատարակությունը պարունակում է 270 էջ):

Գիրքը, որ նվիրված է «յուր գորովագութ և սիրելի մոր Եղիսաբեթ Աբովյանցին» և հրատարակված է հեղինակի Եղբոր՝ Բ. Աբովյանի ծախքով, սկսվում է Խ. Աբովյանի «Վերք Հայաստանի»-ից վերցրած էպիգրաֆով, որը զարդարում է գրքի տիտղոսաթերթը:

«Աշքից հեռացած, մտքից մոռացած,
Իրանք անլեզու, աշխարհս անիրավ,
Որ հայոց ազգիցն անթիվ ու անբավ
Էսպիս քաջ որդիք խլեց՝ չկշտացավ»:

Համարձակ կարելի է ասել, որ վերոհիշյալ գիրքը իր ժամանակի, այն է՝ XIX դարի 60—70-ական թվականների համար մեծ նախաձեռնություն էր և իր ծառայությունը մատուցեց հայ աշակերտությանը իրքև առաջին փորձ հայոց պատմության դասագրքի, նախքան հանդես կգար Ստ. Պալասանյանի հանրածանոթ «Պատմություն հայոց»-ը:

Գ. Աբովյանին վիճակվել է ներսիսյան դպրոցում ուսուցչություն անել 1858—1866 թվականներին ծանր մթնոլորտում:

Ժողովրդական դպրոցների տեսչությունը և առհասարակ պետական օրգանները, պատճառաբանելով, որ Գ. Աբովյանը ուսուցչի համապատասխան ցենզ չունի, խոշընդուներ են ստեղծել նրա առաջ: Մինչդեռ կազարյան ճեմարանի գիմնազիական մասը, որը Գ. Աբովյանը ավարտել էր, կլասիկական գիմնազիայից պակաս չէր:

Այնուհետև Գ. Աբովյանի գեմ ինտրիգներ են լարել ներսիսյան դպրոցի պահպանողական տեսուշ Փոնդոյովը և հոգաբարձու Ռոմանոս Նադիրովը: Սրանցից առաջինը «արգելում էր դպրոցում ազգային երգ երգելու, իրքև վտանգավոր», և, միաժամանակ, մեղադրել է Գ. Աբովյանին, որ նա «ազատ մտքեր է տարածում աշակերտաց մեջ հայոց պատմության դասախոսության ժամանակ»:

Գ. Աբովյանի կենսագրության միակ փորձից («Կենսագրություն Գեորգայ Աբովյանց») մենք, ի միջի այլոց, տեղեկանուց

ենք և այն մասին, թե ինչպես Գ. Արովյանը կազարյան ճեմարանում աշակերտ եղած պահին՝ 1851—1857 թվականներին, հատկապես ուսումնասիրում է եվրոպական լեզուները (գերմաներեն և ֆրանսերեն), շփում է Մոսկվայի ու Նոր-Նախիջևանի մտավորականների, մասնավորապես Հայագետ պլոտֆ. Մկրտիչ Էմինի հետ։ Հայտնի է նաև, որ Գ. Արովյանը «առաջնորդ էր բոնում իրան այն բարեմիտ և գիտնական անձանց, որոնք թեև գործ չեն ունենում ըստ ուսումնական մասի, ճեմարանում, այնուամենայնիվ բացում են իրենց դուները և օգնում հայ պատանիներին առանձնապես առաջանալու»։

Հավանական է, որ հենց հիշյալ ժամանակամիջոցին Գ. Արովյանը կապ լինի հաստատած Մ. Նալբանդյանի հետ և հաղորդակից լինի վերջինիս կողմից քարոզած գաղափարներին։

Թրիլիսիում, ուսուցչական ասպարեզում աշխատելու պահին, Գ. Արովյանն, ըստ նույն Հեղինակի, «օտարազգի բարեմիտ գիտնական հայրենասիրաց հետ սերտ կապակցություն է շարունակում, որոնցից շատերն այդտեղ Խուժաստան¹ են աքսորված»։

«Արտաքին» և «ներքին» թշնամիների կողմից Գ. Արովյանի դեմ սկսած ինտրիգների ապաթեռզը (հանգույցը) լինում է այն, որ «շնորհիվ հոգաբարձու նադիրով Ռումանսի», Գ. Արովյանը «արձակվում է դպրոցից 1866 թվականին և նոյեմբեր ամսու մեկին՝ չորեքշաբթի երեկոյան ժամը ութին (ըստ եվրոպականի) անհայտանում է...»։

Մեկ թվում է, որ Գ. Արովյանին 1866 թվականի աշնանից պաշտոնից արձակելը չի կարող որոշ կապ չունենալ այն արձագանքների հետ, որոնք հետևեցին Մ. Նալբանդյանի թաղման շուրջը տեղի ունեցած ցույցերին՝ նույն 1866 թվականի ապրիլի 13-ից հետո²։

¹ «Խուժաստան»-ը թեև Պարսկաստանի հարավ-արևելյան մասի (հետագա կուրիստանի) անունն է, որը հայտնի է իր և աքսորավայր, սակայն այստեղ գործածված է փոխարերական իմաստով, իրեւ հասարակ բառ՝ աքսորավայրի նշանակությամբ։

²Տե՛ս Լ. Մելիքսեբ-Թեկ, Աքսորվածը Արովյան Խաչառուրն էր թե՝ Գեորգը. «Խ. Վրաստան», 1938, № 7։

Սակայն, մինչև այդ հարցի քննությունը, կանգ առնենք մի վկայության վրա Գեորգ Աբովյանի մասին, որ մեզ թողել է Պ. Պոռշյանը իր «Հուշերի» Բ. մասում¹:

Պ. Պոռշյանը Գեորգ Աբովյանին հիշատակում է Փրիդոն-յանցի Հետ միասին՝ իրք «Երաժշտակետների», որոնք «փոքր ուժ չեն» եղել: Հատկապես առաջինի մասին գրում է. «... Ափսոս Աբովյանց, կարձ ժամանակում նա կարողանում է մեր նոր երգերին ձայներ դնել»:

«Աբովյանցի հորինած եղանակները ունկնդիրների հոգու ներսն են թափանցում. նրա եղանակների մեջ եվրոպականը միանում է բռն ազգայինի հետ. զանազան եվրոպական նշանավոր երաժշտներից նա խաղեր է առնում և մեր շարական-ների, մեղեդիների, տաղերի, մուխամբազների և տեղական շրջատաների, բայց աթիների նման խաղերի հետ հարմարեցնում, ի մի է ձուլում, որոնցով ստեղծում է եվրոպա-ասիական մի երաժշտական ներդաշնակ դաշնակցություն»:

Այս համերաշխությունը, այս միարանությունը ընդհանուր ընդունելության է արժանանում մուզիկայի սիրահար եվրոպացոց և Շառ ու քյամանչայով սքանչացող տեղացոց: Ակսում հն այնուհետև իտալական խումբը թատրոնում, քնքուշ սեռը սալոններում և սաղանդարները հարսանիքներում ու խնջույքներում Աբովյանցի և Փրիդոնյանցի հայ թարոսնի համար հորինած երգերը նվագել. արդեն դաշնամուրների վերա եվրոպական նոտաների խմբում տեղ են գտնում և հայկական նոտաների տեսրակները, որոնք տպված լավ գնով տարածվում են»²:

Շարադրելով այս տողերը, Պ. Պոռշյանը շեշտում է նաև, որ «այսրան առավելություններից բնական էր, որ Հակառակ կուսակցությունը պիտի տուժեր»³:

Անցնելով Գ. Աբովյանի դեմ կիրառած հալածանքների խնդրին, պետք է ասել, որ այս մասին, բարերախտաբար,

¹ Պետք Պոռշյան, Երկերի ժողովածու, Երեք հատորով, Տ. Բ, Երևան, 1954, էջ 546.

² Նույն տեղում:

³ Նույն տեղում:

կա մի փաստաթուղթ, այն է՝ իր սեփական ձեռքով գրած «բողոքը» Ներսիսյան դպրոցի տեսչի անունով, որը թեև կիսատէ մնացել, սակայն որոշ շափով լուս է սփռում այն մթնոլորտի վրա, որը տիրել է դպրոցում նրա՝ Գ. Աբովյանի շուրջը:

Ահա այդ բողոքը, որ գրված պիտի լինի մոտավորապես 1859 թվականին:

«Ընդունվում եմ ևս հայոց ազգային հոգևոր դպրոցումն անցյալ տարվա սեպտեմբեր ամսվա վերջին, հայոց պատմության և ընդհանուր աշխարհագրության ուսուցիչ Յ-րդ և 4-րդ դասարաններում, յուրաքանչյուր առարկաներից յուրաքանչյուր դասարանի մեջ շարաթը երկու դաս, այն էլ շարաթ և երկուշաբթի օրերում, որոնց մեջ գրեթե հայոց եկեղեցական տոններ են պատահում: Այս ոչինչ: Տեսուշը տալիս է ինձ և հրամայում, որ ես հայոց պատմությունն ավարտեմ Շահնազարյան վարդապետի «ծրագրի» վրա...¹: Ես արդեն սկիզբը նկատելով աշակերտաց գիտության շափը՝ ասացի պարոն Ֆոնդոյին, «թէ այս ձեռվ անկարելի է աշակերտաց բան սովորեցնել, և որովհետեւ հիմք չկա, վասնզի ինչպես կարող եմ աշակերտաց պատմել և հասկացնել Անգղիո ծովային դորությունը, վաճառականությունը, արհեստագիտության շափն ու մեծությունն և նոքա շնորհանում, թե ինչ է Սնդղիան, որտեղ է, ծովի մեջ է նա, թե ցամաքի, ծոցերով և ծովային խորշերով կտրված է թե ոչ, մեկ խոսքով նախագիտելիքը առանց հիմքի, կարծեմ, հաստատուն չի կարող լինել: Այսպես էին ապա ալ Ֆոնդոյի բոլոր մտքերը, որ շատ և շատ խախուտ են և ցնորական: Ես ասել եմ, տեր տեսուշ, պատմությունը առանց աշխարհագրական տեղեկությանց հիմնավոր չի կարող լինել այլ պիտու են աշխարհացուցներ Հայաստանի մասին, գոնե նորա գլխավոր լեռների, գետերի, նահանգների, նախարարությանց, գավառների, գլխավոր քաղաքների և կամ մեհյանների

¹ Խոսքը էշմիածնի միաբան Կարապետ վ. Շահնազարյանի կազմած ծրագրի մասին է՝ «Մրագիր պատմության Հայաստան աշխարհին և տեսությունն հին Հայաստանու և նրա այժմյան վիճակին վրա» («Կոռունկ հայոց աշխարհի», 1863, № 1, էջ 33—65, № 2, էջ 138—153, № 7, էջ 520—559, № 8, էջ 600—624, և առանձին՝ Տփղիս 1863):

տեղերը պետք է ցույց տալ: Այն ինչ պ. տեսուշը բարկացել է և միայն ասել, այն ևս ոչ թե հայերեն, այլ ռուսերեն, «ի՞նչ Հայաստան, ի՞նչ նախարարություն և այլն...»:

Այս «բողոքի» կապակցությամբ ավելորդ չէր լինի նշել, որ Գ. Արովյանի կազմած և քանիցս հրապարակված «Համառոտություն Հայոց ազգի պատմության» խորագրով աշխատությունը իր նոր կոնցեպցիայով հիմնովին տարբերվում է Մ. Զամշյանի և նրա հետեւրդների գործերից:

Բավական է ընդգծել, որ գիրքը սկսվում է «Աշխարհագրական տեղեկություններ» վերնագիրը կրող բաժնով, որը երկու հիմնական մասից է բաղկացած: Առաջինում խոսվում է հին Հայաստանի սահմանների, ինչպես և Հայաստանի լեռների, գետերի ու լճերի մասին, իսկ երկրորդում տրվում է գաղափար «մեծ Հայաստանի նահանգների» (ըստ VII դարի Աշխարհացուցի) մասին: Ապա շարագրված է բուն պատմությունն ըստ շրջանների, դրանք են՝ «Հայկականց հարստություն», «Արշակունյաց հարստություն», «Մարզպանության ժամանակները», «Կյուրապաղատության և արմաբացվոց արշավանաց ժամանակները», «Ռստիկանաց ժամանակները», «Բագրատունյաց հարստություն», «Ռուբինյանց հարստություն»:

Թեև «պատմությունը» ընդգրկում է մինչև Կիլիկիայի հայոց թագավորության անկումը, սակայն զրբի վերջում, 4 էջի սահմաններում (267—270), կցված է մի տեսակ հավելված հետեւյալ վերնագրով՝ «Հայոց ազգի քաղաքական իշխանությունը կորցնելուց հետո, ունեցած վիճակների համառոտ նկարագրությունը (հազար չորս հարյուր թվից մինչև ներկա ժամանակս)»:

Ներսիսյան դպրոցում 1858—1866 թվականների ընթացքում Գ. Արովյանի կարգացած դասընթացը, որի գրավոր արտահայտությունն է ներկայացնում նույնի «Հայոց ազգի պատմության համառոտությունը», հավանական է, չէ՞ Համապատասխանում ցարական կառավարության անցյալ դարի 50—60-ական թվականների «նկատառումներին», որին ձայնակցում էին նույն դպրոցի պահպանողական ղեկավարներ՝ հանձինս տեսչի և հոգաբարձուի: Եվ հենց այս հանդամանքի մեջ, թվում է, պիտի որոնել Գ. Արովյանի հալածանքի պարա-

դաները, որոնք զուգադիպում են Մ. Նալբանդյանի հալածանքի պարագաներին:

Համեմատելով Գեորգ Արովյանի հալածանքի և անհայտացման շուրջը հրապարակ հանած նյութերը¹ այն տվյալների հետ, որ արդեն հայտնի են Խաչատուր Արովյանի մասին, մենք գտնում ենք, որ «սէ կարեթ» նստեցնելու և աքսորի վերսիան, որ հրապարակ հանեց Ռուբեն վ. (հետագայում արքեպիսկոպոս) Մանասյանը², իսկապես համապատասխանում է Գեորգ Արովյանի կենաց 1866 թվականի սեպտեմբերին տեղի ունեցած ողբերգությանը:

Եվ աշա թե ինչու:

Նախ, ինչպես Գ. Արովյանի կենսագրությունից երևում է, նա դեռևս Մոսկվա եղած ժամանակից (1851—1857) որոշ կապ է ունեցել այնպիսի անձանց հետ, որոնք հետագայում «Խուժատան», այսինքն Սիրիք, են աքսորվել, և Երկրորդ՝ հենց այս Գ. Արովյանը պիտի հանդիպում ունենար ն. Զերնիշեսկու հետ, նախքան վերջինս կհաստատվեր Աստրախանում (1883—1889): Համաձայն Ստեփան Կանայքանի հիշողության, Գերմանիայում, ուսանողության տարիներին, Աստրախանից, իր ընկերոջից 1883 թվականին ստանում է մի նամակ, որտեղ գրված է լինում, որ ուսան նշանավոր գրող և հրապարակախոռն նիկոլայ Զերնիշեսկին Աստրախանում պատմել է հայերին, թե ինքը Սիրիքում աքսորված ժամանակ (ասել է՝ մինչ 1883 թ.-ի. Մ.-Բ.) տեսել է հայ Խաչատուր (կարգագերութ.-ի. Մ.-Բ.) Արովյանին, որը նույնպես աքսորված է եղել «Սիրիք»³:

Բայտ իս, Սախալին կզարուց դեպի հյուսիս Օխոտի ծովի ափին գտնվող Օխոտսկի քաղաքի գերեզմանատանը ն. Մանաս-

¹ Բացի վերոհիշյալ զրքույկից՝ տես նաև հոգվածներ արևմտահայ (Կ. Պոլսի) մամուլում, «Մասիս» (թերթ), 1867, № 110, «Ժամանակ» (հանդես), 1867, № 18, «Մանկումեի էֆքյար» (հայտառ թուրքերեն թերթը), 1867, № 230, 290 և 310, հմմ. նաև մեր հոգվածը «Խ. Վրաստան», 1938, № 7:

² Ռուբեն վ. Մանասյան, Խաչատուր Արովյանի գերեզմանը Օխոտսկում: «Հանդես ամսօրյա», 1927, № 5, էջ 268—273, հմմ. մեր հոգվածը «Խ. Վրաստան», 1938, № 7:

³ Նույն տեղում:

յանին 1925 թվականին ցուցց տված «Աբովյանի գերեզման» կոչվածը, անտարակույս, Գեորդ Աբովյանի դամբանը պիտի լինի, որի անունը Հետզհետեւ շփոթել են Խաչատուր Աբովյանի հետ և, վերջապես, գերեզմանն էլ սխալմամբ Խաչատուրին վերադրել:

ՄԻՔԱՅԵԼ ԳԱԲՐԻԵԼ ԵՎ ՋԵՐՈՎԵՐԵ ՊԱՏԿԱՆՑԱՆՆԵՐ

Խոսել Ռափայելի Գաբրիելի Պատկանյանի մասին և միաժամանակ անտեսել նրա ժամանակակից՝ Պատկանյան աղքատոհմի մյուս ներկայացուցիչներին, որոնք որոշ շափով առնչվում են մեր թեմային, իհարկե, նպատակահարմար չէր լինի: Ուստի մենք պարագ համարեցինք գոնե համառոտ կերպով բնութագրել Գաբրիել, Միքայել և Քերովք Պատկանյաններին՝ Վրաստանի անցյալի կամ վրաց իրականության հետ նրանց ունեցած կապի տեսանկյունով:

Գաբրիել Սերովի Պատկանյան, Թիֆլիսում լույս տեսնող «Արարատ» շարաթաթերթի (1850—1851) խմբագիր-հրատարակիչն էր, որի հովանու տակ թերթին աշխատակցում էր Ռափայելը:

Միքայել Սերովի Պատկանյան նույնպես Թիֆլիսում հրատարակող «Կովկաս» շարաթաթերթի (1846—1847) խմբագիրներից մեկն էր, հայտնի Հակոբ Կարենցանցի հետ միասին: Նա Թիֆլիսում, ինչպես Պ. Պոռշյանն է վկայում, «ծառայում էր ինտենդանստվում և կազյոնի պալատում» և ապրելիս է եղել «Թիֆլիսի քաղաքագույց դուրս, Օրթաճալի մոտերքը»¹: Եղել է տեսուչ ներսիսյան գպրոցում, պաշտոնավարել է այնտեղ Հ. Կարինյանցի հետ միասին: Առանձնապես պիտի շեշտել նրա դերը հայ թատրոնի պատմության բնագավառում, քանի որ նա առաջինն է պայմաններ ստեղծել ներսիսյան դպրոցի սաների թատրոնական բնմի և Շերմազանյանի «դարպասի» համար ներկայացումներ տալու ուղղությամբ, մասնավորապես հորինելով մի պիես Թիֆլիսի կյանքից՝ «Մոցիքով» [=Միջնորդ] վերնագրով, որը, Պ. Պոռշյանի ասելով, երկարժամանակ խաղացվել է նաև վրաց բնմի վրա²: Սրա օժանդա-

¹ Պերճ Պոռշյան, Երկերի ժողովածու, հ. III, Երևան, 1954, էջ 508, 598, 600:

² Նույն տեղում:

կությամբ «Կովկաս»-ում տպվում է Սերովի Պատկանյանի «Ողբ ի Հնդեկի հարուածոն Տփխիսոյ» (1847 թ. № 26):

Քերովիք Պետրոսի Պատկանյանը.— ականավոր արևելագետ-հայագետ, Պետերբուրգի համալսարանի հայագիտության պրոֆեսոր, Ն. Մառի հայոց լեզվի ուսուցիչը: Վրացագիտությանը առնչվում է իր հանրածանոթ հոդվածով՝ «Ванские надписи и значение их для истории Передней Азии. О древней грузинской хронике» («Журнал Министерства Народного Просвещения», 1883, декабрь):

ՊԱՏԿԱՆՅԱՆՆԵՐԸ ՎՐԱՅ ԳՐԱԿԱՆՈՒԹՅԱՆ ՄԵջ

Գրականուրյուն Քերովիք Պատկանյանի մասին

1. Թ. Բարգաձե. Պրոֆեսոր Պատկանովը և վրացական պատմական աղբյուրները, «Իվերիա», 1884, № 7 և 8:
2. Խոյնը. «Դրուերա», 1884, 1, V, 94, էջ 1—3, 1884, 2, V, 95, էջ 1—3, 1884, 3, V, 96, էջ 1—3, 1884, 4, V, 97, էջ 1—3, 1884, 5, V, 98, էջ 1—3:
3. Ալլամալ Հոդվածներ. «Իվերիա», 1884, № 3, «Դրուերա», 1884, № 68, «Մծդիմսի», 1886, № 8, «Թեսարի», 1888, № 46:
4. Խիա Ճավիճավաձե. Քարերի աղաղակը, «Իվերիա», 1899, № № 64, 65, 67—76, նույնը առանձին, 1899, 264 էջ: Խոյնի՝ Երկերի լիակատարժողովածու, հինգ հատորով, հ. II, թր. 1941, էջ 417—479, Երկերի լիակատարժողովածու տաս հատորով, հ. VIII, թր. 1957, էջ 93—194:

ԹԱՓԱՅԵԼ ՊԱՏԿԱՆՅԱՆԸ
(1830—1892)

Թափայել Գաբրիելի Պատկանյանը (Գամառ-Քաթիպա), ինչպես նաև Ստ. Նազարյանը և Մ. Նալբանդյանը, թեև իր գործունեությամբ անմիջապես Վրաստանի և, մասնավորապես, Թիֆլիսի հետ կապված չի եղել, սակայն իր կարճատև գործունեությամբ Թիֆլիսում՝ իրքեւ աշխատակից (1850—1851) «Արարատ» շաբաթաթերթի, որի խմբագիրը նրա հայր՝ Գաբրիել քաջ. Պատկանյանն էր, և եռամսյա ուսուցչությամբ Ներսիսյան դպրոցում, Թիֆլիսի և Վրաստանի հետ ունեցած կապի որոշ, շոշափելի հետք է թողել իր ստեղծագործության մեջ¹:

Անտարակույս, Թիֆլիսում ապրած օրերի թարմ տպագործության տակ է գրված (1852) Ռ. Պատկանյանի «Թիֆլիսի քեֆ» բանաստեղծությունը, բաղկացած 10 տունից՝ յուրաքանչյուրը 7 վանկանի 4 տողից², որն արտացոլում է հին Թիֆլիսի կինոռողարաշոխելների վարքութարքը և անակրեռության տրամադրությունները, այն էլ բավականին հաջող գրված Թիֆլիսի բարբառով:

Թիֆլիսյան տրամադրություններից զուրկ չէ նաև «Արաքսի արտասուրբ» հանրածանոթ բանաստեղծությունը, հորինված 1856 թվականին³, որը սկզբնական խմբագրությամբ պարունակում էր 25 տուն՝ յուրաքանչյուրը 7 վանկանի 4 տողից։ Այս բանաստեղծությունը գրեթե առաջին գործն է, որտեղ արծարծվել է «երկու ափերի» պերուեմը հայ (և ոչ միայն հայ) պականության մեջ։

¹ Հայտնի պատճառով մի կողմն ենք թողնում «Փառասեր» վեպը (1880) իր «իշխան Վաշինաձե» (ուղիղ՝ Վաշնաձե) պերսոնաժութ։

² Թափայել Պատկանյան, Երկեր, Երևան, 1955, էջ 45—46։

³ Նույն տեղում, էջ 68—71։

Կուր (Քուռ) և Երասխ (Արաքս) գետերը վաղուց հետեւ բանաստեղծության մեջ դիտվում են իրեն սիմվոլներ երկու հարեւան ու եղբայրակից ժողովուրդների, իսկ նրանց միախառնումը՝ իրեն նշան նրանց ողջագուրման:

Դեռևս Սայաթ-Նովան իր վրացերեն երգերից մեկում բացականչում էր.

Մտկվարու ամպվեռէուլո, արագիանո,

Մէ շէն վէր գագիցլէր, միզէզիանո¹,

այսինքն (Մորուս Հասրաթյանի թարգմանությամբ, Թիֆլիսի բարբառով).

Քուռ, զուն կոսիս պիսուրվիլիս Արագով,

Յիս քու սիրտը չիմ իմանա իմ սազով²:

Նույնը մեր օրոք կրկնում էր ի. Գրիշաշվիլին իր «Կուր և Արագ» (Մտկվարի դա Արեգի) ոտանավորի մեջ (1939):

Մասնավորապես, ն. Բարաթաշվիլու խոհերը Վրաստանի մասին արտահայտված են նրա «Մտորումներ Քոփ ափին»³ (Փիքրնի Մտկվրիս պիքրաս) սրանչելի բանաստեղծության մեջ (1837), որին ձայնակցում է բաթումիցի հայ բանաստեղծ Գր. Գրիգորյանի «Մտորումներ ծովագին» ոտանավորը, որի վրացերեն թարգմանությունը ավել է հիշալ ի. Գրիշաշվիլին⁴:

Ռ. Պատկանյանի «Արաքսի արտասուրը» երկում (1856) արծարծված է հիմնականում երկու գաղափար. մեկը՝ որ Արաքսը Հայաստանի սիմվոլն է, ինչպես և Քուռը Վրաստանի, իսկ Երկրորդը՝ այսպես կոչված «Երկու ափերի» պրոբլեմի լուծման անհուսալիությունը:

Այս առթիվ, ի միջի այլոց, ն. Մաոր գրել էր. «Армянский поэт Патканян говорит об Араксе, о слезах Аракса, но река Аракс лишь символ: это плач са-

¹ Ի. Գրիշաշվիլի, Սայաթ-Նովա, Թիֆլիս, 1918, էջ 99 (վրացերեն):

² Ս. Հասրաթյանի խմբագրությամբ, Սայաթ-Նովա, Եր., 1959, էջ 121:

³ Եվ ոչ թե «Մտորումներ Քոփ մասին», ինչպես Հովհաննես Թումանյանն է թարգմանել (Կթե, ի՞արեկ, այստեղ սրբագրական սխալի հետ դորժ չունենք):

⁴ «Դրոշա», 1932, № 5:

мого поэта, плач Армении отвлеченнои, воображаемой, но не материально-реальнойной»¹:

«Երկու ափերի» պրոբելմը, սկսած Ռ. Պատկանյանից, ակտուալ գարձավ Հետագայում ոչ միայն հայ, այլև վրաց գրականության, նաև հարապարակախոսության մեջ:

Ահա Հովհ. Հովհաննիսյանի «Արազն եկավ լափին տալով» (1887), աշուղ Բորանյանի «Առ Արաքս գետին» (մինչ 1900), Վահագն Կարենցի «Արաքսի ափին» (1954) բանաստեղծությունները, Է. Հովհաննիսյանի «Երկու ափ» (1953) և Հովհ. Դուկասյանի «Արաքսի այն ափին» (1951) մեծ կտավները, որոնց ձայնակցում է Ալեք Բաշիլոյի «Արաքսի ափին» բանաստեղծությունը (1956)²:

Վրաստանում «Երկու ափերի» գաղափարը մշակվեց Աճարացի (Աճարական ՍՍՍ.Ռ) Սարփի գյուղի օրինակով, որով անցնում է Սովետական Միության (Վրաստանի ու Աճարացի) ու Թուրքիայի միջասահմանը, և որին նվիրեց իր «Երկու ափ» (Օրին նապիրի) բանաստեղծությունը Ծեվազ Ասակը³, այլև հարապարակավեցին հոդվածներ նվիրված այս պրոբլեմներին⁴:

* * *

«Թիֆլիսի քեֆ» բանաստեղծությունը հետաքրքիր է ո՞չ միայն մեր թեմայի առումով, այլև իրեն աղբյուր Թիֆլիսի հայ բարբառի ուսումնասիրության համար:

Այս բանաստեղծությունը մենք այստեղ բերում ենք ամբողջությամբ:

¹ Н. Я. Марр. Кавказская поэзия и её технические основы. „Литературные разыскания“, т. III, Тбилиси, 1947, стр. 316.

² Հմատ. Г. Айряն. На берегу Аракса. „Правда“, 1950, № 152; Сильва Карапетян. Надежда народов. „Коммунист“, 1952, № 264; На двух берегах. „Правда“, 1952, № 341 (то же „Коммунист“, 1952, № 7) Երկու ափերին, «Սովետական Հայաստան», 1952, էջ 288 ևայն:

³ Թեյմուրազ Զավուլաշվիլի վրացերեն թարգմանությամբ, «Էկտերատորության գաղերի» [= Գրական թերթ], 1953, № 20:

⁴ «Սարփի երկու ափերը». «Կոմունիստ», 1952, № 303; С. Гвелесиани. В селе Сарпи сегодня. „Заря Востока“, 1955, № 40

Թհ սիրում իս թամաշա,
Պըտիս տեհնի քաղքումը
ինչ ին անում համաշա
Մարդիկ իրանց բաղչումը:

Ծալապատիկ ծառի տակ
Միր լոթիքն ին նըստոտել,
Տկառունիրն ու խելագեք
Իրանց բոլոր մոտ արել:

Մին մինի կենաց ին խմում—
Մեռելոց ու կենդանյաց,
Մին մինի բողազն ին խրում
Շամփուրներով խորոված:

Հաղարփեշեն լի գինով
Կըլկըլացնում, խըմում ին,
Տիկը բռնած պինդ ձեռնով
Խսկի, ասիս թողնո՞ւմ ին:

Քաշալ գըլուխ զուռնաշին
Հարալո է որ փըշում,
Տիսլիպիտոն լըսողին
Ղուզն ու ականջ է տանում:

Միր պատվելի քաղքըցուն
Աշըր ճակտին է թըռել,
Գամաղին կըպել լիզուն—
Էլ չի ուզում նա լըռել:

Քաղքըցու գողալ քալին
Մարդիցը հիտ չի մընում,
Զերին առած մինձ կովզին
Զոռ է տալի Կախեթուն:

Դըմփացնում է դահիրա
Բրա փափուկ մատնիրով,

Պար է գալի լեզգինկան
Աղունակի վուտնիրով:

Էստի՝ Կիկոն «Զուլոյին»
Թընաթաթախ զըռում է,
Էնտի՝ Վանոն Զալոյին
«Էրթի քալին» մըռում է:

Էս ին անում համաշա
Մարդիկ իրանց բաղչումը,
Թէ սիրում իս թամաշա,
Պըտիս իլի քաղքումը:

* * *

Վրացերեն և վրացերենի միջոցով հայերենում մտած բառեր
Ռ. Պատկանյանի ստեղծագործության մեջ

Էրթի—էրթի (մեկ)
Լովդի—կովդի (գդալ)
Հարալո—հարալո (կրկներդի մի տեսակը)
Ճալո—ճալո (քեռակին)
Միպլիպիտո—տիպլիպիտո (գործիք նվագարան)
Քալի—քալի (աղջիկ):

Ռ. ՊԱՏԿԱՆՅԱՆԻ ՎՐԱՅ ԳՐԱԿԱՆՈՒԹՅԱՆ ՄԽԶ

Թարգմանություններ Ռ. Պատկանյանի Երկերից

1. «Մշակներ և շուն (Ռափիել Պատկանյանից)», թարգմ. Բ. Ելանգուլովի, «Ցնորիս փուրցելի» [=Տեղեկանքի թերթ], 1903, № 2044, պատկերագարք հավելված, № 85:

2. «Արարսի արտասուբը» [Ռափիել Պատկանյանցի], թարգմ. Բ. Ելանգուլով, նույն տեղում, 1903, № 2138, պատկերագարք հավելված, № 114:

3. «Աղբյուր», թարգմ. Բ. Ելանգուլովի, «Զեչիլի» [=Հասկ], 1898, № 12,էջ 27—30,

ՍՄԻՒԾ ՅԵՀՈԶՈՒ

(1841—1907)

«Նննդավայրից հեռանալուց հետո Շահաղիզը, — ինչպես ձիշտ գրել է և. Մանվելյանը, — ապրել է շարունակ Մոսկվայում և այդքան ժամանակամիջոցում՝ կես դարից ավելի՝ միայն մեկ անգամ է այցելել Հայրենիքը, 1873 թ., և այն էլ մի ամսով»¹:

1851 թվականին Աշտարակից Մոսկվա դնալիս և 1873 թվականին Մոսկվայից դեպի Աշտարակ ու ետ գալիս Ս. Շահաղիզը երեք անգամ առիթ պիտի ունենար անցնելու Թիֆլիսով և ճանապարհորդել ուղղմավիրական ճանապարհով:

Ճիշճալ առաջին ճանապարհորդության տպավորություններն է գրի առել Ս. Շահաղիզի ուղեկից Գեորգ Բարխուդարյանը: Նա վկայում է, որ անցնելով Թիֆլիսի վրայով, ուղերվել են մինչև Վլադիկավկազ (այժմ Օրչոնիկիձե) ուղղմավիրական ճանապարհով և այդ ճանապարհորդությունը տևել է 4 օր²:

Ռազմավիրական ճանապարհով ուղերությունը հակառակ ուղղությամբ, այսինքն՝ Վլադիկավկազից Թիֆլիս, Ս. Շահաղիզին վիճակը է լոկ մեկ անգամ՝ 1873 թվականին: Մինչդեռ «Հեռնի վիշտը» պոեմում, 1864 թ. կեռնի ճանապարհորդությունը ճյուսիսից դեպի Անդրկովկաս արված է մտացածին: Ս. Շահաղիզը տալիս է Կովկասյան լեռնաշղթայի սրանչելի տեսարանների նկարագրությունը 1851 թվականի տպավորության տակ և ձայնակցում է Ս. Պուշկինին և Մ. Լեռմոնտովին:

¹ Առն Մանվելյան, Թուսահայ գրականության պատմություն, Ա, (բար), Թիֆլիս, 1913, էջ 82:

² Գեորգ Բարխուդարյան, իմ հիշողություններից. «Արձագանք», 1896, Ա 3, էջ 1—3, Ա 4, էջ 1—3, Ա 7, էջ 1—3:

Մասնավորապես, պատկերավոր են բնության նկարագիրները, ինչպես, օրինակ, Դազբեզի (վրացերեն՝ Մղինվարծվերի) նկարագրությունը՝ տրված պոեմի երկրորդ դրվագում.

Եվ հառաջ կեռն: Սարեր, Հովհաններ
Անհետանում են նորա աշքերից.
Մի չնաշխարհիկ բացվում է պատկեր
Սպիտակափառ Կազբեկի զլիսից:

Սպիտակ կատարն բարձր լեռների,
Կարծես, երկնքի դիպչում են ամպին,
Եվ ձյունից հյուսած թագ աղամանդի
Պճնում են նոցա հպարտ գագաթին:...

Ի՞նչ գեղեցկությամբ փովում են դաշտեր
Հայացքի առջև նորապես մարտի.
Ուկի հոսանքով գույնգույն ծաղիկներ
Ճռձվում են, որպես խաղացքն առվակի:...

Զմրխտյա դաշտեր, այստեղ համասփյուռ,
Մանուշակ, հասմիկ—գարոն սիրելի —
Դալար հովիտից միշում է զեփյուռ,
Քաղցր, որպես շունչ դեռաբույս կուսի¹...

¹ Ա. Շահազիզ, Բանաստեղծություններ, Երևան, 1947, էջ 169—170:

ԳԵՐԻԳ ԳԱԴՅԱՆՑԵՆ
(1837—1907)

Եթե հայ գրականության անդաստանում կա մեկը, որը «նահապետ» Ղեռնդ Ալիշանի նման երեք չի տեսել Հայաստանը և երեք ոտք չի գրել «Ավետյաց երկիրը», դա Գեորգ Դոդոխյանն է: Վերջինս չի տեսել նաև Վրաստանը, նույնիսկ ամենակարծ ժամանակով, անցողակի, ինչպես այդ վիճակվել է Ս. Շահագիզին: Եվ այս հանգամանքը գուցե արգելառիթ համարվի, որպեսզի Գ. Դոդոխյանի անունը ամենաին շմտցը-նեինք մեր տեսության մեջ:

Սակայն կա մի հանգամանք, որը թելադրում է մեզ հակառակն անել և խոսել Գ. Դոդոխյանի մասին:

Զէ՞ որ Գ. Դոդոխյանի, իրու «զորպատցու», ստեղծագործությունը լիովին ձայնակցում է «Թերգդալեովի» (Թերեքի ջուր ճաշակած) իլիա ծավճավածեի (1837—1907) գործունեությանն:

Միաժամանակ փաստ է, որ Գ. Դոդոխյանի «Միծեռնակը» Վրաստանում վայելել է մեծ ժողովրդականություն¹, քանի որ այն երգվում էր թե՛ Հայերեն և թե՛ վրացերեն ու ուստի թարգմանությամբ ամենուրեք, և հաճախակի, վրացական ժողովրդական «Գափիրինդի շավո մերցխալո» (Սլացի՛ր սև ծիծեռնակ) երգին զուգընթաց:

Կա մի ուրիշ հանգամանք ևս, որով Գ. Դոդոխյանը սիրելի գարձավ վրաց ընթերցողին: Դա Գ. Դոդոխյանի հարազատությունն է վրաց ընթերցողի սրտին այն բանից հետո, երբ նրա երկերը՝ թարգմանվելով վրացերենի՝ վրաց գրականության սեփականությունը դարձան:

Առաջին իսկ ծանոթությունից Գ. Դոդոխյանի ստեղծագործության հետ, վրաց ընթերցողին ապշեցնում է նրա հարա-

¹ Գեորգ Դոդոխյան, երկեր, հ. I, Թրիլիսի, 1939, էջ VII. Լ. Մելիքսեր-Բեկ, Գեորգ Դոդոխյան, «Սովետական Վրաստան», 1958, № 146.

զատությունը իւ. Ճավճավաձեին, երբ գովերդվում է աշխատանքը, հալալ քրտինքով դիկած գեղջուկի վաստակը:

Սակայն ամենակարևորն այն է, որ Գ. Գողոխյանի «Ծիծեռնակ»-ին, ինչպես և «Կոռւնկի պատասխան»-ին ձայնակցում է վրաց ժողովրդական «Թոփիր, ու ծիծեռնակ» (Գափրինդի, շավո մերցիսալո) երգը:

Չի կարելի նաև չնշել այն գերը, որ վրաց համալսարանը և վրաց գրողները խաղացին Գ. Գողոխյանի երկերի հայտնագործման, հրապարակման և վրացերեն թարգմանելու գործում, որի արդյունքն է Գ. Գողոխյանի ստվար միհատոբյակի լույս ընծայումը Թրիլիսիում 1939 թվականին, որտեղ ամփոփված էն հայ բանաստեղծի գրեթե բոլոր գեղարվեստական (և ո՛չ միայն գեղարվեստական) երկերը հայերն, նաև վրացերեն և մասամբ սուսերեն թարգմանությունը:

Արդ, Գ. Գողոխյանի շափածոցից թարգմանված են վրացերեն հետեւյալ ստանավորները.

— «Ծիծեռնակ», մի բանի վարիանտով, թարգմանիչներն են՝ Գ. Գալշելիաձե, Վ. Գափրինդաշվիլի, Իոս. Բաբրաձե և Ի. Ճղոնիա:

- «Ուրախ երդեր, սեր և գինի», թարգմ. Գ. Գալշելիաձե.
- «Կոռւնկի պատասխանը» » »
- «Օրոր» » »
- «Այդ է զարգանալ» » »
- «Զարթի՛ր, հայ ժողովուրդ» » »
- «Հալածված պոեմ» » »
- «Առաքել Բահատրյանի հիշատակին» » »
- «Մատանի» » »
- «Երանի նրան» » »
- «Երանի քեզ» » »
- «Ճանապարհորդներ» » »
- «Փրկե՛ մեզ, տեր» » »
- «Մեկ նոր երդ հայոց աղջիկներուն» » »
- «Հայրական խրատ» » »
- «Մանուշակ», երկու վարիանտով, թարգմանիչներն են Ի. Գրիշաշվիլին և Գ. Գալշելիաձեն:

- «Արև», երկու վարիանտով, թարգմանիչներ՝ Ի. Գրիշա-
շվիլի և Դ. Գալեզիլաձե:
- «Առավոտ», թարգմ. Դ. Գալեզիլաձե:
- «Գարուն», երկու վարիանտով, թարգմանիչներ՝ Դ. Գա-
լեզիլաձե և Վ. Գափրինդաշվիլի:
- «Ա. Տ.», երկու վարիանտով, թարգմանիչներ՝ Դ. Գա-
լեզիլաձե և Վ. Գափրինդաշվիլի:
- «Օրիորդ սիրուն», թարգմ. Դ. Գալեզիլաձե:
- «Մայրիկ», » »
- «Նուշիկ», » »
- «Ճանճիկ» » »
- «Կնոջ լացը», » »
- «Զի պահվիլ պարկի մեջ խթանը», »
- «Սև տիսրություն», » »
- «Հողագործի աղոթքը», » »
- «Մեղուա», երկու վարիանտով, թարգմանիչներ՝ Վ. Գափ-
րինդաշվիլի և Ռ. Մարգիանի:
- Պնեմներից թարգմանված է՝
- «Վճիռ» (Հովհան Հուսի շուրջը), թարգմ. Դ. Գալեզի-
լաձե:
- Արձակից՝
- «Արդուլա», թարգմ. Իվ. Բեգլարով:

Գ. ԳՈՐԾՈՅԱՆԸ ՎՐԱՅ ԳՐԱԿԱՆՈՒԹՅԱՆ ՄԵջ

ա. Թարգմանություններ Գ. Գողոխյանի երկերի

1. Գողոխյան, Երկեր, Առաջարան, Ժանոթություններ, բառարան
և խմբագրություն Խվ. Թեզլարովի, հ. I, Թրիլիսի, 1939, էջ 225 [227]—289
(թարգմանություններ), 330—333, 341 (Ժանոթագրություններ),
բ. Հատովի գրականություն նուամասին.

1. Վերոհիշյալ հրատարակության առաջարանն ու «Գեորգ Գողոխյան»
Լայուղը, գրված Խվ. Թեզլարովի կողմից, էջ XXI—XXXII, էջ 337—340:

2. Գրախոսական հիշյալ գրքի մասին Ա. Ս. ստորագրությամբ, «Մնա-
բորի», 1939, № 1, էջ 189—190:

3. «Բոլշևիկուրի կաղըքիսաթիլօ» [Բոլշևիկյան կաղըքի համար]՝
թիրթի հատուկ համար, նվիրված Գ. Գողոխյանին, 1938, № 12,
հետևյալ բովանդակությամբ. Լ. Մելիքսեբ-Բեկ, Գ. Գողոխյանի հարցը.
Գ. Գողոխյան, Ճանճիկ, թարգմ. Գալիթ Գալեզիլաձե. Իվանե Բեգլարով՝
«Միծեռնակի» հեղինակը:

4. Ինֆորմացիոն բնույթի հողվածներ (անստորագիր) վրացական թերթերում՝ «Լիտերատուրուլի Սաքարթվելո» [Գրական Վրաստան], 1938, № 8; «Մուշա», 1938, № 78. «Ախալզաղողա կոմունիստի» [Երիտասարդ կոմունիստ], 1938, № 78, «Լիտերատուրուլի Սաքարթվելո» [=Գրական Վրաստան], 1939, № 6:

ԳԵՐԻՔ ԱԽՎԵՔԻ ԸՆԿԵՐՈՒՄ
(1818—1861)

Գեղարվեստական գրականության շափանիշով չէ, որ որակավորվում է Գերդ Ախվերդյանի (Յուրի Ախվերդովի) երախտիքը հայ կուլտուրայի պատմության մեջ, այլ այն մեծ ներդրումով Թիֆլիսի անցյալի և աշուղական պոեզիայի ուսումնասիրության բնագավառներում, որով նա խսկապես անմահ է:

Անմիշապես Թիֆլիսի անցյալին է վերաբերում Գ. Ախվերդյանի ուսուերեն լեզվով գրած ուսումնասիրությունը Թիֆլիսի համբարների մասին, որը լույս է տեսել նրա վաղաժամ մահից 22 տարի անց «Տիֆլիսկու ամկար» վերնագրով (Տիֆլիս, 1883), ինչպես նաև Սայաթ-Նովայի հայերեն խաղերի անդրանիկ հրատարակությունը, լույս ընծայված Մոսկվայում 1852 թվականին, հանդերձ անդրանիկ ուսումնասիրությամբ մեծանուն Սայաթ-Նովայի մասին և «Թիֆլիսու բարբառի մէ քանի յատկութիւններու վրայ» էտյուդով: Աշուղական պոեզիային է վերաբերում ինչպես 1852 թվականին լույս ընծայված «Սայաթ-Նովա»-ն, նույնպես և 1903 թվականին հետմահու, նրա դուստր՝ օրիորդ Մանէ Ախվերդյանի հոգատարությամբ հրապարակ հանված «Հայ աշուղներ» ստվար հատորը, որը «Սայաթ-Նովա»-ի հետ միասին կազմում է մի ամբողջություն «Գուսանք» սերիայի Ա և Բ հատորների՝ «Լուս գցած աշխատասիրութենով Գէորգեայ Ախվերդեան»: Բ. հատորում, ի միջի այլոց, տեղ են գտել Թիֆլիսի բարբառով ստեղծագործող միքանի տասնյակ հայ աշուղներ:

Այս աշխատությունները, անտարակույս, ուղեցուց ծառացին բանահավաքների համար Թիֆլիսի հայության ընդերքում պահպանված ժողովրդական բանահյուսության և աշուղական ստեղծագործության մարդարիտները վեր հանելու և ուսումնասիրելու համար:

«ԺԹ դարի Ա. քառորդի պտուղ էր Գ. Ախվերդյանը. նա թիֆ-
լիս քաղաքի պատվավոր հայ ընտանիքի ղավակ էր. նրա
ծնունդն էր 1818 թվականին», — այսպիս է սկսում Գ. Ախվեր-
դյանի կենսագրությունը նրա գուատը օրիորդ Մանե Ախվեր-
դյանը¹:

Ապա նշված է, որ 1830 թվականին փոքրիկ Գեորգին տա-
նում են Մոսկվա՝ Լազարյան ճեմարան, որն ավարտելուց
հետո նա մտնում է Մոսկվայի Համալսարանի բժշկական ֆա-
կուլտետը, ավարտելով այն 1839 թվականին՝ վերադառնում է
թիֆլիս և դառնում զինվորական բժիշկ:

«Երկար չի մնում, սակայն, թիֆլիսցիների սիրելի Ախ-
վերդյանն յուր ծննդավայրում: Զինվորական նախարար Զեր-
նիշեվն Անդրկովկասն ուսումնասիրելու համար գալով թիֆլիս,
երիտասարդ բժշկի մեջ գտնում է բազմակողմանի զարգացումն
և մեծ հմտություն, վերցնում է հետը և նրա գործակցությամբ
կատարում յուր ուսումնասիրությունը ու վերչն իրու անձնա-
կան բժիշկ՝ տանում է յուր հետ Պետերբուրգ»²:

Չնայած, որ Պետերբուրգում Գ. Ախվերդյանին սպասում
էր փայլուն ապագա, «Հայրենիքի սերը նրան հանգիստ չի տա-
լիս, նրան քաշում է դեպի յուր ծննդավայրը»³, և վերջապես
«Հայրենյաց թախիծը» պատճառաբանելով, նրան հաջողվում է
1846 թվականին ազատվել Պետերբուրգի պաշտոնից և վերա-
դառնալ իր սիրելի թիֆլիսը, ուր լծվում է աշխատանքի Կով-
կասի փոխարքայի դիվանատանը կից «առանձին հանձնարա-
րությունների ավագ աստիճանավոր»-ի պաշտոնում: Այս պաշ-
տոնում նա մնաց մինչև վաղահաս մահը, որ տեղի ունեցավ
թոքախտից 1861 թվականին:

Գ. Ախվերդյանը թաղված է թիֆլիսում, «Խոջիվանքի» պան-
թեռնում:

Թիֆլիսում Գ. Ախվերդյանը զբաղվում է բանասիրական
հետազոտություններով և այդ նպատակով արխիվային ու ֆոլ-
կլորային նյութերի կուտակմամբ: Այդ ժամանակաշրջանում

¹ «Հայ աշուղներ», թիֆլիս, 1903, էջ Ա:

² Նույն տեղում:

³ Նույն տեղում, էջ Գ:

«Սայաթնյան Տեր-Մովսես ավագ քահանայից պարզե է ստանում Թիֆլիսի բարբառով՝ խղմզված մի հաստ տետրակ՝ լիքը «մուխամբաղներով», ուր «երգերից» մի քանիսը զրդած են լինում հայերեն բոլորագրով. մնացածն անվարժ նոտր գրով, իսկ շատ բաժինը՝ վրացերեն տառերով¹:

Հիշյալ «Հաստ տետրակը», հետագայում «գավթար» հորչորջալը, հանդիսացավ սայաթնովագիտության հաստատում հիմնաբարը²:

Գ. Ախվերդյանի գործի հաջող շարունակողը Թիֆլիսի ֆուլկորի արժեքավորման ուղղությամբ հետագայում հանդիսացավ Գեորգ Տեր-Աղեքսանդրյանն իր մնացուն աշխատությամբ՝ «Թիֆլիսից մտավոր կյանքը», մասն Ա. (Թիֆլիս, 1885):

Գ. ԱԽՎԵՐԴՅԱՆԻ ՎՐԱՅ ԳՐԱԿԱՆՈՒԹՅԱՆ ՄԵջ

Գրականություն նրա մասին

1. Ա. Մելիքսեր-Բեկ, Սայաթ-Նովայի ո՞վ լինելը. քննական-կենսագրական էտյուդ. Թիֆլիսի, 1930, էջ 7—8:

2. Նույնի Վրաստանի պատմության գրավոր աղբյուրների հրատարակությունները. Կատալոգ I, Թիֆլիսի, 1949, էջ 306 (մասն Բ, № 100):

¹ «Հայ աշուզներ», էջ 2:

² Այս գավթարը այժմ պահպամ է Հայաստանի Մատենադարանում:

ԹԻՖԼԻՍԻ ԵՎ ՆԵՐԱԿԵՆՔՆԵՐԻ ԹԵՄԱՏԻԿԸՆ ՎԱՅՍՈՒՆԻԿԱՆ
ԹՎԱԿԱՆՆԵՐԻ ՀԱՅ ԴՐԱՋՆԵՐԻ ԵՐԿԵՐՈՒՄ

(Ա. ԲԱՍՏԱՅՅԱՆ, Գ. ՏԵՐ-ԱՂԵՔՍԱՆԴՐՅԱՆ, Գ. ԽԱՏԻԽՅԱՆ,
Ն. ՓՈՒՂԻՆՅԱՆ, ԲԺԻՇԿ Մ. ՏԵՐ-ԳՐԻԳՈՐՅԱՆ ԵՎ ԱՅԼՆ)

XIX դարի 40—50-ական թվականներին մի տեսակ զարդումք է նկատվում թիֆլիսում, հատկապես թատրոնական կյանքի բնագավառում:

1845 թվականին թիֆլիսում հիմք է դրվում ոռւս գրամատիկ թատրոնին, ապա 1850 թվականին այստեղ վերակենդանում է վրաց գրամատիկ թատրոնը, իսկ 1851 թվականին բացվում է օպերային թատրոնը, որի համար հատուկ շենք է կառուցվում քաղաքի կենտրոնում, նախկին Երևանյան (այժմ Լենինի անվան) հրապարակի վրա, որը հետագայում թամամշանների քարավանսարայի հիմքը հանդիսացավ:

Այդ ժամանակ թիֆլիսի հայերը՝ չունենալով սեփական պրոֆեսիոնալ թատրոն, սիրողների ուժերով թատերական ներկայացումներ էին կազմակերպում կամ ներսիսյան դպրոցի հին շենքի դահլիճում, կամ Գ. Շերմազան-Վարդանյանի հոչակված «գարագասում»՝ նախկին Վելյամինովսկայա (այժմ Շալվա Դաղիբանու) փողոցի վրա, որն այն պահին մի տեսակ գրական սալոնի դեր է կատարել թիֆլիսում, մինչև որ 1858 թվականին այստեղ հիմք է դրվել պրոֆեսիոնալ հայ թատրոնին¹:

Թատրոնը իր ներգործությունը ուժի շնորհիվ այն ժամանակ ավելի, քան գրական որևէ խմբակ, մատչելի էր լայն հասարակությանը, և թատերական բեմը ինչպես արևելահայերի, նույնպես և արևմտահայերի մեջ հիմնականում սնվում էր այն գործերով, որ տալիս էին թիֆլիսն ու Պոլիսը:

¹ Մանրամասն տե՛ս՝ Ան, Թուսահայոց գրականությունը, Վենետիկ, 1904, էջ 28—119; Հմմ. մեր հոգվածը՝ «Սովետական Վրաստան», 1958, № 133:

Թիֆլիսի և Կ. Պոլսի «Հայ տարաշերտ ազգաբնակության կյանքը իր բացասական և ծիծաղելի կողմերով անսպառ նյութեր էր մատակարարում թատերագիրներին»¹: Թիֆլիսի և Կ. Պոլսի «գրեթե բոլոր դասակարգերի կենցաղը, բարք ու վարքը դուրս է բերված կենցաղագրական կոմեդիայում. այստեղ ներկա են և՝ վաճառական և՝ արհեստավոր և՝ աստիճանավոր և՝ ժողովրդի ստորին խավերից դուրս եկած անձինք, և հին և՝ նոր սերունդ: Փողի պաշտամունք, բռնակալություն ընտանիքում, խարդախություն վաճառականության մեջ, հաշվով ամուսնություն, նորասիրություն, գժողություն ծնողների և զավակների միջև և այսպիսի բազմաթիվ արատներ կատակերգուների ձեռքին ծառայում էին իրեն ծաղրելու առարկաներ»²:

Գալով, մասնավորապես, Թիֆլիսի մթնոլորտին, պետք է խոստովանվի, որ այս պրոբլեմով նախ և առաջ հետաքրքրվել ու զրացվել են վրաց կոմեդիոգրաֆները անցյալ դարի 50—60-ական թվականներին, առաջին հերթին Գիորգի Էրիսթավիլին (1811—1864), որի կատակերգությունները առաջին անգամ առանձին գրքերով լույս ընծայվեցին Թիֆլիսում 1850—1853 թվականներին³:

Գ. Էրիսթավիի կատակերգությունների ոգով են գրված Զուրաք Անտոնովի (1820—1854)⁴ գորեցի վրացախոս հայի կոմեդիաները, որոնք առանձին գրքերով լույս են տեսել Թիֆլիսում 1851—1854 թվականներին և որոնցից «Արևի խավարումը» (Մզիս գարնելերա) լավ ծանոթ է հայ հասարակությանը⁴:

* * *

Թիֆլիսի հայոց բարբառի օգտագործումը հայ գրականության մեջ սկսվել է միջին, իսկ առանձնապես XVI—XVII դարերից, գլխավորապես աշուղ-բանաստեղծների խաղերում

¹ Լ. Մանվելյան, Ռուսահայ գրականության պատմություն, Բ, Թիֆլիս, 1913, էջ 114:

² Նույն տեղում:

³ Գիորգի Էրիսթավի, Պիեսներ, Թիֆլիս, 1950, էջ 133:

⁴ Հմմ. Գ. Բոլինիկաշվիլի, Զուրաք Անտոնով, «Սովետական Վրաստան», 1954, № 225: Այս հեղինակի մասին շահեկան ուսումնասիրությունը տե՛ս՝ Էլիս Արքամիշվիլի, Զուրաք Անտոնովի, Բաթում, 1958 (Վրացերեն):

(Ստեփանոս, Սայաթ-Նովա, Շամշի-Մելքոն և շատ ուրիշներ), իսկ գրականության մեջ սկսել են օգտագործել Գ. Շերմաղան-Վարդանյանը, Մհերով Թաղիազյանը, ինչպես նաև Հ. Ալամդարյանը՝ «Առիւծ և էջա առակում»:

1860—1862 թվականներին «Կոռանկ հայոց աշխարհի» ամսագրում Սարգիս ստորագրությամբ (Ստեփան Բաստամյան) լույս է տեսնում Շոթա Ռուսթավելու «Ընձռն մորթի հագած մարդը» Թիֆլիսի բարբառով շափածո թարգմանությունը²:

Նույն հանդեսում 1860 թվականին տպագրվում է Գեորգ Տեր-Աղեքսանդրյանի «Ուստագնացության ի թելեթ» պիեսը (№ 11, էջ 898—922), որտեղ գործողության թատրոնիմը Թելեթի ուստատեղին է: Ճիշտ այնպիս, ինչպես նույն թելեթը ուշադրության կենտրոնումն է Շամշի-Մելքոնի «Ավալի բաշտան քիլ զվվիմ, իժում բաղ ու բաղչադ, Թէլէթ» խաղում³, նաև իլիա Ճավճավաձեի «Մարդ է աղմորդին» (կացիա-աղամիանի) վեպում⁴ և այլուր:

* * *

1861 թվականին առանձին գրքույկով Թիֆլիսում լույս է տեսնում Գաբրիել Խատիսյանցի երկերի ժողովածուն՝ «Սէր Հայ

¹ Հմմ. Հր. Անայան, Պատմություն հայոց նոր գրականության, Վազարշապատ, 1906, էջ 150:

² 1860, № 6, էջ 494—495, № 8, էջ 666—667, № 9, էջ 755—757, 1861, № 10, էջ 781—783, 1862, № 2, էջ 159—162, № 7, էջ 557—566, № 11, էջ 830—840: Արտասալված է «Պրոլետար» թերթում, 1937, № 285 և № 292: Հմմ. Լ. Մելիքսեբ-Բեկ, Շոթա Ռուսթավելին և նրա «Վագրենավորը» հայ գրականության մեջ, «Վրացական ՍՍՌ Կ. Մարբիս անվան պետական հանրային գրադարանի աշխատությունները», հ. IV, 1937, էջ 153 (վրացերեն): Այս թարգմանության մասին է, որ կեռն (Ռուսահայ գրականությունը, Վենետիկ, 1904, էջ 55—58) գրում է, «Փեռ այն ժամանակ, երբ կար «Հյուսիսափալլը», Թիֆլիսի «Կոռոնկ» ամսագիրը հաճախ տալիս էր ոտանավորներ: Բոլորը թույլ, աննշան բաներ, թէ չհաշվենք վրաց նշանավոր «Ընձենավորը» պոեմացի կոկիկ բարգմանուրյունը (ընդգծումը մերն է.—Լ. Մ.-Բ.) Թիֆլիսի տեղական բարբառով»:

³ Գ. Ալսվերյան, Հայ աշուղներ, հ. II, 1903, էջ 490, Լ. Մելիքսեբ-Բեկ, Շամշի-Մելքոն և նրա հայերեն խաղերը, 1958, էջ 67—68:

⁴ Լ. Մելիքսեբ-Բեկ, Հայկական հնությունները Թիֆլիսի մոտիկ շրջակայքում, Շամինարադ—Բելեթ—Մավկիսի. «Վրաստանի պետ. թանգարանի Տեղակաղիր», I, թր. 1922, էջ 92—100, հատկապես 94:

Կրեխանցը ընծայ» վերնագրով, որտեղ, ի միջի այլոց, տեղ է գտնել «Զատկի շաբթի իրիկումը Թիֆլիսումը» պատմվածքը (էջ 3—33) Թիֆլիսի բարբառախան լեզվով, որին, սակայն, ինչպես առաջին իսկ ծանոթությունից ընթերցողը կհամոզվի, չեղինակը լավ չի տիրապետել: Տեղ-տեղ գործածված են Թիֆլիսի բարբառի մեջ մտած վրացերեն բառեր: «Գանա»-արդյոք (միթե), «կալաթ» (զամբյուղ, կողով), վրացական անձնանուններ՝ Նատո, Նինո և այլն:

* * *

Թիֆլիսի զբական կյանքում համեմատաբար աշխուժություն է մտցնում «Կոռունկ Հայոց աշխարհի»-ի 1862 թվականի № 6-ում զետեղված «Քաղկօցի դաբաղ Ղաղօի մասլահաթը» (էջ 454—498), որը շուտով թարգմանվում է վրացերենի և տպվում Խ. Արովյանի աշակերտ հվանի Կերեսելիձեի «Ցիսկարի» ամսագրի 1864 թվականի հոկտեմբերի համարում հետևյալ վերնագրով: «Քաղաքացի¹ դաբաղ Ղաղօյի զրուցը տերտերների (քահանաների) մասին. Հայերեն ժուռնալից թարգմանեց Գր. Ծինամձղվարովը» (№ 10, էջ 74—121): Ինչպես հայերեն բնագրում, նույնպես և նրա վրացերեն թարգմանության մեջ Ղաղոն հանդես է գալիս իրրկ թիֆլիսեցի դաբաղ, այսինքն կաշեգործ:

* * *

Մի ուրիշ Ղաղո, նույնպես թիֆլիսեցի, սակայն դաւալ, այսինքն միջնորդ, հանդես է գալիս Նիկ. Փուղինյանի «Դալալ-Ղաղո» երկու գործողությունից բաղկացած կատակերգության մեջ, որը առանձին գրքով տպագրվել է Թիֆլիսում 1868 թվականին:

«Ես կոմեղիայում,— ինչպես ճիշտ դիտել է Լ. Մանվելյան, — լեզուների կատարյալ խառնակություն է տիրում», քանի որ Ղաղոն խոսում է Թիֆլիսի բարբառով, Կյուկյուն (մշեցի կցիք-ի:

¹ Թիֆլիսեցիի իմաստով, բառացի թարգմանություն է հայերեն «քաղակցի»-ի:

ալանդուխսարը) Մշո բարբառով, Ժան-Պուլը՝ գրական հայերենով, երեսմն կոտրատելով ֆրանսերեն, վրացի Յքվիտաձեն՝ վրացերեն¹:

Կարճ ասած, Ն. Փուլինյանի «Դալալ-Ղաղո» կատակերգությունն «Լեզուների խառնակության» տեսակետից հիշեցնում է ին. Աբովյանի «Հաղարփեշեն», որը նույնպես Թիֆլիսի միջավացրի ծնունդ է:

Թիեսում գործածված Թիֆլիսի բարբառին հատուկ բառապաշարը, ինչպես նաև վրացերեն բառերը արժանի են հատուկ ուշադրության և ուսումնասիրության:

Օրինակ.

արաթու—արա թու (չէ՞ որ, թէ որ)

ասրովերա—ասրովերա (կատարում, կատարել)

ամիսուլօ—ամիսուլո (պիտի կատարես, որ կատարես)

ար վիցնօփի—ար վիցնոր (չեմ ճանաչում)

աղա բաղչի միբրձանդէրա—աղա բախչի միբրձանդէրա
(աղան ուղերձում է գեղի այգին)

բատոնիխար—բատոնի խար (զուն իս իմ պարուն)

բէղասլի—բեղասլի (բեղասլ)

բիճո—բիճո (բիճ, կոչական հոլով)

գարդա մազիսա—գարդա մազիսա (բացի զրանից)

գամտկիցէբուլ—գամտկիցէբուլի (հաստաված)

էձէրա—էձէրա (փնտրեց)

վիս էկազիքրա—վիս էկազիքրա (ո՞ւմն է սազում, ո՞ւմն
է լայն)

թորէմ—թորէմ (թե չէ)

թուղինդ—թուղինդ (թեկուղ)

թքվի—թքվի (ասա')

իշարիթ մօքսցէս—իշարիթ մոզցէս (կապալով տա քեզ)

կարի գաաղէ—կարի գաաղէ (զուռը բա՛ց)

կաճկաճ—կաճկաճի (կաշաղակ)

մէճէրրի—մէճէքարի (խուզարկու շուն)

¹ Ա. Մանվելյան, Ռուսահայ գրականության պատմություն, էջ 117:
Վ. Փափազյան, Պատմություն հայոց գրականության, Թիֆլիս, 1910,
էջ 437—438:

միբձանէ — միբբձանէ (հրամայի՛ր ինձ, հրամանքս)՝
միվցէմ — միվցէմ (կտամ նրան)
միմինօ — միմինօ (բռւ)
միխէդ մօխէդիս ձիրիմէ — միխէդ մոխէդիս ձիրիմէ (նրա
ցավը տանեմ, ով ասավ՝ դէս ու դեն նայիր)
մօգարթմէվ — մոգարթմեվ (քեզ կմատուցեմ)
պատրօնս — պատրօնս (տիրոչ)
բամծավս — բալ մ ճէվլավս (? ի՞նչն է ինձ այբում)
սանամդիս — սանամդիս (մինչև ե՛րբ)
սանթօ — սանդս (վստահելի)
սարգէրլօփ — սարգէրլսր (դռւ օգտվում ես)
սաճիրօ — սաճիրօ (կարեոր, անհրաժեշտ)
ուար — ուարի (մերժում)
ունդա — ունդա (այնոք է)
զաղօսս գառւմարչօս — Զաղօսս գամուարչոս (Զաղոյի կե-
նացը)

ձըլիվ — ձլիվս (Հաղիվ-Հազ, դժվարությամբ)
հօպօպ — հոպոպ (թութակ)

* * *

Այստեղ մենք չենք առնում բժ. Միքայել Տեր-Գրի-
գորյանի պիեսների՝ «Ժլատ», «Նինոյի նշնուիլը», «Խոտորնա-
կին խոտորնակ», «Էս էլ քի մոցիթլութին», «Վայ քի իմ վէշեր»,
«Ո՞վ է մեղավոր», «Պառավներուն խրատ»¹, ինչպես նաև Սլա-
զաթյանի «Վայ իմ կորած հիսուն ոսկին» վոդկիլի վրա, որոնք
արտացոլել են «Թիֆլիսի ժամանակակից կյանքը»²:

Ենոյի ասելով, «տարաբախտաբար, ժամանակին չեն մտա-
ծել այդ գործերը տպագրելու մասին և նրանցից մի փոքրիկ
մասն է հրատարակված»: «Յայց վաթսունական և յոթանաս-
նական թվականներին բժ. Տեր-Գրիգորյանցի պիեսները պատ-
վավոր տեղ էին գրավում մեր թատերագրության մեջ և հաճախ
էին ներկայացվում»³:

¹ Լեռ, Ռուսահայ գրականությունը, Վենետիկ, 1904, էջ 117:

² Նույն տեղում, էջ 106:

³ Նույն տեղում, էջ 117—118:

XIX դարի վերջերին և XX դարի սկզբներին, ըստ Լեոյի, «նրանք համարյա բոլորովին մոռացված են» եղել: «Եվ այդ մոռացության պատճառը դժվար չէ հասկանալ, կարդալով գոնե տպագրված գործերը», որոնք, ըստ նույն Լեոյի, թեև «իրականի», այսինքն ռեալիստական ոգով են համակված, սակայն գեղարվեստական արժեքից զուրկ են եղել, թեև նրանց մեջ ցուցաբերած միջավայրը դարձյալ թիֆլիսն է, լեզուն դարձյալ թիֆլիսի բարբառն է¹:

* * *

«Վաճառական» հանդեսի աշխատակից Հակոբյանի գրչին է պատկանում «Ստորագրություն Թիֆլիսու» շահեկան հոդվածաշարքը «Վաճառական» հանդեսում (Թիֆլիս, 1866, № 1, էջ 58—64, № 2, էջ 94—103, № 3, էջ 154—160, № 4, էջ 249—255), որտեղ տրված է XIX դարի 60-ական թվականների Թիֆլիսի մանրամասն տնտեսա-աշխարհադրական տեսությունը²:

60-ԱԿԱՆ ԹՎԱԿԱՆՆԵՐԻ ՀԱՅ ԳՐՈՂՆՆԵՐԸ ՎՐԱՅ ԳՐԱԿԱՆՈՒԹՅԱՆ ՄԵԶ

Թարգմանություններ

1. «Քաղաքացի դարաղ Ղաղոյի զրուցը տերտերների (քահանաների) մասին», հայերեն հանդեսից թարգմանեց Գր. Մինամձղվարովը, «Ցիսկարի» [= Ալգերաց], 1864, № 10, էջ 74—121:

¹ Ան, Ռուսահայ գրականությունը, Վենետիկ, 1904, էջ 118, հմմ. 107:

² Այս տեսության բնագատությունը տե՛ս III. Կհետիա. Տბիլիսի XIX դարուն (1865—1869), Տբիլիսի, 1942, ստ. 26, 116, 120—121, 124—126, 174, 209, 287:

Հ Ա Վ Ե Լ Վ Ա Ֆ

(Սարգիս Զալալյան)

Մեր տեսությունը XIX դարի 60-ական թվականների այն հայ գրական դեմքերի մասին, որոնք իրենց երկերում այսպես թե այնպես արտացոլել են Վրաստանի և առանձնապես Թիֆլիսի կենցաղը, իջարկե, լրիվ շեր լինի, եթե մենք աշքաթող անենք Սարգիս Զալալյանին¹:

Սարգիս վարդապետ (Հետազայում եպիսկոպոս և արքեպիսկոպոս) Զալալյանը, որը ծագումով Սանահնեցի էր, ծնվել է 1810 թվականին, ավարտել Ներսիսյան դպրոցը, ապա նշանակվել է Սանահնի վանքի վանահայր, այնուհետև 50—60-ական թվականներին Վրաստանի հայոց թեմի առաջնորդ: Դեռևս Սանահնի վանքի վանահայրը եղած ժամանակ U. Զալալյանը սկսել է շրջել Հայաստանի և Վրաստանի հայաբնակ վայրերը և տվել նրանց մանրամասն տեսությունը, վանքերի ու եկեղեցիների ընթերցումները:

Ս. Զալալյանի երկհատոր գործը՝ «Ճանապարհորդություն ի մեծն Հայաստան» վերնագրով, տպված Թիֆլիսում 1842 և 1855 թվականներին, որը որոշ շափով զուգադիպում է ակադ.

Մ. Բրոսսեի ճանապարհորդական նոթերին ֆրանսերեն լեզվով՝ (Voyage archéologique dans la Géorgie et dans l' Arménie), այնպիս որ, երկուսից և ոչ մեկը մյուսի կրկնությունը չէ, այլ երկուսն էլ գրեթե լրացնում են իրար:

Ս. Զալալյանի աշխատության թ հատորի որոշ մասը (էջ 53—98) ընդգրկում է Վրաստանի հայոց եկեղեցիների, վանքերի ու ուխտատեղիների նկարագրությունը՝ վիմական

¹ Մրա մասին տե՛ս՝ «Կենսագրություն, Կտակ Սարգիս արքեպիսկոպոսի Հասան Զալալյանց», Թիֆլիս, 1884:

արձանագրությունների ընթերցումներով հանդերձ, որոնցից շատերը այժմ կամ անհետացել են կամ վնասված են¹:

Այս տեսակետից Ս. Զալալյանի «Ճանապարհորդությունը», ակադ. Մ. Բրոսսենի ճամփորդական նոթերի հետ միասին, անգնահատելի նյութի է ներկայացնում Վրաստանի հայերի պատմության շարադրման համար²: Եվ որպեսզի ընթերցողի համար պարզ լինի այդ նյութի շրջանակները, ստորև տալիս ենք հիշյալ ճանապարհորդության համապատասխան գլուխների ցանկը:

Տփխիս (էջ 53—74), Թէլէթ (74—76), Վաշլէվան (76), Խրամ (76—78), Օրբէթ կամ Շամշուտէ (78—79), Շուլավէր (79—81), Բօլնիս գաւառ (81—82), Մհծ Բօլնիս (82), փոքր Բօլնիս (83—84), Ելլու բարայ (84), Վանք անուսանեալ ծուղութաշչն (85—87), Կարմրառու եկեղեցի (87), Դամբլու (88), Սուրբ մարգարէից եկեղեցի (88), Դումանիս (89), Գորնջուկ (89—90), Սուրբ Սարգիս Ներքին Գումանիսու (90—91), Քվէշ (91), Կիանէթ (91—92), Շաղկէվանք (92), Նախեղուսն (92), Աղղալայ (93), Պապնովայ (93), Կոյր աղբիւր (94), Սոփլիան (94), Ճանտառ (94), Սուրբ անապատ (94—95), Սամղէթ (95), Կրծանիս (95—96), Աղբուկաղ (96), Դէղօփալ գոլ (96), Ծխուտ կամ Ծուխ կոչեցեալ եկեղեցի (97), Բօկ գիւղ (97), Ծակիս (97), Ծոփ (98):

¹ Հետաքրքիր է նշել, որ Ս. Զալալյանի «Ճանապարհորդությունը» տպված է Բիբլիոսում, Ներսիսյան գպրոցի տպարանում, արդյամբ՝ Ղահրաման Գավթյան Երկայնաբազուկ-Արդությանի (ա. Հատորը 1842 թ.) և Աղեքանդր Ղազարեան Թայիրյանցի (թ. Հատորը 1858 թ.) աշխատասիրությամբ «Սարգիս վարդապետի Զալալեանց, միարանի Վանաց Սանաձնի ի 1841 ամիս», «յառաջնորդութեան Վրաստանի և իմէրէթի տեառն Կարապետի արժանընտիր սրբազն Արքեպիսկոպոսի և Ասպետի» (ա. Հատորը) և ստեառն Սարգսի Սանաձնեցւոյ Զալալեանց թիմակալ Արքեպիսկոպոսի հայոց Վրաստանի իմէրէթի և ալլոց» (թ. Հատորը):

² Վիրահայոց վիմագրությունը հատկապես ժողոված և քննվում է մեր համապատասխան աշխատության մեջ, որի Ա պրակը հանձնված է տպագրության ՀՍՍՌ գիտությունների ակադեմիային:

Գ Բ Ի Գ Ա Ր Ա Ր Ա Ր Ա Ր Ա Ր

(1845—1892)

Գրիգոր Արծրունին XIX դարի սկզբներին Վանից Թիֆլիս քաղթած հայտնի Գևորգ-աղա Արծրունու թոռն էր, գեներալ Երեմիա Արծրունու որդին:

Մեծ կարողության տեր լինելով, Գևորգ-աղան կառուցեց Թիֆլիսում երկու բարվանսարա՝ մեկը Սիոնի մայր տաճարին կից Հարավից (Հետագայում օգեստայաբնակ Ֆոն-Բրյուգենի, ապա կապիտալիստ Աֆրիկյանի սեփականությունը) և մյուսը՝ նախկին Պալատական փողոցի վրա (Հետագայում վրաց ազնվականությանն անցած, վրաց թատրոնին կից, վրացական ակումբով, այժմ Ա. Գրիբոեդովի անվան թատրոնին առընթեր): Բացի գրանից, Գևորգ-աղան Ամստերդամ քաղաքում գնում է հայոց տառերի մայրերը, բերել տալիս այն Թիֆլիս և հիմնում Հայկական տպարան, որը հետագայում Ներսիսյան դպրոցին է անցնում և մեծ գործ կատարում հայ կուլտուրայի պատմության մեջ Վրաստանում:

Գրիգորը ծնվել է 1845 թվականին Մոսկվայում, միջնակարգ կրթությունը ստացել է Թիֆլիսի գիմնազիայում, որտեղ նրանից առաջ սովորել էին Ն. Բարաթաշվիլին, Գ. Սունգուլյանը, իլիա Ճավճավաձեն և այլն. ավարտել է այն 1863 թվականին: Ապա բարձրագույն կրթությունը ստանում է նախ Պետերբուրգում, հետո Գերմանիայում՝ Հայկելքերգ քաղաքի Համալսարանում, որն ավարտում է 1869 թվականին՝ փիլիսոփայության դոկտորի աստիճանով:

Համալսարանավարտ Գր. Արծրունին 1871 թվականին վերադառնում է Թիֆլիս, ուր և գործում է, երկու տարվա ընդմիջումով (1884—1886), ցմահ՝ 1892 դեկտեմբերի 19-ը:

Գ. Արծրունին թաղված է Թիֆլիսի հումանիտարիա պանթեոնում:

Գր. Արծրունու գործունեության կենտրոնումն էր նրա հիմնած «Մշակ» լրագիրը, որը հրատարակվել է Թիֆլիսում 1872 թվականից սկսած մինչև 1920 թվականը¹:

Գր. ԱՐԾՐՈՒՆՈՒ ՎՐԱՅ ԳՐԱԿԱՆՈՒԹՅԱՆ ՄԵԶ

Գրականություն նրա մասին

1. Հոդվածներ, թղթակցություններ և ինֆորմացիա «Գրուբա» թերթում Կ. Լորիքիպանիձեի (1874), Ս. Մեսիսի (1874—1880) և Իլ. Մաշարելիի (1883—1885) խմբագիր եղած պահին՝ 1874, № 425, 1875, №№ 112, 131, 132, 1876, № 24, 1877, № 44, 1878, № 264, 1882, № 162, 1884, № 166 (ի միջի այլոց, 1876 № 24-ում տպված էր Գր. Արծրունու ճառը, արտասահմած «Գրուբա» թերթի 10-ամյակին նվիրված խնջույքին): «Եկեղիքա», 1877, №№ 30, 31:

2. Ելիա Ճալբավածի, Քարերի աղաղակը, «Եկեղիքա», 1899, №№ 64, 65, 67—76, և առանձին՝ Թրիլիսի 1899, 264 էջ, նույնի՝ Երկերի լիակատար ժողովածու հինգ հատորով, Հ. II, Թր. 1941, էջ 417—479, Երկերի լիակատար ժողովածու տաս հատորով, Հ. VIII, Թր., 1957, էջ 93—194:

¹ «Մշակ»-ի ղեկավարներն էին Գր. Արծրունու մահից հետո Ա. Քալանթարը (1892—1913), Հ. Առաքելյանը (1913—1918) և Լ. Քալանթարը (1918—1920), վերջինս կեղծի-Առաքել Բարախանյանի օժանդակությամբ:

թ Ա ֆ ֆ ի
(1835—1888)

Բաֆֆու (Հակոբ Մելիք-Հակոբյանի) ծանոթությունը Վրաստանի և, մասնավորապես, Թիֆլիսի հետ սկսվում է 1847 թվականից, երբ նրա հայրը՝ Մելիք-Միրզաքելը Պարսկաստանի հայաշատ Սալմաստ գավառի Փայանջուկ գյուղից պատանի Հակոբին բերում է Թիֆլիս և տեղափորում Բելախյանի պանսիոնում: Պանսիոնից Հակոբը 1852 թ. անցնում է գիմնազիա, ուր հասնում է մինչև 6-րդ դասարանը և ապա անավարտ թողնում միջնակարգ դպրոցը:

1857—1870 թվականներին Հակոբը բացակայում է Թիֆլիսից: 1870 թվականին նա նորից Թիֆլիսումն է:

Թիֆլիսում Հակոբը ամբողջապես նվիրվում է զրական աշխատանքի, մասնակցելով Գր. Արծրունու «Մշակ»-ին 1872 թվականից, սկզբներում «Մելիքզաղե» ստորագրությամբ:

Բացակայելով Թիֆլիսից նորից մի քանի տարով, Հակոբը 1878 թվականին վերջնականապես վերահստատվում է Թիֆլիսում, ուր և գործում է, աշխատակցելով «Մշակ»-ին և միաժամանակ առանձին գրքերով հրատարակում է իր երկերը Բաֆֆի ստորագրությամբ:

Բաֆֆու Թիֆլիսում ապրած տարիները նրա տաղանդի բացահայտման և հետագա գարգացման ժամանակաշրջանն է, երբ նա նյութական մեծ կարիքի մեջ վիճելով՝ ստիպված էր հաղթահարել կենցաղային ծանր պայմանները:

Այս առթիվ հետաքրքիր են, ի միջի այլոց, վրաց պարբերական մամուլի, մասնավորապես իլիա Ճավճավաձեի «Իվերիա» թերթի հաղորդած տեղեկությունները նրա մահվան կապակցությամբ:

«1860 թվականին վախճանվեց Բաֆֆու հայրը: (Բաֆֆին—Լ. Մ.-Բ.) մեծ հաճուկքով էր հիշում հենց այն օրերը, երբ քաղած լուսացնում էր Հավլարարում իր ցուրտ և շտաքացած

սենյակում, երբ նա մի ձեռքով եռոտանի սեղանն էր ամրացնում, իսկ մյուսով հորինում էր նյութեր այն մեծ գրքերի համար, որոնցից շատերը դեռևս ձեռագիր վիճակումն են մնացել: ... Այդ պահին հանգուցյալը ծայր աստիճանի շրավորության մեջ էր. ինքը հանգուցյալը սովորաբար պարծանքով էր պատմում, որ՝ «վախենում էի ոչ ոք ինձ շտեսներ, ուստի և ամբողջ օրը նստած էի քաղցած, սպասում էի մթնելուն, որպեսզի դուրս գայի տնից և հացթուկից հինգ գրոշի հաց կարողանացի գնելա: Մի անգամ [Թաֆֆին] հրավիրված էր Արծրունու մոտ ժողովի (խոսքը վերաբերում է 1871 թ. հրավիրված ժողովին), որտեղ նյութեր էին քննում և ծրագիր կազմում Գր. Արծրունու խմբագրությամբ հրատարակվելիք «Մշակ»-ի համար: Ահա այդ ժողովին ներկա լինելու համար գնում էր Թաֆֆին և Հավլաբարի վայրէջքում դուրս է ընկնում նրա կոշիկի ներբանը: Հանգուցյալը կոշկատակը կանեփով կապեց և այս ձեռվ ամբողջ երեկո պարոն Արծրունու մոտ անց կացրեց, այնպես, որ ոչ ոք չնկատեց: 4—5 ժամ աթոռի վրա նստած էր, ինչպես վրան կպած, որովհետև վախենում էր, որ՝ «կոշիկս չնկատեն և իմ շրավոր կյանքը շրացահայտվի»¹:

Թաֆֆին վախենանվեց Թիֆլիսում 1888 թ. 24. IV-ին և մի արտակարգ հանդիսավորությամբ թաղվեց «Խոշիվանքի» պանթեոնում:

Նրա մահը անկեղծորեն ողբացել է և վրաց հասարակությունը: Իիհա Ճավճավածեի «Իվերիա» թերթը մանրամասն տեղեկություններ էր հաղորդել Թաֆֆու հուղարկավորության մասին: Այստեղ, ի միջի այլոց, նշվել է նաև այն, որ բազմաթիվ (մի քանի հարյուր) պատակների թվում եղել է և «Իվերիա» թերթի խմբագրության կողմից ուղարկված պսակը և որ բազմաթիվ վրացիների հետ միասին վրաց ինտելիգենցիայի կողմից ներկա է եղել մոտ քառասուն ներկայացուցիչը²:

¹ «Իվերիա», 1888, № 89: Նույնը Խվ. Թեղարովի հոդվածներում՝ վրացերեն «Սաբճոթա խելովներա» [= Սովետական արվեստ], 1939, № 10, էջ 70, հայերեն՝ «Խորհրդային վրաստան», 1939, № 250, Նույնը հայաստան՝ S. Կարասիսյան, Թաֆֆին վրաց գրական մտքի զնահատմամբ, «Գրական թերթ», 1958, № 22, էջ 4:

² «Իվերիա», 1888, № 90: Հմբ. Խվ. Թեղարով, «Սաբճոթա խելովներա», 1939, № 10, էջ 71—72, «Խորհրդային վրաստան», 1939, № 250:

Հուղարկավորության և թագման հաշվետվությունը տպելով
հանդերձ՝ նույն «Իվերիա» թերթը վերջին հրաժեշտի խոսք է
նվիրում Թափփու հիշատակին այսպիսի բովանդակությամբ.

«Անցյալ օրը մեզ ապացուցեց, որ քեզ նման մարդը մահով
էլ չի մեռնում. ընդհակառակը, զու հաղթեցիր անհաղթ մա-
հին, զու ինքդ մեռցրիր մահը, որովհետեւ քո գործունեությունն
անձեռագործ հիշատակ թողեց ամեն մի աղնիվ հայի սրտում և
այդ սրտում քո անունը երկար կապրի, ինչպես մարդարիտը
ծովում»¹:

* * *

Թափփու ստեղծագործությունից վրացերեն փոխադրված և
հրատարակված են «Խենթը», թարգմանությամբ Բ. Եվանգու-
լովի («Մոսամբե», 1902 և 1903, առանձին դրով), «Վրաց իշ-
խան արքայազն Ալեքսանդրի կյանքը Պարսկաստանում»
թարգմ. Գ. («Դրոէրա», 1872) և Դավիթ Տեր-Դավթյանի
(«Կվալի», 1893, № 41), պատմվածքներից՝ «Տնային փեսա»,
թարգմ. Իոսեբ Ստեփանովի («Դրոէրա», 1881), «Ֆիրդովսի»,
թարգմ. Զ. Մամուլյանցի («Նորաթի», 1884), «Սով», «Ան-
բախտ Հոփիսիմե» և «Սպանդանոցը», թարգմ. Դավիթ Տեր-
Դավթյանի («Մի քանի պատմվածք», Թբ. 1891), «Դերվիշ»,
թարգմ. նույնի («Կվալի», 1893 թ.) և այլն:

* * *

Իր կյանքի 53 տարուց մոտավորապես 20 տարին լնդմի-
ջումներով Թափփին անց է կացրել Թիֆլիսում և անտարեր-
շի մնացել Վրաստանի անցյալին, Թիֆլիսի կենցաղին, Թիֆ-
լիսի հայերի վարք ու բարքին ու բարբառին և այլն, որն և
պատկերել է իր երկերում այս կամ այն առումով, մեծ թե
փոքր չափով:

Այս երկերի քննությունը, հենց այս տեսակետից, մենք
կաշխատենք ներկայացնել ստորև, ըստ 1955—1959 թվական-
ների լնթաքքում լույս ընծայած նրա տասնհատորյակի:

¹ «Իվերիա», 1888, № 90;

Առաջին հստորում ուշադրություն է գրավում «Հարեմ» անավարտ վեպը (էջ 397—489), որն առաջին անգամ լույս է տեսել «Փունջ»-ի Բ գրքում (Թիֆլիս, 1874) և որն առկա է և վրացերեն թարգմանությամբ (1891):

Այս վեպում թեև զործողությունը ծավալվում է Պարսկաստանում, սակայն պերսոնաժները հիշում են Վրաստանն ու Թիֆլիսը, որտեղից գերի են ընկել պարսից ձեռքը XVIII դ. վերջերին՝ Թիֆլիսի ավերման ժամանակի: Հիշված է «Գուրչիստանի թագավորը», այսինքն «Էրեկլե պարոնը», Թիֆլիսից Պարսից «զոշունի» դուրս գալը և այլն: Վեպի պերսոնաժներից թիֆլիսեցիք են Մեխակը, Սալոմեն, Սոփիոն, Կեկելը, Ալմաստը, Նինոն, Սոսիկոն և այլն: Զեյնաբ-խանումի պատմած «Հեքիաթ»-ում տրված է Թիֆլիսի նկարագրությունը: «Կարչկար, կար մի քաղաք: Այն քաղաքում նստում էր Գուրչիստանի թագավորն: Այն քաղաքը շինված էր այն սարերի մեջ, ուր Ղափ-Դաղի գլխին շղթայած է շինների գլխավորը: Դրախտը շատ մոտ է այն երկրին և հրեշտակների նվագածությունները դեռ լսելի են լինում այնտեղ: Դրախտից բխած գետերից մինն անցնում է այն քաղաքի միջից և զրում է ծաղիկներով զարդարված դաշտերը: Այնտեղ կանացը զուր շեն տաքացնում լողանալու համար, տարտարոսի բոցերն, անդունդից դուրս գալով, տաքացնում են աղբյուրները և նրանց ջրով լողանում են մարդիկ»:

Պերսոնաժներից մի ուրիշն էլ՝ Քերիմ-Բեկը, Հիշեցնում է Արմաստին, որ վերջինիս «Հայրենիքում պատահել են մեծամեծ փոփոխություններ»: Նույն Քերիմ-Բեկի ասելով՝ «Վրաստանը վաղուց միացել է Ռուսաստանի հետ: Այժմ վրացիք թագավորություն չունեն» և «Թիֆլիսը ոռուսաց քաղաք է»։ և այլն:

Հիշված է նաև Թիֆլիսի Տափի-թաղ և Սոլոլակ թաղամասերը, «Քոփի ափը» և շրջակա սարերը, «Խեռում», այսինքն ձորում, «բուրթի» (գնդակ) խաղալը, հիշված է նաև «Կախեթի գինին»:

Առաջին հատորում ուշադրություն է գրավում նաև «Տնային փեսա» պատմվածքը (էջ 534—578), որն առաջին անգամ

լույս է տեսել «Փունչ»-ի Բ հատորում և որն առկա է և վրացերեն թարգմանությամբ:

Այս պատմվածքը, ինչպիս ձիշտ նկատել է Սուրեն Հարությունյանը, «նախորդում է Նար-Դոսի «Մեր թաղին» ո՛չ միայն թեմատիկայով, այլև տիպերի ու կյանքից վերցրած իրական պատկերների նկարագրության ոճով»։ Այս պատմվածքով «Թիֆլիսի Հավլաբարի արհստավորների կենցաղն ու սոցիալական կյանքը մտնում է Բաֆֆու ստեղծագործությունը»¹։

Պատմվածքը սկսվում է բնության նկարագրությամբ։

«Գարնան թարմ և փափուկ երեկոներից մինն էր։ Արևի վերջին ճառագայթները դեռ ոսկեզօծում էին Կազբեկի ձյունապատ գագաթը։ Ժամատներից լսելի էին լինում մեղմ-բարեկաշտական ճնշումները զանգահարության։ Հավլաբարի պառավ կնանիքը, ծածկված իրանց սպիտակ շարսավներով, շտապում էին աղոթելու», և այլն։

Ոերսոնաժներից ոմանք խոսում են Թիֆլիսի բարբառով, թեև Բաֆֆին հաճախ լրիվ հարազատությամբ չի կարողանում կիրառել այդ բարբառի ճնշումնական և բառարանային առանձնահատկությունները, որը կարուտ է հատուկ քննության։

Պատմվածքում առկա է Թիֆլիսի տոպոնիմիկան՝ Սաղը (Վրացերեն բիղէ, ոռւսերեն Պետք), Փեթխային, Ս. Մինասը և այլն։

Տեղ-տեղ գործածված են նաև վրացերեն բառեր՝ քոքուա (=հողիմ գլուխը), կի (այո), զանա (մի՞թե) և այլն։

* * *

Երկրորդ հատորում ամփոփված երկերից մեր նպատակի համար օգտագործելի են երկուսը, մեկը՝ «Զահրումար. վիպասանություն Թիֆլիսի հայերի կյանքից» (էջ 5—220) և մյուսը՝ «Մինը այսպես, մյուսը այնպես. Թիֆլիսի վաճառականների կյանքից» (էջ 221—302, անավարտ)։

Վեսի առաջաբանում «Զահրումար»-ի գրության ժամանակի և բովանդակության մասին հետաքրքիր բնորոշում է տալիս ինքը հեղինակը։

¹ Բաֆֆի, երկերի ժողովածու տաս հատորով, հ. I, Երևան, 1955, էջ 22։

«Զահրումարը» ես գրել եմ 1871 թվականին Թիֆլիսում, ուր ես իմ գործերի պատճառով ստիպված էի մի տարի և կես մնալ: Վիպասանության նյութն առնված է Թիֆլիսի Հայերի կյանքից. գրված է աշխարհաբար լեզվով և միայն տեղ-տեղ թիֆլիսեցոց բարբառով: «Զահրումարի» մեջ ընթերցողը կտեսնե պատկերներ բարի և չար անձերի. նա կտեսնե տարապայման կրթության (մանավանդ օտարազգյա ուսումնարաններում) վնասակար հետևանքները, բարքերի ապականություն, բարոյական փոտություն ժամանակիս շուալլությունից և զեխությունից և հայության գաղափարի օրոստօրե ջնջվելն ժողովրդի մէջ, և ձգտություն¹ ժողովրդի դեպի օտարամոլ նորաձեռությունները. Բաֆֆի» (էջ 6):

Ահա Թիֆլիսի սպեցիֆիկ պերսոնաժները՝ «Հացի Գելենց Օհանեսի որդի Ղաղոց»-ն, հետագայում «կատարյալ կինտո», նույնը և «Ճանճուր»-ը, կամ «Ճանճուր Խվանիչ»-ը և նրա կին «տիկին Բարբարեն», որը «բռայիկ ոտքով մինչև Թելեթ համբուրելու էր գնում», Ղաղոցի և Բարբարեի դուստրները՝ Սոֆին, Լիզան և Ելենան, Գրիգորը, որոնց «ընտանեկան խոսակցությունը վրացերեն էր», Կունճու տղեն ու Ճուղուր Թաթումը, Միրզոն, «մամա Օհանեսը», «պապ Ծղալորը», «գեղի Փեփելո»-ն, «Քիտես իմերել ծառան», Թինա «օս աղախինը», ոմն Ծերեթելին, Սամվել Պետրովիչ Թաթումովը, Խաշուտողի տղան, Խոխրոյի տղան, Էջ քերթողի տղան, Լարլարու տղան, Օլինկան, Անիշկան, Մական, Կատոն, Էփոն, Նինոն, Նատոն, Աննա Եգորովնան, Նիկոլ Մայիլովը, 1795 թ., 11. IX-ին գերի ընկած Մարիամը, Վարլամպի Կալոշնիկովը, Կուլմինը, Զանցուղաղովը, Ցուրինովը, Մախոխենց Խեցոն, Շատուրը, Արամյանը, Սմբատ Քաջրերունին, Թութունջյանը, Դիաշկովը, Թաթոսը, Աննա Սեպուհյանցը և այլն:

Վեպում հանդես են գալիս նաև անցյալի պատմական դեմքեր, որոնց թվում նաև Հերակլ (Էրեկլե) Բ գրաց թագավորը:

Հետաքրքրությունից զուրկ չէ, ի միջի այլոց, և Թիֆլիսի ու նրա շրջակայքի տոպոնիմիկան և տեսարժան վայրերի հիշատակությունը՝ Շեյխան բաղար, Ալյուրի մեյդան, Շիրաչխանա,

¹ Ձգտում:

Քաղակիանա, Միջի փողոց, Սոլոլակ, Վերա, Կովիա, Գոլովինսկի պլատֆորմ, բուլվար, Ալեքսանդրյան այգի, ինժեներնոյն ռազմավայրենին, Մուշտայիդ, Թամամշովի քարվանսարան, Յուզոր և այլն:

Վեպի պերսոնաժները, Թիֆլիսի բարբառին կից, օգտագործում են ինչպես ռուսերեն և եվրոպական, նույնպես և վրացերեն բառեր:

Վրացերեն բառապաշարից նշենք.

գանա—մի՞թե

գեթաղվանե—ի սեր աստծո

գենացվակե—քո շարը տանեմ, քեզ զուրբան

գիախ—այո, իսկապես

դէդի—մայրիկ

դէդոփալ—թագուհի (Թամար դէդոփալ—Թամար թագուհի)

թասակրավի—շալ, լաշակ

թքվենմա սիցոցիւեմ—ձեր արել վկա

իսրուելէ—խորովիր

կաբա—գեյրա (աղջկա), կաբա (տղա մարդու), այստեղից՝

կաբավորներ

կի—այս

մագրամ—բայց, սակայն

մամի—հայրիկ

միէցի փուլի—տուր փողը

մողոնող—հնարող (Հայերեն ող վերջածանցով կազմված)

մողի—արի'

մոցիքուլություն—միջի մարդի դերը կատարել (Հայերեն ուրյուն վերջածանցով կազմված)

մուղայիթ—զգուց

ոռուսոբա—ոսություն, ոռուսականություն

փիքը—մտածմունք

քատիպա (այստեղից՝ քաթիպավորներ) —զգեստի մի տեսակը

շենի ձիրիմե—քո ցավը տանեմ

ցոցխալի—ձկան տեսակ

իսրամուլի—մույնը

ջոնջուլ (ուղիղ՝ ջոնջուլի) —կոռնի

Վեպի կենտրոնական պերսոնաժներից մեկն է ձանձուր իվանիչն, որի ընտանիքի ընութագիրը Բաֆֆին տալիս է այսպես:

«Ճանձուր իվանիչի զավակներից ոչ մինը չգիտեր յուր աղքային լեզուն: Նրանց ընտանեկան խոսակցությունը վրացերենն էր: Թեև ճանձուր իվանիչը և յուր կինը գիտեին փոքրի շատե կաղ ու կոտոր հայերեն, բայց այն ևս խմբված վրացի և թուրքի, ոռւսի և այլազգի բառերով» (էջ 18):

Առանձնապես պատկերավոր են Բաֆֆունկարագրած բարքերը Թիֆլիսի կյանքից (էջ 86):

Պրանցից մեկը վերաբերում է բաղրենիական խավի կանաց մտավոր զարգացման մակարդակի, ճաշակի և վարքի ընութագրմանը:

«Մի կողմում հավաքված էին աղջիկները իրանց թասակրավիներով, զբանց շատ անգամ երկշոտությամբ մերձենում էին կարավորներ, և նրանց մեջ լսելի էր լինում վրացերեն բաղրաքավարական բառերը—գենացվալե, գեթաղվանե, շենի ձիրիմե, թրվենմա սիցոցխեմ, դիախ, և այլն, մի կողմում էր մոդնի աղջիկները, ըստ մեծի մասին ոռւսերեն լեզվով, և երբեմն վրացերեն խառնելով խոսում էին, թե ի՞նչ նոր կտորներ են եկած, կամ այս ի՞նչ ու այն ի՞նչ խանութում ինչ նոր բաներ են վաճառում:

Իսկ տիկին Բարբարեի շուրջը բոլորել էին քաթիպավորները և մի քանի կարավորներ, դարձյալ վրացերեն, երբեմն հատուկտոր հայերեն խառնելով, դուրս էին տալիս բաղրաքի նորությունների կամ հացի և այլ ուտելիքների էժանության կամ թանկության մասին»:

Հին Թիֆլիսի տուր և առի երթեմնի կենտրոն Մելյանի, այսինքն՝ Ալյուրի մեյդանի, և կից Շեյխան-բազարի ու Բազարիսանայի կողորիտը դիպուկ կերպով է տրված Բաֆֆունկելույալ տողերում (էջ 108).

«... Ով որ եղել է Թիֆլիսում, նա գիտե, թե Թիֆլիդեցին ոչ միայն յուր լավ ապրանքը, այլ յուր ամենավատ ապրանքը ևս փա՛հ-փա՛հով է ծախում: Եթե մեր ընթերցողը երթեմն անցել է բաղրաքանակի, մրգավաճառների առջեից, նա տեսած կլինի, թե ինչպես մրգավաճառները հոտած խնձորը կամ տհաս տանձը,

աժած թարախներում, ձայն են տալիս և գոռում՝ «արա լավ խնձորը, լավ տանձը, լավ բողկը... պա՛... պա՛... պա՛», կամ թէ Ալլուրի մեջանով բազնիք գնալու միջոցներում, ի հարկե, նա տեսած կլինի, թէ ինչպիսի գովասանքներով են ծախում ծլած բակլան, բորբոսնած ջոնջուը և հոտած խրամզովին»:

Սքանչելի է Թաֆֆու տված Թիֆլիսի մերձակա ամառանց Կոչորի դիրքի և բնության նկարագրությունը, որը համարժեք է տաղանդավոր նկարչի վրձինից ելած կտավին:

«Հացի-Գելենց կացարանը Կոչորում մի բլրակի գագաթի վրա էր: Նա յուր բարձր դրությամբ կարծես թէ իշխում էր յուր գեղեցիկ շրջակայքին: Նրա չորեքկողմում, ուր և նայում էիր, պատկերանում էին հիանալի տեսարաններ—մի կողմում կանաչագարդ հովիտներ, խոտավետ արոտամարգեր, որոնց մեջ տարածող չորրոտանի հրաշալի երևություններ էին ձևակերպում, մի այլ կողմում՝ թփապատ բլրակներ, անտառախիտ լեռներ, իրանց գագաթների բարձրությամբ նկատվելով երկնքի կապուտակության մեջ, հանդիսացնում էին սքանչելի պատկերները: Մի այլ տեղ մշակված դաշտերում երկրագործը յուր սովորական երգը երգելով, հերկում էր գետինը» (էջ 125):

Եվ «այդ բոլոր հիանալի տեսարանները, այդպես շքեղարար միախառնվելով միմյանց հետ, հանդիսանում էին կովկասյան հրաշալի բնության գեղապատկեր» (նույն տեղում):

* * *

Թաֆֆու Երկերի Երկրորդ հատորում զետեղված նյութերից Վրաստանի և մասնավորապես, Թիֆլիսի իրականության հետ առնչվում է, ինչպիս ասվեց, նաև «Մենք այսպես, մյուսն այնպես» վեպը, որի ենթավերնագիրն է «Թիֆլիսի վաճառականների կյանքից» (էջ 221—302): Վեպը գրված է 1876 թվականին:

Վեպի գործող գեմքերն են, մի կողմից, Քեթեվան, Սաքու, Նիկոլ, Անիշկա, վրաց իշխանուհի, Նատոյենք, մյուս կողմից՝ Արտեմ Պետրովիչ, Աղա Պարոնով, Սերգեյ Եգորովիչ Դաբաղյան, Աննա Սերգեևնա, Յակով Յակովիչ, Արուսյան, Մակար

Մակարիչ, Փրիդոնցան և այլն: Հիշվում են նաև թուլուղիները (ջրկիրները):

Պերսոնաժների բերանից չի պակասում հիշատակությունը «Վարանցովի ժամանակների», «Կախեթու կարմիր գինու», բաղանիքի «Բողչա»-ի և այլի մասին:

Գործածլած են վրացական բառեր՝ «Թավսակրավի»—շալ, լաշակ, «խելագա»—կուժ և այլն:

Աչքի է ընկնում հին թիֆլիսի տոպոնիմիկան՝ Երևանյան Հրապարակ, Գալավինսկի պողոտան, Միհեալլովսկի փողոցը, Բուլվարը, Ալեքսանդրյան այգին, Մուշտացիդը, «Ըշտաբի ժամացույցը», Շամոյենց եկեղեցին, Մողնու և. Գեորգը, Թամամցվի քարվանսարան, Շաղինենց քարվանսարան և այլն:

* * *

Զորբորդ հատորում զետեղված երկերից մեր ուշագրությունն են գրավում «Անմեղ վաճառք» (էջ 7—42), գրված 1872—1873 թվականներին, և «Ո՞վ է մեղավորը» (էջ 43—78), գրված 1870-ականների սկզբին, գործերը:

«Անմեղ վաճառք»-ի պերսոնաժներն են՝ լվացարար Կեկելը, Քեթեվանը, Նիկոլը, Սանդրոն, Մաշոն, Կարոն, Ցուցան և այլն:

Վեպում օգտագործված վրացական բառապաշտը սահմանափակում է միմիայն մի քանի օրինակով, օրինակ՝ «Խուճումիան մամալն» (էջ 17), այսինքն՝ «Գանգրագեղ աքաղաղ»: «Եյ, շենի ճիրիմե» (էջ 28), այսինքն՝ «Եյ, քո ցավը տանեմ», կամ «Եյ, ես քեզ զուբան», «Նիմուտի» (ոռւսերեն մինչեւ աղավաղումն է) — բոպե:

Բաֆին, ի միջի այլոց, բերում է և մի վրացական երգ (էջ 38 և ծանոթ.):

Ախ թըվալերո, թըվալերո,
Շավ թըվալերո, թըվալերո,

(ուր «Թըվալերո»-ն պիտի ուղղել «թվալերո»-ի — Լ. Մ.-Բ.),
այսինքն՝ հեղինակի թարգմանությամբ՝

Ախ աշեր, աշեր,
Սկորակ աշեր:

«Ո՞վ է մեղավորը» վեպիկի պերսոնաժներն են՝ Միշան,
Անիշկան և մի կինտո:

Սպեցիֆիկ բառապաշարից նշելի են՝ դոխտուր (доктор-ի
աղավաղումն է), դարլու-փլավ, վեշեր (вечер), մոթրեվուլ
(թրե եկած), դավի-դարարա և այլն:

Կինտոյի կերպարը տպավորիչ դարձնելու նպատակով Բաֆ-
ֆին տալիս է նրա հետեւյալ համառոտ բնութագիրը (էջ 43).

«Անվաստակելի կինտոն՝ միայն մրգեղենի թարախը գլխին՝
ընդհատում էր փողոցների խուլ-մելամաղձական լուսթյունը,
կոչելով «Հերեշնի՛—վիշնի՛ի—Հա՛յ»:

* * *

«Վրաց իշխան արքայաղն Ալեքսանդրի կյանքից Պարս-
կաստանում» վերնագիրը կրող փոքրիկ երկը Բաֆֆին «գրի է
առել... հավանաբար այն ժամանակ, երբ նա գտնվում էր Խոս-
րովա գյուղում»: Երկը առաջին անգամ լույս է տեսել
«Մշակ»-ում 1872 թվականի № 25-ում, ապա արտատպել է
«Երկերի ժողովածու»-ի իններորդ հատորում (էջ 32—34): Խա-
կույն և թարգմանվել է վրացերեն և տպվել «Դրոերա»
(1872, № 28) և «Կիլալի» (1893, № 41) թերթերում:

Երկը, ինչպես վերնագրիցն էլ երեսում է, նվիրված է վրաց
Հերակլ II թագավորի որդի Ալեքսանդրին, որը հակառակ
լինելով Վրաստանի նույսաստանին միանալուն, յուր համա-
խոհներով հեռացել է Վրաստանից և ապավինել Պարսկաստա-
նի սահմաններում—նախ Երևանում, ապա Թավրիզում, Թիհ-
րանում և այլուր, երկար ժամանակ նույնիսկ գեգերել է այս
ու այն կողմերում: Երևանում եղած պահին նա մոտեցել էր
տեղական ֆեոդալ Մելիք-Աղամալյանների ընտանիքին և
ամուսնացել Սահակ Մելիք-Աղամալյանի դստեր Մարիամի
հետ պսակադրությամբ (իբրև եղակի երեսույթ էջմիածնի կյան-
քից) էջմիածնի մայր տաճարում 1822 թվականին. վախճանվել

¹ «Կինտո» բառը, հավանական է, առաջացած լինի այն գաղափարից,
որ նա հագած ուներ լայն շալվար, որը նման էր կնոջ ղեյրային. ուստի և
ծաղրողները բացականչել են՝ «Կին, տո՞»:

է Թեհրանում 1854 թվականին, և թաղված է Թեհրանի հայոց հկեղեցու գավթում:

Երկար ժամանակամիջոցով շի բաժանվում այս երկի դրության տարեթիվն Ալեքսանդր արքայազնի մահվան տարուց, ուստի և հասկանալի է, թե ինչու ինքը Բաֆֆին իր երկի սկզբում նշում է, որ «իշխան Ալեքսանդրի ժամանակը գեռշատ շէ հնացել», քանի որ Պարսկաստանում «Ծերունի ալեսրներ հիշում են նորա պատմությունը»: «Եվ մենք,— շարունակում է Բաֆֆին,— քաղելով կենդանի ավանդություններից, կաշխատենք տալ ապագային մի քանի տեղեկությունը նորակյանքից» (Էջ 32):

«Իշխան Ալեքսանդրի Պարսկաստան գնալու պատճառները այնքան հայտնի են ժամանակակից պատմագրությանը,— գրում է Բաֆֆին,— որ մենք ավելորդ ենք համարում այդ մասին մի բան խոսել, միայն նա զնաց այնուեղ, երբ Ղեջարյան դահին տիրում էր Փեթհ-Ալի-Շահը», որից «նա գտավ արժանավոր ընդունելություն»:

«Փեթհ-Ալի-Շահի հրամանով Ապահաս Միրզան... այսինքն՝ Շահի ժառանգը և միենույն ժամանակ Ատրապատականի կուսակալը, շնորհեց իշխան Ալեքսանդրին Սալմաստու գեղեցկափիր զավառում մի քանի զյուղորայք նորա կացարանի և ապրուստի համար»: Եվ «այս զյուղորայքից իշխան Ալեքսանդրը ընտրեց յուր բնակության համար Խոսրովիա անունով հայաբնակ և ասորոց գյուղը, որ յուր այգեւետ և ծառազարդ դիրքով, մաքուր ջրով և հստակ «օդով առժամանակ կարող էր միիթարել նորանում Կախեթիայի (ուղիղ՝ Կախեթի—Լ. Մ.-Բ.) բաղանքները»:

«Խոսրովիայում իշխան Ալեքսանդրը շրջապատված էր այն վրացի տղամարդերով, որք ավելի քան հիսուն հոգի զաղթել էին նորա հետ», և որոնց «թվում կային և մի քանի անձինք ազնվական տոհմից»:

«Փեթհ-Ալի-Շահը սիրում էր իշխան Ալեքսանդրին, նա շնորհեց նորան Վալիի Գուրջիստան տիտղոսը: Եվ Վալին տարհնը մի անգամ Թեհրան էր գնում Շահի հետ տեսություն անելու, ուսկից դառնում էր նա թանկագին ընծաներով»:

Թագֆին պատմում է նաև, թե ինչպես Նիգարիստանի այդու ապարանքում մեծահանդես ընդունելության (պարսկերեն՝ սալամ) ժամանակ, որտեղ ներկա է եղել, ի միջի այլոց, և Ալեքսանդրը, շահը Հրամացել է նույն հանդեսի պատկերը նկարել ապարանքի դահլիճի պատի վրա, որի մեջ առաջին տեղը բռնել է իշխան Ալեքսանդրի պատկերը և «այդ պատկերը մնում է մինչև այսօր»:

1826—1827 թվականների ոռու-պարսկական պատերազմի ընթացքում Ալեքսանդրը մասնակցել է պատերազմին՝ ոռուաց դեմ պարսից զորքերի շարքերում և անցել է Վան քաղաքը: Եվ միմիայն «Թուրքմենչայի հաշտությունից հետո, երբ Ռուսաց զորքերը թողեցին Ատրպատականը, մի քանի ամիս անցնելով իշխան Ալեքսանդրը դարձավ Խոսրովիա», ուրի, սակայն, «չդուավ... յուր վրացիքը», որոնք «Ռուսաց զորքերի հետ գաղթել են դեպի Կովկաս»:

Մյուսհետև Ալեքսանդրը կապվում է ասորոց պատրիարք Մար-Շիմոնի հետ, որը «նույնն էր Զոլամերիկում, ինչ որ Շամիլն էր Դաղիստանում», և «այդ նպատակով... պսակվեցավ Մար-Շիմոնի եղբոր, երեխայությունից կուսակրոնության ուխտված դստեր հետ»:

Եվ այս քայլը գուցե և բնական էր, քանի որ նրա օրինական կինը՝ Մարիամ իսահակի Մելիք-Աղամալյանի գուստը, 1826—1827 թվականների անցքերից հետո փաստորեն բաժանված էր Ալեքսանդրից, ուստի և Երևանից անցել էր Թիֆլիս և Թիֆլիսից Պետերբուրգ, իր կյանքի վերջին տարիները մնաւով Թիֆլիսում¹:

Բաֆֆին նշում է, որ Ալեքսանդրը մահացել էր իր վերջին այցելության ժամանակ Թեհրանում, այն էլ «Հետին աղքատության մեջ»:

Ըստ Բաֆֆու, «նրա վերջին կտակը եղավ այն, որ յուր մարմինը տարվի վրաստան, և այդ պատճառով նորա դապաղը երկար անթաղ դրված էր Թեհրանի Շահ-Արգու-Թերվաղայի

¹ Հմմ. Աղ. Երիցյան, Վրաց թագավորական տան վերջին շառավիզը «Արձականը», 1882, № 12, էջ 147—180: Նույնը վրացերեն՝ «Դրոնա», 1882, № № 126 և 127:

Հայոց եկեղեցումը: Բայց կտակը չկատարվեցավ: Ել Յաղութիւնը նույն եկեղեցու գավիթում, դռան հանդեպ թաղեց իշխանի մարմինը»:

Իր այս փոքրիկ երկը Բաֆֆին ավարտում է այսպիսի նկատողությամբ, «Թեհքանում շատ քիչ մարդիկ գիտեն, թե հայոց եկեղեցվո դռանը դրած այն փառազորիկ և աննշան գերեզմանը ամփոփում է յուր մեջ վրաց սպառված իշխանության վերջին նշույլները»:

* * *

Բաֆֆու զույգ գործերը, «Դավիթ-Բեկ, պատմական վեպ 1722—1728» և «Խամսայի մելիքությունները (1600—1827), նյութեր հայոց նոր պատմության համար», թեև ժանրային տեսակետից տարբեր որակի երկեր են, մեկը գեղարվեստական՝ վեպ, իսկ մյուսը պատմագրական՝ մենագրություն, սակայն իրականում դրանք մեկը մյուսի լրացումն են կամ շարունակությունը: Երկուսն էլ գրված են 1880—1882 թվականներին և առաջին անգամ տպագրվել են «Մշակ»-ի էջերում՝ մեկը 1880—1881 թվականներին և մյուսը 1882, որտեղից և արտասովել են Բաֆֆու երկերի ժողովածուի մեջ՝ «Դավիթ-Բեկ»-ը վեցերորդ հատորում (ամբողջը) և «Խամսայի մելիքությունները» ասաերորդ հատորում (էջ 163—394):

Երեք գրքից բաղկացած «Դավիթ-Բեկ»-ի երկրորդ գիրքը գրեթե ամբողջապես նվիրված է «Հայ ժողովրդին բախտակից և հարևան վրաց ժողովրդին ու Վրաստանին»¹:

Սույն վեպի երկրորդ գլուխը սկսվում է Մցիւեթալի², երբեմնի վրաց մայրաքաղաքի, նկարագրությամբ, իրեւ «աղքատ ավանի», որը «նշանավոր էր նրանով միայն, որ այնտեղ էր

¹ Բաֆֆի, երկեր, հ. VI, էջ 574 (Ս. Հարուրյունյանի ծանոթագրությունը):

² Բաֆֆին, հետեւով հայոց մեջ ուսւերենի ազգեցությամբ արմատացած սխալ հորչորչման, կոշում է «Մցիւեթ», մինչդեռ ուղղի ձևն է «Մցիւեթա» (Տե՛ս Ա. Մելիքսեր-Բեկ, Մցիւեթայի մայր տաճարը [պատմական ակնարկ]՝ ռեժիսուսինք, 1957, թ 7—8, էջ 47—51): Հմմ. նաև նիւա ձալնալանի «Ուրվականը» Ս. Ավշանի հայերեն թարգմանությամբ (իլիա ձալնալան, Ընտիր երկեր, Ա. Մելիքսեր-Բեկի խմբագրությամբ, գիրք առաջին, թր. 1937, էջ 64):

գտնվում կենդանաբար անունով Հոյակապ վանքը¹ և այնտեղ
էր բնակվում (sic—լ. Մ.-Բ.) երկրի իշխանը (sic—լ. Մ.-Բ.),
որ վրացիներից ընդունվում էր որպես թագավոր (sic—լ.
Մ.-Բ.), իսկ պարսիկներից որպես վալի» (էջ 129):

Ճորտատիրական ժամանակվա Մցխեթայի նկարագրու-
թյունը Բաֆֆին տեալիս է հետևյալ տողերով. «Ողորմելի, գետ-
նափոր խրճիթները ցրված էին ավանի զանազան կողմերում և
գետնի մակերեսութից որոշվում էին իրանց փոքրիկ, բլրաձև
բարձրությունով միայն, որ նմանում էին խլուրդների կազմած
հողաբլուրներին, երբ գետինը փորելով դիղում էին իրանց որ-
շերի մուտքի առջև» (նույնական):

Ոչ պակաս տպավորիչ է իրիկնամուտի նկարագիրը Բաֆ-
ֆու ժամանակակից Մցխեթայի մի անցքի կապակցությամբ
(էջ 129—130):

«Վանքի զանգակատան² բարձրությունից լնելի եղան վեր-
շին հնչյունները, հրավիրում էին միաբանությանը ընթրիքի...»

Այդ միջոցին ավանի մեռելային լոռությունը աղմկվեցավ,
շները բարձրացրին մի խառնածայն աղաղակ, երբ հեռվից
հայտնվեցան մի խումբ ձիավորներ, որոնք ամենայն թափով
քշում էին իրանց երիվարները դեպի ավանը...:

Խումբը դիմեց դեպի բայրայված բերդը, որը վաղեմի ժա-
մանակներից շինված էր մի բարձրավանդակի վրա: Այնտեղ էր
«պարոնի» տունը: Տերդի ահագին դռները բացվեցան, ձիա-
վորները ներս մտան, և հասցնելով իրանց տիրոջ մինչև նրա
բնակարանը, հետո գլուխ տալով ցրվեցան:

Մի երիտասարդ ձիավոր, այդ խմբից բաժանվելով, դիմեց
ձորը, դեպի մի առանձնացած տնակ, ուր էր նրա բնակարա-
նը...» և այլն:

Ապա պատմվում է այն մասին, թե ինչպես ձիավորները
հասցրին Մցխեթայում վրաց «պարոնին» կից գտնվող հայազ-
գի սյունեցի Դավիթ-Բեկին հասցեագրված նամակներ Սյունի-
քից:

1 Տես նախորդ ծանօթազրության մեջ հիշված մեր հոդվածը և «Ուր-
վականը»:

2 Կառուցված XVII—XVIII դարերում, որը կանգուն է ցայսօր:

Վեպի երկրորդ գլուխը ամբողջապես նվիրված է Մցխեթայի շուրջը կատարվող անցուգարձին՝ վրաստանի ճորտատիրական հարաբերությունների պայմաններում, ուր, ի միջի այլոց, գտնվում էր Գավիթ-Բեկի սիրուհին՝ վրացուհի օրիորդ Թամարը: Այստեղ էր հոչակվել և Գավիթ-Բեկը, և այդ հոշակը հրաժուրել էր «Պեպի վրաստան հայոց երիտասարդներից շատերին»:

Սերունաժներից աշքի են ընկնում Թինան, Դարոն, պառավ Քեթևանն իր երեք զուստրերով՝ Սոփիո, Փեփել և Նինո, և երկու տղաներով՝ Փրիդոն և Նիկո, «Բայինզուր իշխանը՝ պարսից թագավորից «Բաթման-զլին» տիտղոսը կրող հոկան», «մեծ Գիորդին և փոքր Գիորդին, որոնք, որպես երկու երկվորյակներ, շատ նման էին միմյանց թե գեմքով, թե բնավորությամբ, միայն փոքր Գիորդին իր աշքերից մեկը Թիֆլիսում կորցրել էր մուշտեկովի մեջ և միշտ մի առանձին փափազով ցանկանում էր դիտենալ, թե ո՞վ էր այդ արատը հասցնողը, որ ինքն էլ առիթ ունենար փոխարենը նրա երկու աշքերը հանելու». «Երկու վրացի ազնվականներ, որոնց մեկին կոչում էին Սոսիկո, իսկ մյուսին՝ Գաթիկո», Զաքարիա և Ալեքսի իշխանները, «ազգով հայ» և «բնիկ թիֆլիսիցի» Սաքուրը, Սիկոն, Գարչոն, Գեղոն, Գիզոն, Սալոմեն, Արշիլ իշխանը և Մելանիա իշխանուհին, Լենտոն, Լեանը և այլն:

Մեծ վարպետությամբ է Բաֆֆին նկարագրում Մցխեթայի և նրա շրջակայքի բնությունը, այնտեղ տեղի ունեցած խընջույրները, հավարութներն ու ուստապնացությունները, վրաց ժողովրդի սովորությունները և այլն:

Որպեսզի ընթերցողը գաղափար կազմի վրաց կերակուրների մասին Բաֆֆին մեջ է բերում Սյունիքից Մցխեթա եկած նամակաբեր Աղասիի կարծիքը, որը՝ թեև «չէր հասկանում, թե ինչ էր խոսվում իր շուրջը, որովհետև վրացերեն չկիտեր» (էջ 141), սակայն համոզված էր, որ «կերակուրները կարելի է ընդունել որպես մի ժողովրդի հաշակի նորության արդյունք և որպես նրա բարեկեցության արտահայտություն» (էջ 156), ուստի և իր վերաբերմունքը արտահայտեց այս խնդրի նկատմամբ այսպես.

«Գինու լիտրան, որ դրած էր տոլուբաշիի (մատովակի)

մոտ, ներկայացնում էր ֆերուղացի գույնով ջնարակած մի ահագին աման, որ նախշած էր սև անկանոն գծերով: Նրանից ածում էին արծաթով զարդարած մեծ եղջյուրների մեջ և այնպես խմում էին: Թիֆլիսի հայ ոսկերիչները թափել էին իրանց արհեստի բոլոր ճարտարությունը այդ գեղեցիկ գավաթների վրա, որոնցից երկուսը բավական էին մի մարդու հարբեցնելու համար: Բայց նրանք երկար պտտվում էին մի ձեռքից մյուս ձեռք, թեև հյուրերը դեռ սեղան նստելուց առաջ մի փառավոր նախատոնանք կատարած էին Կախեթի ազնիվ ըմպելիի վերաբերությամբ» (էջ 156—157):

Անցողակի կերպով Բաֆֆին ընդգծում է նաև այն, որ «Աղասուն վիճակվեցավ մի քանի անգամ մկրտվել Կախեթի կարմիր գինով» (էջ 157): «Կախեթու գինու բարերար ազգեցության» մասին Բաֆֆին խոսում է և այլուր (էջ 191): «Նմանապես և «գինու եղջյուրների» դատարկելու մասին» (էջ 199):

Ամենից շատ վառ գույներով է նկարագրում Բաֆֆին ժողովրդական մի սովորությությութեամբ, կապված անասունների մրցության հետ, որ կատարվում էր սովորաբար «ամեն տարի, կանաչ կյուրակեի օրը», այսինքն Զատկին հաջորդող առաջին կիրակի օրը:

Նկարագրությունը սկսվում է զուտնաշիների և նաղարաշիների գործողությամբ, որի մասին Բաֆֆին այնքան էլ բարձր կարծիքի չէ (էջ 184—185).

«... Թե Մշխեթի, թե շրջակա գյուղերի բոլոր զուտնաշիները, բոլոր նաղարաշիները, միասին հավաքված, կազմել էին մի ահագին նվազախումբ: Զուտնայի զիւ, ճլվուն, ականչ ծակող ձայնը, նաղարացի... զըմդըմբոցը, միախառնվելով, զդրդեցնում էին լիռները...

Նվազախումբը բոլորից առաջ էր ընկած և ածում էր: Նրանց ետևից հանդիսավոր կերպով բերում էին այն անասունները, որ այսօր պիտի մրցություն անեին միմյանց հետ: Նախ բերում էին մեծ պարոնի երեսելի խոյը, կապված մի երկայն շղթայով, որի մեջտեղը անց էր կացրած խոյի պարանոցով, իսկ շղթայի երկու ծայրերը բռնել էին երկու ուժեղ մարդիկ: Նրա ահագին, ոլորապտուցտ եղջյուրները ներկել էին վարդի գույնով և զարդարել էին փոքրիկ դանդակներով: Նույն գույն

նով, խայտաճամուկ կերպով, ներկել էին նրա մարմնի սպիտակ բուրդը։ Մեծ պարոնի խոյի հսկից քերում էին Արշիլ թափաղի որդու խոյը, նույնպես շղթայով կապված, նույնպես զարդարած փոքրիկ զանգակներով, այն զանազանությամբ միայն, որ դրա թե բուրդը և թե եղջյուրները ներկված էին կապույտ գույնով և ոչ վարդագույն, որ միայն մեծ պարոնը իրավունք ուներ գործ ածել իր անասունների վրա¹։ Դրանցից Հետո, նույնպես հանդիսավոր կերպով բերում էին մեծ պարոնի մեծ շունը, գարձալ շղթայով կապված և շղթայի երկու ծայրերը երկու մարդիկ բռնած։ Շան հակատը, պոշը, թաթիկները և մարմնի վրա տեղ-տեղ ներկված էին նույնպես վարդի գույնով։ Նրանից Հետո նույն փառուվ բերում էին կան թավադի որդու շունը։ Հետո երկու ծառաներ գրկած բերում էին Զաքարա և Ալեքսի թավադի որդիների աքաղաղները, որոնց խայտարգետ փետուրները, բացի իրանց բնական գույներից, ներկված էին և արհեստական գույներով։ Աքաղաղների պարանոցից մի-մի փոքրիկ բոժոժներ էին կախված։ Հետո երկու ուրիշ սպասավորներ, ձեռքերից քարշ տված, տանում էին երկու վանդակներ, որոնց մեջ մի-մի կաքավներ էին դրած։ Վանդակները ամեն կողմից ծածկված էին անթափանցիկ կտավով։ Դրանցից Հետո երկու ուրիշ սպասավորներ տանում էին երկու ուրիշ փոքրիկ վանդակներ, որոնց մեջ մի-մի լոր էր դրած։ Այդ վանդակները նույնպես ծածկված էին անթափանցիկ կտավով։ Պետք է նկատել, թե խոյերի, թե շների և թե աքաղաղների աշքերը, բոլորինն էլ կապած էին կտավով։ Այդ նրա համար էր, որ միմյանց շտեսնեն, որ միմյանց Հետ շընտելանան, որ նրանց աշքերը հանկարծ բաց անեն այն ժամանակ, երբ պիտի բաց թողնեին միմյանց Հետ կովելու։

Խոյերից, շներից, աքաղաղներից, կաքավներից ու լորերից Հետո գալիս էր մեծ պարոնը իր առ նժուղչի վրա նստած։ Նրան հետեւում էին թիկնաբահները և աղնվականությունը։ Բոլորն էլ ձիավորված էին։

Այսպիսի բաղմերանգ թափորի նկարագրությունից Հետո

¹ Այստեղ Բաֆֆին կցում է այսպիսի ծանօթազրություն, «նույն սովորությունը կա և պարսից մեջ. միայն թաղավորը և թագավորազները իրավունք ունեն իրանց ձիաների պոշը և բաշը ներկել վարդի գույնով»։

Բաֆֆին ընթերցողին դիտել է տալիս փառավոր ուխտագնացության վայրը (էջ 186—187):

«Զիավորների խումբը, նվազածուները և մրցող անասունները արդեն հասել էին գետի ափի մոտ: Գիծ Կուրը այս տարի գարնան հորդ անձրևներից, սովորականից ավելի վարարվելով, բարձրանալով, իր պղտոր ալիքները տարածել էր ափերից շատ հեռու: Իսկ այնտեղ, ուր պիտի կատարվեր հանդեսը, նա սեղմած էր մի նեղ ձորի մեջ: Այս պատճառով զայրացած Կուրը, խելագարի նման փրփրելով, մոնշելով, իր կատաղի կոհակները առաջ էր մղում, սփռելով իր շուրջը մի խուլ, որոտաձայն դղրդոց:»

Ինչո՞ւ էին ընտրել այդ աղմկալի ձորը: Ուրիշ պատճառ չկար, բացի նրանից, որ այդ ձորի մեջ, մի բլրի գագաթի վրա դեռ մնացել էին ավերակները մի հին մատուիի¹, ուր ամեն տարի, կանաչ կյուրակեի օրը ժողովուրդը սովորություն ուներ ուխտով գալ և հանգես կատարել: Զերմեռանդ գյուղացիները, իրանց ընտանիքների հետ, մի քանի բարակ մոմեր իրենց գտակների ծայրին ցցած, դիմում էին դեպի մատուրը: Ոմանք, որ ավելի ունեոր էին, մի-մի ոշխար էին տանում մատաղի համար:

Մատուրի ավերակները, ինչպես ասացինք, գտնվում էին մի բլուրի գագաթի վրա: Այդտեղից երեսում էր նրա ամբողջ գեղադրական շրջակայրը: Մեծ պարոնի գերդաստանը, մի քանի աղնվական ընտանիքների հետ, դեռ շատ վաղ առավոտյան եկել, տեղավորվել էին մատուրից փոքրինչ հեռու, դարեւոր ընկուղենիների հովանիների ներքո տարածված գորգերի վրա: Կանանց ջերմեռանդությունը այդ դեպքում գերակշռում էր իրանց ամուսինների կրոնական զգացմունքին: Իշխանական տան կնիկները, դեռ աթել շծագած, եկել էին ոտքով, իսկ նրանց ամուսինները եկան հետո, սիգապանծ նժույգների վրա նստած: Ավելի հասարակ արարածների կնիկները եկել էին բռքիկ ոտներով»:

Իր այս նկարագրությունը Բաֆֆին ավարտում է նշումով,

¹ Հավանական է, Կողմանի կամ Կալոուրանի կոշկած եկեղեցիներից մեկի մասին լինի խոսքը:

որ «այն օրվա տոնախմբությունը կառավարող աբեղան իր եկեղեցական» դասով հանգերձ ընդառաջ գնաց «մեծ պարունին» և որ «ըլուրը, որի վրա գտնվում էր մատուռը, ծածկված էր ուստավորների խուռն բազմությունով», քանի որ «ամբողջ Մցիսեթը այնտեղ էր» և «ինչպես ասում են՝ ասեղ զցելու տեղ շկար» այնտեղ, իսկ «մատուռի կործանված, քայլայված փլատակների վրա վառվում էին հազարավոր մոմեր, որ նվիրված էին ջերմեռանդ ձեռքերով» (էջ 187):

Ինչպես մի այլ առթիվ Բաֆֆին նկատում է, ուստադնացությանն մասնակից են եղել նաև «Մցիսեթի բոլոր ջադուկները, ժողովրդական պառավ բժիշկները» (էջ 208), որոնք զուշակություններ էին անում Գավիթ-Բեկի սիրու՞ի թամարի հետ պատահած դժբախտության շուրջը:

Վեպի երկրորդ գլուխ շուրջը խոսքը այլևս չերկարացնելով, կարեոր ենք համարում նշել, որ այն ավարտվում է, թե ինչպես «Գավիթ-Բեկը թողեց Վրաստանի հին մայրաքաղաք Մցիսեթը և գուրս գալով վրաց Շահնավագ¹ իշխանի ծառայությունից, իր քառասուն քաշերի հետ² ուղեռվեցավ զեպի Սյունյաց աշխարհը» (էջ 248):

Երրորդ գլխում Բաֆֆին աշխատում է ներկայացնել Վրաստանի ծանր վիճակը XVII—XVIII դարերում, հիմնականում այնքանով, որքանով այն ծանոթ էր նրան ուսւերեն լեզվով Վրաստանի պատմության շուրջը գոյություն ունեցող տեղեկատու գրքերից և հոդվածներից: Ուստի և թույլ է տալիս մի շարք փաստական սիալներ, տեղանունների աղավաղումներ և տեղենցիող լուսաբանություններ:

Մի կողմից, Բաֆֆին ճիշտ նշում է, հիշյալ գարերում «Վրաստանը բաժան-բաժան էր եղած այնքան մանր, միմյանցից անկախ իշխանությունների, որքան միմյանցից տարբեր ցեղեր և բարբառներ կային այնտեղ» (էջ 261):

Մյուս կողմից, նա ուսւերենի միջոցով աղավաղված ձևով

¹ Այստեղ բացահայտ անախրոնիզմ է. չէ՞ որ Շահնավագ կոչվածը վախտանգ V թագավորն էր, որը թագավորում էր 1658—1675 թթ., մինչդեռ Գավիթ-Բեկի ժամանակակիցը Գավիթ VI էր (1703—1714, 1716—1724), որը Շահնավագ չէր կոչվում:

² «Քառասուն» թիվը ավյալ դեպքում հիշեցնում է «Գավիթ Սասունցու» քառասուն փաշլեվանների կազմը:

է Հիշտակում Վրաստանի երկրամասերի անունները. օրինակ
(նույնական)։

Կարթալինիա (Карталиния), ուղիղ կլինի Քարթլի։

Կախեթիա (Кахетия), ուղիղ կլինի Կախեթ կամ Կախք։

Իմերեթիա (Имеретия), ուղիղ կլինի Իմերեթ, կամ Իմերეթ։

Օսեթիա (Осетия), ուղիղ կլինի Օսեթ կամ Օսք։

Մինցրելիա (Мингрелия), ուղիղ կլինի Մամցրելո կամ
եղերբ։

Մինչդեռ՝

Գուրիա (Гурия) ճիշտ է Գուրիա։

Աբխազիա (Абхазия) ճիշտ է Ափխազիա։

Օգավելով առիթից, պիտի նշենք, որ այս ցանկը լրիվ չէ,
բաց են թողնված՝ Սվանեթը (Сванетия), Մամցխե-Մամթա-
բագոն (Самцхэ-Саатабаго)։

Մակայն արժեքավոր է Համապատասխան ծանոթագրու-
թյունը, ուր Բաֆֆին աշխատում է մահմեդականացած վրաց
թագավորների անունները տալ բրիտաննեականի հետ զուգա-
հեռաբար (մեր կողմից ստուգված)։

Շահնավազ—Վախտանգ V (1658—1675)

Մուրթուզա-Ալի-խան—Արշիլ

Նազար-Ալի-խան Կուլլար-աղասի—Հերալ I (1688—1703)

Իմամ-Ղուլի-խան—Դավիթ (1703—1722)

Մամադ-Ղուլի խան—Կոստանդին (1722—1733)

Հյուսեյն-Ղուլի-խան—Վախտանգ VI (1703—1724)

Ալի-Ղուլի-խան—Յասի (1714—1716, 1724—1727)։

* *

*

Բաֆֆիի «Խամսայի մելիքությունները (1600—1827),
նյութեր հայոց նոր պատմության համար» երկասիրությունը,
երեւ պատմագրական (և ոչ զուտ գեղարվեստական) գործ,
երկրորդն է XIX դ. հայ գրականության մեջ Գ. Շերմազան-
Վարդանյանի «Նյութեր աղքային պատմության համար. երես-
ի հայկագունք ի Պարսկաստան» գրքից հետո, չնայած որ
այս վերջինը միմիայն 1890 թվականին առաջին (և վերջին)՝
անգամ հրապարակ հանվեց։

«Խամսայի մելիքությունները» ուսումնասիրության մեջ թափին, ի միջի այլոց, քննում է մի շաբթ հարցեր Վրաստանի պատմությունից, որոնց տեսությունը կաշխատենք տալ ստորև՝ կետ առ կետ:

1722 թվականին «մինչև Պետրոս Մեծի Դերբենդ հասնելը, հայերը և վրացիները, առաջուց բանակ գրած Գանձակ քաղաքի մոտ, սպասում էին ընդունելու կայսրին: Վրաց զորքերը գտնվում էին Շահնավագ-Գիորգիի երկրորդ հաջորդ Վախթանգի հրամանատարության ներքո, իսկ հայոց զորքերը Դավիթ-Բեկի հրամանատարության ներքո: Երկու կողմերի զորքերի թիվը հասնում էր 52,000 հոգու: Հայոց բանակի մեջ գտնվում էր հայոց շարժման պարագլուխ Գանձասարի Եսայի կաթողիկոսը: Բայց այդ մասավոր պատրաստությունը, թե հայոց և թե վրաց կողմից, մնաց անգործագրելի, որովհետեւ, հանկարծ մի տիտր լուր ստացվեցավ, որ կայսրը Դերբենդից վերադարձել է Աստրախան և այնտեղից Ռուսաստան...

Հայոց և վրաց զորքերը տիտր, սրտարեկ, խարված իրանց հույսերի մեջ, վերադարձան իրանց տեղերը: Վախթանգը գնաց Թիֆլիս և աղետալի դեպքերի պատահեց, իսկ Դավիթ-Բեկը գիմեց դեպի Սյունյաց աշխարհը» (էջ 185—186):

Իսկ 1724 թվականին «Վախթանգը,... հալածված... իր հայրենիքից... [և] բոլորովին հուսահատված, իր ընտանիքով գնաց Մոսկվա» (էջ 187, ծան. 1):

Երկար ընդմիջումից հետո, 1762 թվականին «ուսւաց դաշը» ժառանգած «Եկատերինա 2-րդ կայսրուհին... սկսեց ուշադրություն դարձնել Հայաստանի և Վրաստանի վրա» (էջ 231): Այդ միջոցին «Անգլիայից Ս. Պետերբուրգ եկավ հայազի էմին Հովսեփիյանը (տղիկ՝ Հովսեփ էմինը—Լ. Մ.-Բ.)», որը գիմեց նաև վրաց Հերակլ II թագավորին «Վրաց և հայոց մեջ մի զորեղ գաշնակցություն կատելու համար» (նույնտեղ), որը, սակայն, անկատար մնաց:

Մինչեռ հայրենասիրական-ազատատենչ գաղափարներ էր տարածում Հովսեփի արքեպիսկոպոս Արդության-Երկայնաբազուկը, որը «թղթակցություն ուներ», ի միջի այլոց, «Վրաստանի իշխանների» հետ (էջ 233):

«Հնդկաստանում Հակոբ Շահամիրյանի հեղինակությամբ

տպագրեցին մի գիրք, որ բովանդակում էր իր մեջ հայոց և վրաց միացյալ թագավորությունների վարչական և դատաստանական օրենքները» (նույնտեղ): Այդ Շահամիրյանը «արդեն գնել էր վրաց Գիորգի իշխանից կոռու գավառը և դիտավորություն ուներ գնելու նաև Բորչալուի գավառը և այլն» (նույնտեղ):

«Արեւելյան մահմետականության... կատաղի հոսանքի առաջն առնելու համար»... «Հարկավոր էր մի միջնապարհություն», «և այդ միջնապարհությունը պետք է լինեին քրիստոնյա հայերը և վրացիները» (նույնտեղ):

«Վրաց Հերակլ իշխանը ծածուկ բանակցություններ» ուներ հայ «մելիքների հետ», իսկ «ոռւսները խոստանում էին օգնություն հասցնել հայերին և վրացիներին, բայց ուշանում էին» (էջ 235):

«Իրրահիմ-խանը տեսնում էր, որ առանց ոռւսների օգնության ևս, հայոց և վրաց միացյալ ուժերը կարող էին նրան միանդամայն ոշնչացնել, մտածեց Վրաստանին կողմնակի կերպով մի հարված տալ, իսկ հետո դառնալ դեպի հայերը» (նույնտեղ):

Նույն «իրրահիմ-խանը մտածեց վրաց Հերակլ իշխանին քրագեցնել իր աներոջ բարբարոս լեռնաբնակների հետ, որպեսզի նա ժամանակ չունենա հայերի հետ միանալու և իր դեմ գործելու» (էջ 236):

«Նրա դրդելով Օմար-խանը՝ կովկասյան լեռնաբնակների ահագին բազմությամբ հարձակվեցավ Վրաստանի վրա (1782): Նախ Բորչալու ավերակ դարձեց, հետո մտավ կոռու գավառը, պաշարեց Գյումուշ-խանա կոչված բերդը: ... Թեև Հերակլ իշխանը բացի վրացիներից, իր հետ 300 ոռւսաց զինվորներ ունենալով, շտապեց Օմար-խանի բարբարոսությունների առաջը առնել, բայց չհամարձակվեցավ մոտենալ նրան: Օմար-խանը կատաղի կերպով ամեն ինչ ավերակ դարձնելով, գերիների բազմությամբ անցավ Ախալցխա (ուղիղ՝ Ախալցիխե—Լ. Մ.-Բ.).... Այստեղից Օմարը իր զորքերը ուղարկեց վրաց Վախամու (ուղիղ՝ Վախանի—Լ. Մ.-Բ.) բերդի վրա: Այնտեղ ընտանիքով քնակվում էր իշխան Աբաշիձեն: Օմարի զորքերը հիշյալ բերդը գրավեցին, բնակիչներին գերի վեր առին,

որոնց թվումն էին Աբաշիձեի երկու աղջիկները, որոնցից մեկը Օմարը իր համար պահեց, իսկ մյուսին ընծառ ուղարկեց իրաշիմ-խանին» (նույնտեղ):

«Գարնանը Օմարը թողեց Ախալցխան», և այս «լեռնային գաղանի կատարած այդ փոթորկալից շրջանը Վրաստանի և Հայաստանի միջով մի ազդու ցուց էր...» (էջ 236—237):

«1787 թվին գեներալ Բուրնաշովը վրաց Հերակլ իշխանի հետ ուսաց զորքերով մոտեցան Գանձակին: Մելիք-Մեղլումը և Մելիք-Աբովը Շուշի քերպից փախչելուց հետո անմիջապես գնացին Հերակլի և Բուրնաշովի մոտ», որոնք «նրանց խոստացան տալ չորս հաղար զինվորներ իշ. Օրբելյանիի հրամանատարության ներքո» (էջ 241): Սակայն «Բուրնաշովը և Հերակլը չկարողացան կատարել իրանց խոստումները» (նույնտեղ): «Հերակլը ուսաց զորքի հետ զնաց Թիֆլիս, իսկ Մելիք Մեղլումը և Մելիք-Աբովը, զրկված օգնությունից, զնացին նրա հետ» (նույնտեղ): Մինչդեռ «Իրաշիմ-խանը, երբ լսեց, որ երկու մելիքները ուսաց զորքի հետ զնացել են Թիֆլիս, Մելիք-Մեղլումի մորք և Մելիք-Աբովի ընտանիքից մի քանի հոգի բռնել տվեց» (նույնտեղ):

Նորից խոսքը տանք Բաֆֆուն (էջ 268—269).

«Աղա-Մամադ-խանը գեռ Գանձակից չէր անցել, Թիֆլիսը արդեն սարսափի մեջ էր գտնվում: Հերակլը հրավիրեց իր ազնվականներին, որ պատրաստվեն թշնամու առաջը առնելու: Բայց նրա հրավերքին ոչ ոք ուշադրություն շդարձրեց: Ազնվականները զբաղված էին իրանց քեֆերով: Նրան օգնության հասավ միայն հմերեթիացի (ուղիղ՝ հմերեթի—Լ. Մ.-Բ.) Սոլոմոն իշխանը (թագավորը—Լ. Մ.-Բ.) մի քանի հաղար հոգով:

Բայց պետք է ասած, որ Հերակլի երկշոտությունը (Տ. Լ. Մ.-Բ.) սաստիկ վհատեցրեց նրա զորքերին: Նա իր ընտանիքը Թիֆլիսից տեղափոխեց Վրաստանի խորքերում: Այդ տեսնելով, նրա զորապետները և զորքերը նույնը խնդրեցին, որ իրանց ընտանիքները հեռացնեն, հետո կգան պատերազմելու: Բայց զնացողը այլևս հետ շդարձավ: Եվ այսպես, գեռ թշնամուն շհանդիպած, զորքերի մեծ մասը ցրիվ եկավ:

«Իր մոտ մնացած զորքերով Հերակլը զուրս եկավ Թիֆլիսից և Ղաղախի ինչա կոչված գետի մոտ բանակ դնելով, սպա-

սում էր թշնամուն: Բայց երբ լսեց, որ Աղա-Մամադ-խանը արդեն անցավ Գանձակից, նա թողեց իր դիրքը և վերադառնալով կրկին մտավ քաղաքը:

Նա սկսեց կարելվուն չափ ամրացնել քաղաքը: Այստեղ նրան օգնության եկած իմերելները քաղցածությունից սկսեցին, նախքան թշնամու ավարառությունը, իրանք կողոպտել քաղաքացիներին:

1795 սեպտեմբեր ամսի 12-ին (ուղիղ՝ 10-ին—Լ. Մ.-Բ.) Աղա-Մամադ-խանը հասավ Սողանլու գյուղի մոտ, և գիշերը այնտեղ բանակ դնելով, վաղ առավոտյան հարձակվեցավ Թիֆլիսի վրա: Հերակլը դուրս եկավ նրա առաջ, բայց մի փոքրիկ ճակատամարտից հետո վրացիները ջարդվեցան և փախչելով մտան քաղաքը»:

Հայտարարելով, որ «1798 թվի հունվար ամսում վախճանվեցավ վրաց Հերակլ իշխանը (թագավորը—Լ. Մ.-Բ.)», որին «հաջորդեց որդին Գիորգի XII», Բաֆֆին իրավացիորեն նշում է այն փաստը, թե ինչպես «Հերակլի մահից հետո իշխանական (թագավորական—Լ. Մ.-Բ.), ընտանիքի թե տղամարդերի և թե կանանց մեջ ծագեցան անհաջող կոփվներ և անվերջանալի երկառակություններ»: Խոկ «Ծուսաստանի [հայոց թեմի] Հովհանի արքեպիսկոպոսը, որը վրաց իշխանական (արքայական—Լ. Մ.-Բ.) գերդաստանի մտերիմ բարեկամներից մեկն էր, շատ աշխատեց միարանովիցունը և խաղաղությունը նրանց մեջ վերականգնելու համար: Բայց նրա բոլոր ջանքերը ցանկացած արդյունքը շունեցան: Արքեպիսկոպոսը այդ երկպառակությունները վնասակար էր համարում Վրաստանի համար» (էջ 292):

XIX դ. սկզբներին ստեղծվեց այնպիսի մի վիճակ, երբ «Վրաստանը ուրիշ ոչինչ չէր, եթե ոչ մի ոռուսական նահանգ» (էջ 293):

Ինչպես հայտնի է, «1795 թվից մինչև 1798 թվի սկիզբը պարբերաբար կատարվեցան մի քանի, մինը մյուսից ավելի կորստաբեր, ավելի փոթորկալի արշավանքներ» (էջ 291), որի միջոցին, առանձնապես «1797 և 1798 թվականներում, այսինքն՝ սովոր և ժանտաթուի ամենասաստիկ ժամանակներում, Վրաստանում խմբվեցավ Ղարաբաղի աշագին բազ-

մություն» (էջ 292): Մինչդեռ «այդ միախմբումը հայերի կ վրացիների՝ Հովսեփ արքեպիսկոպոսն ավելի նպաստավոր էր համարում իր նպատակների իրազործումը» (նույնություն)՝ միասնական հայ-վրացական պետություն ստեղծելու ուղղությամբ, վրաց թագավորի զիսավորությամբ և Ռուսաց կայսրության հովանու տակ:

Հատուկ էջեր նվիրելով սովի, ժանտախտի և Ղարաբաղի գաղթականության տեսությանը (XXXVI և հետագա գլուխները), Բաֆֆին հատկապես լուսաբանում է Վրաստան ներգաղթած Ղարաբաղի մելիքների և նրանց հպատակների իրավական դրությունը, քանի որ վրաց վերջին թագավոր Գիորգի XIII (թե՛ XIII) համակրանքով էր վերաբերում հայերին:

«Վրաստանն այդ ժամանակ այն աստիճան խռովյալ գրության մեջ էր,— գրում է Բաֆֆին (էջ 295—296),— որ իշխան (թագավոր—Լ.Մ.-Բ.) Գիորգին խիստ նպաստավոր համարեց հայոց մելիքների և նրանց հպատակների ահազին բազմությամբ վրաց հողի վրա բնակություն հաստատելը: Մելիքները կարող էին նրան զորավոր զաշնակիցներ լինել: Կովկասյան լեռնաբնակների հարձակումները մի կողմից, վրաց իշխանական (արքայական—Լ.Մ.-Բ.) գերզաստանի անդամների երկուականական կությունները մյուս կողմից, երկիրը անդադար ուղեկոծության մեջ էին պահում: Գիորգիի եղբայրները, նրա ազգականները ամեն օր նորանոր խռովություններ էին հարուցանում: Եղբայրներից մեկը, իշխանազն (արքայազն—Լ.Մ.-Բ.) Ալեքսանդրը, հակված էր պարսիկների կողմը և գործում էր հակառակ ոսաների և հակառակ իր եղբայրը»:

Այս պայմաններում «Մելիք-Շահնազարյան Մելիք-Զումշուղը ստացավ Գիորգի իշխանից (արքայից—Լ.Մ.-Բ.) կոորդիգավառը իր սահմաններով և Բորչալուի մի մասը, որոնց մեջ նա իր հպատակների հետ բնակություն հաստատեց: Իսկ Մելիք-Քեզլարյան Մելիք-Ֆրեյդունը ստացավ Բորչալուի մնացած մասը և Աղջա-Կալան: Իսկ Մելիք-Աբովյը (Մելիք-Ֆրեյդունի հորեղբայրը) ստացավ Բոլնիսը իր սահմաններով: Այնուհետև մելիքները ձեռք բերեցին և ուրիշ հողեր, այն շափով, ինչ շափով որ հետզհետե ավելանում էր նրանց հպատակների թիվը» (էջ 296),

ի դեպ, Աղջակալայի Հիշատակության կապակցությամբ Հիշենք այստեղ մի տեղեկանք ևս՝ ամփոփված Բաֆֆու «Երկու ամիս Աղջանից և Սյունյաց աշխարհներում» ճամփորդական նոթերից (Հ. VIII, էջ 582, ծան. 1). «Այդ գյուղը կոչվում է Աղջակալա նրա համար, որ երբ Գյուլիստանի մելիքները գաղթեցին Բոլնիս, այնտեղ բնակվեցան Աղջակալա գյուղում և այլն»:

Դժբախտաբար, Բաֆֆին ոչ մի խոսք չի ասում այն մասին, թե ինչպես Բորչալուում առաջացան հայկական գյուղեր «Խաչեն» անունով, օրինակ «Բոլնիս-Խաչեն», «Դաղեն-Խաչեն» և այլն¹:

Բայց և այնպիս, «Հայտնի է, որ Բոլնիսը բնակեցրած էր զարաբաղցի գաղթականներով», որոնք, սակայն, «երկու վերջին նշանավոր իշխողների, Մելիք-Աբովի և Մելիք-Ֆրեյդունի, մահից հետո սկսեցին հետզհետե թողնել Վրաստանը և տեղափոխվել Ղարաբաղը, այնպիս որ, ըստ Բաֆֆու, «նրանք մնացին Վրաստանում մոտավորապես տասներկու տարի (1797—1809)» (էջ 311): Դրանից հետո, չնայած որ «Ժողովրդի ամենափոքր մասը միայն մնաց Վրաստանում», այն էլ «գաղթեց 1812 թվին զարձյալ դեպի Ղարաբաղ» (էջ 311, ծան. 2):

Բայտ նույն Բաֆֆու, «այն գավառները, որպես էին Բոլնիսը, Լոռին, Բորչալուն, որ տվել էին հայ գաղթականներին բնակության համար, իսկապես հայկական գավառներ էին» (էջ 311, ծան. 3):

Ղարաբաղցիների՝ Վրաստանից նորից Ղարաբաղ վերադառնալու պատճառը Բաֆֆին բացարում է այսպիս. «Վրաստանում այդ ժամանակ տիրում էր ճորտատիրության իրավունքը: Թեև մելիքները Վրաստան գաղթելով, չկամեցան իրանց հպատակների վերաբերությամբ ընդունել ճորտության իրավունքներ, այսուամենայնիվ, նրանք պահպանեցին տիրապետողի և հպատակի իրավունքները, այն ձևերի մեջ, որպես վաղուց սովորական էին Ղարաբաղում: Երբ այդ իրավունքներից ևս կամենում էին զրկել նրանց, այնուհետև ուրիշ ուժին

¹ «Խաչեն» վրացերեն հնչում է «Խաչիանի», ճիշտ այնպիս, ինչպիս Հայկ. «Գաջենք»-ը վրացերենամ «Գաչիանի» է (Հմմ. Մրեպ-ծրիապի, Բառեն-Բասիանի, Թռեղբ-Թրիար-Թրիալեթի և այլն):

չեր մնում, բայց միայն թողնել Վրաստանը և կրկին տեղափոխվել Ղարաբաղ» (էջ 311):

Ի վերջո, կարեռոր է նշել, որ Բաֆֆու այս ուսումնասիրությանը կցված է Հանգամանորեն կազմված ցուցակ բոլոր այն գրչագիր և թե ապագիր աղբյուրների ու գրականության՝ հայերեն և ուսւերեն լեզուներով, որոնք հիմք են ծառացել ուսումնասիրության շարադրման: Եվ Բաֆֆու փաստական տվյալները, անկախ նրա մի շարք կուահումների միտումնավորության, հիմնականում չեն հակասում վրացական աղբյուրների տեսություններին: Այսուհետանգիրձ, աակայն, կատարյալ գաղտնիք և հանելուկ է ներկայացնում նույն Բաֆֆու «Դավիթ-Բեկ»-ը, որի Վրաստանի հետ ունեցած կապի տեսությունները ոչ մի արձագանք չեն գտնում ոչ վրաց աղբյուրներում և ոչ էլ, մասնավանդ, վրացական բանահյուսության՝ մեջ: Եթե մի կողմը թողնենք Դավիթ-Բեկի սիրուհի թամարի կերպարի խնդիրը, միանգամայն կասկածելի է վրաց արքունիքի (պարոնի) գտնվելը Մցխեթայում (Մցխեթում) և ոչ թե Թիֆլիսում կամ Մուխրանիում, որը վրաց Բագրատունիների (Բագրատիոնների) «Հայրենիքին» էր: Մինչդեռ Մցխեթան վերջին դարերում Գեղեցանիշվիլիների կալվածքն էր համարվում: Եվ, որ գլխավորն է, Մցխեթան XVIII դ. սկզբներին ոչ միայն վրաց թագավորների նստատեղին չեր, այլև վրաց կաթողիկոսների լոկ ձևական աթոռանիստ էր, քանի որ նրանք ևս, հետեւով մարմնավոր իշխանության, «նստած» էին մայրաքաղաք Թիֆլիսում:

Ի միջի այլոց, տարօրինակ է թվում վեպում արծարծած «Հայագի Օրբելյան իշխանի» (120) կապը Մցխեթայի հետ. մինչդեռ XVIII դարում հայագի Օրբելյան իշխաններ Վրաստանում գոյություն չունեին, իսկ վրացի Օրբելյանի կամ Զամբակուր-Օրբելիանի իշխանները ոչ մի կապ չունեն Մցխեթայի հետ:

Բաֆֆիի «Դավիթ-Բեկ» և «Խամսայի մելիքություններ» երկերում սակավաթիվ են վրացական բառերը: Դրանք են. «բոքոլա» (էջ 144, ծան.)—«գլուխ հողեմ» իմաստով, իսկ «թավաղ» բառը սխալմամբ թարգմանված է «աղնվական» (էջ 175), մինչդեռ պիտի լինի «իշխան» (աղնվականը «աղնառուի» է):

ՄԵՆՔ դիտմամբ Հետաձգեցինք վերջին Հերթի Բաֆֆու երկերի ժողովածուի ուրերորդ հատորի քննությունը, որը Հիմնականում պարունակում է վիպասանի շափածո գրվածքները և արձակից մի քանի մանրուր:

Մի կողմը թողնելով «Կտակ»-ը, որ «Զահըռումար» վեպի մի տեսակ հավելվածն է ներկայացնում և որի հետ մենք արդեն ծանոթացանք վերևում, այստեղ մենք առաջին Հերթին կանգ կառնենք «Մոդա»-ի վրա, որ գրված է 1871 թ. (էջ 61):

Բանաստեղծությունը բաղկացած է 10 քառատող տունից, և պատկերում է Թիֆլիսի բաղքենիական խավերի կենցաղը, որի պերսոնաֆոներն են կանայք՝ Նինան, Նորան, Լիզեն, Կեկելը և Նատաշան:

Ահա և այդ բանաստեղծությունը.

Մ Ո Դ Ա

Էս ամսումը մեր քաղքում
Եկել է մի նոր մողա,
Ի՞նչ գեղեցիկ, ի՞նչ սիրուն,
Հրաշք ասեմ, հավատա՛:

— Քո արեք, էյ Նինո,—
Ասաց Նորան մեր Լիզեն,
Էզպիսի սիրուն մողա
Զեր չէ եկած Փարիզեն:

Կեկելն ու Նատաշան,
Էս նոր մողի նոր շորով,
Երեկ շիկով հագնված,
Պոլտում էին փողոցով:

Բայց ես տիսուր, ամոթից
Տանիցը դուրս չեմ դնում,
Զի իմ շորի տեսակը
Հիմա ոչ ով չէ հագնում:

Ա՛խ, մեռնում եմ նախանձից,
Երբ ուրիշն է հագնված,
Ես տընումն ընկած եմ,
Որպես մի խեղճ բանտարկված:

— Դարդ մի՛ արա, իմ քույրի՛կ,
Ասաց նինոն մեր լիզին,
Գնա մարդեղ դու փող բե՛ր,
Դիմենք մողնի մագաղին:

Ո՞ւմ կնկանիցն ես պակաս,
Որ մողիցը ետ մնաս,
Գործն այլ է, երբ որ դու
Մսխելու փող չունենաս:

— Ա՛խ, անբախտ եմ ես, նինո,—
Լիզեն տվեց պատախան,
Թեև ունեմ ամուսին
Հարուստ, ծերուկ մի իշխան:

Գրո՛ղը տանե թո՛ղ նորան,
Գուցե ես էլ պրօքնեմ,
Նա ինձ համար չէ առնում
Մողնի շորեր, որ հագնեմ:

Ես էլ նրա ջեզրիցը
Մի ուրիշին կըսիրեմ,
Նա կառնե ինձ համար
Մողնի շորեր, որ հագնեմ:

Այսպիսին է նաև «Օսան» բանաստեղծությունը, գրված 1871 թ. (էջ 61—62), որի պերսոնաժներն են Օսանը և Սովոն, և «Սեր» (էջ 87—90), գրված 1873 թ., որի պերսոնաժներն են Անիշկան և Մական «Կրուժոկ»-ով (ակումբի անունն է) Հանդերձ, երկուսն էլ օրիորդների «ամուսնության» պրոբլեմի հետ կապված:

Հին թիֆլիսի կոլորիտի պատճենավորումն են ներկայացնում՝ «Թիֆլիսեցու հիշողություններից», գրված 1871 թվա-

կանին, «Շուալլություն (Թիֆլիսեցու գանգատներ)», գրված
1872 թվականին,և «Մեր քաղաքացի Պետոն», գրված նույն
1872 թվականին, ընդարձակ զավեշտական բանաստեղծու-
թյունները, որոնցից առաջինը, բաղկացած 27 տունից, ձայ-
նակցում է և. Աբովյանի «Հազարփեշեն» պոեմին, Ռ. Պատ-
կանյանի «Թիֆլիսի քեֆ»-ին և հենց իրեն՝ Բաֆֆու
«Կտակ»-ին:

Քանի որ սրանցից առաջինում, որ կոչվում է «Թիֆլիսեցու
Հիշողություններից», իրար հակագրված են «Հին» և «Նոր»
Թիֆլիսը, (իջարկե, 1871 թվականի տեսակնոցով), և, միա-
ժամանակ, բոլոր պերսոնաժները ժամանակի կենդանի տի-
պեր են, բերում ենք այն ամբողջությամբ, մեր ուղղումներով
հանդերձ, Թիֆլիսի բարբառի առանձնահատկությունների հա-
րազատությունը վերականգնելով.

Վատ աղաթներ (ուղիղ՝ աղաթնիր) ներս բերավ
Միր քաղկումը Եվրոպեն,
Քեփն ու սափեն դիփի կորավ,
Փըշացավ էսղանցորեն...

Ո՞վ էր տեհի մե մանեթ
Կախեթու գինու թունգին,
Մե աբասով էր առաջ,—
Են էլ շատ-շատ խիստ թանկ (ուղիղ՝ թանգ) գին:

Դե՛, արի գուն, իմ պարուն,
Կուշտ փուրով խմե գինի,
Ո՞վ կու գիմնա էդ մխսին,
Շուտով կուդր (ուղիղ՝ կոտր) չի նընգնի:

Ու էնպես էլ էդ լոքոն,
Ցոցիսաւ, փիշմուլն ու զութիսին,
Արնի գնով ծախում ին,
Ի՞նչ ձեռք կու տա միր խալիսին:

Թե առնում իս.—Էդքան փուղ
Գուն ի՞նչ սրտով պիտի տաս,

Թե շիս առնում, ուսիրո վատ,
Զուկիցը պաս կու մնաս:

Միտս է զալիս վաղօրոք,
Ճիպինի տղա Պոխրոն,
Ես (ուղիղ՝ յիս), Զանդակինց թաթուխը,
Ի՞նչ մարդ էր ին օխերոն...

Մեկն էլ պահո-Սոսիկոն,
Թուշինի տղա Ճանճուրը
Ու կոճլո Արտեմը՝
Մախոխի տղի պուճուրը:

Դիփ էլ աղնիվ քաղկըցիք,
Օշախի վուրթիք պատվավուր,
Չըկեր միր մեջ Շան ճրագ,
Կոռ կամ Զոկ մոթրեվուլ:

Օրթաճալումը դիփունանքս
Նստիլ էինք Քոի ափին,
Ո՞վ կանա պատմել (ուղիղ՝ պատմիլ) հիմա
Զողն ու սափեն միր քեփին...

Սաղանդարնիր ունեինք,
Ամենքը լավ-լավ տղա,
Նրանց համն էւ ըժուկում
Ո՞վ է տրվի, իմ տղա:

Քեշալ (ուղիղ՝ Քաշալ) Դառչոն էր մեկը,
Ամենքը լավ կը ճանաշեն,
Ո՞վ կարս ածել (ուղիղ՝ ածիլ) հիմա
Նրա թառն ու քամանչեն:

Ու էնպեսդ էլ Գիգուին,
Երբ (ուղիղ՝ Յիփ) կոծեր իր դայիրան,
Սաղ աշխարքն արմըցած՝
Մտիկ կոներ իր վրան:

Ա՛յս, քոռ Գաբոյի զառնի
Գիտե՞ս՝ (ուղիղ՝ գիղի՞ս) ձենն ո՞ւր է էրթում,
Սոլոլակում կը (ուղիղ՝ կու) լսեիր,
Երբ (ուղիղ՝ յիփ) նա կոծեր թելեթում:

Խոսրոենց Բաղդանոսի
Ո՞վ կոծե դիպիպիտոն,
Հեսաի զոշախ, մասխարա,
Օյինբազ էր էն կինտոն...

Չոփուրի տղա Մատուրի
Ճիանուրն ու սազը...
Հիմա (ուղիղ՝ հիմի) ի՞նչ աշըղ կոսե
Էն թուրքի մուխամբազը:

Մագրամ Հիմա (ուղիղ՝ հիմի) վուշ մեկը
Զեն (ուղիղ՝ Զին) մնացել (ուղիղ՝ մնացիլ) էս
աշխարհում...

Աստված օղորմի նրանց
Ամենքի էլ լիս հոքուն:

Նստիլ ինք Քոի ափին,
Լորու տղա Յազուլը
Գամբ է զցում, նավեմեն
Գուրս է տալիս փիշխուլը...

Ափին կրակ ունինք վառած,
Վրեն պղինձն է դրած,
Մե կողմից շալաղաշին
Շամփրով անում խորոված:

Մեկ կողմից էլ պղնձի մեջ
Ածում ենք (ուղիղ՝ ինք) սաղ ցոցխալը,
Դուն տես (ուղիղ՝ տիս) հիմա (ուղիղ՝ հիմի)
մեր (ուղիղ՝ միր) տղորց
Քեփի, զովզի դիփ հալը...—

Տկնուրներով (ուղիղ՝ Տկնուրնիրով) լավ գինին
Շարած ունինք չուրս կողմով,

Ամպա՛ր, ասա՛, ի՞նչ գինի,—
կավ ունգով, լավ համով:

Հաղար-փեշեն ձեռից ձեռ
Պառւտ է գալիս սլալուն,
Խմե՛ ու խմե՛ գինին,
Վուրբան կուզես (ուղիղ՝ գուղիս), իմ պարուն:

Սափի ինք տալիս, դե՛ ծափ տո՛ւր,
Հարա՛յ հրո՛ց, զիժինա՛...

Ո՞վ չի ուզի էդպես քեֆ (ուղիղ՝ քեփ),
Գինի խմե՛, գըժանա:

Սաղանդարնիրը զոռ ին տալի
Իրանց սազին, չոնդուրին,
Թուշինի տղեն խաղում է
Հեստի զոշաղ լեկուրին:

Ի՞նչ զլուխդ ցավացնիմ,
Կարճն ասիմ, իմ պարուն,
Էնենց մինք սաղ մե շաբաթ
Քեփ արինք Օրթաճալում:

Էնդու էդնեն քաղկումը
Միր միսը հեսաբ արինք,
Մե մինալթուն կես շայի
Ամեն մեկս փըսոն տվինք:

Հիմա (ուղիղ՝ հիմի) ո՞ւր է էն վլուխտը,
Գնա՛ց... մեկ էլ չիդ չի գա,
Վուր էլ էնպեսդ քեփ անենք (ուղիղ՝ անինք),
Ո՞ւր է էն գինին... էն ձուկը...

Վագ աղաթնիր ներս բերավ
Միր քաղկումը Եվրոպեն.
Քեփն ու սափեն գիփի կորավ,
Փըշացավ էսղանցորեն...

Նույն ոգով է գրված «Շոալլություն (Թեֆլիսեցու գանգատներ)» զավեշտական բանաստեղծությունը, ուր, սակայն, Թիֆլիսի բարբառի նորմաները բավականին խախտված են. ուստի և այն ամբողջությամբ կարու է «վերականգնման»:

Մյուս կողմից, այս երկում ավելի, քան որևէ այլ գրվածքում Բաֆֆին կուտակել է բազմաթիվ վրացերեն բառեր, սկսած միակ պերսոնաժ «Ծղալոր» անունից և մինչև ժողովրդական խաղերից բաղած արտահայտությունները:

Այդպիսիք են՝

Ճիվ—Հաղիվ

Գելաքնուրի—Գեղարքունի (Ճկան կամ իշխանաձուկի անվան վրացական ձևն է)

Մոթրեվուլ—Թրե եկած

Մուտուց—Հիմար

Մագրամ—սակայն, բայց:

Սակայն ամենակարեռը այն է, որ Բաֆֆին այստեղ օգտագործել է Հենց նույն վրացական ժողովրդական երգը, որը հայտնի է «Լոթիների մուխամբազ» անունով և որը վրաց գրականության մեջ մտել է բանաստեղծ Ալեքսանդր Ճավճավածի երկերում, իսկ հայ գրականության մեջ առաջին անգամ Գ. Սունդուկյանի «Եվ այն կամ նոր Դիոգինես» պիեսի մեջ
1869թ.:

Բաֆֆու վարիանտը կարդացվում է այսպես (էջ 75).

«Ես (ուղիղ՝ Յիս) սիրում եմ (ուղիղ՝ իմ) խշշշուն
Զեր (ուղիղ՝ Զիր) յուրեկա և կրինոլին,

Տարի լալե... լա լալե...

Տարի լալե... տայ լալին...»:

«Մեր բաղարացի Պետոն» զավեշտական բանաստեղծությունը Բաքոսի պաշտամունքի բնագավառին է վերաբերում, որի ասրիբուտները կենորոնացած էին Թիֆլիսում «Շիրաշ-Խանա» կոչված թաղամասում:

Դժբախտաբար, այս տեղանունը աղավաղված է Բաֆֆու մոտ հետևյալ տան մեջ՝ էջ 78:

Երբ նա տեսավ շիրախանումը:
 Թիֆլիզու մեծ ըռումբին,
 Հարյուրներով յուր մեջ կառներ
 Կախեթու գինու թունդին:

Մի քանի խոսք Ռաֆֆու պոեմների մասին:

«Նինո»-ի, որ գրված է 1872 թ., պերսոնաժն է «Նովոմոդ-նից աղջիկ» Նինոն, Աղալոյի դուստրը, նա շոայլ կյանք է վարում, փնտրելով հարուստ ամուսնացու, ամբողջ կյանքը անց է կացնում «վեշերներում», «կրուժոկում» (կլուբում) կամ զբու-նելով դեպի Մուշտայիդ, բովվար և այլն, մի խոսքով նման է մայրաքաղաքում դաստիարակվող երիտասարդ աղջկան, որի հետեանքով հայրը սնանկանում է: Տուն քանդողը, իհարկե, Աղալոյի կինն է, որը չէր կարողանում հասկանալ, թե

Ի՞նչ միր բանն է, ամսպեր չան,
 Նովոմոդնից աղջիկը...

«Սառա» պոեմը, որը գրված պիտի լինի 1873—1874 թվա-կաններին, պարունակում է իր մեջ, ի միջի այլոց, հիշատա-կություն «քուզր-եղբայր լինել միմյանց» վաղեմի սովորութի, որի նման երեսութիւն դիտել է Վրաստանի լեռնականների (Փշավ-ևելսուրեթում) մոտ պրոֆ. Ս. Մակալաթիան¹: Մի այլ վաղեմի սովորութիւն, որ նշված է այս պոեմում, կապված է «Նուրին»-ի հետ, որին, ըստ Ռաֆֆու, «Թիֆլիսում ասում են լազարե»: Դա սույն Պ. Պողյանի «Սոս և Վարդիթեր»-ի Նուրին-Նազա-րեն է, վրացական կազարեն²: Այս կազարեի խնդրին Ռաֆֆին անդրադառնում է իր «Հիշատակարան»-ում (էջ 643):

«Ակն ընդ ական» պատմվածքը, գրված 1893 թվականին, մի փոքրիկ էսքիզ է Թիֆլիսի կյանքից, որի պերսոնաժներն են Վասոն, Բաստամ Մարտինիչը, Խսակ Փալանիչը, Սոնան, Թա-թումանիչը, Թինաթինը, աղախինը, Պյուտր Իվանիչը Զուգֆիկարո-վը, Աննա Բաստամովնան, փոքրիկ Կոտեն: Հիշատակված է

¹ Ս. Մակալաթիա, Փշավական Ծածրքա և խևորական սծուրփորան, Թի. 1925:

² Հմմ. Լ. Մելիքսեր-Թել, Նուրին-Նազարեի երգի բանալին. «Գիտական ժողովածու», Երևան, 1941, էջ 187—196:

Գուլվինսկի պողոտան, Շնիգելենց տունը և այլն: Գործածված
են վրացական բառեր՝ «գանա»—միթե, «մագրամ»—բայց,
սակայն: Պերսոնաժներից ոմանք, օրինակ Բաստամ Մարտի-
նիշը և նրա կին Աննա Բաստամովնան, գործածում են Թիֆ-
լիսի բարբառը:

«Հիշատակարան»-ում, որ գրված է 1872—1888 թվական-
ներին, Բաֆֆին, ի միջի այլոց, անդրադառնում է Ծղալորի
տիպին, որը հայտնի է «Ծուալություն» բանաստեղծությունից
(1872), հանդերձ «Վեշերների», դոմինո-լոտոյի, բեղիկների և
պիկնիկների» հիշատակությամբ (էջ 648), ապա բերում է մի
քանի բանախոսություններ Թիֆլիսի բարբառով և, վերջապես,
հիշատակում Թիֆլիսի զբոսատեղերի մեջ ամենանշանավորը՝
Մուշտացիդը, ապա բացականչում (էջ 648—649):

«Մուշտացի»դ: ի՞նչ գեղեցիկ հնչում է այդ բառը:

Իսլամը տալիս է այդ անունը յուր գենի գլխավոր վարդա-
պետներին:

Իսկ Թիֆլիսում այդ անունով կոչվում է մի հիանալի
այգի:

Եթե թույլ կտար մեղ փոխարերական բանախոսությունը,
մենք չենք սխալվիլ ասելով, որ այդ անունը մի խորհրդավոր
մտքով հարմարված է այդ այգին,—որովհետեւ նա ևս մի
վարդապետարան է այս քաղաքի զանազան տեսակ զվարճու-
թյունների»:

ՐՈՅՖԻՆ ՎՐԱՅ ԳՐԱԿԱՆՈՒԹՅԱՆ ՄԵԶ

ա. Թարգմանուրյուններ Բաֆֆուց

1. «Արքայազն Ալեքսանդրի կյանքը Պարսկաստանում», թարգմ. Գ. «Դրո-
երա» 1872, 21. VII, № 28:

2. «Տնային փեսա», թարգմ. Խոսեր Ստեփանովի. «Դրոերա», 1881,
№ 174, էջ 1—3, № 175, էջ 1—3, № 176, էջ 1—3, № 177, էջ 1—3,
№ 179, էջ 1—2:

3. «Ձիրդովսի», հեղինակի պատկերով, թարգմ. Զ. Մամովյանցի, «Նո-
րաթի», 1884, № Ա 7—8—9, էջ 357—375:

4. «Մի քանի պատմվածք», հեղինակի պատկերով և համառոտ կենսա-
դրությամբ, թարգմ. Դավիթ Տեր-Դավթյանի, Թիֆլիս, 1891:

5. «Դերվիշ», հեղինակի պատկերով—թարգմ. Դ. Ալիկիր]—Տեր-Դ. Ալ-
իկիր] ցի, «Կվալի», 1893, № 35, էջ 12—13, № 36, էջ 12—13:

6. «Արքայազն Ալեքսանդրի կյանքը Պարսկաստանում», Հեղինակի պատկերով, թարգմ. Գալիք Տեր-Գևալյանի, «Կիվալի», 1893, № 41, էջ 8—10:

7. «Խենթ, ոռւս-օսմանյան վերջին պատկերազմի (1877—1878) ժամանակական վեպ, Հեղինակի պատկերով, թարգմ. Յ. Եվլանզուովի, «Մոամբե», 1902, № 8, էջ 79—114 (գլ. 1—6), № 9, էջ 1—59 (գլ. 7—13), № 10, էջ 15—79 (գլ. 14—21), № 12, էջ 93—134 (գլ. 22—26), 1903, № 1, էջ 53—106 (գլ. 27—31), № 2, էջ 23—76 (գլ. 32—37), № 3, էջ 65—124 (գլ. 38—43):

8. Նույնը—առանձին գրքով, թարգմանչի առաջարանով (էջ I—II) հեղինակի պատկերով, Թիֆլիս, 1903, VI + 364 + 1 էջ:

Բ. Հատուկ գրականություն Բաֆֆու մասին

1. «Իվերիա», 1888, №№ 88, 89, 90:

2. Նույնը. 1903, № 172:

3. Խլ. Թեզլարով, Հակոբ-Մելիք-Հակոբյանը (Բաֆֆի) և վրաց հասարակությունը. «Բոլշևիկուրի կաղըերխամթվիս» [Բոլշևիկուան կաղըերի համար], 1936, № 24, էջ 4, 1937, № 2, էջ 4:

4. Նույնը. Բաֆֆին և վրաց հասարակությունը. «Սարճոթա խելովներա» [Սովետական արվեստ], 1935, № 10, էջ 69—74 (նույնը հայերենի վերածած՝ «Խորհրդային Վրաստան», 1939, № 250, էջ 3—4):

Պ Ե Բ Ժ Պ Ա Ջ Յ Ց Ա Ն
(1837—1907)

Պերճ Պոռշյանը իր կյանքի և գործունեության մեծ մասնանց է կացրել թիֆլիսում, նախ՝ իրբու աշակերտ Ներսիսյան դպրոցի՝ 1851—1855 թվականներին, ապա մանկավարժական և գրական ասպարեզում՝ 1858—1863 և 1887—1898 թվականներին։ Վախճանվել է 1907 թվականին Բաքվում և թաղվել թիֆլիսի «Խոջիվանքի» պանթեոնում։

* * *

«Սոս և Վարդիթեր»-ի մեջ (1860) Պ. Պոռշյանն աշտարակեցոց հավատալիքները նկարագրելիս, ի միջի այլոց, հիշատակում է մի սովորույթ՝ կապված այսպիս կոչված նուրին-նաղարեի պաշտամունքի հետ, որն, ըստ մեր հետազոտության, գալիս է նախնադարյան-տոհմային հասարակարգի մայրիշխանության (մատրիարխատի) ստադիալից և, իրբու այդպիսին, շատ մոտ է համապատասխան վրացական սովորույթներին։

Վիպասանը նկարագրում է, թե ինչպիս երաշտի առթիվ «երեխներն ... նորին շինեցին ու ման ածին», «երկուսը կոնիցը բռնեցին, մինն էլ տոպրակ ավեր կալել, մեկելն էլ մի պատի քժութ (կճուճ) ու ման են գալի տները» և որ «դուն առաջին կաննում են, ասում են»։

Նուրին նուրին եկել առ,
Աջքա հուրին եկել առ,
Շիլա շապիկ հագել առ,
Կարմիր գոտիկ կապել առ,
Եղ բերե՛ք պորտը քոհնք,
Զուր բերե՛ք գլխին ածենք,

Մեր նուրինի փայը տվեք,
Ռւտենք, խմենք, քեֆ անենք:

«Կնանիքը,— շարունակում է վլագասանը,— մի աման զուր
բերում են, լցնում էդ նուրինի գլխին ու երեխեքոնցը բրինձ,
կամ եղ, կամ ծու տալի, որ տանեն քեֆ անենա¹:

Դեռևս 1864 թվականին Մ. Նալբանդյանը Պետերբուրգի
Պետրոպավլովյան բանտում կալանքի մատնված ժամանակ՝
ծանոթանալով Պ. Պոռշյանի «Սոս և Վարդիթեր»-ի հետ, զրում
է իր ընդարձակ մատենախոսությունը՝ «Կրիտիկա»-ն և կարե-
վոր համարում ոչ միայն անդրադառնալ Պոռշյանի նկարա-
գրած սովորութիւնները նման սովորութիւններին՝ նկատված նոր-նախի-
շեանի հայերի մեջ, միաժամանակ կանդ առնելով երգախաղի
մի այլ տարբերակի վրա, հետևյալ բովանդակությամբ.

Նորին նորին նազարեթ,
Նորինը բաղչան էկիլ է,
Շալե շապիկ հագել է,
Կարմիր գոտի կապել է:

«Երաշտության ընդգեմ նուրինի ավանդությունը, թեև իս-
պառ շփառենք թե ինչ բան է այդ և ինչ արարողության մնա-
ցորդ, բայց և այնպես, կարծում ենք,— գրում էր Մ. Նալ-
բանդյանը,— թե Հին բանք լինի: Սաստիկ գրգռում է այդ բանը
մեր հարցասիրությունը, մանավանդ երբ տեսնում ենք, որ շատ
խոր արմատացած է նա ազգի հասկացողության մեջ և մեծ
վարկ ունի ազգը նորա մեջ»²:

Անկախ Պ. Պոռշյանից և Մ. Նալբանդյանից, նուրինի սովո-
րությը նկատել է Թիֆլիսում Բաֆֆին անցյալ դարի 60-ական
թվականներին: Այդ իսկ պատճառով Բաֆֆին «Սառա» պոեմի
մեջ մատնանշում է, թե ինչպես «մեր կնանիքը շատ ման ածին

1 Պերճ Պոռշյան, երկերի ժողովածու երեք հատորով: Հ. I, երեսն, 1953, էջ 95:

2 Միշայել Նալբանդյան, երկերի լիակատար ժողովածու, Հ. III, երեսն, 1940, էջ 141—142:

նուրին»¹, այսպիսի ծանոթագրությամբ. «Նուրին, Թիֆլիսում ասում են լազարե, իսկ Պարսկաստանում՝ շամշի-խարուն. դա փայտից շինած և հաղցրած մի տիկին է, որ կանայք երաշտության ժամանակ գյուղի մեջ ման են ածում, զանազան երգեր երգելով, որը հարմարեցրած են այդ գործողությանը: Ամեն մի տանեցին նուրինի գլխին չուր է ածում և նորա պտըտցնող-ներին մի բան է բաշխում»²: Այս կազարեի խնդրին Բաֆֆին անդրադարձել է նաև իր «Հիշատակարան»-ում:

Մ. Նալբանդյանի «Կրիտիկա»-ի 1940 թվականի հրատարակության առթիվ գրած մեր հատուկ հողվածում աշխատել ենք ցուց տալ, որ նուրինի (նորինի) կամ նորին-նազարեթի սովորույթը շատ տարածված է եղել հայ ժողովրդի այլեալ հատվածներում, և ոչ միայն հայ ժողովրդի, այլև եղբայրակից վրաց ժողովրդի մեջ, որը համապատասխան երգախաղը «Օյ, կազարե, կազարե» է կոչվում և որը, անկառկած, մայրիշխանության ստադիալից եկող սովորույթ է»³:

Մեր ելույթից հետո պարզվել է նաև, որ նուրին-նորին-նազարեթը գորտի տոտեմի (պաշտամունքի) հետագա կերպարանափոխումն է⁴, իսկ նազարեթը, անկասկած, նույն կազարեն է, ինչպիս ճիշտ դիտել էր մեղանից առաջ Բաֆֆին. ուրիշ խոսքով ասած՝ աշխարհագրական անվան է վերածված բիբլիական կազարեն (Ղազարոսը), որը հարություն է առնում ծաղկազարդի նախօրյակին, այսինքն այն օրը, որը կոչվում է «Յիշատակ յարութեան Ղազարու»:



«Կովածաղիկ» պատմական վեպում (1878), որը գրված է Խ. Արովյանի «Վերք Հայատանի»-ի ուժեղ աղղեցության

¹ Բաֆֆի, Երկերի ժողովածու ութ հատորով, Հ. VIII, Երևան, 1957, էջ 179:

² Բաֆֆի, Երկերի ժողովածու, ութ հատորով, Հ. VIII, էջ 179, ծան. 2: Հմմ. նույնաեղ, էջ 643:

³ Լ. Մելիքսեր-Բեկ, Նուրին-նազարեթի երգի բանալին, «Գիտական ժողովածու», Երևան, 1941, էջ 187—196:

⁴ Վարդ Բղոյան, Երկրագործական պաշտամունքի մի քանի հետքեր հայերի մեջ, «Աշխատություններ Հայաստանի պետ. պատմական թանգարանի», Հ. III, Երևան, 1950, էջ 50—71:

տակ, ի միջի այլոց, Հիշատակված են նաև XVIII դարի վերջերի իրազարձությունները՝ կապված վրաց Հերակլ Բ թագավորի ռազմական գործողությունների հետ:

Այս Երևանի բերդի պաշարումը Հերակլի գորքերի կողմից Թագավորը առաջարկում է Երևանի սարդար Հյուսեյն-Ալիխանին անձնատուր լինել: Խանը երեք օր ժամանակ է խնդրում: Վրաց թագավորի կողմից միջնորդի դերում հանդես է գալիս ամենայն հայոց Սիմեոն կաթողիկոսը: Խանը համաձայնվում է հաշտություն կնքել թագավորի հետ: Երկու օրից հետո թագավորը հրամայում է իր զորքերին վերադառնալ Վրաստան: Իսկ ինքը, կաթողիկոսի հրավերով, երեք հարյուր հոգուց բաղկացած շքախմբով և պահակազորքով այցելում է Էջմիածինը, ուր մեծ հանդիսավորությամբ ընդունվում է կաթողիկոսի և միաբանության կողմից: Ապա թագավորը անցնում է Աշտարակ, ուր հյուրախրավում է Գեորգ Խալվաչի տանը. այստեղ նրան ներկայացնում են մի քանի երեխաների, որոնց թվում նաև 9 տարեկան Թորոսին, ապագա Ներսես Աշտարակցուն: Երեխան զիմում է թագավորին ասելով. «Թե որ դու լավ թագավոր ես, ինչի՞ ես մեր զյուղը թուոքի ձեռքին թողնում, մենք մե՞զք չենք, էս ի՞նչ է մեր հալը»: Թագավորը, հիացմունքի գալով այս խոսքերից, մեծ ապագա է գուշակում երեխացին, իսկ ժողովրդին ռաջարկում է գաղթել Վրաստան: Այս առաջարկին երեխան պատասխանում է. «Մեր զյուղը թողնենք, ուրիշ տեղ գնա՞նք. վեր զցենք շինած տուն, այգի, մուլք, մեր Ծիրանավորը, մեր ժամերը, մեր Մողնու և. Գեորգը ու գնանք օտա՞ր աշխարհ»:....

«Լուսանկարչի հիշատակարանից» պատվածքում (1893) Պ. Պողջանը նկարագրում է թե ինչպես «գլուխն երկնքին հասցրած Կովկասի սարի փեշովը ճանապարհ ընկա գեպի Սացխենիս զինվորաբենակ պահականոցը» և ինչպես այդ «Սացխենիս զորանոցում մի ընտանիքի տեր հրեա զորականից ամսական չորս մանեթով սենյակ վարձեցի և մեջը մտա: Իսկ մինչ այդ, Սացխենիս հասանք թե չէ, վերջին մանեթս հանեցի և բռուզ դրի»: «Սացխենիսի զորանոցի միակ հայն էր Ղաղոն», որի «խանութը տրաքում էր», քանի որ «աստծու տակին եղած ամեն բարիք մեջը գարսած էին»: «Քիզմեն գանա փուլ հիմի

ո՞վ գուզե, — Հայերեն լեզուն չարդափշուր անելով, հասկացրեց
վրացախոս միկիտանը և մի ձեռնաշափ տետրակ առաջ դրեց,
ասելով, — յիտ գուզիս, էն շախը տու, աղա չան»:

Այսպես է նկարագրել վիպասանը Սացիսենիս կոչված
վայրը.

«... Սացիսենիս զորանոցը Կովկասի սարերի մեջ մի խոր
ձորում է շինած, հենց կարծես ահագին լեռը երեք կողմից
հիմի փուլ կգա և տակովը կանի զորանոցը, մարդի սիրտը՝
սկանում է էս մութն աշխարհում: Մշուշն էնքան թանձր է, որ
շատ անգամ մարդիկ ճանապարհին իրար են հանդիպում, մին
մնի բիթ ու պոռնդ ջնջխում, մին մնի հետ երկու կովարար
ցէրի նման ճակատ ճակատի տալիս:

Մարդ մոլորած մնում է, մտածելով, թե ինչի՞ համար,
ուրեմն, էս վայրենարնակ տեղումը մի ամբողջ զորագունդ են
տեղավորել:

Պատասխանը պարզ է, Շամիլի հրոսակների աշխարհա-
վեր ճանապարհներից մինն էլ Սացիսենիսի ձորն էր...»:

* * *

«Շատերից մեկը» պատմվածքում (1893) հիշված է Թիֆ-
լիսի «Թուոքի մեյզան կոչված հրապարակը» — «Թիֆլիսի մթե-
րավաճառության այդ սիրտը»: «Ալյուր, զարի, յուղ, պանիր,
մածուն, թան, բուրդ, ձեթ, սոխ, կարտոֆիլ, սիսեռ, լորի,
մաշ, բակլա, խաղող, սերկելի, ինչ տեսակ արմաթիք, ինչ
պտղեղեն որ պետք է՝ ամառ-ձմեռ մի շեն տան մասանը լիքը
պահելու համար, իրար վրա թափված են այդ փոքրիկ հրապա-
րակումը»: «Հայ, վրացի, պարսիկ, հրեա, ոուս, լեհացի, գյու-
ղացի, քաղաքացի, աղքատ, հարուստ իրար դիպչելով, միմ-
յանց հրելով, բոթելով՝ անդադար վխտում են այնտեղ»:

Ապա վիպասանը շարունակում է.

«Ոչ քաղաքավարության կանոններին նայել կա այստեղ,
ոչ պատվապահության կամ ներողություն խնդրելու սովորու-
թյուն, ով ուզում է Թիֆլիսումն ապրել ու ամեն մթերք յուր
ժամանակին տուն ածել, ով ուզում է անխիղճ մանրավաճառ-
ների ապարիկի յուղոտած ու ճենճոտված տետրակից զլուխն
աղատ պահել, նա առավոտյան անուշ քունը կտրում է ու

ձեռքին ընկած կոպեկները գրաբանը դնում, շտապում թուռքի մելքանը: Այնտեղ նա նեղվում, սեղմվում, ճղմվում, ճիւլվում է, յուր առնելիքն առնում է, փալանված բեռնակրի շալակին բարձում և ուրախ-ուրախ տուն է դառնում:

Այսպիսով, «Թուռքի մելքանի ճիշտ նկարագրության հարցուրերորդական մասի պատկերը ներկայացնելով», վիպասանը անցնում է Թիֆլիսի անցյալի և ներկայի այլեալլ երեսլիթների բնութագրմանը, մասնավորապես ճիշտատակում է «Թուռքի մելքանի գլխին կանգնած՝ բերդի կոչված հայ եկեղեցու սուր և փայլուն զանգակատունը», ուր, այսինքն «Ժամումն երկու զույգ մի կենտ ծերունիք ու պառավներ էին», ճիշում է նաև ռայն ժամանակվա միակ հայ գպրոցը—այսպես կոչված վանքի ուսումնարանը, որ նույնն է՝ ամբողջ Կովկասում անդրանիկ Ներսիսյան դպրոցը» կամ նույն «Վանքի շկոլեն», նաև «Խոչվանքի հայոց գերեզմանատունը» և այլն:

Հեղինակը լավ ճանաչում է «Թիֆլիսի նպարավաճառ կինտոներին», «Երիտասարդ երեցփոխին», որի «պատանի գեղեցկուհի ամուսինը» երազում էր ունենալ վրացախոս (իմերել) «պատվական լաքեյ (սպասավոր)», այն էլ «ատլաս արխալդի ու ոսկեհնուռն չերքեղկի մեջ»:

* * *

«Տատ Բարբարեի վերջին առակը (նմանողության պես մի քան)» պատմվածքում (1899) հանդես է գալիս «լվացարար» տատ Բարբարեն՝ «քաղկումը հայտնի առակախոս կինը», որը «շատ ու շատ առակներ է ասել», «մեկով՝ լսողներին ծիծաղցրել, թուլացրել, մյուսով՝ լացացրել, աշքերն է կարմրացրել»:

Պերսոնաժներն են Թիֆլիսի իրականությունից վերցրած Վասոն կամ նույն Վասիլ Շղալորիչը, Կեկելը, Մաշոն, Միկիտան Ղաղոն, «չաթուրյասաններ» և այլն:

* * *

«Օրը կյուրակի է, երազը սուտ (մի փոքրիկ պատկեր)» պատմվածքը (1903) հյուսված է Թիֆլիսի միջավայրի և նրա սպեցիֆիկ կողմերի վրա:

Մասնավորապես, հիշված են «Քարափի թաղը», որը «Թիֆլիսի լեռնալանջի վրա է գտնվում», «Բաղադրանքն», այսինքն «Կտավիկենի վաճառանոցը», «Խոչիվանքը», այսինքն՝ «Թիֆլիսի հայոց գերեզմանատունը», «Օրթաճալան», այսինքն «Թիֆլիսի ներքեւ Կուր գետից կազմված կղզին», «Ուրթաճալան» և այսինքն աշղիներն են և ոռոգվում են գետից արհեստական կերպով բարձրացրած ջրով»:

Պերսոնաժներն են Աղալո Շաքարովը, նրա մայր Մաթոն (Դեդա-Մաթո), տեր Կիրակոսը, Բախչիովը և այլն:

* * *

Պ. Պողշանի «Հուշիկները» (գրված XIX դարի վերջերին) կարեւոր նյութ են պարունակում հայ հասարակական կյանքի և, մասնավորապես, թատրոնի պատմության համար Թիֆլիսում:

Ծննդեցողի առջևով անցնում է Վրաստանի հայ գործիչների մի ամբողջ շարան՝ Ներսես Աշտարակեցին, Գեորգ-Գարեգին Մուրադյանը (հետագայում Մելիքսեղեկ եպ. Մուրադյան), Պէտրոս Շանջյանը, Անդրեաս վ. Գորեցին, որը «կուպի, կոսեներով» էր խոսում, ուսուցիչ երեմիա Էսահակյանը, որը երրեմն ման էր զալիս «վրացի Գատիկո (ուղիղ՝ Գարիկո—Լ. Մ.-Բ.) խոհարարի ուղեկցությամբ», իսկ «Գատիկոն (Գարիկոն) դաշույնը հանած, ձեռքին բարձրացրած, միամտեցնում է «բատոն» (տեր) ուշիալոյնին, որ մոտ եկողի փորը կթափի»։ ապա՝ Մանդինյան քահանան, Թայրիբյան պրիստավը, «Սև տեր-Գեորգ վախս մականունյալը», Գաբրիել հատիսյանը՝ բնագիտության դասատուն Ներսիսյան դպրոցում, Հակոբ Կարենյան և Միքայել Պատկանյան դասատուները, Հովսեփ ա. ք. Օրբելին, Սարգիս եպ. Զալալյանը, Մինաս ա. ե., Գավիթ Արդանյանը, Ռայթմազյանը, Գաբրիել ա. ե. Այլազովսկին, Հովհաննես աղա Ամբիկյանը և շատ ուրիշներ։

Այս հուշիկներն արժեքավոր նյութեր են պարունակում, ի միջի այսոց, Թիֆլիսի հնագրության՝ ազգագրության և, որ գլխավորն է, դասակարգային պայքարի մասին (ի նկատի ու-

նենք 1865 թվականի համբարների ապստամբության շուրջը գրի առնված հիշողությունները):

Հիշելով «Թիֆլիսի ազնվականաց գիմնազիա»-ն, վիպասանը «միջանկյալ» նշում է, որ իր «Ժամանակն ընդհանրապես Թիֆլիսումը հայերեն խոսքը շատ սակավ գաղթականների սեփականությունն էր, ոուսերենը նոր-նոր սկսել էր զործածական դառնալ բարձր շրջաններում, այսինքն այն դասակարգերի մէջ, որոնց որդիքը գիմնազիական էին, իսկ մնացյալ տեղերը վրացերենն էր թագավորում»: Նշված է նաև «Սումիսեթ (ուղիղ՝ Սոմիթ—Լ. Մ.-Բ.) գավառի թոնեթ կոչված» գյուղը:

«Հուշերի» ա. մասի ԿԵ գյուղը ամբողջապես նվիրված է «լեզգիների տեր՝ իմամ Շամիլի առաջին նայիր (նախարար, խորհրդական) Հաջի-Մուրատ անհաղթելի հերոսի» Շամիլից անշատվելու և փոխարքա Վորոնցովի մոտ Թիֆլիս գալու հանգամանքների պատմությունը: «Ել զգիտեմ՝ բացառապես Հաջի-Մուրատի պատվի համար՝ էր, թե այլ նպատակով՝ մի կյուրակի օր ամբողջ Թիֆլիսը հավաքեց գարախի (ուղիղ՝ Դաբաղիսանեթ—Լ. Մ.-Բ.) հրապարակը»:

Ապա վիպասանը հազորդում է տվյալներ Հաջի-Մուրատի ճանապարհորդության մասին Վրաստանում:

«Զգիտեմ, քանի ժամանակ մնաց Թիֆլիսում Հաջի-Մուրատը:

Նա իրավունք է ստանում իշխան Վորոնցովից ճանապարհորդել Թիֆլիսի շրջակայքը:

Գնում է Կախեթ—Թելավ, Սղնախ, Ջաքաթալա, զիտում է Կովկասի սարերի ճանապարհները, իմանում է սահմանապահ զորքերի որբանությունն ու ճանապարհն ուղղում է դեսի նույիր» և այնտեղից իր հայրենիքը:

Ոչ պակաս հետաքրքիր են վիպասանի հազորդած տեղեկությունները Շամիլի ներխուժման մասին Վրաստանի սահմանները, Թիֆլիսին սպառնալու հանգամանքների առնչությամբ.

«Էսվեցավ, որ Շամիլը Թելավին տիրել է և մտադիր է գալ Թիֆլիսի վերա...»

Թիֆլիսում մի քանի հարյուր զինվորներ էին մնացել միայն պահակության պետք գալու:

Շամիլին երկյուղ ազգելու խելացի նպատակով այդ սահմանաթիվ զինվորներին ամեն օր վարժեցնում էին Թիֆլիսի հյուսիսային կողմը՝ Մախաթի սարի ստորոտի դաշտավայրում:

Ողջ դաշտի վերա վրաններ էին տնկված՝ լեզվուն ցուց տալու, թե զորքը բանակած է Թիֆլիսում:

Բայց լեզվին չի խարփում. հանգստությունը ծայրահեղության ևն հասցրել, տասնյակ լեզվիներ հրադինված՝ օրովցերեկով, արձակ-համարձակ դուրս են գալիս Մախաթի սարի հետեւց և ձիանքը քշելով, անվախ անցուդարձ անում վրանների մոտերքով»:

Համարելով լեզվիների այս վարմունքը մի տեսակ «նախատինք», Թիֆլիսի «քաղաքացիք», մասնավորապես «համքարն ինքնարուի յուր պատրաստականությունն է հայտնում անձմբ քաղաքը պաշտպանելու»: Նրան միանում է և ազնվականությունը: «Ահա փակվեցան խանութները, ձեռքին զենք բռնել կարացող սրատանուց սկսած մինչև 50, 60 տարեկան ծերունիքը բռլորեքյան զենք առան»: Դեպի «Մախաթի սարի» ստորոտը ուղղվողները գնացին. «այնքան երկար էր, որ մի ժամ էր տևում»:

Զենք առած քաղաքացիներն ունեին «իրանց զորավարներն ու զորապետները»: Մինչդեռ «վրաց իշխանազունները թափշից քուլաջահերով շքեղ զարդարված, ոսկեհուն զենքերը կապած, շատերը միջնադարյան ասպետների երկաթի թելից հյուսված զրահները հագին, երկաթի սաղավարտը զիխներին, սանձակոտոր զարդարուն նժուզգների վերա հեծած, բաց սրերը ուսերին շողացնելով, սպաների գեր էին կատարում, տասնապետները, հիսնապետները, հարյուրապետներն ու հազարապետները ճանաշում էին. իրանց անձնազո՞հ հոժարակամ զինվորներին, սրանք իրանց զինավառության երկրորդ օրվանից փորձառու զինվորներ էին արդեն՝ պատրաստ միանգամայն արյունով պաշտպանելու յուրյանց ծննդավայր Թիֆլիսը»:

Եվ պարզ է, թե ինչու «Թիֆլիսեցոց այս ընդհանուր ոգեստությունը Շամիլի մեջքը կոտրեց»:

Շամիլի նահանջի առթիվ հեղինակը տալիս է հետեւյալ պատճառաբանությունը.

«Հսկեցավ, որ երբ յուր լրտեսները հայտնել են Շամիլին թիֆլիսեցոց զինավառությունը, նա, իրը թե, ասել է՝ իգիթ թիֆլիսեցիներին եմ բաշխում Թէլավը. գնանք, քաշվենք, նամարդություն է հայրենիքի համար գլուխները ետ դրած ազնիվ ժողովրդի խաղաղությունը վրոպվել: Ումանք խոսում էին, իրը թե Շամիլն ամել է՝ ով կամենում է գլուխը Թիֆլիսումը թողնել, թող գնա. Երբ մարդ ինքն է իր տան պաշտպանության հոգը քաշում, այնտեղ թշնամին հաջողություն չի ունենալ»:

Այս տողերին վիպասանը կցում է այսպիսի եղրակացություն. «Ի՞արկե, այս ամենը թուցիկ լուրեր էին: Ճշմարտությունն այս է, որ Շամիլը լուսմ է թիֆլիսեցոց պատրաստություններն ու գլուխ առնում քաշվում յուր սարերը»:

Վիպասանն իրավացիորեն ընդդժում է Ներսիսյան դպրոցի շենքի անհարմար տեղում կառուցելը, քանի որ այն «իբրև դպրոցական շինություն, միանքամայն անհամապատասխան է. ոչ ող ունի, ոչ երեխաներին խաղալու բակ ունի, ոչ բավականաշափ լույս կա մեջը և ոչ հնար է լինում Մուկրանսկու խանութներում զետեղված դարբնոցների կունահարությունից խոսելու կամ լսելու»: Խոկ Շանչյանցը «չգիտեր, որ մի քանի տարուց հետո Ներսիսյան դպրոցի չորս կրզմը բազար է դառնալու»: «Ահա այս և ուրիշ բազմատեսակ անհարմարություններն էին, — գրում է Պ. Պոռշյանը, — որոնք ստիպեցին Ներսիսին տեղափոխել դպրոցն յուր հին շինությունից փոշտի տները, ուր կա մինչև այսօր»:

Այնտեղ, որտեղ «1851 թվին» հիմք դրվեց «Վորոնցովի կամրջի»-ն, ըստ վիպասանի. «առաջ հասարակ փայտյա նեղ կամուրջ էին կաղում, ներկա կամրջից բավական վեր և հարկավորվում էր երեխմն տարին երկու-երեք անգամ փոխել, գետը վարարում, սրբում, տանում էր»:

Հենց այս՝ Կուր գետն էր ընկել և խեղդվել Քեղիսուղյան-Քեղիսուղվը՝ հոտած մսի վաճառման կապակցությամբ տեղի ունեցած իրարանցումի պահին, երբ «Համբարությունը քանդել էր սպանգանոցը»:

Սակայն. «միայն միւն ու դարբինները չեին մեր գասերը խանգարում, — շարունակում է վիպասանը, — օրական նոր նոր աղմուկներ միշտ անպակաս էին լինում»:

Վիպասանը թիֆլիսում հաճախ ականատես է եղել աթրմացի և մուշտակովի (բռնցքամարտի)։

«Խաժամուժի մի ծայրը՝ թամամշյանցի քարվանսարայի մոտն էր, մյուսը հասել էր այժմյան Աղեքսանդրյան կոչված այդին։ Վանքի փոքր փողոցից շուրջ բոլորած, ներկա փոշտի փողոցները, բոլոր տեղերը մուշտակովի էր. պատառուտած գլուխներ, արյունաշաղախ երեսներ, դուրս թափված աշքեր ամեն տեղ տեսնվում էին. քարեր է, որ ամեն կողմից գալիս են կարկտի պես, լուսամուտների ապակիք են, որ փշրտվում են»։

Զուր ազգագրական բնույթի պատկերներից ընթերցողի ուշադրությունն է դրավում Աղա-Մահմադ-խանի 1795 թվականի սեպտեմբերի 11-ին թիֆլիսն ավերելու առթիվ հորինված «Ղեենորա» կոչված ժաղըախաղը, որը կատարվում էր թիֆլիսում տարվա որոշ ժամանակ՝ բարեկենդանին։ Այս «խաղը», ինչպես հայտնի է, օգտագործված է մեր շնորհալի նկարիչների՝ Ա. Շամշինյանի և Գ. Շարբարջյանի կողմից¹։ Այն նկարագրությունը, որը առկա է Պ. Պողյանի մոտ, հնարավորություն է տալիս ընթերցողին գաղափար կազմել «Ղեենորայի» մասին։

«Միայն Ղեենորան էր, որ մի առանձին հաճություն էր պատճառում ներսիսյան դպրոցի սաներին...»

Շատ ժամանակ չէ, որ Ղեենորայի սովորությունը վերացել է, բայց հին ժամանակն ավելի փառավոր էին կատարում։

Ղեյները ներկայացնում էին հարսն ու փեսա. թուրքի խաների կամ փաշշաների հարսանիքներն էին ժաղըախ։

Նստում էր շալմեն զլիսին փաթաթած զեյն փեսան իշխան կամ ուղարի վերա և ներկայն փայտը, ծխամործի փոխարեն բերանին բռնած, ուրախ-ուրախ ժագտում էր յուր կողքիցը գնացող, նույնպես իշխ, կամ ուղարի, կամ լզար մատակ ձիու վերա բազմած յուր հարսին։

Պատահում էր, որ միայն հարսի երեսին էր դիմակ լինում. այդ ժամանակ մրով սևացրած փեսան արարի հոգեորական էր

¹ Առաջինն այժմ գտնվում է Թիֆլիսի քաղաքային թանգարանում, իսկ երկրորդը էջմիածնի հոգեոր ճեմարանի դահլիճում։

Ներկայացնում։ Երբեմն երկուսն էլ դիմակավորված էին լինում։

Նրանք ոչ ոք էին, իջարկե, եթե ոչ Թիֆլիսի կինտոները, որոնք գափ ու զուտնան ածելով, բաղմամարդ փողոցներ շրջելով կամ հարուստ իշխանների լուսամուտները թակելով, փող էին ժողովում մեծ պահոց երկուշարթի օրը։

Երբեմն նրանց ուղեցում էր և Հանրահռչակ ձեռնածու Արելն յուր փայտե ոտքերովը¹։

Ինչ վերաբերում է Արելին², նրա բնութագրումը արված է այսպես։

«Արելը մի հյուսն էր, որ երեք-չորս սաժեն բարձրությամբ ձողերի ծայրը բարձրացած, լոք-լոք անելով, շրջում էր հանդիսավոր օրերին բաղաքի կենարոններում, որոնցից մի գլխավոր կենդրոնը Ներսիսյան դպրոցն էր»։

Բացի այս ամենից, Պ. Պողյանի ուշադրությունը գրավել էր մի շենք, որը հետաքրքրություն էր ներկայացնում իր բնագիտական օրյեկտ։

«Վանքի ավագ եկեղեցու հյուսիսային կողմը մի բոլորածե բրդանման սենյակ մինչև այսօր ևս անխնամ ընկած է։ Հնումն այն սենյակը կոչվում էր Մինաս եպիսկոպոսի բուրգ կամ բուրջ», նույնիսկ «քյոշկ»։ «Այդ բրդում էր ապրում զառամյալ կարճահասակ Մինաս արքեպիսկոպոսը»։

Վիպասանը պատմում է, թէ ինչպես նրան վիճակվել է այդ բրդում կամ «քյոշկում» ապաստան գտնել Թիֆլիս եկած պահին, այն էլ «վանքի քահանա ու կոնսիստորի անդամ...» «Սատանի շաքում» մականվանյալ» տեր-Մկրտչի կարգադրությամբ։

«Սենյակ, ի՞նչ սենյակ», — բացականշում է Պ. Պողյանը, և ապա շարունակում. «Սենյակ չէր այն, այլ գեերի խորհըրդագրան։ Ես ինձ վրա զարմացել եմ, ինչպես աներկյուղ ներս մտա: Էսօր Ֆլ զարդանդում եմ, երբ մոտիցն անց եմ կենում։ Մի բոլորակ քյոշկ (բուրգ) էր այն՝ բլրված առաստաղով. պատերի մեջը համարյա բոլորը դատարկ էր, դարակներով բա-

¹ Ղենորայի մասին տես՝ Я. Г. Вейденбаум. Кееноба, „Тибл. Листок“, 1899, №5, или. приб., նկարով։

² Նրան հիշում է և Գ. Սունդուկյանն իր «Խաթաբալա» պիեսում (III, 1, 5):

ժամանած՝ անոթեղեններ պահելու համար, իսկ դրսից ամրացած էին այդ դարակները դռնակներով:

Սենյակի դուռը մտար թե չէ, պարտական ևս ազ ծովել, թե չէ, հենց որ սխալվեցիր, ոտք ձախ կոխեցիր, կյանքիդ բարե մնա ասա. գշիրածի սանդուղքներով կունդիկ-կունդիկ անելով՝ մինչև անդունդը կգլորվես ու ջրի մեջ կլողաս:

Զէ՞ որ Մինաս եպիսկոպոսի սենյակը Կուր գետի ափին է շինած և հիմքը գետի մակերևույթից՝ մի քանի սաֆեն խոր է դրած, որ ըլինի թե գիծ Կուրն իր վարարած ժամանակ սրբի ու մինչև Սալիան մին տանի:

Էս ծակ ու ծովիկը, էս փոս ու դարակներն են, որ քամին մտած ժամանակ սաղ ու զուռնայի ձայն են հանում»:

Նկարագրած բուրդ կամ բուրջ, նույնիսկ բյոշկը, այն պարսպի մասն էր, որը կառուցվել էր XVII դարում իրեն քաղաքի պատճեց հյուսիսից:

Պ. Պոռշյանի «Հայոցիկների» Բ մասը և մի շարք հողվածներ, ինչպիսիք են «Հայոց թատրոնի սկզբնավորությունը Թիֆլիսում», «Միհրդատ Ամրիկյանց», «Մի անհայտ թատրոնական գործիչ», «Միքայել Պատկանյան» և այլն շատ արժեքավոր նյութեր են պարունակում Թիֆլիսի հայոց թատրոնի պատմության և թատրոնական գործիչների կենսագրության համար, որը ըստ արժանվույն օգտագործում են հայ թատերագետները, ուստի և այս նյութերի քննության վրա մենք այստեղ կանգ չենք առնում:

Մենք կուզեինք միմիայն ծանրանալ այն բնութագրի վրա, որը Պ. Պոռշյանը տալիս է Թիֆլիսի հայության մեջ ծագած անտագոնիզմին՝ այսպես կոչված բնիկների և նորեկների միջև:

«Թիֆլիսեցի հարգելի բնիկները, — գրում է Պ. Պոռշյանը, — մի տեսակ ինքնաբավական հպարտությամբ քիթ էին ցցում իրանց հայաբարբառ եղբայրակիցների հասցեին: Այլապես, ինչպես կարելի էր, չէ՞ որ իրանք մոքալաքներ (քաղաքացիներ) են: Նույնիսկ ամբողջ Հավլաբարը՝ Թիֆլիսի մեծադիր արվարձանը, ուր կես դարից հետեւ բնակվում էին երեանից և ուրիշ կողմերից գաղթած հայերն ու հայերեն էին խոսում, դարձյալ արհամարհելի էր Կուր գետի աշակողմյան երջանիկների աշքում:

Հավլաբարցի շահնշաղ, լսում էր գետի ձախակողմյան բնակիչ Թիֆլիսի խորթ զավակ և արտաքուստ ապուշական անտարբերությամբ, իսկ ներքուստ՝ հոգեկան վիրավորանքով լսում և համբերում»:

Այս այս, այսպես կոչված, բնիկների կամ մոքալաքների և այսպես կոչված նորեկների կամ ախալմոսուլիների միջև էր, որ տարածայնությունը հետզետե խորանում էր և 1865 թ. պայթեց իրեկ համբարների ապստամբություն:

Այս կապակցությամբ հատուկ ուշադրության արժանի է Պերճ Պոռշյանի հուշերը Թիֆլիսի համբարների 1865 թ. հուլիսյան ապստամբության մասին։ Սա հազվագյուտ փաստաթուղթ է այդ ապստամբության շուրջը, գրեթե միակը հայ գրականության մեջ, որի վրա արժեկը մանրամասն կանգ առնել¹:

«1865 թվականն է, ամառն է, ես վերադարձած Ղարաբաղից, մի հարգելի ընտանիքի հետ Թիֆլիսամերձ Սավկիս գյուղում ամառային զով օդ եմ ծծում։ Պ. Հ.-ի աղջիկների հետ հայերեն եմ պարապում։

Տան գլուխ պատվելին, զործով զբաղված, միայն կյուրակի օրերն է կարողանում ընտանիքին այցելել։ Գալիս է շաբաթ երեկոները և երկուշաբթի առավոտը վերադառնում քաղաք։

Երկուշաբթի է. պ. Հ.-ն արդեն գնացել է։ Հանկարծ, մի ժամից, գյուղացիների կողմից լուր է հասնում, թե Թիֆլիսին արյունը տանում է, թե երեկ՝ կյուրակի օրը՝ համբարը ոտքի է ելել ու քաղաքադիմի տունը կործանել, թե քաղաքային վարչության բնակավայրը վտանգի մեջ է, և բոլոր խանութները փակված են ու բազմությունն առանց հացի է մնացել և այլն, և այլն։

Անմիջապես տանտիրուհու խնդրանոք, ձեռավորում եմ և շտապում Թիֆլիս՝ տան գլխի որպիսությունից և քաղաքային վարչատեղից լուր հասցնելու։

Տիկինն իրավունք ուներ անհանգստանալու, քաւաքային վարչությունն իրանց սեփական տանն էր վարձով զետեղված։ իսկ ամուսինը մերձավոր բարեկամ էր քաղաքագլխին։

— Որքան կարող ես, շուտ վերադարձիր, — աղաշում է

¹ Պերճ Պոռշյան, երկերի ժողովածու, հ. III, երկան, 1954, էջ 583—590։

տիկինը,— ձիուդ մի՛ խնայիր, ժամ առաջ ինձ լուր հասցրու. թեկուզ գրաստը շունչը փշի, մեկին երկու պատրաստ եմ վճարելու, միայն թե սիրաս հանգստանար:

Քար ու ձոր չեմ նայում, արշավելով սլանում եմ լեռնադաշտն ի վայր: Մեր ամառանոցի հեռավորությունը քաղաքից յոթ վերստ է հաշվում, բայց ես, հակառակ տված խոստմանս, երեք վերստ տարածություն հազիվ անցած՝ ստիպվում եմ ձիուս սանձը ձգել ու կանգնացնել: Քաջասլաց երիվարս շեր մեղավորը, հանապարհին շաղ անցած անսովոր իրերն էին ոտքս ծանրացնում:

Սկզբումն ուշք չգարձրի շատկանման մի սպիտակ կտավշքի. թեկուզ անպետք փալաս չկինի, ողջ շապիկ լինի, մտածեցի ես, գեղջուկի մեկը, երեխ, կռան տակից վայր է ձգել, կորցրել, հագնողս ո՞վ է, արժե՞ միթե հարգելի տիկնոջ աշքը չուր կտրեցնել: Զեռքս թափ տվի ու անցա:— Վա՛հ, ի՞նչ է այս, քսանաշափ քայլից դարձյալ ստիպվեցա գնացքս ծանրացնել՝ աշք տնկելով ճանապարհից դուրս ընկած մի պատվական նոր գորգի երկու ձեռնաշափ կտորի վրա:

Դարձյալ անուշադրություն. փուլթ չէ, ում պետք է, թո՛ղ նա վերցնի. բայց արի տես, որ մի քանի քայլից, շշմած ու շվարած, ուսերս վեր քաշեցի ու ձիուց իջա:

Մեղադրելու չէի. այս անգամ դետնին ցրիվ անցած իրերի կտորները սրտիս մոտ առարկաներ էին: Շուտ-շուտ կռանում, վերցնում, սարսափում ու ափսոսալի թառաշ եմ հոգվույս խորքից դուրս վիժում: Գիտե՞ք ինչ: Մագաղաթյա հայ ձեռագիր հնությունների պատառներ, կապույտ հնագարյան հաստ թղթի վրա գրած ձեռագիրներ և, ով զարմանք, իմ սեփական ձեռքով արտագրված մի պարոնի «քաղցրավենիք շինելու» ձեռնարկի թերթեր էին հավաքածներս:

Այլս կասկածելու կարիք չմնաց. քաղցրավենու սիրահար վարպետը բնակվում էր քաղաքագլուխ Գալուստ Շերմաղանյանցի տանը, անկասկած էր, ուրեմն, որ քաղաքագլուխի տունն ավերված ու նրա թանկագին հազվագյուտ մատենադարանը ցրիվ տված է:

Քաղաքագլուխ Գալուստ Շերմաղանյանի մատենադարա-

նի հոշակը հայտնի էր հնության սիրահար բոլոր հայ և օտարազգի բանասերներին, առավելապես հայերին:

Սկսած հեռավոր Պարսկաստանից, շարունակած ոռուսական սահմանում գտնված մեծահոչակ Տաթեի, Որոտնա և այլ վանքերից ու յոթը պորտով տերտերական տներից, Գալուստը ժողովել էր բոլոր պիտանի ձեռագիրներն և արժանավոր հնությունները, որոնց թիվը 1000-ների էր հասնում: Կային ասողներ, թե տեսել են Գալուստի մատենադարանի հնությունների շարքում Մահմեդի կնքով վավերացրած, մեծ մարդարեի ինքնածեռագիր հայերին շնորհած արտոնագիրը, որով իսլամի օրինատուն ազատում է ի բնե Հլու-Հնազանդ հայ ազգին մոլեռանդ մահմեդականների բռնակալությունից, իսկ հակառակ վարվողներին խելացի կրոնապետը սպառնում է զրկել դրախտի հանգերձյալ քառասնական մշտադարար հոգրի-փարիններից:

Զգիտեմ, արեւլյան շափականցության արդյո՞ւնք էր, թե ճշմարտապատում եղելություն. ասում էին, իբր թե Գալուստի ճանդն էր ընկել և Մահմեդի անձեռագործ պատկերը, որ, իբր, իսլամի օրինագիրը զիշանելով իրան սիրողների թախանձանքին, կտավն երեսին էր քաշել ու ինքնին նկարված պատկերն ընծայել յուր չերմեռանդ զինակիցներին:

Այնուհետև իմ աշքումս նշանակություն շունեցան Հանապարհին թափթփոտված բարձերի ու անկողինների փետուրներն ու բուրդ ու բամբակեղենը, որոնք, անշուշտ, հետաքրքիր գյուղացիների ձեռքով լեռը բարձրացել և իբրև անպետք շպրտվել էին:

Ես միայն ցավում, ժողովում և թաշկինակիս մեջ տեղափորում էի մեր երանաշնորհ նախնիքների հավիտյանս կորցրած մտավոր ծնունդների կտորտանքները:

Բայց, ախա՛ր, ո՞ր մեկի ետեիցն ընկնեի, քանի մոտենում էի Թիֆլիսին, այնքան շատանում և բազմազան էին դառնում ոտնատակ տված ձեռագրների պատուուքները, ուստի և ձեռքս թափ տվի ու ապուշի մտամոլորությամբ, ձիուս սանձը թույլ թողած՝ կարգում և, իբր թե ուսումնասիրում էի ձեռք բերածս թանկագին հնությունները. սակայն ձեր մեղացը տեր լինեմ, թե գլուխս բան մտած լինի: Զուր էլ մոռացել էի,

որ ինձ վրա սուրբ պարտականություն էր դրված՝ թռչումի թևերով թիֆլիս գնալու և վերադառնալու:

Ժամը 11-ն էր և ես հազիվ թե հասա պ. Հ.-ի տունը և ձիս ծառային հանձնելով՝ վեր բարձրացա պարոնի մոտ:

Փառք աստուծո, պ. Հ.-ն ողջ-ասողջ, յուր առանձնասեն-յակում պարապում էր. քաղաքային վարչությունն անվնաս և անձեռնմխելի էր մասցել: Տանտիրոց ասությամբ, խուժանի նպատակը ոչ քաղաքային վարչությունը, այլ քաղաքագլխին հարվածելն է եղել, և արել են:

Ժողովրդի հասկացողությամբ, մասնավորապես քաղաքագլխի հաճությամբ, գուցե և նախաձեռնությամբ ու դրդմամբ է կարգավորված եղել քաղաքում ներմուծելիք նոր օրինական փոփոխությունները:

Երմազանյանցն, իբր թե, արդեն ստորագրել, ընդունել և շուտով գործադրելու է նոր կարգերը, ավելանում են, որպես թե, նոր-նոր հարկեր, վճարեն ու պարտավորություններ, ո՛չ միայն ծիանոնցից, ո՛չ միայն շներից ու կատուներից, հարկեր կան հատկացրած, իբր թե, դեպի փողոց բացվող պատուհանների վրա:

Այսպիսի այլևայլ, ճիշտ ու անձիշտ մեղադրանքներ, հայտնի չեն, ումնից սկիզբն էին առել, ամբոխի ականչին արձճի ծանրությամբ հալվել և քորոցի մեծության լուրերը լեռնաշափ մեծացել ու դյուրամար կայծից հրդեհ բորբոքելու առիթ տվել:

Ոչ ոք չէր կարող դրական մի բան ասել, նույնիսկ խոռվարաներից գլխավորներին ևս եթե հարցնելու լինեինք, նրանք էլ չէին կարող բացատրել իրանց արած անկարգությունների պատճառը:

Հերիք էր, որ համբարի ուստաբաշխներից երկուսը համոզվեին, թե քաղաքագլուխը քաղաքացիների շահերին դավաճանել էր, և, ահա, ձեռնաշափ փոքրիկ խմորը կաներ¹, կուռչեր, կգար, կհասունանար և տաշտի եղրներով դուրս կթափվեր:

Հենց այդպես էլ եղել է:

Այլապես էլ սպասելու չէր. Համբարությունը կազմում էր

¹ Այս բառը բաց է բողնված 1954 թ. հրատարակության մեջ (էջ 586):

այն ժամանակ թիֆլիսի ամենաուժեղ տարրը, համբարությունը հաստահիմն պատվար ու քաջ պաշտպան էր քաջաքի ստորին դասակարգի Համար: Ծառ բնական երևություն, անձնապաշտպանության սուրբ սկզբունքն էր այդ, և համբարն իր այդ բարոյական պարտքը կատարելով՝ իրան էր պաշտպանում:

Ըստ իսկության, թիֆլիսի մեջ այն ժամանակ քիչ էին անգործ թափառաշրջիկները, սկսած բազմաթիվ անշափահաս որբերի տեր այրի մորից, մինչև արհեստավորների ամենահարուստը՝ բոլորերյան համբարությանն էին պատկանում և նրանցից յուրաքանչյուրը դառը քրտինքով իր հացը ճարում էր: Ի՞նչ մեղավոր էր, ուրեմն, ամբոխը, որ գլխավորապես համբարության ներկայացուցիչներն էին, եթե նրանք միացած ուժով կամենացին իրանց շահերը ոտնատակ տվողից վրեժինդիր լինել:

Համբարին հասկացրել էին, թե քաղաքագլուխը քո թշնամին է, և նա անկարող լինելով թափանցել գործի ներքին պատճառի մինչև խորքը, հույսն յուր ուժի վրա դրած՝ փութացել էր կինչի օրենքով դատաստան կատարել:

Եվ, իհարկե, ի՞նչ կարող էր համբարը հասու լինել Շերմազանցի գեմ լարված դավադրություններին, որոնք ոչ այլ ինչ էին, ինչպես վերջը խելացի մարդիկը մեկնեցին, եթե ոչ մոքալաքուրյան և ախալմոսովուրյան կնճռալից մրցումը:

Այն օրվա թիֆլիսը բաղկացած էր երկու գլխավոր տարրերից՝ բնիկներից և նորեկներից: Հաշվի մեջ շնորհանված, անշուշտ, ծառացող և ապնիվական դասակարգերը, որոնք քաղաքի գիծ մողիկներն էին և մասը շունեին վճարելիք քաղաքացին հարկերին, ըստ առածին՝ «մեջ ուտում էին, ափափ՝ ման գալիս»:

Բնիկ կամ բնիկացած թիֆլիսեցին փքուն գոռոզությամբ արհամարհում էր նորեկ, կամ ախալմոսովի եկվորներին, և ամեն գեպքում նրան ճնշում ու ծաղրում: Քաղաքացին վարչություն, քաղաքի վրա բարձր հոգատարություն բնիկների կամ մոքալաքների ձեռքն էր, ձայն ու իրավունք սրանց սեպհականությունն էր, իսկ ախալմոսովիքը միացն ստորագրյալներ և անձայններ էին: Բայց, ախար, փոխվել էր ժամանակը, մի օր,

գուցե, մինչ նորեկների թիվը սակավ էր, այդպիս էր պատշաճ, իսկ հիմի վերջիններս աճել և բնակալի են և իրանց անքոնաբարելի իրավունքն են համարում իրանց անդրանիկ եղբայրների հետ, միասին իրել քաղաքային ծանրության և իրավունքի լուծն ու արտոնությունը:

Մինչև այդ օրը նորեկի մտքով չէր անցել, թե ինքը կարժանանար քաղաքագլխության պատվին, իսկ այսօր Շերմազանյանցն առաջինը քանդեց տարբերությունը հաստատում պահող պատնեշը և սխալմոսուլների ձեռքով քաղաքագլուխ դարձավ:

Միակ իզմիրյան Գրիգորն էր մոքալաքների ներկայացուցիչ, որ ստնատակ տվեց յուր քայֆայի բռնապետության իրավունքը, և մնացած իրան սիրող համբարի հետ, Գալուստ Շերմազանյանցին բարձրացրեց մոքալաքների անկապտելի սեպհականությունը համարված քաղաքագլխության գահը:

Այսօր, ահա, նույն ժողովուրդն էր, որ թելագրված, գուցե, և կաշառված մոքալաքներից՝ գլխի վրա կործանեց «իր տակը փորող» Շերմազանյանցին և քանդեց յուր տունը քանդողի տունը:

— Երեկ, կյուրակի օրը, — ասաց ինձ պ. Հ-ն, — մինչ ես ու դու Մալիկիսի մացառուտների գովարար օդն էինք ծծում, Ուձոյի ականակիտ աղբրի զուրն էինք խմում, համբարը շտապել է խմել Գալուստ Շերմազանյանցի արյունը:

Մաքուր էր ժողովրդի սիրտը, նրանք աստվածային արդար վրեժինդրության արդար զենքն էին համբարում նրանց գլուխը և զնացել էին իրանց թշնամու հետ հաշիվ վերջացնելու:

Ուղի՞ղ, թե սխալ էր ամբոխի արած քայլը, այդքանը նա չէր դատում:

Գրտե՞ք ինչ էր արել համբարը: Մի ամբողջ շաբաթ նա, ինչպես ասում են, երկու շաբաթվան ուստեստի ու պաշարի նախապատրաստություն էր տեսել, ամեն մի ժողովրդի անդամի տուն երկու շաբաթվան թիսած հաց ուներ մթերած:

Գալիս է կյուրակեն և հանկարծ բոլոր խանութները կողոպտվում են ու խուժանն առանց ոչ մի զենքի, յուր բազուկների զլոտությունն իրան զենք արած, զրոհ է տալիս զեպի

Շերմազանյանցի տունը՝ նրան ալլուր-աղջան անելու և ջըն-չելու:

Շատ էր ուշացել խելացի Շերմազանյանցը, ապա թե ու, նա և յուր գլուխը կաղատեր, և յուր ընտանիքն ու ստացվածքը կփրկեր վերահաս վանդից:

Ավաղ, նա յուր բնատուր խորագիտությամբ միայն անձն աղատելու հնարք գտավ, իսկ ընտանիքին թողեց բաղդի խաղալիք և յուր ստացվածքը մատնեց անփրկելի կորստի. թուրքի կնոջ շարսավի մեջ փաթթաթվեց և իրան ձգեց ժամանակի աղգեցիկ հարուստ Աղ. Թայրյանցի տունը:

Երկի, շատ լավ էր ճանաչում Գալուստը Համբարի վեհանձնությունը, որ ընտանիքին կրակի մեջ բարձի թողի անելու համար, իրան նախատողներին պատրաստել է.— կարմիր կոճին ես էի, որ մեջտեղից զուրս պրծա, ափսոսելին, իմ ձեռագիր հնություններն են, որ կոշնչանան, իսկ ընտանիքիս քիթը շի արյունոտվիլ:

Գալուստի խոսքը կատարվեց, կնոջ պատվին նախանձախնդիր Համբարը պատկառանոր ճանապարհ տվեց քաղաքագլխի ընտանիքին, մեկ-մեկ՝ կնոջն, աղջկանը, տնեցներին, ծառա ու աղախիններին և տանը պատսպարված բոլոր իրավորներին և օտարներին նախապես միջոց տվեց հեռանալու, ապա թե թափեց յուր սրտի մաղձը Շերմազանյանցի սեպհականության վրա:

Մի հատ ասեղ, կոպեկի արժեքը ունեցող մի շնչին իր չվերցրեց, չըուրացրեց Համբարը, բայց և չթողեց ոչինչ, որ չոշնչացրեց:

Մահվան պատճով սպառնալիք էր կարգացված ամբոխի այն ցած ու անպատիվ շահասեր անդամին, որ կհանդիներ մի բան գաղելու: Նրանք եկել էին ոչ ավար տալու, այլ ավերելու, քանդելու և ոչնչացնելու, և այս այն դեպքում, եթե ճողովարեր քաղաքագլուխը վրեժինգրության դատաստանից վճռված էր՝ Գալուստին սպառնելուց հետո՝ ոչ մի ծղոտի շղիպչել:

— Տղե՛ք, որսը ձեռքներիցս թուավ, — ամեն ծակ ու ծուկ հետախուզելուց հետո, ձայն ձայնի էին տվել ամենքն իրարու. քանդեցե՛ք, քարատակեցե՛ք, փշրտեցե՛ք ու խորտակեցե՛ք:

Գժին մի հուշան էլ բավական է, և այդ րոպեին ամբողջ ամբոխն էր գծված:

Մրցունի քարավանների նման հարձակում են գործում նրանք, և չի տեսում կես ժամ, տան վերնահարկը ավերվում է: Պարսկաստանից քերած թանկագին գորգեր, տան բոլոր իրենները, կահկարասիք, անկողին, կանացի զարդեր ծվիկ-ծվիկ ծվատվում են, բայն ու փողոցը փալասներով լցվում է. օդը մեղմ է լինում, բայց բարձերի փետուրներն անպայման օդում վերև են բարձրանում. և ի՞նչ զարմանք, եթե պատառ-վածների ծայրը մանուկների և ամբոխի հետ մասը շունեցող հետաքրքիրների ձեռքով քաղաքի սահմաններից այն կողմը կանցներ. սկզբումն ամենքը կհավաքեին, բայց երբ կհավաս-տիանացին, թե ոչնչի պիտանացու չեն լինելու, մի փողոցից մյուս փողոցում կշպրտեին. բայց որում, այնպես չէին մանր-ված ու փշրտված, որ հնարավորություն լիներ պետք ածելու:

Ավաղ, միայն ես չեմ եղել, որ արտասվախառն աշքերով մի կապոց լիբը հին ձեռագրի կտորտանք եմ ժողովել, ինձ նման շատերը՝ հաղվագյուտ սրբությունները ժողովելու հա-մար՝ մատներ ու ձեռքերը հողոտել ու փոշոտել են, բայց և նրանք ինձ պես ստիպված են եղել լալով թափելու և, ինչպես նվիրական նշխարք, մի կտոր ծոցներումը պահելու:

Երեք տարի իմ արկղում երկաթագիր մագաղաթի մի ան-վերժանելի¹ կտոր մնում էր: Ժամանակը սրտիս վերքը բժշկեց, և ինդք հնությունը, իր պատիվը կորցրած, ոչնչության մատ-նըվեց:

Դեռ մի գիշեր էր լուսացել շարադետ պատահարից հետո, և արդեն բաղմաթիվ առասպելներ հորինվել էին Շերմաղան-յանցի տան ու տեղի վրա:

Ասում էին, իրը թե Գալուստի ամուսինը, երբ տեսնում է, որ ավերիչները քաղաքավարությամբ մոտենում են իրեն և հանելով վրացից թանկագին զարդերը՝ ոտնատակ են տալիս ու փշրտում, ինքը դիտմամբ ուշակորուց է լինում, վայր ընկ-նում վառարանի բաց դռան մոտ և ծոցումն ունեցած թաշկի-նակի մեջ կապած գոհարեղենը շարտում է վառարանի մոխրի մեջ ու գիշերը գալիս հանում: Պատմում էին, իրը թե կատաղի

¹ Տպված է՝ անվերածնելի:

ամբոխն, երբ ամեն ինչ ոչնչացնում է և սրտի փուքը դարձյալ չի կարողանում իշեցնել, կանացի սպիտակեղենն ատամների տակն է առնում, ծամում, ծամծմուսում ու գոշում,— Գալուստի սիրտն եմ ծամում։ Մի քանի ստահակ, կապը կտրած ջահելներ, ձողի գլխին ցցած մի կանացի ներքնահագուստ՝ պատի գլուխն են հանում. բայց ամբոխի ծանրապլուս զեկավարները մի-մի ապատակ տալով անողներին, հրամայել են չհանդգնել կանացի պատվի դեմ մեղանշելու։

— Ինքը քաղաքագլուխն է մեր վրեժինդրության առարկան, ինքը ձեռք ընկավ, նրա սիրտը դադարելու համար՝ նրա շարժական և անշարժ սեպհականությունն ենք ավերում ու փշացնում, իսկ նրա ընտանիքն ընչո՞վ են մեղավոր, նրանք մեր մայր և քույրերն են,— հանդիմանել են ջահելներին մեծերը և իսկուսն իշեցրել կտավիքն ու պատուորել։

Այս ավերածությունները կատարվել էին նախընթաց կյուրակի օրը, իսկ լուսյ երկուշաբթի, երբ ես մտա Թիֆլիս, քաղաքում ոչ մի բաց խանութ և ոչ մի աղամորդի շտեսա. Կթի Աղամա հարազատ զավակներ չհամարենք թնդանոթածիգ այն զինվորները, որոնք մի-մի, կամ երկու-երկու թնդանոթ, բերանները գետի Հավլաբարի կողմը դարձրած, փողոցների բերանում վառ պատրույզը ձեռքներին, պատրաստ կանգնած էին»։

ԳՅԵԲԻՒԵԼ ՍԱԻՆԹՈՒԿՑԵՆ
(1825—1912)

Հայ ռեալիստական թատերագրության փառք ու պարծաճք Գաբրիել Սունդուկյանը հին թիֆլիսեցիների՝ Մկրտիչ (Նիկիտա) Սունդուկյանի և նրա կնոջ Թինաթին Ռոտինյանի զավակն էր, ծնված Թիֆլիսում 1825 թվականին:

Ապագա մեծ թատերագիրը իր ամբողջ կյանքը համարյաթե թիֆլիսումն է անցկացրել: Այստեղ Խ. Աբովյանի պանսիոնում ստացավ նախնական կրթությունը և ապա միջնակարգ ուսումը՝ «բարեծնունդ զավակների դպրոցում», որը առաջին արական գիմնազիայի վերածվեց (այժմյան 1-ին միջնակարգ դպրոցը Թիֆլիսիում):

Բացառություն են կազմում միմիայն ուսանողական տարիները (1846—1850), երբ նա ուսանում էր Պետերբուրգի համալսարանում, ինչպես և ծառայության սկզբնական մի շրջան (1853—1858), երբ նա, իրու «աքսորյալ», պաշտոնավարում էր Դերբենտում:

Գրական ասպարեզ իշնելով 1863 թվականին, Գ. Սունդուկյանը կես դար շարունակ գործել է Թիֆլիսիում՝ սպասավորելով թե Հայ և թե Վրաց թատրոններին, միաժամանակ շիշական առաջնային անձունությունը կուլտուրայի գործիչների հետ:

Այստեղից պարզ է, որ Գ. Սունդուկյանի ստեղծագործության անաշառ հետազոտողը չի կարող այնպիսի հարցերի կողքովն անցնել, ինչպիսիք են մեծանուն թատերագրի ստեղծագործության առնչությունը Վրաստանի, մասնավորապես Թիֆլիսիի, և առհասարակ վրաց իրականության հետ:

Գ. Սունդուկյանը, հավանական է, անմիջապես ոչ մի շփում չի ունեցել և չեր էլ կարող ունենալ վրաց կլասիկ գրականության ականավոր ներկայացուցիչ, բանաստեղծ Ալեքսանդր Ճավճավածեի կամ, ըստ Հայկական հորչորչման,

Ճավճավազի (1786—1846) հետ, որն իր փեսա **Ա.** Գրիբոեդովի հետ միասին մեծ ծառայություն մատուցեց Հայ ժողովրդին պարսից լծից նրա ազատագրման գործում¹: **Ա.Լ.** Ճավճավաձեն հորինեց իր սքանչելի՝ «Գեղիշա» բանաստեղծությունը²:

Անկասկած, **Գ.** Սունդուկյանը գեռևս թրիլիսիում լսած կլի-ներ **Ա.Լ.** Ճավճավաձենի հորինած և լայն ժողովրդականություն ստացած «կոթիների մուխամբաղը» (վրացերեն՝ «Մուխամբա-զի լաթափուրի»), որ երգվում էր ինչպես հիմնական տեքստով, նույնպես և «Հեղինակին չպատկանած վարիանտներով»³:

Հենց նույն 1846 թվականին այս երգի մի վարիանտը լույս է տեսնում Պետերբուրգում այնտեղի համալսարանի պրոֆե-սոր վրացագետ Դավիթ Զուբինովի կազմած «Վրացերեն ծաղ-կաբաղ»-ում⁴, որը ոչ մի կերպ չէր կարող վրիպել **Գ.** Սուն-դուկյանի ուշագրությունից: Այդ երգը նույնությամբ վերահրա-տարակվում է **Գ.** Զուբինովի «Մաղկաբաղ»-ի երկրորդ հրա-տարակության մեջ՝ Պետերբուրգում 1863 թվին⁵, ինչպես նաև Սկանդար-Նովայի «Սալիխնո սաղանդարի» երգարանում սկսած 1870 թ. մի շարք հրատարակություններում⁶:

¹ Акты Кавказской Археографической Комиссии, VII, 607, 608, 767—770 etc. **Ա.Լ.** Երիցեան, Ամենայն հայոց կաթողիկոսութիւնը և Կովկասի Հայք XIX դարում, մասն ա (1800—1832), Թիֆլիս, 1894, էջ 352—355, 387—389, 394, 407—413 և այլն («Երևանի նահանգում զաղթական հայք տակավին սիրով հիշում են իշխան Աղավագին» և այլն): **Աղեքսանդր Ճավճավաձենի** բարի անունը», էջ 355): Վ. Պարտասյան, Գրիբոեդովը և հայ-ռուսական հարաբերություն-ները, Երևան, 1947, էջ 96, 118, 131, 166—167, 171, 187, 215, 225; **Ա. Մաղլակելիձե**, Նյութեր Ալեքսանդր Ճավճավաձենի կենսագրության համար. «Սահմանություններ» [Պատմության Տեղեկագիր], II, Թբ. 1946, էջ 183—217, 223—224, 260—261:

² Այս բանաստեղծության ոչ լրիվ հայերեն թարգմանությունը՝ «Սկանդարին ափերին» վերնագրով՝ տես Գեորգ Ասատուր, Մերձարկերի գրականության պատմություն, Վրաց գրականություն, I, Նմուշներ պոեզիայից, Երևան, 1931, էջ 39—40:

³ Նույն տեղում, էջ 41—42:

⁴ «Грузинская хрестоматия», составленная Д. Чубинским, ч. II. Стихотворения. СПб., 1846, стр. 233—234:

⁵ Նույն տեղում, 1863, էջ 90:

⁶ 1870, էջ 26—29, 1873, էջ 50—53, 1875, էջ 39—42, 1895, էջ 46—49 և այլն:

1869 թվականին Գ. Սունդուկյանն ավարտում է իր «Եղացն կամ նոր Դիոքինես» կատակերգությունը և արարվածով, ուրի, ի միջի ալլոց, օգտագործվում է Ա. Ճավճավաձեի այս երգը, սակայն ոչ թե ըստ Գ. Չուրինովի 1846 և 1863 թվականների հրատարակությունների, այլ մի փոքր տարբեր վարիանտով, որը կարող էր ծանոթ լինել նրան և Գ. Չուրինովից անկախ: Խրախուանքի այս երգը Գ. Սունդուկյանը բերում է ոչ թե ամբողջությամբ, այլ միմիայն 1, 2, 3, 4, 11 և 13-րդ տները, մինչդեռ ամբողջ երգը 14—15 տուն է¹: Բացի գրանից, Գ. Սունդուկյանի օգտագործած վարիանտի տեքստի ծանոթագրություններում կցված է ն. Տ.-Ղ.-ի հայերեն շափածոթարգմանությունները²:

Օգտվելով առիթից՝ նշում ենք Ա. Ճավճավաձեի «Լոթիների մուխամբաղ»-ի հիմնական տեքստի և Գ. Սունդուկյանի պիեսում օգտագործված վարիանտի տարբերությունները:

Նախ՝ Գ. Սունդուկյանի օգտագործած վարիանտում աշքի է ընկնում յուրաքանչյուր տան առաջին և երրորդ տողերին կցված «արիա-լալի», իսկ երկրորդ և շորտորդ տողերին՝ «թարիա-լալի» կրկներգը. մինչդեռ հիմնական տեքստում սրանք բացակայում են:

Ապա այլևայլ տուններում նկատվում են հետեւյալ տարբերակները.—

Էստ Գ. Ա.

Տուն	I ₃	շեմոդգոմամա
»	III ₁	սաղվինո
»	III ₁	մամե
»	IV ₂	գեմովներա
»	IV ₃	թիթոն
»	VI ₂	մծվանեթ մոսիլա

Էստ բնագրի

I ₃	շեմոդգոմաման
III ₁	սաղվինե
»	մումե
IV ₂	գեմերա
IV ₂	թվիթոն
XIII ₂	մծվանիթ շեմկուսա

¹ Ավելսանդր Ճավճավաձե, Երկեր, Թրիլիսի, 1940, էջ 5—6 (վրացերեն), ընդամենը 15 տուն, մինչդեռ Գ. Չուրինովի վարիանտը 14 տունից է բաղկացած: Գ. Ասատուրի թարգմանությունը պարունակում է 1, 2, 3, 4, 5, 6, 10, 9 (հտուառաչ), 11 և 12 տունները³.

² Այս թարգմանությունը (1869) տարբերվում է Գ. Ասատուրի թարգմանությունից (1931):

Պետերբուրգի Համալսարանն ավարտելուց հետո Գ. Սունդուկյանն, ինչպես Հայտնի է, վերադառնում է Թիֆլիս, ուր և մանում է պետական ծառայության՝ Կովկասի փոխարքայի դիվանատան բանավոր թարգմանչի (словесный переводчик) պաշտոնով՝ 1850 թվականի 5 դեկտեմբերից, և այդ օրվանից հաստատվում է կոլլեժսկի քարտուղարի (коллежский секретарь) աստիճանում։ 1853 թվականի դեկտեմբերից Գ. Սունդուկյանը նույն հիմնարկում նշանակվում է սեղանապետի կրտսեր օգնականի (младший помощник столоначальника) պաշտոնում՝ միաժամանակ Հաստատվելով տիտուլյար խորհրդականի (титулярный советник) աստիճանում, ինչպես երեսում է Վրաստանի կենտրոնական պատմական արխիվում պահպաժ գործից։

1853 թվականին Գ. Սունդուկյանն ինչ որ ընդհարում է ունենում Կովկասի փոխարքայի դիվանատան քաժանապահ, կոլլեժսկի քարտուղար Քելյանի հետ, որի կապակցությամբ Գ. Սունդուկյանը, դիվանատան դիրեկտորի կարգադրությամբ դիվանատան կից տնային կալանքի է ենթարկվում։ Սակայն Կովկասի փոխարքա Մ. Ս. Վորոնցովն՝ անբավարար համարելով իր դիվանատան դիրեկտորի միջոցառումը Գ. Սունդուկյանի նկատմամբ՝ կարգադրում է աքսորել վերջինիս Դերբենտ տեղիս դինվորական նահանգապետի դիվանատան գործերի վարիչի պաշտոնով, նույն նահանգապետի (գեներալ-մայոր Մինկվիցի) հըսկողության տակ։

Մեր տրամադրության տակ է Կովկասի փոխարքա և նովորոսիայի ու Բևսարաբիայի գեներալ-գուբերնատոր իշխ. Մ. Ս. Վորոնցովի 1853 թվականի դիրեկտորի № 3270 թվահամարով առաջադրությունը իր դիվանատան դիրեկտորի անունով, հետեւյալ բովանդակությամբ (էջ 65ա—95բ)։

¹ Հմմ. Ե. Շահազիզ, Գարբին Սունդուկյանց (Մննդյան հարյուրամյակի առթիվ), Կենսագրական նոթեր, «Տեղեկագիր» ՀԽՍՀ գիտության և արվեստի ինստիտուտի, № 2, Երևան, 1927, էջ 136—137։

«Господину директору канцелярии моей по званию Наместника Кавказского.

Дошло до сведения моего, что летом нынешнего года младший помощник столоначальника канцелярии моей титулярный советник Сундукинц дозволил себе дерзкие предосудительные выражения против начальника отделения и казначея канцелярии моей, колледжского советника Беляева, при объяснениях по службе, и что Ваше Превосходительство ограничились орестованием его при канцелярии.

Находя эту меру взыскания совершенно недостаточною, тем более, что чиновник Сундукинц не согласился даже просить прощения у обиженного им, я предлагаю Вашему Превосходительству сделать немедленно надлежащее распоряжение о безотлагательном отправлении Сундукинца на службу к дербентскому военному губернатору с увольнением из канцелярии моей, поручив генерал-майору Минквицу иметь наблюдения за поведением его, не дозволяя ему выезда из Дербента без особого разрешения моего».

9. Սունդուկյանի գործի¹ այսպիսի բնթացքի հետևանքով նրա մայր Թինաթին Սունդուկյան-Ռոտինյանը հայցագրեր է ուղղել, ուր Հարկն է, որպեսզի իր որդի Գաբրիելին վերադարձնեն Թրիխիսի, պատճառարանելով իր ծանր վիճակը:

Այսպիսի մի թուղթ՝ գրված ուստի բայց վրացերեն ստորագրությամբ² Թինաթին Սունդուկյանը մատուցել է 1856

¹ Գ. Սունդուկյանի բնդհարումը ցարական շինովնիկի հետ հիշեցնում է Կ. Արովյանի նովնախիսի բնդհարումը Թրիխիսի այդիներից մեկում, եթե 3 շինովնիկ նրան վիրավորանք են հասցնում:

² Այս հանգամանքը ե. Շահազդը (Հիշուած գրվածքում) բացատրում է նրանով, «որ նա, Թինաթինան, հայերեն գրել-կարդալ չի խմացել», հետեւ պես և Գաբրիելն ևս «յուր մանկության օրերում հավանորեն վրացերեն է թոթովել ու հայերենը հետո է սովորել»: Մեր կարծիքով, Գաբրիելի մայրը կարող էր հայերեն գրել-կարդալ չմանաւ, բայց Թրիխիսի բարբառով խոսեր և այդ բարբառը մատշելի դարձներ յուրայիններին:

թվականի գեկտեմբերին, նոր նշանակված փոխարքա իշլա-
Ա. Պ. Բարյատինսկով՝ անունով:

Միաժամանակ՝ գործն հաջողեցնելու նպատակով Թ. Սուն-
դուկյանը միջամտություն է խնդրում նույն տարիներին մերձ-
կասպյան երկրից երբեմն թրիլիսի եկող վաղեմի ծանոթ Գրի-
գոր Օրբելիանուն²: Եվ, ի հետևումն այսպիսի միջնորդության.
Գր. Օրբելյանին իր կողմից հատուկ նամակով դիմում է Կով-
կասի փոխարքայի դիվանատան դիրեկտոր Ալեքսեյ Ֆեոդորո-
վիչ Կրուզենշտերնին համապատասխան պատճառաբանու-
թյամբ:

Քանի որ Գրիգոր Օրբելիանու այս նամակը, գրված 1857
թվի 25 փետրվարին, կարեոր փաստաթուղթ է Գ. Սունդուկ-
յանի և Գ. Օրբելիանու փոխհարաբերությունների լուսարան-
ման համար, որ չի օգտագործվել ինչպես Գ. Սունդուկյանի,
նույնպես և Գ. Օրբելիանու կյանքի ու գործունեության ուսում-
նասիրությամբ զբաղվող մասնագետների կողմից, այն ևս
ընդօրինակում ենք այստեղ:

«Милостивый Государь Алексей Федорович!

Во время пребывания моего в Тифлисе, несколько раз, приходила ко мне мать служащего в канцелярии дербенского военного губернатора, титулярного советника Сундукияна и, объясняя крайнее во многих отношениях положение, терпимое ею со времени высылки сына ее на службу в Дербент, просила моего ходатайства о переводе его в Тифлис, на прежнее место служения.

Вследствии этого и зная Сундукияна, как отличного молодого человека, рекомендованного всегда ближайшим его начальством за его похвальную службу и примерное поведение, я не мог отказать матери в участии своем в просьбе ее сына, и желая лично передать Вам покорнейшую просьбу о нем; но разные дела и хлопоты,

¹ Կովկասի փոխարքաներ էին. Մ. Ա. Վորոնցով՝ 1844—1854, Ն. Ն. Մուրավյով՝ 1854—1856, Ա. Պ. Բարյատինսկի՝ 1856—1862:

² Հինելով մերձկասպյան երկրի գորերի հրամանատար և քաղաքացիական մասի պետ՝ Գր. Օրբելիանին մեծ մասամբ ապրել է Գերբենտում, ուր և, հավանական է, շփում կռւնենար տեղիս գինվորական նահանգապետի, նրա դրվանատան ու վերջինիս վարիչ, երիտասարդ Գ. Սունդուկյանի հետ

в которых я был во время пребывания своего в Тифлисе, помешали мне.

Ныне отъезжая, я решаюсь обратиться к вам письменно, с убедительной просьбой о принятии в судьбе Сундукианца благосклонного участия и перевода его на службу в Тифлис, на соответственное место, когда только Вы найдете это возможным».

Եվահան, անտարակույս, Գր. Օրբելիանու այս միջամտության հետևանքով է, որ 1858 թվականին Գ. Սունդուկյանը վերադառնում է Թբիլիսի, որ մի ժամանակ պաշտոնավարում էր ճանապարհների հաղորդակցության վարչությունում, ապա Թբիլիսիի նահանգական վարչությունում:

Սակայն Գր. Օրբելիանու միջամտությունը երիտասարդ Գ. Սունդուկյանին աքսորից ազատելու և Թբիլիսիում վերաբերնակվելու համար, միակ գեպքը չէր, որով Գր. Օրբելիանին ցուցաբերեց իր հոգատար վերաբերմունքը գեպի Գ. Սունդուկյանի անձնավորությունը:

Մի քանի խոսք 1865 թվականի 27—28 հունիսի դեպքերի, Թբիլիսիի համբարների ապստամբության մասին, որի «գըրդիչների» ու «գրգորիչների» դերումն են եղել, ի միջի այլոց, Թբիլիսիում գործող առաջավոր հայ ինտելիգենցիայի ներկացացուցիչները, կապված «Հյուսիսափայլ»-ի հետ, և սրանց թվում Գ. Սունդուկյանը, որին սպառնում էր կալանք, բանտարկություն, աքսոր և այլն, և որից դարձյալ նրան ազատել է Օրբելիանին՝ ոստիկանական և դատաստանական քննության ընթացքին այլ ուղղություն տալով¹:

Գ. Սունդուկյանի անունն այս ապստամբության վերաբեր-

¹ Գ. Սունդուկյանի առնշության մասին 1865 թ. ապստամբության հետ, տե՛ս Լ. Մելիքսեբ-Բեկ, Համբարների ելույթը Թբիլիսիում 1865 թվականին, Գ. Սունդուկյանը և հայ մտավորականները, — «Խորհրդային Կրաստան» 1938, № 19 և 20; Լ. Մելիքսեբ-Բեկ, Սրբիվալին նյութեր Թբիլիսիի համբարների 1865 թ. «ելույթի» պատմության շուրջը, «Սահմանորի մոամբե» [=Պատմության տեղեկագիր], III, Թր. 1947, էջ 1—144, և առանձին (նյութերը՝ ոռուսերեն, վրացերեն, հայերեն, և գերմաներեն, մեր վրացերեն առաջարանով); Լ. Մելիքսեբ-Բեկ, «Հյուսիսափայլ»-ի գաղափարախոսները և շարական վարչապետները Կովկասում: «Տեղեկագիր» ՀՍՍՌ ԳԱ, 1946, № 5, էջ 67—68:

յալ փաստաթղթերում հոլովկում է առնվազն 6 անգամ.—

1. 1865 թվականի 27—28 հունիսի «Ելույթը» քննող կոմիսիայի որոշման մեջ № 19 ներքո կարդում ենք (фонд особо важных дел ЦГИА Арх. Упр. МВД Груз. ССР № 215, стр. 56а—63б; ср. фонд 7/16 дело № 465, стр 51а—59а).

«Самым главным двигателем этого замысла, по объяснению Вартанова, был надворный советник Григорий Измиров, происходящий из сословия почетных граждан, а сообщниками: советник Тифлисского губернского правления надворный советник Гавриил Сундукианц, доктор Ротинианц, помощник квартирного надзирателя Салагов (все три происходящие из граждан), а состоящий с Ротинианцом и Сундукианцом в товариществе по содержанию типографии, член Тифлисского городского общественного управления Амбарцум Энфиаджианц, редактор печатаемой в типографии Энфианджианца газеты «Пчела Армении» Петрус Симонянц и почетные граждане....

Против Гавриила Сундукианца и свояка его доктора Ротинианца Шермазан-Вартанов приводит вражду их к нему за наложение запрещения на имение последнего из них. Сверх того Сундукианца обвиняет еще как в распространении, во время поездки Измирова в Эчмиадzin, ложных слухов, что будто-бы тифлисские граждане будут платить торговую пошлину наравне с торгующими здесь иностранцами, так и в угрозе ему, Вартанову, по поводу наложения запрещения на имение свояка его доктора Ротинианца, но доказательства по первому обвинению не представил, а по последнему ссылается на губернатора, в присутствии которого Сундукианц пригрозил ему, Вартанову...»

2. Նույն փաստաթղթի եղափակման մասում ասված է (տես նույն գործը):

¹ Ա. Մելիքսեր-Բեկ, Արխիվային նյութեր Թբիլիսիի Համբարների 1865 թ. «Ելույթի» պատմության շարքը, Թբիլիսի, 1947, էջ 36:

«Ввиду сих соображений, а также по важности и особенности сего дела, следственная комиссия определяет сделать следующее:

1) надворного советника Григория Измирова, помощника комиссара Моисея Салагова, члена Тифлисского городского управления Амбарцума Энфианджианца, почетных граждан: Назара Назарбекова, Егора Придонова, Даниила Измирова, Ивана и Иллариона Пораковых, Артема Байсаголова, гражданина Степана Сагинова (он же Колот) и Гево Гозалова, одновременно со взятием их к допросу, заключить под стражу в Тифлисском Метехском замке, и когда они будут арестованы, в тот же день приступить к допросу их; 2/...; 3/ Что же касается доктора Ротинианца, редактора газеты «Пчела Армении» Петруса Симонианца и советника Тифлисского губернского правления, надворного советника Сундукианца, то, по недостаточности в настоящее время улик, должны служить основанием ко взятию их к следствию и под арест, поставить особое заключение, когда впоследствии при дальнейшем производстве исследования выяснится прикаосновенность их к делу, с большой осторожностью...»:

3. Նույն քննիչ կոմիսիայի գաղտնի քննության արձանագրության մեջ 1865 թվականի սեպտեմբերի (?) թվաշամարով, ի միջի այլոց, նշված է (տես նույն գործը, էջ 102—104ա).¹

«Армянская газета «Пчела» печатается в типографии, принадлежавшей Амбарцуму Энфианджианцу, Гаврииле Сундукианцу и доктору Ротинианцу...

Все трое находятся в переписке с различными агентами за границей. К партии этой принадлежит: Григорий Измиров, Амбарцум Энфианджианц, доктор Ротинианц и служивший в Губернском Правлении Гавриил Сундукианц.

¹ Ա. ՄԵԼԻՔԻՆ-ԹԵՂ, Արխիվային նյութեր Թրիլիսիի համբարների 1865 թ. «Ելույթի» պատմության շուրջը, Թրիլիսի, 1947, էջ 55—56.

«Первые трое весьма осторожно стараются распространить во всех лучших армянских домах идеи о свободе, порицают действия правительства нашего, вселяют к нему ненависть и уговаривают детей отправлять для воспитания за границу и преимущественно в Базель.

Измиров и Энфиаджианц в том же духе действуют на народ, сообразно понятий черни, в духе их интереса, выставляя им на вид обременительные налоги, вводимые правительством, пугая их рекрутчиной, и что правительство положительно стремится обратить их в православную веру и окончательно поработить весь армянский народ.

Доктор Ротинианц... воспитанник Дерптского университета и под видом медика везде бывает и проводит в народе те же идеи, чем также занимается и Сундукианц; главная же роль Сундукианца заключается в том, что он обязан узнавать, следят ли за их действиями тайная и местная полиция, и, как говорят они, он в этом отношении доставляет обществу довольно положительные и верные сведения».

4. Կովկասի փոխարքայի գլխավոր վարչության դատական գործերի գեղարտամենտի գրությունը՝ քննիչ կոմիսիայի նախագահի հասցեով 1865 թվականի 17 սեպտեմբերի թվաշամարով՝ Գաբրիել Սունդուկյանի և Գալուստ Շերմազան-Վարդանյանի բարոյական կերպարի մասին, ըստ ժանդարմների կորպուսի Ե-րդ շրջանի պետ գեներալ-լեյտենանտ Մինկվիսի¹ տվյալների (տես նույն գործը, էջ 1080—1090)².

«...Генерал-лейтенант Минквиц, представляя извлечение это при рапорте от 10 сего сентября за № 119, за отсутствием великого князя наместника генерал-адъютанту князю Орбелиани, присовокупляет, что показанный в числе прочих лиц Гавриил Сундукианц более других известен ему за человека честных правил, благона-

¹ Գերրենտի նախկին զինվորական նահանգապետն է, որի դիվանատան վարիչն էր Գ. Սունդուկյանը 1853—1858 թթ.:

² Լ. Մինկվիսի-Թեկ, Արմինվային նյութեր..., էջ 62:

меренного и умного настолько, чтобы ясно понимать выгоды положения армянского народа под благоверными законами нашего правительства; остальные лица хотя ему известны менее, но, судя по их образованию, думается, что и они не чужды тех же мыслей, вытекающих прямо из настоящего их спокойствия и благосостояния. Затем генерал-лейтенант Минквиц объясняет, что бывший городской голова Калуст Шермазан-Вартанов, сколько он знает, известен за человека неблагонамеренного недобросовестного: обвиняя эти лица голословно, дает право думать, что этим поступком, происходящим может быть из личных его интересов, желанием отклонить от себя могущее возникнуть подозрение в его собственной виновности, и потому генерал Минквиц не может дать веры его оговору, как бездоказательному и не принимаемому законами, а тем более делать какие-либо распоряжения, не входящие в круг его служебных обязанностей».

5. Կովկասի փոխարքայի՝ Կառավարի Սենատի հասցեով
ուղարկված զեկուցագրում (ուսպուտում)՝ 1869 թվականի
օգոստոսի թվաշաբաթով, ի միջի այլոց, ասված է (фонд
ЦГИА 7/20, дело № 2, стр. 32—44а).

«... Вартанов заявил обвинение противу следующих лиц: надворного советника Сундукианца и свояка его доктор Ротинианца, что они питают к нему вражду за наложение запрещения на имение последнего и что Сундукианц, сверх того, распространял ложные слухи, что будто бы тифлисские граждане будут платить торговую пошлину наравне с иностранцами...

Следственная комиссия, на основании его (Вартанова) заявления постановлением, 28 июля (185 г.) состоявшимся, определила: поименованных в объяснении Вартанова лиц, за исключением Ротинианца, Симонианца и Сундукианца, заключить под стражу и затем приступить к допросу их...»¹.

¹ Ա. Մելիք-Բեկ, Արխիվային նյութեր..., էջ 102:

6. Գր. Օրբելիանի անձնական արխիվում պահված մի թղթում, որ ինքն է գրել մատիտով, վրացերեն, «Գալավի տան ավերման պահին եղել են» նյութի շուրջը, ի միջի այլոց, Յ-րդ կետում կարգում ենք (Վրացական ՍՍՌ ԳԱ Վրաստանի պետ. թանգարանի Ա ֆոնդի 155Ճ, XVI-րդ կազոց):

«Սունդուկյանց: Իվան Ադամիչ Փորաքովն ասաց գալավին (այսինքն Թբիլիսիի քաղաքագլուխ Գալուստ Շերմաղան-Վարդանյանին. Լ. Մ.-Բ.), որ կիրակի օրը, երբ ոստիկանատան առաջ ժողովուրդ էր հավաքված, Սունդուկյանցը այս ու այն տեղ խոսում էր ժողովրդի հետ [հասկացնելով], որ գալավան է մեղավոր և պիտի պատժվի»:

Այսպիսով, պաշտոնական, մասամբ և ոչ պաշտոնական փաստաթղթերից քաղված այս մեջբերումները միաբերան վկայում են, որ Գ. Սունդուկյանն ուղղակի թե անողղակի կերպով կապված է եղել 1865 թ. 27—28 հունիսին Թբիլիսիում պայթած համբարների (արհեստավորների) ապստամբության մասնակիցների հետ, լինելով նրանց «դրդիչների» կամ «գրգորիչների» շաբթերում, իրու շարժման «գաղափարախոսներից» մեկը:

* * *

Գ. Սունդուկյանն առանձին սիրով է հիշում վրաց քանատեղծ և ազգագրագետ, իրեն հասակակից Ռաֆիել Էրիսթավուն (1824—1901)², որին երախտապարտ էր հատկապես «Պեպո»-ն վրացերենի վերածելու գործում օժանդակելու համար գեռևս 1874 թվականին, որից հետո միայն՝ 1875 թ. նոյեմբերի 27-ին այն առաջին անգամ բեմադրվեց վրացերեն լեզվով:

«Պեպո»-ի՝ 1880 թվականին ժուռնալ «Իվերիա»-ում և

¹ «Արխիվային նյութեր....», էջ 143—144; Հմ. Լ. Մելիքսեր-Բեկ, Համբարների ելույթը Թբիլիսիում 1865 թվականին, Գ. Սունդուկյանը և հայ մտավորականները, «Խ. Վրաստան», 1938, № 20; Խոյնի «Հյուսիսափալլ»-ի գաղափարախոսները և ցարական վարչապետները Կովկասում, «Տեղեկագիր» ՀՍՍՌ ԳԱ, 1946, № 5, էջ 67—68:

² Ո. Էրիսթավու մասին տես՝ Գ. Ասատոր, Մերձարևելքի գրականության պատմություն. Վրաց գրականություն, I, Նմուշներ պոեզիայից, Երևան, 1931, էջ 61—65:

սուանձին հրատարակությամբ ևս լույս տեսած վրացերեն թարգմանության առաջարանը սկսվում է Գ. Սունդուկյանի գեղագիտության մեջ, երիսթավին արտահայտած երախտագիտական խոսքերով. «Տպագրելով վրացերեն այս իմ երկասիրությունը՝ նախ և առաջ պարտք եմ համարում սրտագին շնորհակալությունս հայտնել բանաստեղծ իշխ. Ռափիել երիսթավուն, որն եղբայրական օգնություն ցուց տվեց ինձ 1874 թվականին, երբ այս երկասիրությունը թարգմանում էի»: Ապա Գ. Սունդուկյանը նշում է Դավիթ ավագ քահանա Յարալյանի և Խոսկը Բաբրածեի անուններն ես, որոնք նմանապես որոշ օժանդակություն են ցուց տվել իրեն¹:

Առանձնապես կարելոր է նշել Գ. Սունդուկյանի մասնակցությունը Ռ. երիսթավու գրական գործունեության 50-ամյա չորեկանին, որ տեղի է ունեցել 1895 թվականի գեկտիմ-րերին:

Ի պատիվ Ռ. երիսթավու 1895 թվականի 29 հոկտեմբերին կազմակերպված ճաշկերուկթի մասին, որին ներկա է եղել մոտ 300 հոգի, մանրամասն գրում է ժուռնալ «Կվալի»-ն: Նույն այդ ճաշկերուկթին բաժականառեր են արտասանել Գր. Արաշիձեն, Ակագի Մերեթելին, Վելիչկոն, Իլիա Ճավճավածեն, Գիորգի Մերեթելին, Կ. Զիերիձեն, Իվանե Մաշաբելին, Գաբրիել Սունդուկյանը, Մ. Մաշաբելին և ուրիշներ, որոնց արտասանած խոսքերը տպված են նույն հանդեսում:

Մասնավորապես Գ. Սունդուկյանի մասնակցության մասին այդ խնդույքին նույն տեղում կարդում ենք հետեւյալը.

«Խմեցին նաև հայ թատերագիր Սունդուկյանցի կենացը, որին պ-ն Սունդուկյանցը պատասխանեց հետեւյալ հայտարարությամբ հասարակության առաջ.

«Ես այսօր առանձնակի կենացի արժանի շեմ, քանի որ այս տեսակ բոլոր կենացները միմիայն հորելյարին են պատկանում: Այս ևս կհայտնեի մեր աղջի անունից, որ մենք՝ Վրաստանում սնված հայերս՝ վրաց հոգով ենք հասունացած, Վրաստանի փորձանքի և ուրախության մենք միշտ հաղորդակից ենք եղել ու կլինենք»²:

¹ «Իվերիա», 1880, № 3, էջ 207, առանձին հրատ., Թր. 1880, էջ 3:

² «Կվալի», 1895, № 46, էջ 8:

* *

Վրաց մեծ բանաստեղծ, վիպագիր, հրապարակախոս և հասարակական գործիչ Իլիա Ճավճավաձեն (1837—1907) մեծ հոգատարությամբ էր վերաբերում զեսի Գ. Սունդուկյանը, չնայած այն հանգամանքին, որ երբեմն նույնիսկ սուր քննադատության էր ենթարկում նրա ստեղծագործությունը:

Իլիա Ճավճավաձենի շնորհիվ է, որ Գ. Սունդուկյանի երկերը մատչելի դարձան վրաց թնթերցող հասարակությանը:

Այս ասելով մենք ի նկատի ունենք գոնք այն երկու երկը, որոնք իրար ետևից լույս տեսան վրացերեն թարգմանությամբ ի. Ճավճավաձենի «Իվերիայում», այն է՝ 1879 թվին «Վարինկի վեշերը», Պ[ետրէ] Ռ[ուսական] Ու [միկաշվիլ] ու թարգմանությամբ, № 5—6, էջ 74—116, և 1880 թվին «Պեպո»-ն, Հեղինակի թարգմանությամբ, № 3, էջ 205—317, և առանձին գըրքույզով՝ Թբիլիսի 1880, 80 էջ:

Նույն Իլիա Ճավճավաձենի «Իվերիա» թերթի էջերը միշտ հյուրընկալել են Գ. Սունդուկյանին այս կամ այն առիթով ելույթի համար, «նամակ խմբագրության»-ի ձեռվ, օրինակ 1886 թ. № 49, 1901 թ. № 99 (այսպիսի մի նամակ տպված է նաև «Դրոերա»-ում 1883 թ. № 219):

Վերջապես, թի «Իվերիա» հանդեսը և թի թերթը, սիստեմատիկ կերպով արձագանքել է Գ. Սունդուկյանի պիեսների բեմադրությանը մանավանդ վրացերեն՝ համառոտ կամ ընդարձակ հաշվետվություններ տալով նրանց մասին, սկսած 1877 թվից (№ 6) մինչև 1904 թ.: Սրանցից մեկում (1886 թ. № 44) նույնիսկ նշված էր, որ «Գ. Սունդուկյանի «Խաթթաբալա»-ն և առհասարակ նրա բոլոր պիեսները վրաց բեմի վրա ավելի հաջող են կատարվում, քան թի հայկականում, որ ինքը պատվարժան հեղինակն էլ լավ գիտե»:

Ինչ վերաբերում է անձամբ Իլիա Ճավճավաձենին, նա լոկ

¹ Այս նամակների հայերեն թարգմանությունները տես 1. Մելիքսեբը, թելի, Գ. Սունդուկյան և վրաց կլասիկները.՝ «Տեղեկագիր» ՀՍՍՌ ԳԱ, 1950, № 8, էջ 78—80:

մի անդամ է առիթ ունեցել արտահայտվելու Գ. Սունդուկյանի ստեղծագործության, հատկապես «Պեպո»-ի մասին:

Դա «իվերիա» թերթի 1889 թ. 4 փետրվարի (№ 27) առաջնորդողն է, նվիրված «Մուրճ» ամսագրի լույս տեսնելուն, որի առաջին իսկ համարում զետեղված էր Գեորգ Զմշկյանի «Գ. Սունդուկյանց. կենսագրական ուսվածք»-ը:

Քննադատելով Գ. Զմշկյանի Հոդվածը և մեր թատերագրին «պատվարժան հայ դրամատուրգ պարոն Սունդուկյանց» անվանելով, իլիա Ճավճավաձեն, ի միջի այլոց, այն միտքն է արծարծում, որ «վրացական [թատրոնական] ուսպերտուարում, չհաշված թարգմանական գործերը, [այնուամենայնիվ] «Պեպո»-ն ավելի հաջող գործ է»¹: Թեև Գ. Սունդուկյանի տված կինտոյի դրական կերպարը Ի. Ճավճավաձենին, ըստ երեսյթին, չէր բավարարում:

* * *

Վրաց գրականության ներկայացուցիչներից Գ. Սունդուկյանը ամենից ավելի մոտ է եղել բանաստեղծ Ակակի Շերեթելու հետ (1840—1915): Այդ հարաբերությունը կամ, ավելի ճիշտն ասած, անձնական բարեկամությունը, որն իր ժամանակին մի տեսակ արտահայտությունն էր հայ և վրաց ժողովուրդների ու գրականությունների եղբայրակցության, ամենափայլուն օրինակն էր հայ և վրաց ինտելիգենցիայի մերձեցման և փոխադարձ կապի:

Սակայն կարենորն այն է, որ Ա. Շերեթելին ուղիղ 15 տարով Գ. Սունդուկյանից կրտսեր լինելով՝ նայում էր վերջինիս իբրև իր մեծ եղբոր:

Ուստի և միանգամայն հասկանալի է, թե ինչու ընդամենը 11 տարվա ընթացքում Ա. Շերեթելին այս կամ այն առիթով մեկը մյուսի ետեից նվիրում է Գ. Սունդուկյանին առնվազն 3 բանաստեղծություն։ 1. «Մտերիմիս (Նվիրում եմ այ-ն Սունդուկյանցին)», 8 տուն, 1901 թվին, «Պեպո»-ի բեմադրու-

¹ Իլիա Ճավճավաձեն, Երկերի լիակատար ժողովածու, հատոր II, Թբիլիսի, 1941, էջ 195—198։

թյան 30-ամյակի առթիվ, 2. «Գ. Ն. Սունդուկյանցին», 4 տուն,
1910 թվին՝ հավանական է նրա ծննդյան 85-ամյակի առթիվ,
և 3. «Գարբրիել Սունդուկյանցի թաղման օրը», 4 տուն, 1912
թվին՝ նրա թաղման օրը գերեզմանի առաջ արտասանած¹:
Ներկայումս Գ. Սունդուկյանը հանդչում է «Խոչիվանքի» պան-
թեռնում:

Ահա Ա. Ծերեթելու երեք բանաստեղծությունները հայերեն
թարգմանությամբ.

Ա.

ԲԱՐԵԿԱՄԻՒՄ

(Նվիրում եմ պ-ն Սունդուկյանցին)²

Առանց ազդի խրարության ես
Բարիքներ եմ մաղթում նըրան,
Ով որ մարդ է ճշշմարտապես՝
Արեգական լույսի նըման:

Միության և եղբայրության
Ոչ մի բան չեմ գերադասել.
Ուժը սըրանց զուգակցության
Էն գրլիխցն եմ ասել, ասել:

Բայց ի՞նչ արած, թե մի ընկեր
Տունըս մըտավ, սարքեց դավեր,
Եվ ինձ ասաց. «Իմըս իմն է»,
«Ինչ որ քոնն է, այն էլ իմն է»:

Եղբայր, ինչո՞ւ զըրկանը կըրեմ,
Էլ չես պաշտո՞ւմ երկինք-գետին...

¹ Երեքի բնագրերը համապատասխան կոմենտարներով տե՛ս Լ. Մելիք-սեբ-Բեկ, Գ. Սունդուկյանը վրացական պոեզիայում (Վրացերեն), «Լիտ. Սաբարթվելո», 1940, № 3:

² Բնագրերը՝ «Մեղորարս (վուճղվնի բ-ն Սունդուկյանց)», տե՛ս «Թիվերի թերթի 1901 թվի № 124, Ակակի Մերեքի, Երկերի լիակատար ժողովածու, Հ. I, Բանաստեղծություններ, Թբիլիսի, 1940, էջ 603—604:

Դու էլ կացիր... ևս էլ լինեմ,
Զենք խանգարի մեկը մեկին:
Եիրմիս վըրա պալատ շինե՞ս,
Աշխատեցնե՞ս քարկոփ մըշակ.
Դու ինձ տատասկ քաղել ստիպե՞ս,
Ինքըդ քաղե՞ս վարդ-մանիշակ:

Սրա անունն է ոտնաշարում,
Եվ անարդար գըշլում-գըռփում...
Մոռացե՞լ ես, չե՞ս տարբերում
Վերև կայծակ, ներքեւ խըլրտում...

Եղանակն է մերթ լավ, մերթ վատ,
Ալսօր այսպես, վաղբն այնպես,
Տիեղերի օրենքն է այդ...
Չհս խուսափի, ինչ էլ անես:

Թե ինձ ճընշես... լինես խըլճուկ,
Կը զըրճվի լոկ թըշնամին մեր,
Ինքներս կասենք. «Վայ և եղուկ»,
Իսկ նաև «մրավալ ժամի-ի-եր»:

(Թարգմ. Լ. Մելիքսենթ-Բեկի)

Բ¹

Գ. Ն. ՍՈՒԵԳՈԽԿՅԱՆՑԻՆ

Ես մի վըրացի, իսկ դու հայ ևս մի,
Բայց մենք երկուսով եղբայր ենք հիմի,

¹ Բնագիրը՝ «Գ. Ն. (սիալմամբ տպված է Ս.) Սունդուկյանց»: Լ. Մելիք-սեր-Բեկ, Հիշալ Հոգվածը: Ակադի Սեւերելի, երկեր, հ. I, էջ 822: Հայերին թարգմանությունները՝ անստորագիր — «Խ. Վրաստան», 1937, № 73, 1940, № 123, Գ. Սարյանի և Ա. Մեհրաբյանի «Խ. Հայաստան», 1937, № 37, Գ. Սարյանի ժողովածուում «Ակադի Սեւերելի», երկան, 1940, էջ 44, «Խ. Հայաստան», 1940, № 143. «Քրական թրմի», 1940, № 17, «Արշավ», 1940, № 3, էջ 21, Հովիթ. Կառավետյանի (Կարայանի) «Հոկտեմբերյան սերոնդ» (Թբիլիսի), 1940, № 1, էջ 11: Մանրամասն թիրլիոգրաֆիան՝ Լ. Մելիքսեր-Բեկ, Ակադի Սեւերելու երկերի Հայերին թարգմանությունները, «Թիրլիոգրաֆիս մոամբե», Թբիլիսի, № 2—3, 1941, էջ 220—221:

Երկուսս էլ զավակ նույն հողի, ջըրի,
Եվ նույն բընության և նույն լեռների:

Մեծ Կովկասը իր գագաթներով վեհ
Բընածին ձիրքիդ հասակ է տրվել.
Եվ բընությունն այս փարթամ ու ծաղկուն՝
Գույներ է տրվել տանջված բո հոգուն:

Եվ տառապանքիդ հուզումներն անվերջ
Հյուսել ևս հըմուտ՝ քո երկերի մեջ.
Ու ժառանգել ևս անմահ մի անուն,
Սերունդից սերունդ դարձել միս, արյուն:
Բազմաթիվ մարդկանց հույզ ու տենչերին
Միացնում եմ ևս բաղձանքները իմ.
Խոնարհվում եմ մեծ գործիշի առաջ,
Կըրտսեր եղբոր պես՝ մեծ եղբոր առաջ:

(Թարգմ. Գ. Սարյանի)

Գ

ԳԱՅՐԻԵԼ ՍՈՒՆԴՈՒԿՅԱՆՑԻ ԹԱՂՄԱՆ ՕՐԸ

Այսօր հողին են հանձնում
Ուշիմ մարդու սառած դին,—
Որ լույս-շողեր էր սըմում
Մեր տարացեղ աշխարհին:

Փայփայում էր հրաշագեղ
Իղձեր, տենչեր հուսալի.
Մարդ էր փընտրում ամեն տեղ
Եղբայրական սիրով լի:

Մարդը միայն մարդ լինի,
Բոլորն իրար հավասար,—

¹ Բնագիրը «Գաբրիել Սունդուկիանցիս դամարխովիս դղես», «Թեմի», շաբաթաթերթ, 1942, № 64, լ. Մելիքսեր-Բեկ, հիշյալ հողվածը, «Լիտ. Սարբաթվելո», 1940, № 3; Ակալի Ծեւերելի, Երկեր, հ. I, էջ 839.

Հեղինակըն անվանի
Քարոզում էր անդադար:

Վըսեմ գործով վայելեց
Ժողովրդի սեր, հարգանք.
Հըստակությամբ վաստակեց
Հավերժ քուն և մեծարանք:

(Թարգմ. Լ. Մելիքսեթ-Բեկի)

* * *

Սակայն Ա. Ծերեթելին միակը չէ վրաց գրականության բնագավառում, որը զնաճատել է Գ. Սունդուկյանին:

Հայտնի է երկու «Ճոն» ևս, նվիրված Գ. Սունդուկյանին. ա. Սկանդար-Նովացի (Սկանդարյանի)¹ «Գարրիել Նիկիտիչ Սունդուկյանին», 1875 թ. փետրվարի 10-ի թվաճամարտվ¹, և բ. Կոնստանտին Մեսիխի՝ «Գարրիել Սունդուկյանցին», 1901 թ. ապրիլի 29-ի թվաճամարտվ²:

Գ. Սունդուկյանի ստեղծագործությանը և պիեսների բեմադրություններին վրաց թատրոնում հաճախակի արձագանքել են այնպիսի գործիչներ, ինչպիսիք են Պ. Ումիկաշվիլին («Վարինկի վեշերի» թարգմանիչը), Կ. Ղիփիանին, Ա. Մեսիխին Փուրցելաձեն և շատ ուրիշներ³: Գ. Սունդուկյանը մոտ է եղել նաև հայտնի հրազդարակախոս և հասարակական գործիչ Ն. Յ. Նիկոլաձեի հետ:

¹ Բնագիրը՝ «Գարրիել Նիկիտիչ Սունդուկյան», «Սալիխնո սաղանղարի», 3-րդ հրատ., Թբիլիսի, 1875, էջ 145—147, 4-րդ հրատ., 1895, էջ 217—219.

² Բնագիրը՝ «Գարրիել Սունդուկյանց», որ գտնվում է Հայաստանի գրական թանգարանում (Գ. Սունդուկյանի արխիվում), հրատարակված՝ Լ. Մելիքսեր-Բեկ, Գ. Սունդուկյանը վրացական պոեզիայում, «Լիտ. Սաբարթվելո», 1940, № 3:

³ «Վրացական ամսագրերի և ժողովածուների անալիտիկ բիբլիոգրաֆիա», պրակ II (1877—1892), հրատ. Վրացական ՍՍՌ Կ. Մարգսի անվան Հանրատին գրադարանի, Թբիլիսի, 1941, ըստ անվանացանկի (էջ 400): Նույնը, պրակ. III (1893—1905), 1944, ըստ անվանացանկի (էջ 820): Երկուն էլ վրացերեն է: Մասամբ տես՝ Գ. Սունդուկյանց, երկերի լիակատար ժողովածու մի հատորով, Երևան, 1934, էջ 522—523:

Հայ մեծ թատերագրի ծառայությունը վրաց թատրոնին ցայտուն կերպով շնչարված է վրաց թատերական և այլ գործիչների սղջույնի խոսքերում՝ «Պետք»-ի բհմադրության 30-ամյակի առթիվ 1901 թվին, որոնք հասկ են մեզ սուսերեն և վրացերեն լեզուներով¹, և սրանց թվում կոնստանտին Դիմիտրիի Գիփիանու ուղերձը 1901 թ. ապրիլի 29-ի թվահամարով²:

թե որքան մեծ էր Գ. Սունդուկյանի, իբրև թատերագրի և թատերական գործչի, կշիռն ու նշանակությունը վրաց թատրոնի պատմության մեջ, վկացում են այն նյութերը, որ ամփոփված են Գ. Սունդուկյանի անձնական արխիվում (Հայաստանի գրական թանգարանում) պահպաղ թղթապանակում: Թղթապանակը վրացերեն լեզվով մակարդված է այսպես. Քնար, պատկառելի գրամատորգ Գ. Ն. Սոնդուկյանցին. ի հիշատակ «Պեպո»-ի բեմագրության 30-ամյակի. 29 ապրիլի 1901 թ. Թիֆլիս»:

Հենց այս թղթապանակում Գ. Սունդուկյանին մատուցվել էր ուղերձ վրացերեն լեզվով վրաց բնմի զործիչների ստորագրությամբ։ Մրան կից ուշագրաւիլյան արժանի են շնորհավորական հեռագրերը Գ. Սունդուկյանի հասցեով։

Чтвртъ Абшвадебрѣгъ մեկն է Դպիրիլալիցъ, Աւեքսի-Մեսմիշ-վիլու ստորագրությամբ, ուր ակած է. «Кутаисская грузин-ская труппа, присоединяясь к общему торжеству празднования тридцатилетия появления первого произ-ведения (sic. I. Մ.—Բ.) любимого драматурга Гавриила Никитича, желает ему многолетия на пользу чистого (sic. I. Մ.—Բ.) искусства».

¹ Արանց մի մասը Հայաստանի դրական թանգարանումն է։ գտնվում։

² Այս ուղերձի, ինչպես և ողջունի մի քանիսի ոռուերեն բնագրերը . տե՛ս
Ա. Մելիքեսե-Բեկ. Կ բիոգրաֆիմ Ի. Սոնդուկյան (в связи с 70-летием
первой постановки „Пеко.“) «Արմֆանի տեղեկագիր», 1941, № 2,
էջ 19—24; Վրացերեն թարգմանությունը մեր Հոգվածներում՝ կ. Մելիքսե-
Բեկ, գ. Սոնդուկյանը վրացական պոետիայում, «Լիտ. Սաբարթվելու», 1940,
№ 3; «Գ. Սոնդուկյանը և վրաց թատրոնը», նույն տեղում, 1940, № 15; կ.
Դիփիանու ուղերձի Հայերեն թարգմանությունը մի փոքր կրճատված ձևով
(վերջին մասում) տե՛ս ե. Ճահազիզ, Գարրիբել Սոնդուկյանց, «Տեղեկագիր
ՀՍՍՌ գիտության և արվեստի ինստիտուտի», № 2, Երևան, 1927, էջ 147—148:

Նույն Ղվիրիլայից վրաց բեմի գործիչների անունից և նույն Ալեքսի-Մեսիսիշվիլու, Գունիայի, Զիսեբեկի, Զվետաձեի, Զիբովանու, Ուրուշաձեի, Խմեղաշվիլու, Արաբեկձեի, Շուծունավայի, Գրիգոր Զարկվիանու և Բեղլարիձեի ստորագրությամբ, ասված էր. «Артисты гастролирующей в провинции грузинской труппы, приветствуя маститого драматурга, уважаемого Гавриила Никитича, желают ему на многие лета бодрости и силы во славу и на пользу родственных (ընդգծումը մերն է—Լ. Մ.-Բ.) туземных сцен».

Բարվից ստացված երկու հեռագրերից մեկում՝ վրաց թատրոնի (Սուլիմանիշվիլու) հասցեով և էլիաշվալու ստորագրությամբ, ասված էր. «Бакинские грузины шлют самые лучшие пожелания маститому драматургу Сундукианцу, славному поборнику просвещения родного края», իսկ մյուսում՝ նույն թատրոնի հասցեով (Կոնստանտին Մեսիսին) և նույն էլիաշվիլու ստորագրությամբ, ասված էր «Передай мое поздравление дорогому писателю Пепико».

Թիֆլիսի վրաց թատերական դասի ուղերձը վրացերեն լեզվով, որի ուսուերեն թարգմանությունը մենք ենք ավել¹, ստորագրված է Հետելալ գործիչների կողմից. Կոտե Ղիփիանի, Ալեներիերիձե, Բարալե Ներիերիձե, Նատա Զավախովա, Միխեիլ Թումալով, Գիորգի Ավալիանի, Վ. Աբաշիձե, Ակունդելի, Ավիմոն Սիմոնիձե, Նատալիա Գաբունիա-Ցաղարելի, Գեղենոն Գեղեվանով, Շաքրո Սափարով, Կ. Մեսիսի, Գր. Տատիշվիլի, Մ. Սափարովա-Աբաշիձե, Տասո Աբաշիձե:

Հատկապես նշանակալից է Կ. Դիփիանու ուղերձը, վրաց բեմի համառոտ պատմությամբ հանդերձ, որը մենք բերում ենք այստեղ ամրողությամբ.

«Дорогой Гавриил Никитич!

История грузинского театра претерпела два резких периода своей жизни. Первый период относится к 1850-ым годам, ко времени появления в нашем обществе незабвенного князя Георгия Эристова, давшего основание грузинскому театру и давшего для его преуспея-

1 «Տեղեկագիր Արմֆանի», 1941, № 2, էջ 21:

ния свои драматические произведения, наряду с другим, таким же деятелем — Зурабом Антоновым, пьесами которых и существовал тогда грузинский театр.

Затем наступило затишье; по различным причинам постоянный грузинский театр закрылся, и никого не щадящее, неумолимое время взяло этих людей с общественного поприща, и театр грузинский заснул более чем на 25 лет и деятели его безмолствовали.

Появились Вы — и для грузинского театра настала другая эпоха, настала новая жизнь; пробудившись от 25-летнего летаргического сна — настала эпоха возрождения.

Этим возрождением наш театр всецело обязан Вам, так как Вы Вашими драматическими произведениями вдохнули новую жизнь и дали возможность утихшему пульсу театра забиться новой силой!

Вы, высоко держа знамя искусства, под его шелест и под его тенью дали нам высоко-художественные произведения, высоко-поэтичные. Вы не драматург, а Вы поэт, писавший не рифмой и не стихами, а писавший нашей живой речью.

Типы, выведенные Вами, мы все встречали на жизненном пути беспрестанно, на каждом шагу, да встречаем их и теперь, и сейчас, но никто из нас не обращал на них никакого внимания, пока Вы не воплотили их в Ваших драмах и комедиях и пока этим не открыли нам глаза на окружающую нас среду. Вы, Вашим пытливым умом, в нашей будничной жизни подметили выдающиеся типы и воспроизвели их в искусстве. Вы, перебирая проблески нашей жизни, нашли поразительное явление человеческой воли, и когда мысль о воплощении этой воли запала в Вашу душу, Вы усвоили в себе эту волю, обратили её в свою духовную собственность и воплотили в готовый материал для искусства, потому что в Ваших произведениях ярко светит глубокая мысль.

Такою способностью Вы оживили общество, и появилась у нас целая плеяда драматургов, самостоятельных авторов, переводчиков, переделывателей, и таким образом Вы дали сильный толчок вперед и нашей литературе. Благодаря Вашим сочинениям — появилась у нас также целая плеяда артисток и артистов: Ваши произведения открыли у нас таланты, коих прежде мы не знали.

Если события нашей жизни обратили на себя Ваше пытливое внимание и вызвали в Вас сочувствие к себе, то источник этого сочувствия заключается в мыслях, выраженных Вами в Ваших пьесах. А для того, чтобы Ваше авторское художественное чутье повторилось бы и в нас, мы должны были пройти тот же путь, какой был совершен Вами: мы должны были испытать лично на себе все те впечатления, какие Вы вынесли из наблюдений нашей жизни, кои Вы выразили в Ваших произведениях; в таком только случае артисты родного Вам театра могут являться новыми творцами произведения, воссоздавая идею художника, и артисты, к чести их будь это сказано, вполне достигли этой трудной задачи, воспроизведя Ваши типы так, что каждый из них является вполне законченной картиной. Не всем смертным дается свыше такая творческая способность, потому мы Вас и отличаем теперь из нашей среды, как крупную единицу высокого дарования!

Да! Вы поэт, что из нашей будничной, серой и меркантильной жизни выдвинули вперед типы, кои никогда не умрут среди нас, коих Вы сделали бессмертными; разве можно забыть Ваших: Замбахова, Осепа, Зимзимова, Пепо, Какули, Гико, Эпемиу, Оскана Петровича, Исаи, Георгия Масисянца, Абель Мастакяна, Маргариту и многих других!

Грузинская труппа сегодня чтует Вас за 30-летнюю Вашу плодотворную деятельность; сегодня минуло 30 лет как появился Ваш знаменитый «Пепо», только

что здесь разыгранный, в каковой пьесе я играл 30 лет тому назад ту же роль «Гико», каковую только что теперь я исполнил.

Я, как старейший из деятелей грузинского театра, тем радостнее приветствую Вас с сегодняшним торжеством, что мы, деятели родного театра, взросли на Ваших пьесах: мы обучены искусству на Ваших типах; мы вдохновлены Вашими произведениями; и, являясь, таким образом, Вашим учеником, отраднее поздравляю Вас с сегодняшним юбилеем, что не всякому из нас выпадает на долю такая благодарность потомства, как Вам.

Я помню и горькие минуты в Вашей жизни; помню Вашу печаль, даже и слезы, что артисты не так понимали Ваши типы, как нужно было и как следовало их понимать, и когда Вы после усилий и трудов, после объяснений и наставлений видели, что, наконец, артисты постигли Вашу мысль, Вы радовались тогда и печаль Ваша сменялась ликованием.

Пожелаю Вам, дорогой Гавриил Никитич, еще много лет здравия для плодотворной деятельности на благо и на преуспеяние родного Вам театра.

Позвольте мне, благодарному вашему ученику, с чувством сыновней любви, публично обнять Вас и расцеловать незабвенного руководителя и наставника.

Константин Димитр. Кипиани.

29 Апреля 1901 г.

г. Тифлис

Գ. Սունդուկյանի երկերը, մասնավորապես պիեսները, ինչպես վերեռում նշեցինք, թարգմանվել են վրացերեն դեռևս 1870-ական թվականներից: Այսպիսով, հետզհետե, Ռաֆիկել երիսթավիթի, իոսեր Բաբրաձեի, Վասո Աբաշիձեի և Դավիթ Քաջ: Տեր-Դավիթյանի միջոցով, թարգմանվել են բոլոր այն պիեսները, որոնց բեմադրությունը հաջողվել է վրաց թատրոնում: Սակայն այս թարգմանություններից չնչին մասն էր Հրատարակված մինչ 1950 թվականը, այսինքն՝ մինչև մեծ թատերագրի ծննդյան 125-ամյակի տոնակատարությունը:

Մինչև 1950 թվականը հիշյալ թարգմանություններից հրատարակված էին «Վարդինկի վեշերը»¹, «Պեպո»-ն², «Գիշերվան սարբը խեր է»³ և «Կտակ. իմ մահն ու թաղումը»⁴: Մնացած երկերի (պիեսների) թարգմանությունները ձեռագիր վիճակում պահպատ էին Թրիլիսիի թատերական թանգարանում, իսկ մեկի, այն է՝ «Օսկան Պետրովիչն էն կինքում»-ի, մի վարիանտը, առկա է Հայաստանի դրական թանգարանում (Գ. Սունդուկյանի արխիվում)⁵:

1950-թվականի հորելյանի օրերին Թրիլիսիում, վերջապես, լույս տեսավ Գ. Սունդուկյանի երկերի միհատորյակը վրացերեն, որի տիտղոսաթերթը կարգացվում է այսպես.

«Գ. Սունդուկյանց. Թիեսներ, Ե. Գրիշաշվիլու խմբագրությամբ, առաջաբանով, ծանոթագրություններով և բառարանով», Սարճոթա Մծերալի [Սովետական գրող] Հրատարակչություն, Թրիլիսի, 1950, 8000 տպաքանակով:

Գիրքը բացվում է Գ. Սունդուկյանի լուսանկարով և վրացերեն ֆաքսիմիլեով, որին հետևում է Ե. Գրիշաշվիլու «Ներա-

¹ «Իվերիա», 1879, № 5—6, էջ 74—116:

² Նույն տեղում, 1880, № 3, էջ 205—216, և առանձին, Թրիլիսի, 1880, 80 էջ, նաև՝ Ե. Թարուկաշվիլի, Եղբայրակից սովորական սեսպուրլիկաների գրականությունը, Բ Հրատ. Թրիլիսի, 1946, էջ 579—599 (Համառոտած):

³ Առանձին գրքույկով՝ Թրիլիսիում, 1911:

⁴ «Բեմի», 1912, № 65:

⁵ «Օսկան Պետրովիչը էն կինքում, կատակ մի արարվածով, Գարրիկ Սունդուկյանցի (թարգմանություն Հայերենից)», ձեռագիր տետրի ծալաւով, 8 էջ:

ծական» հոդվածը՝ «Սունդուկյանցը վրացական բեմի վրա» (էջ 5—28), որը 1952 թ. սկսած արտատպվեց «Գրականագիտական պրակտումներ» ժողովածուում (մի քանի հրատարակությամբ) մի այլ, այն է՝ «Գաբրիել Սունդուկյանցը և վրաց հասարակայնությունը» վերնագրով։ Վերջինս լույս տեսավ նաև հայերեն թարգմանությամբ՝ «Սովետական գրականություն և արվեստ», 1950, № 7, էջ 119—133։

Միհատորյակի բուն նյութն են կազմում Գ. Սունդուկյանի հետեւյալ պիեսները։

ա. «Պեպո», իր՝ հեղինակի թարգմանությամբ (էջ 1—64),

բ. «Խաթաբալա», թարգմ. Իոսեբ Բաբրաձեի (էջ 65—139),

գ. «Քանդած օչախսը», թարգմ. նույնի (էջ 141—209),

դ. «Էլի մեկ զոհ», թարգմ. Վ. Աբաշիձեի (էջ 210—281),

ե. «Բաղնըսի բոխչա», թարգմ. նույնի (էջ 283—311),

զ. «Գիշերվան սարբը խերէ», թարգմ. նույնի (էջ 313—327),

է. «Օսկան Պետրովիշն էն կինքումը», թարգմ. Դ. Տեր-Դավթյանի (էջ 328—341)։

Բուն նյութին կցված են ի. Գրիշաշվիլու կազմած «Ծանոթագրությունները» (էջ 343—358) և «Բառարան»-ը (էջ 359—366), այլև բազմաթիվ պատկերներ և ափիշների ընդօրինակություններ։

Սույն հրատարակությամբ, ինչպես մի այլ առիթով մենք արդեն նշել ենք¹, մեծ ծառայություն մատուցեց վրաց հասարակությանը հայ մեծ թատերագրի ստեղծագործությունը նրան մատշելի գարձնելու համար, որի կապակցությամբ զգալիորեն աշխուժացավ հետաքրքրությունը Գ. Սունդուկյանի նկատմամբ նաև վրաց թատրոնում, որտեղ վերակենդանացավ «Պեպո»-ի բեմադրումը, այն էլ շատ հաջող (երբեմն հայ գերասանների մասնակցությամբ)։

Յավալի է միայն, որ այս միհատորյակում ամփոփված չեն Գ. Սունդուկյանի մյուս երկերն ես, որոնք վաղուց առկա են

¹ Ա. Մելիքսեբ-Բեկի, ի. Գրիշաշվիլին և հայ գրականությունը, «Տեղեկագիր» ՀՍՍՌ ԳԱ, 1956, № 2, էջ 34, նույնը վրացերեն «Թրիլիսիի Պուշկինի անվան մանկավարժական ինստիտուտի աշխատությունները», հ. XI, 1957, էջ 255։

Վրացերեն թարգմանությամբ, օրինակ, «Վարինկի վելերը», իսկ 1911 թվականի օգոստոսի 11-ին Բորջոմիում գրած «Կտակ»-ը ամբողջապես զետեղված է գիտական հրատարակչի «Ներածական» հոդվածում իրեն լոկ մեջբերում (ցիտատ):

Մի շարք գծեր Գ. Սունդուկյանի կյանքից ի. Գրիշաշվիլին բնութագրում է իր «Հին թատրոնում» («Զվել թեատրշի») գրքում, թթ. 1948, էջ 95—96 և հետագա հրատարակություններում:

Հիշատակության արժանի է նաև «Զկնորս Պեպոյի երգը», որը ի. Գրիշաշվիլին հորինել է «Պեպո» կինոֆիլմի ձևակերպման առնչությամբ, հատուկ պատվերով (առաջին անգամ տպվեց «Կոմոնիստի» թերթում 1935 թ. № 97, ապա սիստեմատիկաբար վերահրատարակվում է բանաստեղծի միհատորյակում):¹

Առանձնապես հետաքրքիր են Գ. Սունդուկյանի երրեմնի խոհարար Յակոբ Թութաձեի հուշերը Գաբրիելի կյանքի ինտիմ մի շարք գծերի մասին, որը՝ Թութաձեից լսելով՝ գրի առավ և հրապարակ հանեց իլիա Ճավճավածեկի «Իվերիա»-ի երրեմնի աշխատակից իլիա Զուրաբաշվիլի-էլեփիթերիձեն:² Մի շարք այլ գծեր Գ. Սունդուկյանի կյանքից նշված են մեր՝ և հանգուցյալ դոց. իվ. Բեզլարովի³ հոդվածներում (վրացերեն), ինչպես նաև Գ. Բուխնիկաշվիլու գրքում:⁴

* * *

Գ. Սունդուկյանի ամբողջ ստեղծագործությունը, այսինքն՝ ինչպես պիեսները (կատակերգությունները), նույնպես և

¹ Սրա հայերեն թարգմանությունը կատարել է Արմեն Սովակը (1935)։
² Յ. Կապուտիկյանը (1941, 1951):

³ Իլիա Զուրաբաշվիլի (էլեփիթերիձե), Գաբրիել Սունդուկյանը իրեն մարդ (նրա քանի էպիզոդ նրա ինտիմ կյանքից), «Մնաթորի», 1937, № 6—7, էջ 189—195, նոյնի հոդվածը «Էլիտ. Սաքարթվելո»-ում, 1937, № 15:

⁴ Լ. Մելիքսեբ-Թեկ, Գաբրիել Սունդուկյանի ծննդյան 100-ամյակի առթիվ, «Կոմոնիստ» օրաթերթ, Թբիլիսի, 1926, № 9:

⁵ Իվ. Բեզլարով, Հայ ժողովով մեծ թատերագիրը (Գաբրիել Սունդուկյանի մահվան 25-ամյակին). «Մնաթորի», 1937, № 6—7, էջ 186—188:

⁶ Գ. Բուխնիկաշվիլի, Գաբրիել Սունդուկյան, Թբիլիսի, 1950, 86 էջ (վրացերեն):

«Վարինկի վեշերը» պատմվածքը և շամալի ու Հաղիղի մասլահաթները, գրված Թիֆլիսի բարբառով (բացի միմիայն «Ամուսիններ» պիեսի [1889], ուր իրեն բացառություն օգտագործված է աշխարհաբարը), առանձին-առանձին կտավներ են հին Թիֆլիսի կյանքից, որոնք միասին վերցրած կազմում են մի հոյակապ գաղերեա (պատկերասրահ) բառի բուն առումով:

Խոսելով, մասնավորապես, Գ. Սունդուկյանի պիեսների մասին, չի կարելի չնկատել, որ բոլորի «գործողությունը» կատարվում է Թիֆլիզում, ինչպես նշում է և ինքը Հեղինակը:

Այսպես, օրինակ, եթե Հեղինակի խոսքերով ասենք,
1. «Գիշիրվան սարրը խեր է» կատակի (1863) «անցքը պատահում է Թիֆլիսում Օսկան Պետրովիչ իրասածովի տանը 1863-ին», 2. «Խաթարալա», կատակերգության (1866) «անցքը պատահում է Թիֆլիզում 1860-ին», 3. «Օսկան Պետրովիչն էն կինքումը» կատակի (1866) «անցքը պատահում է գժոխքի կտորի վրա. Օսկան Պետրովիչի տանը [Թիֆլիսում] և գժոխքի մեջ», 4. «Եվ այն կամ նոր Դիոգինես» կատակի (1869) «անցքը պատահում է Թիֆլիզում վաթսունական թվականներին», 5. «Էլի մեկ զոհ» կատակերգության (1870) «անցքը պատահում է Թիֆլիզում 1860-ին», 6. «Պեպո» կատակերգության (1870) «անցքը պատահում է Թիֆլիզում 1870-ին», 7. «Քանդած օշախ» կատակերգության (1872—1873) «անցքը պատահում է Թիֆլիզում 1871-ին», 8. «Ամուսիններ» կատակերգության (1889) «անցքը պատահում է Թիֆլիզում», ժամանակը անորոշ, 9. «Բազնսսի բոխչա» կատակի (1907) «անցքը պատահում է Թիֆլիզում անցյալ դարում», 10. «Սեր և ազատություն» կատակերգության (1912) «անցքը պատահում է Թիֆլիզում 1909 թվի ամառը. մի օրվա ընթացքում», 11. «Կտակ» կատակերգության (1912) «անցքը պատահում է Թիֆլիզում մեր օրերին, Ալուրլյանի տանը»:

Այսպիսով, Գ. Սունդուկյանի պիեսներում պատկերված իրականությունը՝ գա հիմնականում XIX դարի երկրորդ կեսի Թիֆլիսի կենցաղն է, այսինքն՝ մինչոեփորմյան և ետոեփորմյան, երբ վաղեմի ֆեղալական հարաբերությունները տեղ էին տալիս նոր՝ կապիտալիստականին և երբ Թիֆլիսի տարաշերտ ազգաբնակչության մեջ ակտիվ դեր էին խաղում առևտրական-

վաշխառուական տարրերը, որոնց զո՞հ էին գնում ցածր խավի ներկայացուցիչները, նրանց թվում կինտոները և զարաշութելները: Պիհսների պերսոնաժները մեծ մասամբ հայեր են, որոնք խոսում են թիֆլիսի բարբառով: Նաև կոտրտած վրացերենով կամ ուսւերենով:

Չնոյած այն հանգամանքին, որ այս պիհսների կենտրոնում «Քաղքենի» թիֆլիսն է ներկայացված «Հայ համայնքով» հանդերձ, սակայն նրանց մեջ մենք հանդիպում ենք մասսամբ և այլ «տիպերի», առաջին հերթին, իհարկե, վրաց իրականությունից, ինչպիսիք են, օրինակ, Քիտեսին՝ «Խամ իմերել, իրասածովի ծառան» («Գիշիրվան սաբրը խեր է»), Թինան՝ «աղախին»-ը («Կտակ») և այլն:

Առանձնապես աշքի են բնկնում վրացական անձնանունները, որ կրում են թիֆլիսարնակ հայ պերսոնաժները, օրինակ Կեկել («Գիշիրվան սաբրը խեր է»), «Օսկան Պետրովիչն էն կինքումը», «Պեպո»), Քեթեան («Խաթաբալա»), Նինո («Եվ այլն կամ նոր Դիոգինես», «Քանդած օշախ»), Բարբարե («Էլի մեկ զոհ»), Նատո («Նույնտեղ», «Սեր և աղատություն»), Քալի («Քանդած օշախ»), Շաբարո («Սեր և աղատություն») և այլն:

Մի շաբաթ գործող անձինք հանդես են գալիս պիհսներում վրացական տարազով, օրինակ.

«Խաթաբալա»-ում, Մարգարիտը «տեղական վրաց հագուստով, զլուխը վրացնակ զարդարված», որը «առաջին արարվածում հագնված է բավականին հասարակ և առանց գոտկի, իսկ երկրորդում և չորրորդում ամենաշքեղ ձեռվ, գոտկով և զանազան ակնեղեններով զարդարված»: Խատավիան, որն ունի «երկու ձեռք բուն վրաց գեղեցիկ հագուստ՝ մինը առաջին արարվածում, իսկ մյուսը երրորդ և չորրորդ արարվածներում, զլուխը վրացնակ զարդարված»: Քերեանը, որին բնորոշ է «վրաց հագուստ, զլուխը վրացնակ զարդարված, հասարակ շիքիլա, մուգ, զալամբարի ճակտի ազլուխ առանց քորոցի, մետաքսյա սև զլիի-փաթաթան, մուգ մանիշակագույն զոշ սև թավիշե ժապավենով բոլորած և հասարակ քորոցով, մուգ միխակագույն մետաքսյա դերիա և քիրմանի շալե սև գոտիկ»:

«Պեպո»-ում, Պեպոն, որն «ունի երկու ձեռք թիֆլիզի բուն լոթու հագուստ՝ մինը հասարակ, մյուսը զարդի» և «իմերեթու

մետարսե գոտիկ», Շուշանը «վրացնակ հասարակ հագուստ»-ով, զլխին «սև ճակտի-աղլուխ, սպիտակ հաստ շիքիւա», Կեկելը նույնպես «վրացնակ հասարակ հագուստով» (Ճակտի-աղլուխ, շիքիւա, շթի դերյա և այլն), Գիքոն նույնպես «վրացնակ հագուստ»-ով, այսինքն՝ «սպիտակ շապիկ, կործքը սև դայթանով բոլորած, սպիտակ զալամբարե կամ մուգ-կապույտ նաշուրի արխալուխ, սև մահուղից կարձ և լայն շալվար» և այլն: Կակովին, որին բնորոշ է «Թիֆլիսի բուն պաժարնու կամ կինտոյի շքեղ հագուստ». Գիգովին «վրացնակ հասարակ հագուստ»-ով (արխալուխ, կարա):

«Քանդած օչախ»-ում. Խախոն «վրաց հագուստ»-ով, «զլուխը վրացնակ ծածկված հասարակ շիքիւայով և մուգ-զալամբարե ճակտի-աղլուխով, առանց բորոցի» և այլն: Փալին, որին բնորոշում է «հագուստը բոլորովին վրացնակ՝ շիքիւայով, ճակտի-աղլուխով և դոշ ու գոտիկով» և այլն: Դարշոն «տեղական հագուստ»-ով (կարա). Մարքան «բոլորովին վրաց հագուստով». Փոփոն «վրաց շքեղ հագուստով», նաև բազմաթիվ կանայք (մոտավորապես քան հոգի), զանազան հասակի, բոլորն էլ «վրաց շքեղ հագուստներով»:

«Բաղնըսի բոխչա»-ում, Թալան, Կատարինեն, Էլիսարենը, Մարոն, Սանվելը և Օհանեսը՝ բոլորը «տեղական հագուստով», մասնավորապես Թալալը՝ «վրացնակ զլխով, ոսկեկար ճակտի աղլուխով, ծաղկե կարմիր դոշ ու գոտիկով և զանազան ակնեղեններով զարդարված»:

«Սեր և ազատություն»-ում. Գայանեն՝ «բոլորովին վրացնակ մուգ հագուստով, զլուխը վրացնակ ծածկված», աղախինը «տեղական հագուստ»-ով և ծառան «շերքեղե դեկեցիկ հագուստ»-ով:

«Կատակ»-ում, Խեշոն՝ «տեղական սև շերքեղի հագուստով», Էրեմն «զինված է ասիական ձևով». Թիման «տեղական սև հագուստով, զլուխը միշտ ծածկած սև փաթոթոցով» և այլն:

Գ. Սունդուկյանի աված տիպերի մեջ թերեւս Պետոն է միակը, որին թատերագիրը ներկայացնում է «Թիֆլիսի բուն լոթու հագուստ»-ով, մինչդեռ Կակովին նույն «Թիֆլիսի բուն պաժարնու կամ կինտոյի շքեղ հագուստ»-ով է օժաված:

Քանի որ «Պեպո» կատակերգությունը արձագանքում է դասակարգային պայքարին, այն է համբարների ապստամբությանը թիֆլիսում, որը տեղի ունեցավ 1865 թ. ամռանը, և այդ ապստամբության արխիվային գործերում, որ մենք ենք հրատարակել, ապստամբների շարքերում հիշվում է ոմն Պեպօ Մամյոլօ, դժվար չէ կուահել, որ Պեպոյի կերպարը Գ. Սունդուկյանը հյուսել է ի նկատի ունենալով այդ անձնավորությունը: Եվ դրան է, իսկապես, համապատասխանում պիեսի առաջին արարվածի վերջում (տեսիլ ԺԱ) տված Պեպոյի հանրածանոթ մենախոսությունը (մոնոլոգը):

* * *

XIX դարի թիֆլիսի սպեցիֆիկ կենցաղի և կոլորիտի նը-կարագիրը զարմանալի կերպով առնշվում և զուգագիպում է երեք վրաց թատերագիրների ստեղծագործությանը, այն է՝ Գիորգի էրիսթավիի (1811—1864), Զուրաբ Անտոնովի (1820—1854) և Ավրանտի Ցագարելիի (1857—1902), որոնց պիես-ները մասամբ կանխում են Գ. Սունդուկյանին (էրիսթավին, Անտոնովը), մասամբ հաջորդում են նրան (Ցագարելի): Իսկ ընդհանուր առմամբ նրանք պատվում են հին թիֆլիսի թեմատիկայի շուրջը:

Այստեղ բավական է հիշել Գ. էրիսթավիի «Բաժանումը» և «Ժլատը», Զ. Անտոնովի «Արևի խավարումը Վրաստանում» և Ս. Ցագարելիի «Խանումա»-ն (որի վրա է հիմնված Վ. Դոլիճեի «Քեթո և Կոտե» օպերան), որպեսզի պարզ լինի այն փաստը, որ ինչպես հիշյալ վրաց թատերագիրների, նույնպես և Գ. Սունդուկյանի գործերը, հիմք ունենալով հին թիֆլիսի կոլորիտն ու մթնոլորտը, այնպես ազգակից են իրար և հնչում են կատարյալ ներդաշնակությամբ, որը կարոտ է հատուկ և խորաթափանց քննության:

¹ Լ. Մելիքսեր-Բեկ, Արխիվային նյութեր թիֆլիսի համբարների 1865 թ. «Ելույթի» պատմության շուրջը. «Սահմանորիո մոամբե» [Պատմության տեղեկագիր], 111, թթ. 1947, և առանձին, էջ՝ 144, հատկապես 122—123, նույնի՝ Համբարների ելույթը թիֆլիսիում 1865 թվականին, Գ. Սունդուկյանը և հայ մտավորականները, «Հարհագային Վրաստան», 1938, № 19 և 20:

Այսուհանդերձ, Գ. Սունդուկյանի ստեղծագործությունը գուրկի չէ և վրացագիտական նշանակությունից:

Չէ որ այն բավականին հարուստ կերպով հաղեցված է վրացական բառապաշարով և բանահյուսության նմուշներով, ոյոնք նույնիսկ հիմք են ծառայել հատուկ գիտերտացիաների համար թեկնածուական աստիճան ստանալու:

Մրանից մեկն է Թբիլիսիի համալսարանի հայագիտության ամբիոնի նախկին ասապիրանտ (այժմ՝ Վրացական ՍՍՌ ԳԱ լեզվագիտության ինստիտուտի կրտսեր գիտ-աշխատող) Մերի Մեսիխիշվիլու, վրացերեն, թեմայով՝ «Գ. Սունդուկյանը և վրացական բառապաշարը ու դարձվածաբանությունը նրա երկերում» (պաշտպանված Թբիլիսիի համալսարանում, XII, 1950 թ.)¹:

Դիսերտացիոն շարադրությունը բաղկացած է երեք մասից, որոնցից առաջինի նյութն է՝ «Գ. Սունդուկյանը և հայոց լեզվի թիֆլիսի բարբառը», երկրորդի՝ «Վրացական բառապաշարը Գ. Սունդուկյանի երկերում» և երրորդի՝ «Վրացական արտահայտությունները (դարձվածաբանությունը) Գ. Սունդուկյանի երկերում»:

Վրացական բառերի թիվը Գ. Սունդուկյանի երկերում, ըստ Մ. Մեսիխիշվիլու հետազոտության, հասնում է մինչ 235, որոնց մեծ մասը կրկնվում է հաճախակի: Ըստ խոսքի մասերի դրանցից ամենաշատը գոյականներն են՝ 161, ավելի պակաս ածականները՝ 32, բայերը՝ 18 և անձև բառերը՝ 24, վերջինի մեջ են մակրայները, մասնիկները, շաղկապները և հետզիրները (նախդիրները):

Վրաց դարձվածաբանության օրինակներն են առածները, ասացվածքները և վրացական բանաստեղծություններից ու խաղերից հատվածները:

Մյուս գիտերտացիան՝ դա Հայկական ՍՍՌ ԳԱ լեզվի ինստիտուտի կրտսեր գիտաշխատող Աշոտ Քոչոյանի շարադրու-

¹Տե՛ս Մ. Վ. Խեչինիալի, Գ. Սունդուկյան և վրացական լեզվի ինտերպրատուության առաջնային գործությունների ու դրանց համապատասխան գործությունների մասին աշխատանքները, Աշխատանքները և առաջնային գործությունները, 12 էջ:

թյունն է հայերեն՝ «Թբիլիսիի բարբառի կառուցվածքային առանձնահատկությունների արտացոլումը Գ. Սունդուկյանի երկերում» թեմայով (պաշտպանված Երևանում ԳԱ միացյալ խորհրդի նիստին XII 1958 թ.)¹:

Այստեղ, ի միջի այլոց, մանրամասն նշված են Գ. Սունդուկյանի գործածած՝ Թիֆլիսի բարբառի մեջ նկատված փոխառությունները այլհայլ լեզուներից, մասնավորապես և վրացերենից, որոնց թիվը, ըստ Ա. Քոչոյանի, մոտ 300 է: Ըստ Խոսրի մասերի գրանք են՝ գոյականները 165, ածականները՝ 29, բայերը՝ 24, չհոլովող բառերը՝ 30, վրացերեն դարձվածքները՝ 30, առածները՝ 10 և ժողովրդական երգեր՝ 3:

* * *

Մի կողմ թողնելով վրացական բառապաշարի տեսությունը Գ. Սունդուկյանի երկերում, որը կարող է մեզ հեռու տանել, մենք այստեղ նպատակահարմար ենք գտնում կանգ առնել թատերագրի կողմից օգտագործված վրաց ֆոլկլորային նյութերի վրա:

«Եսաթարալա»-ում (I, 2, 6) Գարասիմ-Կարապետ Յակութիչ Զամբախովը ասում է Խսայիին. «Թու զուի գուլորս, ասած է, բադա օր [իս] խելիթ իձմեվա», այսինքն՝ «Եթե սիրտն ուզում է, զաթան երկու ձեռքով կուտեն»:

Նույն տեղում (I, 2, 7) Խսային ասում է Զամբախովին. «Քրթամի ջոջոխեթս զանաթլերս», այսինքն՝ «Կաշառը դժոխքը կլուսավորե»:

Նույն տեղում (II, 9) Խամփերին արտասանում է. «Շեմով գըգի փեխի, գծալորդեթի զմերթի, փեխի շեմի, կվալի անգեւովիսա» (ժողովրդական), այսինքն՝ «Ոտս դրի ներս, աստված օգնե ձեզ, ոտն իմ, հետքը հրեշտակինը»:

Նույն տեղում (III, 1, 3) Գարասիմ-Կարապետը արտասանում է. «Էրեխտա վուխտս լսում էի, թե՝ ժանդմա թոփի, թոփմա

¹ А. К. Когоян. Отражение структурных особенностей Тбилисского армянского диалекта в произведениях Г. Сундукуяна. Автореферат. Ереван. 1958, 26 էջ.

մգելի, մգելմա թխա, թխամ վենախի շեճամա», այսինքն «Ժանզբ հրացանին, հրացանը դալլին, դալլը այծին, այծը այդին կերալ»¹:

Այս իսկ պիեսում (III, 1, 5) Մարգարիտի խոսքերին՝ «Արելը խոռն չի՞մ» Գ. Սունգուկյանը կցում է մի հետաքրքրի ծանոթագրություն այսպիսի բովանդակությամբ (որը պիեսի վրացերեն թարգմանության մեջ բաց է թողնված). «Արելը Թիֆլիզի հասարակությանը ծանոթ մի ճարպիկ անձն էր, որ հանդիսավոր տոներին երեք-չորս սաժենաշափ ձողերի վրա կանգնած, իր ձեռնածություններով զվարճացնում էր ժողովը՝ դին և զարմանալի գյուրությամբ ման էր դալիս այն ձողերով»²:

«Եվ այլն կամ նոր Դիոզինես» կատակի մեջ (II, 4, 8, 11) Յավանգովը երգում է.

Լոթերո, նետափ չվենա, արիա-լալի,
Դղես մոզվեցա շվերա-լիւնա, թարիա-լալի.
Շեմոդղոմամա³ բախուսի, արիա-լալի.
Սածնախելշի շաաղենա, թարիա-լալի: [1]

Բագինդ զամթարի հղինավղես, արիա-լալի,
Գինդ զվավից վեղարա հփրինավղես, թարիա-լալի.
Վեր շեղվաշինոս սիցիվեմ, արիա-լալի.
Թու թավշի զվինո պրծղինավղես, թարիա-լալի: [2]

Մինդա վսվա, սաղվինո⁴ մամե⁵ արիա-լալի.
Մոծղվարո, դաստուրի դամե, թարիա-լալի.
Ծղիս ղլապվա ցողվիլթ ծեսիա, արիա-լալի,
Ծարղվնաս ամիս մոծամե, թարիա-լալի: [3]

¹ Հմմ. Լ. Մելիքսեր-Բեկի, Գրականագիտական դիտողություններ (Ա. Մնացականյանի «Հայկական միջնադարյան ժողովրդական երգեր» գրքի հրատարակության առթիվ): «Սովորական Վրաստան», 1957, № 85:

² Այս Արելին, ի միջի ալլոց, հիշում է և Պ. Պոոշյանն իր «Հուշերում»:

³ Ուղիղ՝ շեմոդղոմաման.

⁴ » սաղվինն

⁵ » մոմեն

Նոեմ րա էրթիսկլ իներա, արիա-լալի,
Ղուրծնիս ծվենիս գեմովներա¹, թարիա-լալի,
Թիթոն նունուաս միուզգա, արիա-լալի,
Ծղալի պիրուտզվթ գաներա, թարիա-լալի: [4]:

Ամա սոփիլիսա ցխովը երա, արիա-լալի,
Վերցիսկիթ ար մոխպովերա, թարիա-լալի,
Մդիդարնի բեվրնի զոփիլան, արիա-լալի,
Օխրաթ ըշենիաթ քոներա, թարիա-լալի: [11]

Բոս դավեսձրոթ գազափիսուսա, արիա-լալի.
Վելսա վսխդիթ մծվանեթ² մոսիլսա, թարիա-լալի.
Զվեն ծիթելս զվինոս վեծափնիթ, արիա-լալի,
Վարդի վաներոթ բուլբուսա, թարիա-լալի: [13]

Հայերեն թարգմանությամբ Ն[իկողայոս] Տ[եր]-Ղ[ևոնդ-
յան]ի.

Ընկեր լոթիք. երանի³ մեղ, արիա-լալի,
Եկեք քեֆի բանանք հանդես, թարիա-լալի.
Աշունքն եկավ, անուշ զինին, արիա-լալի,
Երթանք, ձռնենք մենք թաքոսին, թարիա-լալի: [1]:

Որքան էլ ցուրտ լինի ձմեռ, արիա-լալի,
Թեկուզ սառչին դիփ ագռավներ, թարիա-լալի.
Մեղ չեն աղդիլ սառնամանիք, արիա-լալի,
Երբ զիսի մեջ ցոլան զինիք, թարիա-լալի: [2]

Գավը դես բեր, կամիմ խմել, արիա-լալի,
Իրավունք տուր, խոստովնահեր, թարիա-լալի.
Զուր կուլ տալը մեղավորաց, արիա-լալի,
Զբհեղեղով տվեց աստված, թարիա-լալի: [3]

1 Ուզիդ՝ գհմերա:

2 Ուզիդ՝ մծվանիթ:

Նոյ նահապետն երբ կամեցավ, արիա-լալի,
Արթան Հյութի Համը տեսնել, թարիա-լալի.
Ինքը վազան մոտ նստեցավ, արիա-լալի,
Զուրն անասնոց թողեց խմել, թարիա-լալի: [4.]

Մեր առօրյա կյանքն աշխարհի, արիա-լալի,
Արծաթ-ոսկով չենք ձեռք բերի, թարիա-լալի.
Շատ ենք տեսնել մենք Հարուստներ, արիա-լալի,
Իրանք մեռան, կայքը անտեր, թարիա-լալի: [11.]

Երբ որ կանաչ բացվի գարուն, արիա-լալի,
Կերթանք գաշար մենք զարգարուն, թարիա-լալի.
Եվ զոռ կտանք կարմիր զինուն, արիա-լալի,
Վարդը թողած սոխակներուն, թարիա-լալի: [13.]

«Պեպո»-ում (II, 7) էփեմիան դիմում է Արութինին, Հիշեցնելով ժողովրդական երգը.

Կոկորո Վարդո, ար գամագդո, վար մոնա շենի,
Պիրզեդ գարվս խալի, շավ-շավի թվալի նախվա
մսուրս շենի¹...

Այսինքն՝

Կոկորն իմ վարդի՛կ, մի՛ թողնիր ինձ, քո սարուկն
եմ ես,
Երեսիդ ունիս խալ, սկ-սկ աշեր, տեսիդ կարոտ
եմ ես:

Նույն տեղում (II, 14) Արութինը Հիշեցնում է Պեպոյին,
«Մելամ թավիսի կուղի մոխզվանա մոծամեթ»². այսինքն՝
«Աղվեսն իր պոշը բերեց մկա»:

«Քանդած օշախ»-ում (I, 6) Խախոն դիմում է Սալոմեին
ասելով. «Յոլ դա քմրիս չխուրի բեզվեն կացս գաղրա էգոնա»,
այսինքն՝ «Ամուսինների վեճը Հիմարը ապահարզան կարծեց»:

¹ Վերջին 3 բառը ուղիղ՝ «տուրփաթ մշվենի շեն»:

² Ուղիղ՝ «Մելամ թավիսի կուղի մոծմաթ մոխզվանառ»:

Նույն տեղում (II, 4) Գիծ-Մողին Հիշեցնում է Քալիին ժողովրդական երգը.

Հոյի՛ գաբաղբուզո մթվարես,
Բնելս վղիվար մոմեխմաքե,
Մնաթորլադ գանմիարե,
Մեց գանմինաթլե արե:

Այսինքն՝

Ով փառահեղ լուսին,
Նստած եմ խավարում, օդնի՛ր ինձ,
Զգի՛ր քո փալուն լուսդ ինձ վրա
Եվ լուսավորի՛ր բոլորի շուրջու:

Նույն տեղում (II, 7) Քալին Հիշեցնում է Փարսիդին ժողովրդական առածը. «Մին ծղալի գա ուկան խմալի», այսինքն՝ «Առջեկ չուր, հետեկ սուր»:

«Բաղնըսի բոխչա»-ում (I, 7) Կատարինեն վերհիշում է ժողովրդական առածը՝ «Չեն ջորիխմար¹ ցխոներուսա», այսինքն՝ «Դու ավելի լավին ես, քան հանգուցյալը»:

«Մեր և ալպատություն»-ում (II, 2) Շաքարոն Հիշեցնում է Գասպարին ժողովրդական ասացվածքը. «Բեղաուրնի դաիխոցնեն, վիրեբս դարչաթ մեյդանի»², այսինքն՝ «Նժույգ ձիաները սատկեցին, հրապարակը մնաց իշխաններին»:

«Մախլաս»-ում (I, 1) Հայերեն թարգմանությամբ է օդագործված «արի՛ Միոնի գլխին կակալ ածա» արտահայտությունը:

Գ. ՍՈՒՆԴՈՒՅՑԱՆԻ ՎՐԱՅ ԳՐԱԿԱՆՈՒԹՅԱՆ ՄԵջ

ա. Գ. Սունդույցանի նամակները վրացերեն³.

1. Նամակ խմբագրության. «Դրոերա», 1883, № 219;
2. » » «Խվերիա», 1886, № 49;
3. Նամակ խմբագրության. «Խվերիա», 1901, № 99:

¹ Ուզիղ՝ սջորիխմար:

² Ուզիղ՝ մոեղանի:

³ Այս նամակները մեր հայերեն թարգմանությամբ տես «Տեղեկագիր» ՀԱՍՏ ԳԱ, 1950, № 8,էջ 78—80:

բ. Գ. Սունդուկյանի երկերը վրացերեն թարգմանությամբ

1. Վարինկի վեշերը՝ պատմվածք Գ. Սունդուկյանցի, թարգմ. Պէտրի Ալիկաշվիլի խու. «Իվերիա», 1879, № 5—6, էջ 74—116:
2. Պեպո. Կատակերգություն երեք գործողությամբ, հեղինակի թարգմանությամբ, «Իվերիա», 1880, № 3, էջ 205—317:
3. Նույնը առանձին գրքով, Թթիւսի, 1880, 80 էջ:
4. Նույնը գրքում՝ Շ. Թարուկաշվիլի, Եղբայրակից սովետական ուսուցության հերթի գրականությունը. թ. Հրատ., Թր., 1946, էջ 579—599:
5. Գիշերվան սարրը խեր է, վողեկի մեկ գործողությամբ Գ. Սունդուկյանցի, թարգմ. [Վ. Արաշիձեի], Թր., 1911, 30 էջ:
6. Գ. Սունդուկյանցի կտակը, թարգմ. Ի. Գրիշաշվիլու. «Թեմի», 1912, № 65:
7. Գ. Սունդուկյանց, Պիեսներ, խմբագրություն, առաջարան, ժանոթագրություններ և բառարան Ի. Գրիշաշվիլու, Թր., 1950, XXVIII, 368 էջ:

գ. Հատուկ գրականություն նրա մասին

1. Լ. Մելիքսեր-Բեկ, Գարբիել Սունդուկյանցի ծննդյան 100-ամյակի առթիվ, Գարբիել Սունդուկյանցի հիշատակին. «Կոմունիստի», 1926, № 9:
2. Իվ. Թեղարով, Հայ ժողովրդի մեծ թատերագիրը (Գարբիել Սունդուկյանցի մահվան 25-րդ տարեդարձի առթիվ). «Մնամթորի», 1937, № 6—7, էջ 186—188:
3. Իվիա Զուրաբիշվիլի (Էլեֆթերիձե), Գարբիել Սունդուկյանցը իրեւ մարդ (Մի քանի էպիզոդ նրա ինտիմ կյանքից), նույն տեղում, էջ 189—195:
4. Լ. Մելիքսեր-Բեկ, Գ. Սունդուկյանցը վրաց պոեզիայում. «Էլիտերատուրություն» Սաքարբեկու», 1940, № 3:
5. Նույնի՝ Գ. Սունդուկյանցը և վրաց թատրոնը, նույն տեղում, 1940 թ. № 15:
6. Գ. Բուխնիկաշվիլի, Գարբիել Սունդուկյան (Մինչհեղափոխության հայ և վրաց թատրոնների պատմությունից), Թր., 1950, 86 էջ:
7. Նույնի՝ Գարբիել Սունդուկյանը—ականավոր հայ թատերագիրը 1925—1950. «Էլիտերատուրություն» Սաքարբեկու», 1950, № 28:
8. Ա. Յուրիիկաշվիլի, Գարբիել Սունդուկյանը. «Սախալիսո Գևանաթերա», 1950, № 28:
9. Ի. Գրիշաշվիլի, Վրաց-հայկական ստեղծագործական եղբայրակցության մեծ գործիչը, «Էլիտերատուրություն» Սաքարբեկու», 1950, № 28:
10. Նույնի՝ Գարբիել Սունդուկյան (Սննդյան 125-ամյակի առթիվ). «Կոմունիստի», 1950, № 149:

* * *

Հին վրացերեն պարբերականներում (Գ. Սունդուկյանի պիեսների ռեժիսությունների առթիվ).

1. «Դրուերա» 1874, № № 426, 450
 » 1875, » » 85, 97, 136, 137
 » 1876, » » 6
 » 1877, » » 38, 51, 118
 » 1878, » » 84, 93
 » 1879, » » 39, 55, 131, 254, 263
 » 1880, » » 46, 222, 236
 » 1881, » » 37, 220, 229, 250
 » 1882, » » 21, 266, 271
 » 1883, » » 213, 223:
 » 1884, № 255
 » 1885, № 9
2. «Իվերիա», 1887, № 6, 7, 8, 19
 » 1886, » 44
3. «Թեսորի», 1888, № № 43, 44, 45, 47
 » 1887, » 5
4. «Կվալի», 1895, № 46
 » 1896, » 51, 52
 » 1897, » 31
 » 1901, » 18, 19, 21, 37, 38, 39
5. «Սաքարթվելոս կալենդարի», 1893:

* * *

Մեր այս աշխատությունը արտադրության հանձնելուց հետո լույս տեսավ Գ. Սունդուկյանի «Երկերի լիակատար ժողովածու»-ի 5-րդ հատորը (Երևան, 1961), ուր 9—332 էջերում հրապարակ է հանված երիտասարդ Գաբրիելի անձնական ինտիմ նամակները մոր Հասցեով՝ գրված վրացատառ վրացերենով 1846—1855 թվականներին Վլադիկավկազից, Մոսկվա-մից, Պետերբուրգից և Գերբենդից (№ № 1—84): Այս պատճառով մենք հնարավորություն չունեցանք օգտագործել այդ նամակները սույն գլխում և կաշխատենք անդրադառնալ այդպիսիներին մեր աշխատության հաջորդ (2-րդ) գործում:

Մ Ա Խ Բ Ա Ն (1854—1908)

Գրիգոր Տեր-Հովհաննիսյան-Մուրացանը ծնվել է Շուշիում։ 1874 թվականից հաստատվել է Թիֆլիսում և ծառայության մտել իրեն հաշվապահ մի մասնավոր հաստատության մեջ։ Գրեթե ամբողջ կյանքը նա անց է կացրել Թիֆլիսում, ազատ ժամերը նվիրելով գրական աշխատանքին։ Վախճանվել է Թիֆլիսում և թաղվել «Խոչիվանքի» պանթեոնում։

* * *

Վրաստանը և, մասնավորապես, Թիֆլիսը իրենց յուրահատուկ կողմերով արտացոլվել են Մուրացանի բազմաթիվ երկերում, սկսած 1884 թվականից։

«Հարուստները զվարձանում են» պատմվածքը (1884) լիովին հյուսված է Թիֆլիսում նկատված կենցաղացին մի այլանդակ երևույթի վրա։

Ահա «Ալեքսանդրյան այգին», «ազնվականական» կոչված բարձրագիր ծառուղին և սրանց կից «տիկին Մարգարիտա Բերնարդ» կարանոցը։

Ահա և «Ծիրանավորը», «Մախաթի» լեռան հետեւում գըտնը վող տարածությունը, Քարափի թաղը, «կաթոլիկների գերեզմանատանը» կից թաղը, նեղ փողոցներով, որտեղ՝ տները իրար վրա են «կիտված» և իրենցից ներկայացնում են «բազմաթիվ խորշերի մի խառնուրդ», իսկ «տներից մի բանիսը կպած են բարձր զարիվայրի ապառաժի կրծքին և նմանվում են ավելի անգղների բներին»։

¹ Տե՛ս Մուրացան, Երկերի ժողովածու հինգ հատորով, Երևան, 1951—1954։

«հ՞նչ լայեղ է» պատմվածքը (1885) Թիֆլիսի հետ կապված երկու պերսոնաժներին է վերաբերում:

Մեկն է վաճառականի որդի Արսեն Մաշտոցյանը, որի հոր խանութիւր գտնվում էյ «Սիոնի փողոցի խոնավ քարվանսարաներից մինում» և որի կերպարը հյուսված է Մթածմինդայի տոնակատարության կապակցությամբ:

Մյուսն է ձայնագրության ուսուցիչ Պլատոն Զոմարչիձեն:

Գործող դեմքերից է նաև մի վրացի իշխան:

Գեղարվեստական գույներով է նկարագրված դեպի Մթածմինդա կատարվող ուխտագնացությունը:

Երիտասարդը ուղերզվել է դեպի «սուրբ Դավթի բարձրավանդակը, որի զառիվայրերի վրայով այդ միջոցին բարձրանում և իշնում էին բազմաթիվ կանայք և աղջկունք, ոմանք զույգ-զույգ, այլք խմբովին, շատերը թև թև և այլն ըստ կարգին»; Եվ «Նրանցից մի քանիսը, իսկապես, ուխտ էին զնում սուրբ Դավթին, որը յուր փայլուն գմբեթով բազմած էր Մթածմինդայի կրծքի վերա. ոմանք ուխտաից վերադառնում էին, բայց շատերը միայն այդ պատրվակով դուրս էին եկել նրա հովանար դարեանդների վերա զրունակուա:

Նա, այդ երիտասարդը, ցանկություն ուներ ամուսնանալ որիէ վրացի իշխանուհու հետ:

Եվ այս առթիվ հեղինակը ծաղրում է հայ երիտասարդներին, որոնք՝ գաղթելով Հայաստանից Վրաստան՝ այստեղ փնտրում են իշխանական ծագման վկայաթղթեր:

Միջանկյալ, հեղինակը հիշատակում է նաև «Մոսկովսկայա բալկա» կոչված վայրը, որը ոչ այլ ինչ է, բայց եթե նույն «Մոսկովսկայա զաստավա»-ն, այսինքն այժմյան «Մոսկովսկայա փողոց»-ը (այսպես կոչված «Ճեմմել»-ի դիմացը):

նախմբություններն ու քեֆերը: Այսպես, օրինակ, «Հայ երիտասարդների մի փոքրիկ խմբի» Վերայի այդիներից մեկում կազմակերպված քեֆը, որի թամադան եղել է գերձիկ Սերգոն, թամադության մեծ փորձառություն ունեցող «գեղեցիկ, առողջակազմ և զվարճախոս երիտասարդը»: Եվ այդ երիտասարդը հայտնի է եղել բազմաթիվ արկածներով՝ «Հավլաբարի կամուրջի վրա», «Բերդի (Մետեխիի—Լ. Մ.-Բ.) զափիվայրի վրա», «Խոչիվանքի գերեզմանատանը» և այլուր: Իսկ վերջինում «կաստվածածնա անվամբ շինված մի հին եկեղեցի, ուր աստվածածնա տոնին հավաքվում է ուխտավորների մեծ բազմումություն քաղաքի ամեն կողմից» և այլն:

Ապա հեղինակը բերում է մի երկախոսություն (դիալոգ), ուր գործածված է վրացերեն «գեղի ջան», այսինքն «մայրիկ ջան» արտահայտությունը և նշված են Հավլաբարի «Մաշոնում» հայտնի աղջկերքը».

«Մաշոն անունով մեր Հավլաբարում քիչ աղջկերք կան. այդ զազագ (մետաքսագործ—Լ. Մ.-Բ.) Սրութինի աղջկա անունն էլ Մաշոն է. Հավլաբ (ալյուրավաճառ—Լ. Մ.-Բ.) Սաբոյի աղջկա անունն էլ Մաշոն է. մեր Փեփելի քրոջ աղջկա անունն էլ Մաշոն է... զարափի (դրամափոխ—Լ. Մ.-Բ.) Կակուկու քրոջ անունն էլ Մաշոն է». և շատ ուրիշներ:

* * *

«Անպատճառ իշխանուհի» պատմվածքում (1886) նշված է այն փաստը, որ երբ Տիրան Մարությանը իր հայրենիքից առաջին անգամ գալիս է Թիֆլիս, այստեղ հայերը «օտար լեզվով էին խոսում, մի-մի հայերեն խոսք միայն կինտոններից ու բախալներից (կանաչեղեն վաճառող—Լ. Մ.-Բ.) էր լսում», մինչեն 10 տարուց հետո՝ կրկին վերադառնալով Թիֆլիս՝ մեծ փոփոխություն նկատեց, այնքան, որ, օրինակ, օրիորդ կազարյանի մասին խոսում էին, որ նա «Թիֆլիսի բոլոր հայուհիների մեջ ամենալավ հայագետը և հայախոսն է»:

* * *

«Զհաս» վեպում (1866), ուր պերսոնաժներն են Պետրոսն ու Աստղիկը, հիմնականում արծարծվում է Թիֆլիսի կանանց

վարք ու բարքի խնդիրը, մասնավորապես այն կանանց որոնք «երեք շեն հետաքրքրվել անացին գործերով, որոնք փախչում են խոհանոցից, ինչպես դժոխքից, շեն զբաղվում իրենց երեխաների դաստիարակությամբ» և «որոնք զբոսանքի ու զվարճության համար են միայն ապրում», այսինքն ունայն կյանք են վարում, զբաղվելով լոկ հագուստեղեն ձեռք բերելով և կլուրներ, կոնցերտներ ու պարահանդեսներ հաճախելով:

* * *

«Լուսավորության կենտրոնը» վեպում (1892) հեղինակը շեշտում է, որ հայաբնակ վայրերից և ոչ մեկը շունի այնքան ծաղկած դպրոցներ, ինչպես Թիֆլիսը, որտեղ կենտրոնացած են Ներսիսյան թեմական դպրոցը, Գայանյան և Հովհանյան միջնակարգ օրիորդաց դպրոցները և այլն բազմաթիվ՝ թե՛ տղաների և թե՛ օրիորդների դպրոցները, Կովկասյան հայոց բարեգործական ընկերությունը, կանանց բարեգործական ընկերությունը, գրքերի հրատարակչությունը, հայ լրագիրները և այլն:

Պատմվածքի գլխավոր պերսոնաժը՝ երիտասարդ՝ Վահան Սարյանը անցնելով Սովանլուխով և մտնելով Թիֆլիս՝ «պատահեց բուն թիֆլիսեցի լայն շալվարներով, արծաթյա հրեշտվոր գոտիներով, մորթու գլխարկներ դրած, սրակրունկ կոշիկները հագած, արխալունիների կրծկապը ետ ծալած, թեքերնին սոթտած, տարօրինակ բարբառով և շարժվածքով հայերի, որոնք խանութների առաջ նստած դիոլ ու զուտնայով քեֆ էին անում, այսինքն քիչ ուստում, շատ խմում և շարունակ պարում էին»:

Սկսվում է բանավեճ նրա (նորեկի) և շիրազի (գինեվաճառ—Լ. Մ.-Բ.) Մանասի միջև:

Շիրազի-Մանասի նկատողությունից հետո, որ «Թիֆլիսեցիք ուրախ մարդիկ են», Վահանը կշտամբում է նրան. դու «ասացիր թե՝ Քոից մարդ կով տվող ձկներ պիտի դուրս գան, բայց դուրս չեկան»: Խակ Մանասը պատասխանում է. «Սպասի՛ր, բարեկամ, սպասի՛ր, այդ ձկներն էլ դուրս կգան, ո՞իայն

թե Թիֆլիսի միջից անցնող քոից և ոչ ուրիշ տեղից», ակնարկելով, իհարկե, քեֆ անողների վրա:

Վեպը հազեցված է բազմաթիվ երկխոսություններով (դիալոգներով), որտեղ օգտագործված է Թիֆլիսի բարբառը, զրեթե կատարյալ հարազատությամբ, եթե համեմատելու լինենք Բաֆֆու ստեղծագործության նմանօրինակ նյութերի հետ, որոնք կարուտ են սրբագրության:

Բայց վեպում ամենահետաքրքրականը հին Թիֆլիսի էկզոտիկայի պատկերումն է, որ կարծես թե լրացնում է Պ. Պուշչանի «Շատերից մեկը» (1893) պատմվածքում տված «Թուրքի Մելղանի» նկարագրությունը:

Ահա այդ պատկերը բայց այս վեպի. -

«Կովկասյան մայրաքաղաքի բնական առավելություններից ու գյուղական մեջնորդություններից մեջն էլ այն է, որ ասիացի մարդը՝ եթե այդ քաղաքի մաքուր փողոցների վրա գտնվող շքեղ հյուրանոցներում կամ ապարաններում ապրելուց ձանձրանա (որ շատ է պատահում զարադազցի, սալմասացի կամ օրդուրազցի հանկարծ հարստացող և Թիֆլիս գաղթող հին փինաշիների հետ), այդպիսին կարող է մի քանի վայրկանում տեղափոխվել յուր հայրենական ծննդավայրը: Դրա համար հարկավոր է միայն դնալ Թիֆլիսի հին քաղաքամասը, ուր հանքային բաղանիքներն են: Այդտեղ աշ ու ձախ անցնող փողոցների վրա ապրում է Պարսկաստանը՝ յուր բոլոր ակնապարագ հրապություներով: Մի աեղ գուրք կտեսնեք միաշար խանութներ, որոնց մեջ թավրիզցի թուրքերը զերծած զլուխներով, կեղտոտ զոգնոցներով, նարզիլեի պատկը բերաններին, զանազան համագաւաճներ են պատրաստում, ինչպես, օրինակ, փլավ, բոզբաշ, զավուրմա, տոլմա կամ զլուխ գործոց՝ լցուկաքյաբաբ: Այդ խանութները աշպազիսանաներն են (խոհակերոց), ուր մոթալ փափախներով, շարիշար նստած, վայելում են խորտիկները, ասրբցի կամ թարաքյամա թուրքերը և նրանց հետ էլ երբեմն զուռնուկցի կամ բոլնիսցի հայեր:

Մի ուրիշ տեղ հացթուխները ծխից ու միխից սկացած կրպակներում, արյուն-քրտինք մատած խմոր են հունցում, լավաշներ են թխում և հարյուրներով կախում. կրպակի առջեից կապած թոկերի վրա...

Հենց այդ խոհակերոցների և հացթուխների արանքում զետեղված են սափրիչները, ածելած երեսներով, մեջքերին գոտիով պրկած...

Դրանց գիմաց նստած են թուրք կոշկակարները կամ փինաշիները...

Վերջապես այդտեղ են և պարսկական քաղցրեղեններ վահառողները...

Պակասը լրացնում են աթուարները (մանրավաճառ) և մսագործները, որոնց խանութիների առաջ միշտ խմբված է լինում թե՛ քաղցրացի և թե՛ զեղցուկ հաճախորդների խայտարդեա բազմություն...»:

Հին Թիֆլիսի էկզոտիկայի այս պատկերավորումը ավելի ուժեղացնելու նպատակով հեղինակը տալիս է և իր եղրակացությունը, իհարկե, որոշ երգիծանքով.

«Քաղցրացի այս մասում ընդհանրապես մարդիկ ապրում են ավելի երջանիկ, քան թե ուրիշ մասերում, որովհետև ամեն ոք վարդում է յուր փողոցի հետ այնպիս, ինչպես ինքն է կամ հնում: Իսկ սա քիչ բան չէ աղատասեր ժողովրդի համար: Օրինակ, խոհարարները փողոցի մեջ թափում են իրենց քուրաների մոխիրը կամ խոհանոցի կեղտը, կոշկակարը կաշիների կեղտաջուրը, սափրիչներն իրենց լվացուկները, հացթուխները փայտ են կտրտում այդտեղ, քյարաբշին օդն է ապականում յուր խորովածների հոտով, մսագործն յուր ավելցուկներն է շպրտում խանութի առաջ և այլն...»:

Եվ «այս փողոցներից գլխավորի»-ն... «Ժողովուրդը Սատանայի շուկա է անվանում», որը, կավելացնենք մենք մեր կողմից, նույն Շալթան-Բազարն է:

Մի տեղ տրված է Զորաբաշի կոչված եկեղեցու նկարագրությունը, որը գտնվում էր «Թիֆլիսի պատմական Մետեխի բերդի մոտ, դեպի Հավլաբար տանող մի զառիվայր ճանապարհի վրա, ...թուռ զետի ձախ ափից լեռնաձև բարձրացող և Հավլաբարի բնական սահմանը կազմող պարեխավոր ժայռերի վրա, որտեղից բացվում են թե՛ զետի և թե՛ նրան շրջապատող հեռավոր թաղերի ու այգեստանների զեղեցիկ տեսարանները»:

* * *

«Տիկին Փիլարյանի (թե՛ Փիրալյանի—Լ. Մ.-Բ.) վիշտը» զրուցում (1897) շեշաված է թե ինչպես Թիֆլիսում «ապրում են... նավթային կրեսոսներից մի երեքը, չորսը»: Միշանկյալ հիշաված են միակ պողոտան (Գոլովինի, այժմ Ռուսթավելու—Լ. Մ.-Բ.) և Վերայի փողոցները:

* * *

«Նոյի ագռավը» պատմվածքը (1899) արձանագրում է, ի միշի այլոց, այն երկույթը, որ հայ երիտասարդները՝ գալով գավառներից Թիֆլիս «Հուսում» ստանալու՝ այլևս չեն վերադառնում գործելու իրենց ծննդավայրում, այլ մնում են Թիֆլիսում, համոզված լինելով, որ «Թիֆլիսի նման բազաքում հայտնի մարդկանց շարքը զգել՝ այդ էլ մեծ բան է»: Եվ ինչ «որ լուսավոր, յա չէ փանդ ու փիլով (հնարագետ) մարդ կա, հենց գոպա Թիֆլիս ա վազ տալի»:

* * *

Մուրացանի գլուխ գործոցը, անկասկած, նրա «Գեորգ Մարզպետունի» պատմական վեպն է (1896), որի նյութը վերցըված է Հայաստանի IX—X դարերի պատմությունից:

Քաջ ծանոթ լինելով հայոց պատմագրական սկզբնաղբյուրներին, Մուրացանը նպատակ էր գրել պատկերել ֆեռուական Հայաստանի (և Վրաստանի) այն ժամանակաշրջանը, երբ հայ ժողովուրդը ձգտում էր թոթափել արաբական լուծը և ձեռք բերել պետական անկախություն, վրաց ժողովրդի որոշ խավերի համագործակցությամբ:

Խոսելով հայոց արքայորդու (Աշոտ երկաթի) մասին, վիպասանը նշում է, որ «Գուգարքը նվաճելուց և Վասակ ու Աշոտ Գնթունի իշխաններին հանձնելուց հետո, նա (արքայորդին) անցավ Վրաստանի սահմանը, Տփիսիսն ազատելու», քանի որ «այդտեղ էլ հագարացիք (արաբները—Լ. Մ.-Բ.) մեծ ուժ ունեին» և «Վրացի ազգերը (իմա՞ ցեղերը—Լ. Մ.-Բ.) հեծում էին

նրանց բարբարոսական լծի տակ»: «Մեր գյուցազնը, — շարունակում է վիպասանը, — ինչպես մի կատաղի փոթորիկ հասավ Տիֆիսիս» և «նրա հուժկու բանակի առաջ, որ ստվարացել էր հետզհետե, հագարացոց (արաբների—Լ. Մ.-Բ.) զորությունը չկարողացավ դիմանալ»:

Սրա հետևանքը եղավ այն, որ «Հայերը շարդեցին նրանց, ցրեցին, արաբացի իշխանները գերելով՝ շղթայի զարկեցին, իսկ Տիֆիսը ազատելով՝ վերադարձան Ռոտիք»:

Վիպասանը, ի միջի այլոց, ուշադրություն է դարձնում այն հանդամանքի վրա, որ «Աշոտ արքայորդուն թագավոր պսակելու» արաբողությանը Դվինի ս. Գրիգոր կաթողիկեռում պիտի մասնակցեին «Հայոց իշխանները վրաց թագավորի և ափիսազաց (արևմտյան Վրաս.—Լ. Մ.-Բ.) Գուրգենի հետ միասին», որի կապակցությամբ «Վրաց Ատրներսէն (Աղարնասի—Լ. Մ.-Բ.) թագավորին [Դվինի] կաթողիկոսարանում ընդունեցին, իսկ ափիսազաց (արևմտյան Վրաց. Լ. Մ.-Բ.) Գուրգեն իշխանին՝ Արաս արքաեղբոր ապարանքում»:

Իսկ թագավորության արաբողությունը վերջացնելուց հետո նորաօծ թագավորին (Աշոտ Երկաթին—Լ. Մ.-Բ.), ի միջի այլոց, համբուրում է մայր-թագուհուց հետո «Վրաց թագավորը»:

Այս իրադարձությանը իրոք դիսոնանս է հնչում վիպասանի այն հայտարարությունը, թե ինչպես հետագայում «Վրաց Ատրներսէն (Աղարնասի—Լ. Մ.-Բ.) թագավորը հայ իշխանների զրոյմամբ թշնամացավ Աշոտ արքայի հետ և մեր հյուսիսային գավառներից մի քանիսը փորձ արավ սեփականելու»:

Ապա վիպասանը, ցանկանալով շեշտել հայոց կաթողիկոսի (Հովհան Դրասիսանակերտցու—Լ. Մ.-Բ.) թուլասրտությունը, նշում է, թե ինչպես Հայաստանի ծանր կացության պահին ամեր կաթողիկոսը փոխանակ սրան ու նրան դիմելու, իշխանները հաշտեցնելու և դրանց բոլորին միացնելով՝ թագավորին թե ու թիկունք կանգնեցնելու, երկիրը թողեց տագնապի մեջ, ժողովուրդը՝ հուսահատության մեջ, զորքը՝ մահու և կյանքի հետ կովելիս և ինքը յուր անձին անդորրությունը խնդրելով՝ հեռացավ Վրաստան, Ատրներսէն (Աղարնասի—Լ. Մ.-Բ.) թագավորի մոտ ապահովության մեջ ապրելու»:

Մեծ նշանակություն է տալիս վիպասանը այն խնամիական կապերին, որ հաստատվում էին հայոց և վրաց արքայական տների միջև:

Այսպես, օրինակ, պատմվում է, թե ինչպես Հայոց արքայի եղբայր [Արաս]ը «գնաց և ափխազաց (արևմտյան Վրաս.—Լ. Մ.-Բ.) Գուրզեն մեծ իշխանի դստեր Հետ ամուսնացավ», բանի «որ վաղուց սիրում էին նրանք իրար», այսինքն՝ «[Աշոտ] թագավորի թագաղբության օրերից»:

Հայոց թագուհու ասելով, նրա «աշքի առաջ սկսվեցավ նրանց (Արասի և Գուրզենի դստեր—Լ. Մ.-Բ.) բարեկամությունը», որի առթիվ «ժողովուրդը բամբասում է նրան (Արասի—Լ. Մ.-Բ.), որ մեծ և թագավոր-եղբորից առաջ պսակվեցավ»: Այն էլ էին ասում, որ «երեկ Ափխազիայի (արևմտյան Վրաստանի—Լ. Մ.-Բ.) օրիորդը առավել գրավիլ և զորել էր, քան Սահակ Սևադայի աղջիկը»:

Այսպես թե այնպես, «[Աշոտ] թագավորը և Արաս եղբայրն անմիջապես վերադարձան Ափխազիայից (արևմտյան Վրաստանից—Լ. Մ.-Բ.) և դիմեցին Վաղարշապատ»:

Միջանկյալ բերված է Սևադայի տեսակետը, որ «Վրաց թագավորը» իրոք «երկրորդն էր» Հայոց «թագավոր»-ից Հետո, ապա զալիս էր «Ափխազիայի (արևմտյան Վրաստանի—Լ. Մ.-Բ.) [Մեծ] իշխանը», որը մի ժամանակ թուլլ էր տալիս իրեն «սպարծենալ, թե յուր դուստրն է միայն Հայոց արքունիքի զարդը»:

ԳԱԶՄՐԱՍ ԱՂԱՅԵՆ (1840—1911)

Դազարոս Աղայանը ծնվել է Վրաստանի պատմական, Հոչակավոր անկյուններից մեկում՝ Ստորին Քարթլիի Փոլադաուրիի (Բոլնիսի) ձորի, այսինքն Բողնովորի, Բոլնիս-Խաչեն հայկական գյուղում:

Սկզբնական կրթությունը փոքրիկ Դազարոսը ստացել է Թէթրի-ծղարո (Աղբուլաղ, Եղևան կլօց) ավանի մոտերքում գտնվող Սամշվիլդե գյուղում, ապա միջնակարգը՝ Թիֆլիսի Ներսիսյան դպրոցում, որը, սակայն, չի ավարտել:

Ապա երկար տարիներ, ընդմիջումներով, Ղ. Աղայանը գործել է Թիֆլիսում և իր արձակ ու շափածո երկերում արտացոլել նաև Վրաստանի անցյալն ու ներկան:

Ղ. Աղայանը վախճանվել է Թիֆլիսում 1911 թվականի հուլիսին և թաղված է «Խոչիվանքի» պանթեոնում:

* * *

Ղ. Աղայանի մեթոդական գործերից առանձնապես նշանակալից է «Հայկական հնչյունների մասին (կուծումն տարակությանց)» գրքունկը, տպված Թիֆլիսում 1874 թվականին և արտատպված՝ շնչին կրօնականությունով, նրա երկերի ժողովածուի 4-րդ հատորում (Երևան, 1950, էջ 231—262), որտեղ հեղինակը տալով Թիֆլիսի հայոց բարբառի բնութագիրը, ի միջի այլոց, հայտնում է. «Տփիսիսեցիք վրաց լեզվին են պարտական, որ իրենց հնչյունները մաքուր են պահպանել մինչև այսօր. սորա հակառակ պոլսեցիք, որ կորցրել են իրենց հնչյունները, դորա պատճառը ուրիշ բան չէ, եթե ոչ տաճկաց լեզուն» (1874 թ. Հրատ., էջ 13, Երևան, Հ. VI, 1950, էջ 238):

¹ Սրա մասին տես նաև մեր՝ Թրիլիսիի հայ բարբառը և նրա առնչությունը վրացերենի հետ. «Վրաց լեզվագիտական ընկերության տարեգիր», I-II, Թր., 1923—1924, էջ 343—344:

Ուշադրության արժանի է նաև Դ. Աղայանի «Հայոց այժմյան բանավոր երգերից» հոդվածը, գրված 1893 թվականին, և տպված «Տարբաղ»-ում նույն թվականի № 9-ում (արտատպված, Երկեր, հ. III, 1940, էջ 329), որտեղ հեղինակը տրտունջ է հայտնում այն առթիվ, որ Սայաթ-Նովայի և Շիրինի վրացական և ադրբեջանական խաղերը դեռևս հրապարակ չեն հանվել.

«Մենք այսօր Սայաթ-Նովայի, Շիրինի և ուրիշ շատերի հայերեն ասածները հավաքել տպել ենք, իսկ նրանց վրացերեն և թուրքերեն (իմա՝ ադրբեջաներեն—Լ. Մ.-Բ.) ասածները զանցառության տվել, մինչդեռ Սայաթ-Նովայի ավելի լավ խաղերը վրացերեն են ասված ու Շիրինի էլ լավագույն խաղերը՝ թուրքերեն» (իմա՝ ադրբեջաներեն—Լ. Մ.-Բ.):

* * *

Դ. Աղայանի գեղարվեստական երկերից մեր թեմայի առումով հետաքրքրական է «Արություն և Մանվել» վեպը (1866):

Այս վեպի հենց սկզբում գրի է առնված վրաց ժողովրդի կազմի մեջ մտած ցեղերից մեկի առասպելը, որը գալիս է նախնադարյան-տոհմային հասարակարգի ժամանակաշրջանից:

Նկարագրելով Շամշուլդու (ուղիղ՝ Սամշվիլդեի—Լ. Մ.-Բ.) եռանկյունի բերդը, որի հիմնարկության ժամանակը, պատմությունը, ըստ Դ. Աղայանի, «տալիս է Հայկ դյուցազնի որդուն՝ Քարթլու նահապետին» և որը «ընկած է մեջտեղը Խրամ և ձավճավ (ուղիղ՝ Ճիվճավի—Լ. Մ.-Բ.)» ասված գետերի», վիպասանը սրում է ընթերցողի ուշադրությունը նույն բերդի սահմաններում գտնվող եկեղեցիներից մեկի վրա, որը հայտնի է «Բերդի ս. աստվածածին» անունով:

Բայց ինչո՞վ էր այս եկեղեցին հոչակված:

«Այս եկեղեցին մի փոքրիկ մատուռածե շինություն է, և ներսը ավագ կողմին կանգնեցրած է մի սեագույն, բավականին լայն ու երկայն որձաքար: Քարի վերա եղած արձանագրության խոսքով՝ նա անվանվում է «Զուհար խաչ», և շինած է Սմբատ իշխանի ձեռով մեղանից մի հազար տարի առաջ,

բայց ժողովրդի մեջ եղած ավանդությունը այդ քարին տալիս է հրաշալի ծագումն: «Այդ քարը բուսել է ինքն իրան, ասում է ավանդությունը, և սկսել է օրեցօր երկայնանալ: Ուզենալով իր նշանակությունը հայտնել ժողովրդին, մեկին երեացել է երազումը և ասել է նրան՝ «Եթե ինձ վերա եկեղեցի շեք շինիւ, ես այնքան կբարձրանամ, որ գլուխս կհասնի մինչև երկինք»... Երազատեսը պատմել է ժողովրդին, և ժողովուրդն էլ վախենալով՝ թե մի գուցե՝ ճշմարիտ՝ ասածի շափ բարձրանա և ժամանակով վայր ընկնի իրանց զլիին, շտապել են եկեղեցին շինել, և քարը դադարեցրել է իր երկայնանալը»:

Դ. Աղայանի հիշատակված որձաքարը, որ ցայսօր կանգուն է Սամշվիլդեյում, մեկն է այն բազմաթիվ «նախապատմական», այսպես կոչված «մեգալիթյան» կուլտուրայի հուշարձաններից, որոնցով այնքան հարուստ են Հայաստանն ու Վրաստանը: Այս որձաքարերը այլապես կոչում են «Թիք-քար» (հայերեն), «Թիքմա-տաշ» կամ «Թիքիլ-տաշ» (ադրբեջաներեն և թուրքերեն): Սակայն՝ իբրև հինավորց շենքի մեջ ամփոփված՝ սա վրաստանում երկրորդն է, եթե, իհարկե, մյուսը համարենք Վերին Շալկայի Զոլախ գյուղի մոտ գտնվող «Այշկոնստանտին» (Սուլթան Կոնստանտին) եկեղեցու մեջ ամփոփվածը¹:

Ինչպես եկեղեցին, նույնպես և որձաքարի վրա փորագրված հին հայերեն վիմագրությունը համեմատաբար նոր են, ըստ մեր հետազոտության, այն ժամանակ, երբ Սամշվիլեն ժամանակավորապես (1046—1065) հայոց Կորիկյան թագավորության մայրաքաղաքը դարձավ, անմիջական հարեաններ ունենալով հյուսիսից՝ Թրիլիսիի արաբական կիսանկախ կամ անկախ ամիրայությունը և արևմուտքից՝ ֆեոդալական միապետություն ստեղծելու հանապարհին կանգնած վրաց

¹Տես Լ. Մելիքսեր-Բեկ, Մեղալիթյան կուլտուրան Վրաստանում, նյութեր արխայիկ մոնումենտալ արվեստի պատմության համար. Թրիլիսի, 1938, էջ 89—92, Նկարները ԼII—LIV (Վրացերեն): Նույնի՝ Դ. Աղայանի «Արություն և Մանվելը» և Սամշվիլկի որձաքարը. «Արշավ», 1940, № 4, էջ 52—55 և Նկարը նույնտեղ: Հմմ. նաև Սարգսի Զալալյան, Ճանապարհորդություն ի Մեծն Հայաստան, II, Թբ., 1958, էջ 78—79, նաև M. Brosset. «Mélandes Asiatiques», t. II, Paris, 1856, էջ 97—98:

Բագրատ 4-րդ արքային (1027—1072) ենթակա վրաց թագավորությունը, այն Բագրատի, որի մայրը Արծրունյաց Սենեքերիմ թագավորի դուստրն էր:

Արձանագրությունն, ըստ մեր վերծանման, կարգացվում է այսպես.

«ՆՇ [$=400+100=500+551=1051$], Ճռչար խաչս մեր և յոյս է, զվարդ զարարող խաչիս յիշեսչիք և զաղբացըն իմ՝ ծառայն Քրիստոսի: Տէր Յիսուս Քրիստոս աստված մեր: Խաչ Քրիստոսի է փրկող սուրբ՝ Սմբատ իշխանաց իշխանի»:

Վեպում նկարագրվում է նաև մի այլ հուշարձան: Այսպէս, օրինակ.

«— Արի՛ էստեղ մի քիշ նստենք, Արություն:

— Ո՛չ, Մանվել, զնանք, տեսնո՞ւմ ես են մեկմեկու վրա դրված երեր քարերը, զնանք նրանց վերա նստենք...

— Ո՞ւ՞ն, էս ի՞նչպէս են իրար վերա դրել էս աշագին քարերը...

— Սրանց համար ասում են՝ «Երկու եղբայր են եղել, մեկ էլ մեկ քույր են ունեցել: Երկու եղբայրները երկուսով ներքեի երկու քարը իրար վրա կը դրել. երբորդը չեն կարացել, հետո իրանց քույրը եկել է մի ձեռով վերցրել դրել դրանց վերա...»:

Ապա վիպասանը նշում է, թե ինչպէս «մեր պատանիքը վեր բարձրացան, նստեցան երեր քարի վերա և սկսեցին նայել իրանց առաջով ընկած անզնդաձեւ խորության վերա, որի միշտ կամ գետը փրփուրն երեսին զնում էր վշշալով...»:

Արություն և Մանվելը դարձյալ զրուցում են.

«— Տեսնո՞ւմ ես ինչ լավ տեղ է, ասաց Արությունը, ձեռը մեկնելով զեպի երամի պատերը: Ահա այն քարքարուտ տեղը լիքն է նոնով ու թղով, բայց ոչ ոք չի կարող զնալ քաղելու, հանապարհ չկա: Տեսնո՞ւմ ես էն ծակերը, նրանք զաղեր են (քարքարեր), անհիշատակ ժամանակներին նրանցում մարդիկ են եկել կենալիս, երեի առաջ հեշտ է եկել էղպես տեղեր բարձրանալը: Հիմի էլ ով որ քաջ քարագնաց է, կարողանում է գնալ էղպես տեղերը: Ասում են՝ շատ անգամ արծաթ, պղինձ, հին գրվածքներ շատ են գտնում դրանցում...»:

Այս զրուցի մեջ տրված է, մի կողմից, Սամշվիլդեի ու նրա շրջակայքի հնությունների նկարագրությունը և, մյուս կողմից,

Հնագույն ավանդությունը երեք (ուղիղ՝ չորս—Լ. Մ.-Բ.) քարեմից կազմված կոթողի մասին:

Ի դեպ, նշենք, որ Ղ. Աղայանի կողմից գրի առնված ավանդությունը «Եռաքար» կոթողի մասին հիմնականում տարբերվում է վրացականի երկու տարբերակից: Երկու գեղեցումն էլ նկատի է առնվում վրացերեն տեղանուն «Սամցվիլդեն», առաջինը՝ սամի շվիլդի, այսինքն՝ «Երեք աղեղ» (Եռագեղ), մյուսն՝ սամի շվիլի, այսինքն՝ «Երեք զավակ» (Եռազավակ): Բայց ավելի հավանականն է ոչ թե «սամի շվիլդի», այլ «սամցվիլդեն», որ նշանակում է աղեղ նետելու տեղ (կոթող, աշտարակ):

Վերջին մեկնարանությունը, ի միջի այլոց, հետաքրքիր է նրանով, որ այստեղ անտեսվում է երեքի (վրացերեն «սամի») գաղափարը և առաջ է քաշված նախածանցի (վրացերեն «սա») էությունը:

Մեր կարծիքով ևս, երեքի գաղափարն ընդունելի չէ այն պատճառով, որ իրականում մենք գործ ունենք ոչ թե երեք, այլ չորս քարի հետ, որոնք իրար վրա այնպես են կիտված, որ ամենաստորինը կիսով հողի մեջ է և լավ չի նկատվում: Այս պատճառով էլ կոթողը կոչում ենք «տետրալիթ» (տետրալիթոս)¹, որը հայերեն բառացի թարգմանությամբ կլինի «քառաքար»:

Արությունի (իրեն վիստասանի) ծննդավայրի մասին վիստասանը տալիս է այսպիսի տեղեկություն.

«Արությունը ծնվել է Թիֆլիսի մոտակա Խաչեն անվանյալ դրույումը: Անցյալ դարի վերջերից սկսած մինչև ներկա (այսինքն՝ XIX դ.—Լ. Մ.-Բ.) դարում սկզբները Զարաբաղից շատ հայեր գաղթեցին գեղի ամեն կողմ, դրանցից մեկ հատված էլ Խաչենու մհարից եկավ և Բոլնու ձորումը հաստատեց իր բնակությունը, որտեղից դարձյալ սկսեցին ցրվել. մի քանի տուն միայն գնացին շենացրին մի հին գեղատեղ, և ի հիշատակ իրանց հայրենիքի՝ Խաչենու, նոր գյուղի անունը դրին Խաչեն»:

¹ Լ. Մելիքօնք-Բեկ, Մեղալիթյան կուլտուրան Վրաստանում, 1938, էջ 122—124, և նկարը էջ LIX:

Խաշենից մինչև Թիֆլիս ձիերով կատարած «ճանապարհորդությունից» առանձնապես շեշտվում է այն մոմենտը, երբ Արությունն ու նրան ուղեկցող «տեր-Հայրը»... «հասան Թելթի սարի ստորոտը», որտեղ «Արությունն իջավ ձիուցը, և մի քանի քայլ ծանր փոխելուց հետո՝ զառիվեր թռավ արագավազ եղչերվի նման և տելրտերին շատ ցած թողելով՝ ինքը բարձրացավ սարի գլուխը, որտեղ երևեցավ նրան քաղաքը»: Այնուհետև. «Թիֆլիս քաղաքը նավթլուղից սկսած մինչև Վերա հանկարծ բացվեցավ Արությունի առջև» և «ապշեցրեց նրան», այնպես որ «Հրաշալի՛ տեսարան», բացականչեց նա: «Վերջապես մտան քաղաքը» և «այսպես հասան մինչև Հավաբար»:

Վեպում տեղ է հատկացված նաև Արությունի ճանապարհորդության նկարագրությանը Թիֆլիսից «գեղի Բոլնու սուրբ Գևորգը», այլապես ասած Խատիս-սովիելիի ուխտատեղին:

Նկարագրությունը սկսվում է նրանով, թե ինչպես «սայլապան վրացի Գևորգին հարկադրում էր եղներին, որ շուտաքայլ երթան դեպի իր անվանակից Ծմինդա Գևորգին, իսկ սայլի մեջ նստող ուխտավորները՝ արք և կանայք խոսում էին զանազան սուրբերից...»¹:

* * *

«Տորք Անգեղ և Հայկանուշ գեղեցիկ» պոեմը (1888) պատկերում է այսպես կոչված Ստորին Քարթլիի-Սոմխիթի գեղատեսիլ բնությունը:

Գուգարաց աշխարհը նոր կյանք է առել,
Լոքի ու կալվարի ձյուները հալվել.
Գետակը Բողնիքի վաղ արշալույսին
Հորդացած վշշում է փրփուրն երեսին.
Անտառում Ուփրեթը² ամրոցն Արամյան,
Զուգվել է, զարդարվել նոր-Հարսի նման....:

¹ Այսպիսի ճանապարհորդություն գեպի Բոլնիսի և Գեորգ ուխտատեղին կատարել է, ինչպես Հայտնի է, և Խ. Արտվանը 1841 թ. («Ժամանակակիցները» Խ. Արտվանի մասին), Երևան, 1940, էջ 110—111):

² Ուղիղ՝ Օփրեթը:

Թարխարյան¹ լեռներում երգչի ասելով
Կենում է մի հովիվ քաջ Տորք անունով:

Այնուհետեւ հիշված է Բաղաց աշխարհի Առան զորեղ իշխանի կամ արքայի հանդիպումը Գուգարաց կամ Լոռվարդիշի հետ, որն հայտարարում է.

Մեր հսկաներն էլ ձորերը մըտան,
Որ գվիրներին ոշինչ հարկ շտան:

Եվ գեղեցիկ բնության նկարագրությունը շարունակվում է Հետեւյալ տողերով.

Ամառնամուտ է, կոք սարն իր գագաթ
Գաշտեցոց համար շինել է դրախտ...
Որ կողմ նայում ես՝ տեսնում ես հրճվանք,
Անմեղ, երկնային սիրո փաղաքշանք.
Ծաղիս են իրար քնքուշիկ համբուցը.
Անթիվ աղրյուդներ, վճիտ, սառնորակ,
Իրար գրկելով՝ մտնում են ձորակ...

իսկ՝

Հսկայն լեռների՝ Կովկասի շղթան
Ինչպես ցամաքի մի կեվիաթան,
Գլուխը թաղել է եվքսինյան ծովում²,
Պոչը Վրկանա ծովումն է շարժում.
Ահուիլի մի պատ, բուսած անդունդից,
Մեցից կարում է հարավն հյուսիսից.
Ինչպես մի քամար ալմազ քարերով
Շրջապատել է գետնքի փորով...:

Բնության նկարագրին կից, կամ զուգահեռաբար, տրվում
է և տեղիս բնակավայրերի տեսությունը—

¹ Ուղիղ՝ Պարխաւյան (Պարխաւի-ից):

² Ուղիղ՝ Սև ծովն է:

Եվ Հովիվն անմեղ՝ իր գալազանով.
 Յուց տվավ Տորբին իրանց անունով
 Մի քանի քաղաք և մհծ-մհծ ավան.
 Թե՛ «այն Գաշենքն¹ է և այն Մոշավան².
 Իսկ այս քաղաքն է, որ երկարումնեկ
 Բողնոփորի³ մեջ ձգված է բեկ-բեկ,
 Յուրտավ⁴ քաղաքն է, հարուստ, այգեվետ,
 Իսկ այս էլ ահա ամրոցն է Ուփրեթ⁵,
 Որ պատկանում է մի շատ աննման
 Եվ շատ գեղեցիկ մի որբ աղջլիան:

Պոեմում տեղ-տեղ նորից մի քանի անդամ Ցիշվում են
 Գաշենքը (=Գաշիանի), Ուփրեթը (=Օփրեթի), Զորափորը
 (=Զորագետը), Ծորոփորը (=Ծոփքը) «Հայոց հյուսիսային
 կողմանց» և Ստորին Քարթլիի կամ Սոմխիթիի միջասահմանի
 պատմական վայրերը:

* * *

«Սերը արտաքսված» պատմվածքը (1889) ուշագրավ է իր
 ներածական մասով, որը կարենոր տեղեկանք է պարունակում
 և նույնիսկ մի տեսակ ուղեցույց է Վրաստանի հնագիտու-
 թյամբ զբաղվողների համար. ուստի և բերում ենք այն այս-
 տեղ ամբողջությամբ.

«Խրամ գետի մի լայնացած հովտում մի փոքրիկ գյուղ կար
 ծինակ անունով: Այս գյուղն այժմ այլևս չկա. մի թունդ երկ-
 րաշարժի ժամանակ Խրամից մի ահագին քերծ փլվելով՝ ամ-
 բողջ գյուղն իր տակովն արավ, և հիմա նրա տեղը մի ահագին
 քարաբլուր է կանգնած»:

¹ Գաշենքը նույն վրաց. Գաշիանին է:

² Ուզիդ՝ «Մաշալերի» կամ Շավի:

³ Այսինքն Բոլնիսի ձորը, նույն Փոլագառերին:

⁴ Յուրտավի տեղադրության մասին տես 1. Մելիքսեր-Բեկ, Վրաց աղ-
 բյուրները Հայաստանի և հայերի մասին, հ. I, Երևան, 1936, էջ 12—15,
 նույնի՝ Թրիալեթ-Մալկայի նյութական կուլտուրայի մնացորդների և տոպո-
 նիմիկայի ուսումնասիրության շուրջը, «Մարքսիստական լեզվաբանության
 համար», Թբ., 1936, էջ 27—44 (վրացերեն):

⁵ Ուզիդ՝ Օփրեթը:

Այս անցքը հայտնի չէ նույն տեղի մոտակալքում այժմյան կենողներին, որովհետև նրանք ամենքն էլ նորեկ գաղթականներ են և շղիտեն մինչեւ անդամ, թե ովքեր են եղել կենալիս այժմ իրանց մոտերքում եղած բաղմաթիվ ավերակ գյուղատեղերում:

Այժմյան բնակիչներից ճարպիկ քարագնացները, մեղու որսալու նպատակով՝ մտնում են այս ու այն անմատչելի քարայրը, և փոխանակ մեղվի, գանում են արծաթի և ոսկու հին դրամներ, պղնձի ամաններ, և նույնիսկ մեռած մարդկանց կմախք՝ երեքման բոլորովին անվնաս և անփուտ մնացած: Միևնույն քարայրում, որոնք պատռեանի պես շարված են իրամի անմատչելի ժայռերում, գտնում են միայն մի զիակի, գեպի արևելքը պառկած, ձեռքերը կրծքին խաչած: Այս ձեռվ մեռածների համար առում են, որ ճգնվելիս են եղել նույն քարայրի մեջ, ուր և ավանդել են իրենց արդար հոգիքը»:

* * *

«Բաժանություն» պատմվածքում (1890) արտացոլվել են մի շարք դեպքեր, որոնք կատարվել են այսպես կոչված Ստորին Քարթլիի կամ Սոմխիթի, այսինքն՝ XIX դարում, Բորչալու գավառի կենտրոնում:

Գործողությունների տեղը, ըստ Դ. Աղայանի, մի մեծ ավան է, «որ խակապես ոչ գյուղ էր, ոչ քաղաք, այլ երկուսից մի խառնուրդ, մի զյուղաքաղաք», և որտեղ «միևնույն գերդաստանի անդամները և երկրագործ էին, և այցեկործ, և արհեստավոր էին, և վաճառական, և ուսում առած կրթված էին; և անուս գուհէիկ»:

Այս բնութագրից հետո ընթերցողը, ի՞շարկե, չի կարող չկռահել, որ «այսպիսի մի գյուղաքաղաք է[ը] Թիֆլիսից մոտիկ, Շուլագերը, ուր կա[ը] գավառապետ և հաշտարար դատավոր, հեռագրատուն և փոստատուն, ուր ինչպես հոյակապ տներն ու նահապետական խրճիթներն է[ի յն միախառնված, այնպես էլ մոթալ փափախն ու մողնի շլապեքը, և այս՝ միենույն տան մեջ», ուր, միաժամանակ, կարելի էր տեսնել «աղա Մահմադ խանի, Վարանցով և իշխան Դոնդուկովի ժամանակի տարազով հագուստներ»:

Դ. Աղայանը որպես օրինակ բերել է Շուշավերը, թեև նրա պատմած անցքը կատարվում էր Գաջենք ավանում», որը նույն վրաց պատմական Գաշխանին է, և որի տեղադրությունը ոչ *XIX* դարումն էր ճշտված և ոչ էլ այժմ:

Հեղինակի, իրքեւ իր ծննդավայրի, պատմական անցքերի լավ գիտակի, առջև անց են կենուամ անցյալի պատկերները:

Ահա Յուրտավը, ահա և Աշուշա բգեշխը և նրա պալատը, Վարդան Մամիկոնյանը, Հազկերտը, Վահանը, Վահանի մայր Զվիկը և այլն:

Նայելով շրջակա ձորերին, Դ. Աղայանն իր պերսոնաժներից մեկին ասել է տալիս, որ Շուշանիկը ոչ թե Մցիսեթյում կամ Տփիսում է նահատակվել, այլ Յուրտավում, և «դիմացի ձորում շատ հնուց մնացած մի բերդ պետք է լինի», որտեղ և «եղել է կալանավորված Շուշանիկը»¹:

Այստեղ խոսքը վերաբերում է Խրամի (*Քցիա*) գետի ձորին, որտեղ, ըստ մեր տեսության, և պետք է որոնել Յուրտավիի հետքերը, այսինքն այժմյան Առքխլո, նախկին նախիդուրի գյուղի տեղը Մառնեուկից (նախկին Սանդարից) գետի Բոլնիս (նախկին գերմանական կոլոնիա Եկատերինենֆելդ) տանող կիսաճանապարհին Խրամ կամ Քցիա գետով անցնող միակ կամրջին կից:

Դ. ԱՂԱՅԱՆԸ ՎՐԱՅ ԳՐԱԿԱՆՈՒԹՅԱՆ ՄԵՋ

ա. Թարգմանուրյուններ Դ. Աղայանի Երկերից.

1. «Մանիշակ» («իա»), թարգմ. Ա. Թ. «Օքտոմբերելի» [=Հոկտեմբեր-յան], 1940, № 10, էջ 13:

Ինչպես երկում է, Դ. Աղայանն իր տրամադրության տակ չի ունեցել ոչ մի տեղեկանք Շուշավերի հայ զյուղացիների կողմից 1852 թվականին կազմակերպված ապստամբության մասին, այլապես այս նշանավոր անցքը որոշ արձագանք կդատներ նրա երկերից որևէ մեկում: Սրա մասին տես՝ Ակտե Կավազսկոյ ԱրքոգրաՓիկուսկոյ Կոմիսիոն, տ. X, Տիֆլիս, 1885, стр. 880; Լ. Ասարով. Պисьма о Грузии, Тифл., 1899, стр. 329—346 (Шулаверские волнения в 1852 г...); Նույնը հայերեն, Ն[վարդ] Թ[ումանյան]ի առաքարանով և ծանոթագրություններով, «Նոր ուղի», 1931, № 6, էջ 133—140:

2. «Գյուղնաղ տատիկի հերիաթը» («Գյուղնաղ բերիաս զղապարի»), թարգմ. Իվ. Թեղլարով, «Նորշի լենինելի» [=Դեռաբողբոշ լենինյան], 1940, № 66:

Բ. Հատուկ գրականություն նրա մասին

1. Ա. Մելիքսեր-Բեկ, Յակոբ Գոգեբաշվիլին և Ղազարոս Աղայանը, ժողովածու «Յակոբ Գոգեբաշվիլի», Թբիլիսի պետ. համալսարանի հրատարակություն, Թբիլիսի, 1940, էջ 68—70:

2. Իվ. Թեղլարով, Ղազարոս Աղայան, «Օքտոմբրելի» [=Հոկտեմբերյան], 1940, № 10, էջ 12—13, նկարով:

ԳԱՐԱՎԱՐՁԻ ԹԻՖԼԻՍԱԲԵԿԱ ԱՐՉԱԿԱՆԻ ԵՎ
ԹԱՏԵՐԱԴԻԲ-ԱԽՐԱՆՆԵՐ

XIX դարի վերջերին, Թիֆլիսում, հայ գրականության ասպարեզում, հանդես եկան թիֆլիսաբնակ մի շարք արձակագիրներ և թատերագիրներ, որոնք, իրեն սիրողներ, իրենց գրական ճաշակը և ունակությունը փորձեցին Թիֆլիսի կյանքից վերցրած սյուժեներն օգտագործելով՝ ոմանք վեպերի, ոմանք էլեկատակերգությունների մշակումով:

Այս գրողները իրեն գիտաստղեր երևացին հայ գրականության երկնակամարի վրա և անհետացան:

Սակայն նրանց անուններն այսպիս թե այնպիս գրոշմված են գրադարանային մատյաններում և անշնչելի են իրենք. Սունդուկյանի դպրոցի ներկայացուցիչներ, թեև մեծ տաղանդով չփայլող հետեւողներ կամ նույնիսկ հետնորդներ (էպիգրաֆներ) են:

* * *

Մեր առջևն է Հ. Ս. Կուսիկյանի գիրքը, որի տիտղոսաթերթը կարդացվում է այսպիս.

«Հրատարակություն Ն. Ս. Կուսիկյանի. Միր ճաճանչնիրը. Կոմեդիա երեք արարուածով և երկու պատկերով, ոտանավորով գրված Թիֆլիսի կյանքից. Հեղինակություն Հ. Ս. Կուսիկյանի, Թիֆլիս, Տպարան Մովսես Վարդանյանի, 1889», 190+II էջ:

Կատակերգության գործող անձինքն են, ինչպիս և Գ. Սունդուկյանի ստեղծագործության մեջ, Թիֆլիսի տարաշերտ հասարակության ներկայացուցիչները:

Թիեսի վերջում կցված է երկու բառարան. մեկը՝ Թիֆլիսի բարբառին հատուկ բառերի (էջ 171—176) և մյուսը՝ դժվար հասկանալի բառերի (էջ 177—190), որտեղ տեղ են գտել նաև

վրացերեն բառեր, որ գործածված էն տվյալ կատակերգության մեջ.

արա—հապա

արլարուղա—սարդի ոստայն

ախավազլուխ—վայվազլախ, վայ և ցավ

ակլերա—ավերել

ան—կամ

բռւրթի—խաղագունդ

դամդելի—մանկասուն, դաստիարակ

դանա—միթե

դեղա—մայր, դիդեղա—մեծ մայր, տատ

էկերա—գուցե, թերես

լածիրակ—թեթևողիկ

լամիս—համարյա թե

խան—երբեմն, կամ

խուճուճ—գանգուր

ծամդառուծում—անդադար, անընդմեջ, անընդհատ

ծիծիլա—հալաձաղ

կասկասի—բարձրաձայն ծիծաղ

կավի (կավքնիր)—կանանց խոպոպիկ

կետի—մահակ, փայտ

կիլո—հանգ, ձայն

կինծի (կինծի կոտրած)—պստանց

կինտո—շրչիկ մրգավաճառ (հմմ. Հայերեն կին+տո)

կուճի—ստամոքս

կոխտա—սաղով, քնքուց

շարիալահ—երգեցողական բացականչություն

ձիձա—դայակ

ձլիվս—հազիվ

ձանարի—ձկան տեսակ

ձիձինա (ձիձինա դալ) —հուզիվել, տրաքվել

ձինչարի—եղինչ

մազիեր—փոխարեն, փոխանակ

մազրամ—սակայն, բայց

մաինց—բայց և, թեև, անպատճառ

մածանծար—մածանծալա—թրե եկող

մաղվալի—մորի

մամա—հայր

միթամ—միթոմ, իբր, իբր թե

մոգոնիլ (մոգոներա) —հնարել (գոնի—ուշը)

մոխերխերա—հնար, հնարագիտություն

մոծամե—վկա, մոծմություն—վկայություն

նետավի—երանի, երանի թե

ուփրո—ավելի, առավել, առավել ևս

պիրոբա—պայման

զեր—դեռ

տուտուց—հիմար

ցարցի—կավիճ

ցետի—հիմար, ցանցար

քա—ա՝յ

քրթամ—կաշառք, օժիտ

ողոնդ—միայն, միայն թե

Կատակերգությունը պարունակում է մի շարք վրացական տեղանուններ՝ Դիղոմի, Կախեթ, Կրծանիս, Մետեխ, Վերա, ինչպես նաև Ռուսաստանի հիշատակությունը վրացական ձեռվ՝ «Ռուսեթ», վերջապես հիշված է և Թիֆլիսի վրացադավան եկեղեցիներից մեկի (Հայոց Նորաշենի կողքին և Սիոնի զանգակատան ետևը) անունը՝ «Զվարիս-Մամա», որ նշանակում է «Խաչխայր», «Խաչահայր» և որը Երուսաղեմի վրացական սույր Խաչ վանքի վանատունն էր համարվում Վրաստանի մայրաքաղաքում:

* *

*

Հ. Ա. Կուսիկյանի կատակերգության լույս տեսնելուց ուղիղ 5 տարի հետո հրապարակ է հանգում «Լումայ» կեղծանվան տակ մի գիրք, որի տիտղոսաթերթը կարդացվում է այսպես. «Լումայ. Գարոյի ընտանիքը, վեպ Թիֆլիսի կյանքից. Կովկասյան գլխավոր կառավարչապետի տպարան. Թիֆլիս. 1894», 196 էջ:

Վեպը պարունակում է 36 գլուխ և ամբողջապես պատկե-

բում թիֆլիսի էկզոտիկան համապատասխան օբահերով (ուխտագնացություններով):

Վեպը սկսվում է, ինչպես և Խ. Աբովյանի «Վերք Հայաստանին», տոնակատարության նկարագրությամբ, երբ առավոտյան արշալույսին նոր բացված «խավարի միջից երևաց Ծիրանավորի ո. աստվածածին եկեղեցին՝ իր ոսկեփայլ խաչով, շրջապատված զմբուխտագույն այգիներով և ծաղկազարդ բլուրներով»:

Վեպում հիշվում է Աղա-Մահմադ-խանի կողմից 1795 թվականի թիֆլիսի ավերումը, Գիորգի վրաց վերջին թագավորը (1798—1800): Երգվում են թիֆլիսաբնակ աշուղների՝ Սայաթ-Նովայի, Միսկին-Բուրջիի, Գյուրջինավեհի, Թուրինչչի, Շիրինի խաղերը:

Պերսոնաժներն են թիֆլիսի իրականությունից վերցրած տիպերը՝ Գաբոն և նրա որդի Բաշզոն, Սարգիսը և նրա կին Շուշանն ու աղջիկ Նատոն, Օսանը, Սոլոն, Գեորգը, Վանոն, Դաթոն, Սղալորը, Բեժանը, Պոխրոն, Արշիլը, Մելանեն, Մական, Գլախան:

Օբաներն են՝ Խվթերայի, Մթածմինդայի, Փեթխախինի, Սիրանավարի և այլն:

Վեպում հիշատակվում են մթիունները (լեռնականներէ), Կավկավը (Վլադիկավկազը, այժմյան Օրջոնիկիձեն), Խոչիվանքը, «Վանքի շկոլեն», այսինքն ներսիսյան դպրոցը, Քուռզետը, Մետեխին, Մարտղովի գյուղը և այլն:

Վեպում օգտագործված են բազմաթիվ վրացերեն բառեր.

ազրով—մտքով

ակլերա—ավերել

ամագ[ի]—երախտիք

անդազա—առած

բնեղիան[ի]—ընկնավոր

բողմա—հեղձանք, շնչահեղձություն, սրտնեղություն

գաղակիդերա—կաշանություն

գախեթքվա—տրաքվել

գանա—մի՞թե

¹ Այս օրաների խնդրին մեր օրոք անդրադառնում է Սահակ Մանվելյանը իր «Վերջին մեղղին» նովելում, «Սով. Վրաստան», 1958, № 193:

գելաքնուրի—գեղարքունի, իշխանաձկան մի տեսակը
գենացվալեթ—ձեր ցավը տանեմ, ձեղ զուրբան
դաշլա—քայքայել, քայքայվել, արգելք, արգելել
դեղի (ուղիղ՝ դեղա) —մայր, գեղավուրթութին—մայրեռ-
դություն, դեղիջան—մայրիկ ջան
էգերա—գուցե, մի գուցե, կարելի է
էլդա նընգով—անակնկալ բան (վիշտ)
թակիւրթին, թակիւի բառից—քաշվել
թավդեր[ի]—երաշխավոր
թևակրավ (ուղիղ՝ թասակրավի) —զլիւակապ
թուրմե—դու մի ասա, կտրծես թե
լամիս—գրեթե, քիչ մնաց
լաշաթրիան[ի]—անշնորհք
խանդիսխան—երբեմն, մերթ ընդ մերթ
խոմ—հոռ
ծուրբելա—տղբուկ
կաբա—դեյրա
կինաղամ—քիչ մնաց
կոխտա—կոկոկի, վայելագեղ
կոճի—կոճ
ձիկ—հազիվ
զվելիերի—բարեկենդան
ձիճինա—շգրու գալ, շղայնանալ
ձվալի—ծակոցներ մարմնում
մագիար—փոխարեն, փոխանակ
մայինց—այնուամենայնիվ, զոնե
մավթու[ի]—լար
մեփի—թագավոր, արքա
միզեղ[ի]—պատճառ
միթոմ—իբր թե
մողոնած—հնարած
մոնա—ստրուկ
մոշլա—քայքայում, քայքայել, լուծում, լուծել
մոսավալ[ի]—բերք
նարիճվար[ի]—արտամուսնական զավակ
չիլիկա—չոխի

Հիրիալ—Եւշակ, գլխի շղարշ
Հուշելա—սուզուխ
Ալիրիքիթ—ընդհակառակը
Ալիրորա—սպայման
Առխոնդրիա—ԻԽՈԽՈՆԴՐԻԱ
Ճեր—գեռ
Զիրգիր[ի]—գրականահատ
Աարակելա (ուղիղ՝ սարեկելի) — կոչնակ, գամամուրճ
Աարործիլո (քործիլի) — հարսանիքի համար
Վայցին—վայ ինձ
Վեր մողարթվես—շմատուցեցին քեզ, հակառակ սպասածին
բա ուժիրս—ի՞նչ կարիք ունի
Սոցիալի—կենդանի, աշխուզ, նաև ձկան անուն է (հմմ.
խրամուլի)

* * *

Նույն 1894 թվականին Թիֆլիսում լույս է տեսնում Կակիննենց Սոսի կեղծանվան տակ մի գրքույկ, այսպիսի տիտղոսաթերթով.

«Լաքաթա. Փարս-վոդեվիլ մեկ արարվածով. գրեց Կակիննենց Սոսին, Տպարան Մ. Վարդանյանի, Թիֆլիս. 1894»,
50 էջ:

Անցքը պատահում է Թիֆլիսում 1880 թվականին Գարդակեանց Կատարինեի տանը:

Օգտագործված է Թիֆլիսի բարբառը.

Վրացական բառապաշարը սահմանափակվում է մի երկու տասնյակ բառերով. դրանք են.

արլանդվա—աշքերը կապել, աշքերին թող փշել, աշքակապություն

ան—կամ

բլոմա—առատ, շատ

գարեղվա—համարձակություն, համարձակվել, սիրտ անել գենացվալե—քո ցավը տանեմ, քեզ զուրբան

դաշլա—քայքայում, քայքայել, արգելք, արգելել

դարբասէու (ուղիղ՝ դարբախելի) — հյուրասեր

դեղիջան—մայրիկ ջան
թայգուլ (ուղիղ՝ թայիգուլի) —ծաղկեփունք
թավլափիան [ի] —ցեխերես, սկերես
կոկոռ—բողբոջ
կուդիան [ի] —պոչավոր, խորամանկ
ձալո—հարս, քեռակին
ճիճղինա—ճռճռան, ճղճղան
մագիեր—փոխարեն, փոխանակ
մախինչ [ի] —այլանդակ, այրեցար
մամիդա—հորաքույր
մաջլաջունա—հաստափոր
միզեզ [ի] —պատճառ
միթոմ—իբր թե
միխրա-մոխրա—շարժողություն, վարք
նիմուտի—ուռւս. մինուտ
պիրիքիթ—ընդհակառակը
չեր—դեռ
սառւթո—հարթուկի համար
վիս էկաղուերա—ում լայեղ է
ուցնավուր (ուղիղ՝ ուցնառիրի) —տարօրինակ
փաստագուսա—քաշքաց, հոգս
քորփա—բողբոջ, դեռաբողբոջ

* * *

Թիֆլիսում XIX դարի երկրորդ կեսին հայտնի էին մի շաբթ գրավաճառներ՝ Ավետիք էնֆիաճյանց, Զաքարիա Գրիգորյան, Ա. Խորայելյան, վերջերս և Գ. Գալստյան, որոնք մեծ կուլտուրական գործ էին կատարում հրատարակելով հայերեն գրքեր, նաև կովկասագիտական գրականություն:

Սրանցից ոմանք գրել են մի շաբթ գրքեր, օրինակ Ա. Էնֆիաճյանը և Զ. Գրիգորյանը, վերջինը հատուկ գրքույկ է նվիրել վրաց գործիշ Զաքարիա Ճիճինաձեին (1853—1931):

Խոկ Ա. էնֆիաճյանը հայտնի է գրականության մեջ իբրև վկայագիր Թիֆլիսի համքարների 1865 թվականի ապստամբության:

Վերջինիս «Հուշերը», իբրև ականատեսի հիշյալ ապստամբության մասին, ձեռագիր վիճակում պահպում է Տյուրինգենի համալսարանի գրադարանի (Գերմանիա) հայերեն ձեռագրերի հավաքածուում:

Ահա ինչ ենք կարդում այդ հուշերում 1865 թվականի անցքի մասին.

«Քաղաքագլխի (Գալուստ Շերմազանյանի—Լ. Մ.-Բ.) պաշտոնավարության վերջին օրերը Թիֆլիսում մեծ խառնակություն լինելով, հարկերի շափաղանց շատության պատճառով զայրացած ուամիկ ժողովուրդը իր վրեժը առնում է քաղաքագլխից—ժողովուրդը հարձակվում է քաղաքագլխին բնակարանի վրա, նպատակ ունենալով սպանել թե քաղաքագլխին և թե կոտորել նրա ամբող ընտանիքը: Քաղաքագլուխը և նրա ընտանիքը կարողանում են փախչել, իսկ ժողովուրդը ստիպված է լինում յուր վրեժը առնել նրա բնակարանից և բնակարանի մեջ եղած կահկարասիքից ու իրերից.— բնակարանը ամբողջապես քարուքանդ են անում, իսկ բնակարանի մեջ եղած կահկարասիքը և զանազան իրերը կողոպտում...»¹:

¹ Systematisch-alphabetischer Hauptkatalog der Königlichen Universitätsbibliothek zu Tübingen. M. Handschriften. a) Orientalische. XIII. Verzeichnis der armenischen Handschriften der Königlichen Universitäts bibliothek, von Frauuz-Nikolans Finen und Levon Gjanduschetian, Tübingen, 1907, էջ 5, հմմ. 1. Մելիքսեր-Բեկ, «Ե. Հայաստանը 1938, Խ 12, Նոյնի՝ Արմիվային նյութեր Թիֆլիսի համբարների «ելույթի» պատմության համար, Թրիլիսի, 1947, էջ 3, ծան. 2:

Հ Ա Վ Ե Լ Վ Ե Ծ

(Աղեքսանդր Երիցյան, Քաջբերունի)

XIX դարի հայ գրականության տեսությունը, մեզ գրակեցնող խնդրի տեսակետից, իհարկե, լրիվ չեր լինի, եթե մենք այդ տեսությունը սահմանափակենք միմիայն դեղարվաստական գրականության հիմնական ժանրերով և աշքաթող անեինք պատմագրությունը կամ, ավելի ճիշտն ասած, պատմագրության այն օժանդակ բնագավառը, որը հնագրության-էպիգրաֆիկային է վերաբերում:

Այսպիսով, եթե մեր այս աշխատության ա. գրքի IV գլխին (*«XIX դարի 50—60-ական թվականների գրական գեմքերը»*) մենք կցուցինք «Հավելված», ուր քննության առանք Սարգիս Զալալյանի «Ճանապարհորդություն ի Մեծն Հայս» գրքի Բ. Հատորի համապատասխան մասը, այսուհետ ևս՝ VI գլխին (*«XIX դարի երկրորդ կեսի, գարավերջի և XX դ. սկզբների գրական գեմքերը»*) նպատակահարմար ենք դտնում կցել մի այլ «Հավելված», ուր քննության են առնված Աղեքսանդր Երիցյանի և Գարբիկ Տեր-Հովհաննիսյանի—Քաջբերունունմանօրինակ գործերը:

* * *

Աղեքսանդր Դավթի Երիցյանը (1841—1902) հայտնի է իրեն կովկասագետ, հայագետ և հնագետ:

Աղեքսանդր Երիցյանն իր ամբողջ կյանքը անց է կացրել Բիթլիսում: Նա Թիֆլիսի առաջին արական գիմնազիայի շրջանավարտն է, որտեղ սովորել են Ն. Բարաթաշվիլին, Գ. Սունդուկյանը, Իլիա Ճավճավածեն, Ակակի Շերեթելին, Պ. Մելիքիշվիլին, Հ. Մանանդյանը, իվ. Զավախիշվիլին և շատ ուրիշներ:

Երկար տարիներ ծառայել է պետական այլևայլ հաստա-

տություններում, մասնակցել է ժամանակի գրեթե բոլոր աշքի ընկնդ հնագիտական միջոցառումներին և, մասնավորապես, եղել է 1872—1873 թվականներին Թիֆլիսում հրատարակվող «Կավказская старина» անունով պատմա-հնագիտական-ազգագրական և բիրլիոգրաֆիկ ժուռնալի խմբագիր, նաև «Акты Кавказской Археографической Комиссии» սերիայի աշխատակից, Մոսկվայի հնագիտական ընկերության կովկայան բաժանմունքի հիմնադիր-անդամներից մեկը (1901)¹: Սրանցից առաջինում Ա. Երիցյանին աշխատակցել են ժամանակի հայտնի վրացագետներ Ռափիկը Էրիսթավին (1824—1901) և Դիմիտրի Բաբեածեն (1828—1890):

Միաժամանակ, Ա. Երիցյանը եղել է աշխատակից «Վաճառական» և «Փորձ» ամսագրերի ու «Արձագանք» շաբաթաթերթի:

Ա. Երիցյանի գրչին են պատկանում բազմաթիվ աշխատություններ հայերեն (և ռուսերեն) լեզվով, որոնք լիովին թե մասամբ վերաբերում են Վրաստանի և վիրահայոց անցյալին. օրինակ՝ «Ամենայն հայոց կաթողիկոսությունը և Կովկասի հայք», ա. և բ. Հատորները (Թիֆլիս, 1894 և 1895) «Թիֆլիսի Ներսիսյան դպրոցի 75-ամյա պատմությունը» (Թիֆլիս, 1899), «Թիֆլիսի Հայք և նոցա վիճակագրությունը» («Փորձ», 1879, № 10, էջ 1—35), «Վրաց թագավորական տան վերջին շառավիղը» («Արձագանք», 1882, № 12, էջ 177—180)²:

* * *

Գարբիկը Տեղ-Հովհաննիսյան, կեղծանունով՝ Քաջբերումին (1837—1920)³ դա «Հյուսիսափայլ»-ի երեմնի աշխատակից և

¹ Այս բաժանմունքը մեծ դորձ կատարեց Կովկասի և, մասնավորապես, Վրաստանի և Հայաստանի ուսումնասիրության գծով: Նրա առաջին և երկրամայա նախագահն էր հայտնի Կովկասագետ-լեզվաբան Լ. Գ. Լոպատինսկին (1842—1922), որին մինչև բաժանմունքի լիկվիդացիան (1926) հաջորդեց տողերին զրոյք:

² Նույնը վրացերեն թարգմանությամբ՝ «Գրուբա», 1882, № 120 և № 127: Շառավիղը՝ Ալեքսանդր արքայանի այրի Մարիամ Մահակի Մելիք-Աղամալյանն է (1808—1882), որը թաղվեց Թիֆլիսի Վանքի մայր եկեղեցում հյուսիսային պատին կից, ըստ վրացական տրադիցիայի:

«Տեր Սարգիս» անավարտ վեպի հեղինակն է, որին Մ. Նալբանդյանը «Հայկական Գողթ» էր անվանել:

Սակայն Քաջբերունու գրական ժառանգությունից մեզ համար նշանակալից են նրա հայերեն վիմագրությունների ընթերցումները, ի միջի այլոց, Ստորին Քարթիում կամ, որ նույնն է, Սոմբիթում, Հատկապես Սամշվիլդեյում, Շուլավերում և նրանց շրջակայքում, որ ամփոփված են նրա «Ճանապարհորդական յիշատակարան»-ում («Արձագանք», 1884, № 41, 42):

ՀՍՏՈՒԿ ԳՐԱԿԱՆՈՒԹՅՈՒՆ ՎՐԱՅԵՐԵՆ

Ա. ԵՐԻՑՅԱՆԻ ՎՐԱՅ ԳՐԱԿԱՆՈՒԹՅՈՒՆ ՄԵԶ

ա. Թարգմանություն Ա. Երիցյանի գործերից

1. Վրաց թաղաղորական տան վերջին շառավիղը. «Դրուերա», 1882, № 26, էջ 1—3, № 27, էջ 1—2;

բ. Գրականություն նրա մասին

«Դրուերա», 1873, № 11:

«Դրուերա», 1879, № 228:

«Դրուերա», 1882, № 143 և № 145:

է. Թաղաղվիլու «Հուշերը». «Մնաթորի», 1959, № 7, էջ 169:

ՀԱՅՈՅ ՊԱՐԲԵՐԱԿԱՆ ՄԱՄՈՒԼԸ ՎՐԱՍՏԱՆՈՒՄ
XIX ԴԱՐՈՒՄ

«Հայ գրովները և Վրաստանը» գործում նյութը սպառված չի կարելի համարել, եթե մի տեսակ հաշիվ չներկայացվի հայոց պարբերական մամուլի կացության մասին Վրաստանում:

Քանի որ մեր աշխատության ներկա՝ առաջին գիրքը սահմանափակվում է հիմնականում միմիայն XIX դարով, մենք նպաստակահարմար ենք համարում կցել նրան՝ իբրև «Հավելված», համառոտ տեսություն հայոց պարբերական մամուլի՝ Վրաստանում, XIX դարում:

Այս լրացուցիչ գլուխը գրելիս մենք զեկավարվել ենք հրապարակի վրա եղած այսպես կոչված «տեղեկատու» գրականությամբ, որոնք են.

1. Գարեգին Ալոնյան, Հայոց պարբերական մամուլը. պատմական տեսություն սկզբից մինչև մեր օրերը (1794—1894), Ալեքսանդրապոլ, 1895:

2. Նույնը, Հայոց պարբերական մամուլը, լիակատար ցուցակ հայ լրագրության սկզբից մինչև մեր օրերը (1794—1934), Երևան, 1934:

3. Հ. Ռափայել Կարապետյան, Լիակատար ցուցակ հայերեն լրագիրներու, որոնք կգտնվին Մխիթարյան մատենադարանին մեջ ի Վիեննա, 1794—1921 [«Աղգային Մատենադարան», ձգ], Վիեննա, 1924:

4. Հովհաննես Պետրոսյան, Հայ պարբերական մամուլի բիբլիոգրաֆիան (1794—1900), Երևան, 1956:

* * *

Ստորև մենք տալիս ենք Վրաստանում XIX դարում հրատարակված հայ պարբերականների ցանկը, նշելով յուրաքան-

Հյուր զեպքում պարբերականի անունը, որպիսությունը (ամսագիր, շաբաթաթերթ, լրագիր, տարեգիր), խմբագիրների աղքանունները և հրատարակության տեղողությունը: Քանի որ բոլոր պարբերականները գրեթե անխտիր (մի բացառությամբ) թիֆլիսումն են հրատարակվել, ուստի և հրատարակության տեղը (թիֆլիս) չենք նշում¹:

— «Կովկաս», շաբաթաթերթ, խմբագիրներ՝ Հակոբ-Կարենյան և Միքայել Պատկանյան, 1846—1847:

Հ. Պետրոսյան, Հիշյալ աշխատությունը, էջ 132—133:

— «Արարատ», շաբաթաթերթ, խմբագիր՝ Գաբրիել Տաճ. Պատկանյան, 1850—1851:

Հ. Պետրոսյան, 137—140:

— «Մեղու Հայաստանի», շաբաթաթերթ, լրագիր, նորից շաբաթաթերթ, խմբագիր՝ Ստեփանոս Տաճ. Մանդինյանց, 1858—1886:

Հ. Պետրոսյան, 251—256 (թերի):

— «Կոռնկ Հայոց աշխարհի», ամսագիր, խմբագիր՝ Մարկոս Աղաբեկյան, 1860—1863:

Հ. Պետրոսյան, 260—265:

— «Հայկական աշխարհ», ամսագիր, խմբագիր՝ Խորեն Վրդ. Ստեփանե, 1864—1871, 1876:

Հ. Պետրոսյան, 296—300:

— «Գարուն», ամսագիր, խմբագիր՝ Ստեփանոս ա. Բ. Մանդինյանց, 1866:

Հ. Պետրոսյան, 301—302:

— «Վաճառական», շաբաթաթերթ, խմբագիր՝ Գեորգ Տեր-Ալեքսանդրյան, 1866—1867:

Հ. Պետրոսյան, 306—307:

— «Մշակ», շաբաթաթերթ, լրագիր, խմբագիր՝ Գրիգոր Արծունի (1872—1892), Ալեքսանդր Քալանքար (1892—1913), Համբարձում Առաքելյան (1913—1918), Լևոն Քալանքար (1918—1920), 1872—1920:

Հ. Պետրոսյան, 354—355:

— «Տոմար ընտանեկան», տարեգիր, խմբագիր՝ Մըրունի

¹ Հմմ. Արտ. Կարինյան, Հայ պարբերական մամուլը Թիֆլիսում, «Առվետական Վրաստան», 1958, № 243:

Երիցյան, 1874:

Հ. Պետրոսյան, 364:

— «Փորձ», ամսագիր, խմբագիր՝ Արքար Հովհաննիսյան, 1876—1881:

Հ. Պետրոսյան, 368—374:

— «Մանկավարժական թերթ», ամսագիր, խմբագիր՝ Հակոբ Տեր-Հովհաննիսյան, 1878—1879:

Հ. Պետրոսյան, 375—377:

— «Աշխատանք», շաբաթաթերթ, խմբագիր՝ Գրիգոր Տեր-Մելիքսեղեկյան, 1880—1882:

Հ. Պետրոսյան, 379:

— «Գործ», ամսագիր, խմբագիր՝ Սիմեոն Հայումյան, 1882—1884:

Հ. Պետրոսյան, 424—426:

— «Վարժարան», ամսագիր, խմբագիր՝ Նիկողայոս Խոսրովյան, 1882—1884:

Հ. Պետրոսյան, 426—429:

— «Արձագանք», շաբաթաթերթ, խմբագիր՝ Արքար Հովհաննիսյան, 1882—1898:

Հ. Պետրոսյան, 390—424:

— «Աղբյուր», ամսագիր, խմբագիր՝ Տիգրան Նազարյան, 1883—1918:

Հ. Պետրոսյան, 429—455(457):

— «Մանկավարժանոց», ամսագիր, Թիֆլիս—Ախալցխա—Թիֆլիս—Պետերբուրգ, խմբագիր՝ Խորեն Ճ. Վրդ. Ստեփանե, 1884—1886(1887):

Հ. Պետրոսյան, 480—483:

— «Նոր-Դար», լրագիր, խմբագիր՝ Սպանդար Սպանդարյան, 1884—1907:

Հ. Պետրոսյան, 483—484:

— «Մուրճ», ամսագիր, խմբագիր՝ Ավետիք Արասխանյան, 1889—1907:

Հ. Պետրոսյան, 568—598(615):

— «Տարագ», ամսագիր, խմբագիր՝ Տիգրան Նազարյան, 1890—1919:

- Հ. Պետրոսյան, 617—630:
— «Թատրոն», վեցամսյա հանդես, խմբագիր՝ Ալեքսանդր
Թարխանյան, 1893—1894(1905):
- Հ. Պետրոսյան, 637—641:
— «Հորիզոն», տարեգիր, խմբագիր՝ Փիլիպպոս Վարդա-
պարյան, 1894:
- Հ. Պետրոսյան, 641—642:
«Լումայ», ամսագիր, խմբագիր՝ Գյուտ ա. թ. Աղանյան,
1896—1911:
- Հ. Պետրոսյան, 652—656(669):
— «Ազգագրական հանդես», տարեգիր, խմբագիր՝ Երվանդ
Լալայան, 1897—1917:
- Հ. Պետրոսյան, 645—651:

ԲՈՎԱՆԴԱԿՈՒԹՅՈՒՆ

	էջ
Երկու խոսք	5
Ներածության փոխարեն	7
Աշուղներ	12
Գեորգ Խուբով (1762—1829)	14
Սերովի Պատկանյան (1760—1837)	15
Մանվել Կյումոչխանեցի (1768—1843)	16
Հարություն Ալամդարյան (1796—1834)	17
Մեսրոպ Բաղիաղյան (1803—1858)	18
Խաչատոր Արովյան (1805—1848)	25
Գալուստ Շեմազանյան (մոռ 1810—1891)	74
Մտեփանոս Նազարյան (1814—1879)	96
Միքայել Նալբանդյան (1829—1866)	102
Գեորգ Արովյան (1837—1866)	108
Միքայել, Գարբիել և Քերովի Պատկանյաններ	118
Ռափայել Պատկանյան (1830—1892)	120
Մմրատ Շահազիզ (1841—1907)	125
Գեորգ Գողիսյան (1837—1907)	127
Գեորգ Ախմետյան (1818—1861)	131
Թիֆլիսի և նրա կենցաղի թեմատիկան վաթունական թվականների հայ գրողների երկերում (Ստ. Բաստամյան, Գ. Տեր-Ազեր-սանդրյան, Գ. Խատիսյան, Ն. Փուղինյան, բժիշկ Մ. Տեր-Գրիգորյան և այլն)	134
Հավելված (Սարգիս Զալալյան)	141
Գրիգոր Արծոնի (1845—1892)	143
Բաֆֆի (1835—1888)	145
Պերճ Պողոցյան (1837—1907)	183
Գարբիել Սունդուկյան (1825—1912)	205
Մուրացան (1854—1908)	244
Ղազարոս Աղայան (1840—1911)	253
Թարավերչի Թիֆլիսաբնակ արձակագիր և թատերագիր-սիրողներ	264
Հավելված (Աղեքսանդր Երիցյան, Քաջբերունի)	272
Հայոց պարբերական մամուլը Վրաստանում XXI դարում	275

ԱԵԽՆ ՄԵԼԻՄՈՒՅԹԻ ՄԵԼԻՄՈՒՅԹ-ԹԵՂ

Леон Меликсович Меликет-Бек

ՀԱՅ ԳՐՈՂՆԵՐԸ ԵՎ ՎՐԱՍՏԱՆԸ

Տպագրվում է Հայկական ՍՍՌ ԳԱ Մ. Արքդյանի անվան գրականության
ինստիտուտի գիտական խուսիցի հանձնարարությամբ

Պատ. խմբագիր՝ Տ. Ա. Կարապետյան
Հրատ. խմբագիր՝ Ա. Ա. Հովհաննես
Նկարչական ձևափորությ՝ Ա. Հ. Յուրովյանի
Տեխ. խմբագիր՝ Հ. Լ. Գորշյան
Մրրազրից՝ Ա. Ա. Սարաֆյան

Վֆ 06583, Հրատ. № 2328, ԽՀԽ № 862, պատվիր 107, տպաքանակ 1000.

Հանձնված է արտադրության 15/X 1963 թ.:


Ստորագրված է տպագրության 10/IV 1964 թ.:


Տպագրական 17,5 մամուլ, հրատարակչական 12,36 մամուլ:

$\beta_{\text{nuq}} \approx 84 \times 10^8 / 32$: Գինը կազմով 1 ոոր.:

Հայկական ՍՍՌ գիտությունների ակադեմիայի հրատարակության
էջմիածնի տպարան







ԳԱԱ Հիմնարար Գիտ. Գրադ.



220034705

A 11
34705